


2



1112



SACERDOS CHRISTIANVS,

SEV

AD VITAM SACERDOTALEM
piè instituendam Manuduçtio.

*In qua quicquid ad Christiani Sacerdotis mores, &
actus debite componendos, iuxta Sacrorum Ca-
nonum normam, & Sanctorum Patrum
doctrinam requiritur; breuiter, ac di-
lucide, & quammaximè ad
praxim accommodatè
proponitur.*

Authore M. LVDOVICO ABELLY,
Sacerdote Parisiensi, & in sa-
cra Theologiæ Facul-
tate Doctore.



R O M Æ,

Sumptibus Guillelmi Hallé sub signo
Salamandræ regię.

Typis Francisci Alberti Tani, M.DC.LVIII.

Superiorum Permissu.

*Amst. in magdalen
urbij*

**Sacerdotes tui, Domine, induantur iustitiam ;
& Sancti tui exultent. Psalm. 131.**

**Hi sunt serui tui, fratres mei ; filii tui, Domini
mei : quibus & voce, & corde, & litteris
seruio. *August. lib. 9. confess. cap. 13.***

**Nec prerogatiuam mihi met scientiæ, si hæc
meis confacerdotibus charitatis intuitu
prærogem, vendicabo ; aut vitæ perfectæ
me esse fatebor, cum de vita perfectâ alios
moneo : Sed potius vt cum hæc ad illos lo-
qui audeo, simul cum illis quæ loquor audiã.
*Ambros. lib. de sacerdot. dignit. cap. 1.***



SANCTISSIMO PATRI
ET DOMINO N. D.
ALEXANDRO VII.
PONTIFICI MAXIMO.



ACERDOTEM
Christianum
ad oscula pe-
dum Sancti-
tatis tuę si-
sto, BEATIS-
SIME PATER,

*idque eo confidentius, quo non
sine peculiari diuina providen-
tia nutu, Illustrissimum ater-
naque memoria dignissimum
Franciscum Salesium Gebennē-
sem quondam Episcopum Du-
cem nactus est; eiusq; auspicijs,
ac veluti manuductione, iter si-
bi propositum emetiri statuit.
Et certè, nisi tanti viri merita
intercederent, fateor illum te-*

nuitatis suæ sibi conscium nus-
 quam ausurum fuisse, non modo
 Sanctuarium Apostolicum in-
 gredi, sed nequidē eius intueri
 limina: deterruisset quippe ful-
 gor Supremæ illius potestatis,
 quā uniuersus Orbis reueretur,
 propiusq; accedere prohibuisset.
 Sed conceptū ex reuerentia tre-
 morē aliqua ex parte repressit,
 animumq; addidit, Optimi illius
 & piissimi Præsulis vox; quādo
 illum, quem Sacerdotum mini-
 mus tanquam Maximum inter
 Pontifices, adeoq; Supremum to-
 tius Ecclesiæ Catholicæ verticē
 suspiciebat, etiā veluti omnium
 Ecclesiarum patrem amantissi-
 mū pariter & amatissimū agno-
 scendum, & fidenter, ipso præse-
 nte, ad eundem esse monuit. Qua-
 re iā propriæ pusillitatis oblitus
 ad pedes Sanctitatis tuę prouol-
 uitur, & veluti Optimo Patri,
 humillimus filius, omnē institu-
 tionis suæ rationē exponit, tuæ-
 que Apostolicæ auctoritati,
 quanta

Ep. ad
 Clem.
 VIII.

quanta maxima potest sui demissione, subiicit: in qua quidem institutione, præter id quod correctione indiget, nihil à me ipsi suggestum ex meo est: quin fateor omnia propè, quæ in hoc opusculo recensentur, collecta esse, vel potius selecta ex ijs, quæ in plurimis regni huius Christianissimi locis, Illustrissimorum Præsulum vigilantia & sollicitudine fieri perspexi, tum in sacris Ordinationibus, tum in quotidianis Seminariorum exercitijs, tum etiam in varijs collationibus inter viros Ecclesiasticos haberi solitis, quibus ipse à pluribus annis non modo sæpius adfui, sed & interfui, ipsorumq; Præsulum nutibus obsequens, operam meam utcūq; præbui: unde cū copiosa satis rerū Ecclesiasticarum materia suppeditaret, anxiusque hærerem, qua ratione, quoque ordine digerenda foret, manū auxiliatricem obtulit supra laudatus, & semper laudandus

*Gebennensis Antistes, hancque
iniecit mentem, ut, quod ille in
Philothea sua ad verā cuiusli-
bet Christiani pietatem excitā-
dam & promouendam perfec-
rat, hoc in Christiani Sacerdotis
institutione praestare: quod qui-
dem, quātum in me fuit, exequi
aggressus sum; & ijsdē, quibus
ille, vestigijs insistere, eadē via
procedere, mihi propositum fuit.*

*Accipe igitur, SANCTISSIME
PATER, vel potius ad infirmos
thrōni tui Apostolici gradus de-
poni permitte, Sacerdotale hoc
spicilegium, illius inclyti Præ-
sulis veluti manu compositum,
delectumq; ex agro Gallicano,
qui non minima Ecclesiæ Chri-
sti portio est: in quo quidē, quā-
uis aspirante gratiæ cœlestis au-
ra, plurimi reperiuntur Operarij
Euangelici, Prælatorum suorum
virtute, doctrina, sapientia insi-
gnium, verbis docti, exemplis
stimulati, & ad omnia munera
Ecclesiastica debitè peragenda*

sem-

*semper & ubiq; paratissimi: tā-
ta tamen animarū segetes un-
dequaq; exuberant, tot circum-
quaq; villa, castella, urbes, imò,
& regiones albescunt ad messē,
ut licet numerosissimi existāt,
pauci tamen adhuc aestimentur
adeoque si unquā, certe hoc ma-
xime tempore Dominus messis
obnixè rogandus sit, ut mittat
operarios in messē suam. Quod
dū omnes diuinæ gloriæ propa-
ganda studiosi, feruidis assiduisq;
precibus obtinere nituntur, Tu
interim, SANCTISSIME PATER,
qui Dei præpotentis in hoc in-
feriori orbe vices gerens: omniū
circumfers Ecclesiarum sollici-
tudinem: quiq; tot populi Chri-
stiani votis expetitus, tanto v.
niuersorū & singulorum plausu
& gaudio exceptus, veluti beni-
gnū quoddam sydus, in ipso tuo
exortu pacem, serenitatēq; Ec-
clesiæ Catholicæ tam diuturnis,
seuisque tempestatibus iactata
portendere visus es. Tu, inquā,*

*inter alias hereditatis Christi
partes, quarum custodia tanto
zelo inuigilas, Christianissimū
hoc regnum paterna charitate
complecti, Apostolicisq; bene-
dictionibus cumulare nō desines:
sūmaq; tua auctoritate, ac Pa-
storali prouidentia operam da-
bis, ut (quod iam à te feliciter
inchoatum est) ex hac Christi
vineæ, errorum qui succreuerūt,
labrusca reliquæ radicitus con-
uellantur, veraq; & Apostolica
fides, ac solida pietas magis, ma-
gisque in animis fidelium stabi-
liantur, ac roborentur: quod ut
cœlesti gratia suffultus perfice-
re valeas, uniuersāq; Christi Ec-
clesiā ad multos annos sanctis-
simè regere, summis & imis vo-
tis à Deo quotidie in sacro alta-
ri suppliciter exposcit.*

SANCTITATIS TVAE.

**Humillimus, deuotissimus, & obse-
quentissimus seruus**

Ludouicus Abelly indignus. Sacerdos.

PRAE-



PRAEFATIO,

In qua Authoris consilium, Operis ratio, & ordo, multiplex, que fructus ex eo colligendus proponitur.

QUANTVM Ecclesiae Catholicae interfit, ut tales in eius ministerio Sacerdotes reperiantur, quales sacrarum Sanctionum norma praescribit, hinc patet, non modò quòd illis *concredite sint spirituales parturigines* (ut loquitur S. Chrysostomus) ac etiam ipsius Baptismatis partus à Deo commissus: neq; solum quod (ut ibidem subdit) per eos Christum induamus, vna cum Dei Filio sepeliāmur, & beati illius capitis membra efficiāmur: Aut quod ipsis peccatorum condonandorum authori-

Lib. 1.
de Sa-
cerd.
89.

tas, ac (vt idem dicit) *omnium rerum cœlestium potestas à Deo concessa sit, omneque Iudicium à Dei filio illis traditum: proindeque sine his, neque salutis, neque promissorum honorum compotes fieri possimus. Sed præsertim quod (vt ait S. Prosper) ipsi veluti columnæ sint firmissimæ, quibus in Christo fundatis innititur omnis multitudo credentiũ: ex quo fit, vt vel vno illorum corruente, aut in vera pietate vacillante, periclitetur plurimarum animarum salus, & ipsa interdum Religio, ac fides detrimenta grauissima inde accipiat.*

Quare præcipua hæc olim sacrorum Præsulum cura fuit, & etiam nunc est, vt non nisi maxime idonei, ad hoc diuinũ Sacerdotij ministerium, eueherentur; & qui euecti forent, vitam illius sanctitate dignam ducere, seque verbo, & exemplo cunctis fidelibus magistros ac duces, ad vir-

tutē præbere sedulò eniterētur.

Cū verò ad id plurima, & saluberrima media fuerint olim adhibita, & etiam nunc adhibeantur: tum maximè libri de sacerdotij Christiani dignitate, sanctimonia, muneribus, obligationibusque conscripti, velut assidui commonitores, ipsis sacerdotibus ad virtutis studium amplectendum excitandis, & in eo prouehendis, maximè contulerunt.

Et quidem cū inter antiquorum Patrum lucubrationes, plurima, eaque saluberrima documenta super hac re sparsim reperiantur: non defuerunt etiam inter illos plerique, qui opera integra ex professo in hunc finē ediderūt, qualia sunt SS. Dionysij, de *Hierarchia Ecclesiastica*, Cypriani, de *singularitate clericorum*: Ambrosij, de *sacerdotali dignitate*: Chrysostomi, de *Sacerdotio*: Prosperi, de *vita contemplatiua, & actiua*: Eiusdem, de

dignitate Sacerdotij, de fuga di-
gnitatũ Ecclesiasticarũ, &c. Ger-
mani Cõstãtinopolitani, de theo-
ria rerum Ecclesiasticarum
Gregorij, *Pastorale*: Bernardi,
de consideratione; cum decla-
mationibus eiusdem: quibus
meritò adiungi potest Hiero-
nymi *Epistola ad Nepotianum*,
cuius Sacerdoti & Clerico lectu
dignissima; vt omittamus hic
plurimas Summorum Pontificũ
Decretales, Conciliorumq; tum
Generalium, tum Provincialiũ
Sanctiones super disciplina cle-
ricali editas, quæ ipsius Canoni-
ci Iuris maximam propè partem
efficiunt.

Sanè his nouissimis tempori-
bus, benigniori cœlestis gratiæ
aura aspirante, plures magni no-
minis scriptores, veteres illos
piè æmulati, variis, iisq; perutili-
bus scriptis, spiritũ hũc sacerdo-
talem paulisper sopitum veluti
denuo excitare, cunctosq; sacro
ministerio mancipatos ad per-
fe-

fectionem status sui consecranda, quasi nouis stimulis additis prouocare studuerunt: inter quos R. P. Molina Carthusiensis eximium opus *de dignitate sacerdotum*, totius ferme Cleri Christiani suffragijs & votis approbatum, in Ecclesiæ penû intulit.

Reuerendus etiã Pater Metzellus congregationis Oratorij Iesu Christi presbyter, pijssimũ æquẽ ac eruditissimum librum *de sanctitate sacerdotij* publica luce donauit.

Illustrissimus item Præsul D. Franciscus Hallier domus Sorbonicę Doctor, & sacre Theologię Regius Exprofessor, à laboribus ob Ecclesię fideiq; defensionẽ susceptis immortalis memoria dignus, opere præclarissimo *de sacris Electionibus, & Ordinationibus* edito, Ecclesiam exornauit, simul & cõmuniuit.

Notissimus est præterea liber *de sanctimonialia Clericorum*: cuius iam duo eximia opuscula, *de sin-*

singularitate unius beneficii Ecclesiastici: & de residentia Pastorum, in lucem prodierunt, quæ authoris sui tum eruditionem, tum præcipuum in tuenda disciplina Ecclesiastica zelum ubique spirant.

Septem etiam tubæ Sacerdotes ad instaurandam Ecclesiasticam pietatem, vitiaque opposita debellanda, denuò classicum hoc tempore insonuerunt, sedulitate, ac opera strenuorum quorundam sacerdotum, & in isto belli genere expertissimorum.

Sed inter omnes (quod sine cuiusquam invidia dictum sit) præminet Illustrissimus, ac Reuerendissimus Dominus D. Andreas de Saussay Episcopus Tullensis, qui inter plurima, eaque per insignia pietatis ac eruditionis suæ monumenta, quibus Ecclesiasticæ Hierarchiæ splendor illustravit, Panopliam suam, tum Clericalem, tum Sacerdotalem, tum Episcopalem, velut mysticam,

al-

alteram turrin Dauldicam in
medijs Christi Domini castris
excitauit, ex qua nimirum pen-
dent mille clypei, omnis arma-
tura fortium. - De quo quid em
opere, vt reliqua omnia file a-
mus, hoc solum hic attexere li-
ceat, ipso Apostolico ore lauda-
tum fuisse, & ex eadem illa san-
ctissima Sede, vnde veritatis o-
raculâ exeunt; Panopliæ huius
præconia promanasse: ex quo
quilibet Sacerdos intelligere
potest, quanti facere debeat id,
quod ipse Sacerdotum Prin-
ceps & Pater tanti æstimare vo-
luit.

Prodiit etiã nuperrimè liber
hoc inscriptus titulo (*Medita-
tiones super præcipuis veritati-
bus tum Christianis, tum Eccle-
siasticis, &c.*) authore M. Mat-
thæo Beuuelet Sacerdote Semi-
narij sancti Nicolai de Cardi-
neto Parisijs; cuius quidē quāta
futura sit vtilitas, testatur vel
vnanimis ipse piorum Ecclesia-
si-

sticorum consensus & affectus,
quoad usum omnium prope no-
stræ Galliæ Seminariorum ex-
ceptus est.

Nèque vero vlli dubium est,
quin hi supra relati, & plerique
alij eiusmodi libri, ad promouē-
dam Sacerdotū Christi religio-
nem, pietatemque maximè con-
ducere possint; plurimique ac
saluberrimi ex ijs fructus, in vni-
uersū Ecclesiæ Clerū deriuētur.

Verū salua tantis authoribus
debita reuerentia, dicere liceat
pauca adhuc ista esse, pro subie-
cti adeo sublimis, excelsi, diui-
ni dignitate, cui nulla eloquiij
copia, nulla ingenij, fœlicitas,
nulla eruditionis vbertas vn-
quam satis esse possit.

Quare tantum abest, vt tot-
tamq; eximiis lucubrationibus,
ab hoc opusculo in lucem eden-
do illius author deterritus sit;
quin potius vel ea ratione, ad
hoc ipsum præstādum excitatus
est; vt ij, quibus libuerit, ex eius

le-

lectione intelligāt, quot & quā-
ta adhuc super hac re dicenda
superfint, neq; enim propositum
illi fuit ea repetere, quæ ab alijs
copiosissimè, eruditissimè, & cū
maximo pietatis sensū expressa
sunt; sed alia quædam ex sacris
Canonibus & sanctis Patribus
excerpta, per modum compen-
dij adnotare, quæ ad vitam Sa-
cerdotalem piè instituendam,
in ijs maximè quæ ad praxim
spectant, apta & ytilia esse di-
gnoscuntur.

Quæ quidem cū plurima, ea-
que maximè diuersa esse aduer-
teret; neq; satis perspiceret, qua
ratione, quoue ordine, tanta re-
rum dicendarum copia in bre-
uiculū aliquod ita redigeretur,
vt & perspicuè, ac distinctè om-
nia explicarentur, nihilq; tamen
omitteretur eorum quæ ad pro-
positum facerēt: *incidit illi bo-
num consiliū*, scilicet, vt quod
non ita pridem Illustrissimus ac
dilectus Deo & hominibus, cuius

memoria in benedictione est,
Franciscus Salesius Episcopus
Gebennensis, communis Chri-
stianorum deuotionis ac virtu-
tis promouendę gratia fœlici-
ter expressebat, in aureo illo, ac
gemmeo libello *manuductionis*
ad vitam pię instituendam; hoc
idem ad Sacerdotalem pietatē
excitandam & iuuandam, licet
longe dispari, nec vllatenus cō-
ferendo penicillo, delineandum
sibi proponeret.

Ideoq; tantū viri vestigijs vt-
cūq; inhærendo, & rationem, ac
ordinem præfati libelli conse-
ctando, opus istud in quinque
partes distributū est, in quarum
prima, de primo ad statū Cleri-
calē ingressu, & dispositionibus
ad illum prærequiritis agitur.

In secunda, de præcipuis ordi-
num Ecclesiasticorū, ac præser-
tim Sacerdotij functionibus.

In tertia, de virtutibus illis,
quæ Christianum Sacerdotem
maximē decet.

In

In quarta, de tentationibus quibusdam & periculosis occasionibus, aduersus quas Sacerdos Christianus peculiari studio ac sollicitudine premunire se debet.

In quinta denique proponuntur media quædam & adiumenta Christiano Sacerdoti, tum ad profectum, tum ad perseuerantiam in virtute perutilia.

Quoniam vero ea, quæ super hisce Sacerdotalis disciplinæ capitibus dicenda erant, maximi momenti esse videbantur; ideo nihil ipse author ex proprio ingenio (de cuius exilitate, ac tenuitate satis superque sibi conscius est) afferre voluit; sed omnia & singula, vel ex sacris canonibus, vel ex sanctis Patribus, vel ex Illustrissimorum & piissimorum Præsulû praxi feligere; & selecta quantû potuit breuiter, distinctè ac dilucidè proponere conatus est, aut saltem in votis habuit.

Sic.

Sicq; non immeritò dici potest, huiusce libelli materiam ex illis purissimis fontibus hauitã esse; formam vero, distinctioneque, ac lucem ex præfato Illustrissimo Antistite Gebennensi veluti mutuo fuisse acceptam: à quo nihilominus, quoties occasio sese obtulit, multa & præclara, ad quasdam ministerij Sacerdotalis partes rite obeundas, documenta desumpta sunt, & suo loco aptè reposita.

Atq; ea ratione libellus hic ita dispositus est, vt à quouis Sacerdote faciliùs comparari, cõmodiusq; ad manũ haberi, & circũgestari posset; ex quo tamen velut ex sacro quodam adyto sanctos illos Ecclesiæ patres, de rebus ad ministerium suum pertinentibus secũ colloquentes, prohibito auscultaret.

Quis porrò & quantus ex eo fructus sperari possit, experientia potiùs, & usu ipso, quam vlla alia ratione comprobandum

dum relinquitur. Nullus sane
inficiabitur quotidianam ali-
cuius ex illius capitulis lectionē
cuius Sacerdoti nō nisi peruti-
lem fore, vt sic aliquam muneris
sui partem singulis diebus sibi
in mentem reuocet, meminerit-
que se Christi Sacerdotem ef-
se, actusque suos ac mores,
pro tanti ministerij dignitate,
ac sãctitate sibi esse cōponēdos.

Præterea quando secessum
aliquem quotannis instituere
voluerit, in eodem libello plu-
rima reperire poterit exercitio-
rū spiritaliū adiumenta, præ-
sertim circa meditationes, qua-
rū subiecta conditioni suæ ma-
gis apta & apposita, cōmodiūq;
disposita ibidem reperiet: & si
libuerit pro lectione spiritali
totū hūc libellum percurrere,
(quod fortasse alijs temporibus
per negotia occupationesq; va-
rias non licuit) id ipsi non nisi
maximo solatio & profectui ef-
se poterit.

Ex

Ex eodem etiam libello multa peti possunt, eaq; vtilissima pro ipsis collationibus Ecclesiasticis, quæ varijs in locis Illustrissimorū Episcoporū auctoritate institutæ sunt; imò omnium fere, quæ pietatem Sacerdotale spectat, præcipua capita hic attinguntur, in illis tamē collationibus vberius, ac melius pertractanda.

Deniq; cum in Seminariis Ecclesiasticis crebre fieri soleant spirituales instructiones; plurima in hoc eodem libello ex sanctis Patribus excerpta reperiuntur, quæ fusiùs in illis explicari, & accuratius expendi poterunt.

Faxit Deus Optimus Maximus, vt quod pro illius gloria susceptum est, licet pertenuè, ac nullius fere pretii opusculum; illud tamen, gratia cœlesti aspirante, ad eiusdem gloriæ incrementū conferre queat; & si nihil aliud ex eo expectandū sit, saltem piis & eruditis è clero viris, hanc iniiciat mentem, vt

fos-

foeliciùs, ac meliori pollice ope-
ram impendere velint ad ea per-
tractanda & exscribenda, quæ
Christiani Sacerdotis religionē,
pietatem, sanctimoniam, virtu-
tes, munera, obligationes, alia
que ad eius perfectionem
conducentia quavis
ratione spectare
possunt.



APPRO-

APPROBATIO DOCTORVM.

NOS sacre Facultatis Parisiensis Doctores Sorbonici fidem facimus lectum esse à nobis atque examinatum librum cui titulus est (Sacerdos Christianus, seu ad vitam Sacerdotalem pie instituendam manu-ductio) Authore M. Ludouico Abelly Doctore Theologo, in quo nihil à nobis repertum est, nisi conforme doctrina ac fidei Catholica, ac bonis moribus. Datum in Sorbona die vigesima septima Ianuarij ann. 1656.

M. GRANDIN

LE BLOND.

Imprimatur, si videbitur Reu. P. Mag
Sac. Pal. Apost.

M. A. Oddus Vicesg.

Imprimatur si videbitur. Fr. Vincentius
Guinissius Soc. Reuer. P. Fr. Raymundi
Capisucci Mag. Sac. Pal. Ap. Ord. Præd.

INDEX



I N D E X

PARTIVM, ET CAPITVM huius libri.

PARS PRIMA.

De primo ad statum Clericalem ingressu, & dispositionibus ad illum prærequisitis.

C A P V T I.

- Q**UAE sit status Sacerdotalis excellentia, & dignitas? pag. 1.
2. De dispositionibus ad statum Sacerdotalem prærequisitis, ac primò de vocatione. 7
3. Quid sit vocatio ad statum Sacerdotalem, & qua ratione dignosci possit? 10
4. De illis qui à Deo minime vocati, ad Sacerdotium promoti sunt. 18
5. De spiritu Ecclesiastico. 19
6. De scientia Christiano Sacerdoti necessaria. 25
7. De innocentia vite, vel à Baptismo servata, vel
b per

per poenitentiam reparata, qua ad Sacerdotium
requiritur. 34

8. De rectitudine intentionis ad sacrum Sacerdotij
ministerium dignè suscipiendum requisita. 40

9. De alijs quibusdam ad Ordinum Ecclesiasticorū
Canonicam susceotionem praequisitis. 45

10 Explicantur proxima & immediata dispositio-
nes ad Sacramentum Ordinis dignè recipien-
dum. 50

MEDITATIO I.

De beneficio vocationis ad statum Sacerdotalem,
pag. 58.

2 De scopo & fine vocationis ad statum Sacerdo-
talem. 60

3 De donis & gratijs eximijs statui Sacerdotali
annexis. 62

4 De gravitate peccatorum, qua committuntur à
Sacerdotibus, alijsque personis Ecclesiasticis. 65

5 De morte eorum qui in sacris ministerijs vitam
traduxerunt. 68

6 De ultimo examine & iudicio eorum, qui mu-
neribus Ecclesiasticis functi sunt. 70

7 De luctuosissimo statu Sacerdotum damnato-
rum. 73

8 De coelestis gloria mercede pijs Sacerdotibus prae-
parata. 76

9 De illecebris & vanitatibus mundi contemnen-
dis, & coelestis patria bonis à Christiano Sacer-
dote toto affectu exoptandis. 79

10 De firmo vita Sacerdotalis prae instituenda pro-
posito concipiendo. 81

PARS

PARS SECVNDA.

De præcipuis Ordinum Ecclesiasticorum, ac præsertim Sacerdotij functionibus.

C A P. I.

- | | |
|--|------|
| <i>De functionibus Ecclesiasticis in genere.</i> | 84. |
| 2. <i>De functionibus & officijs Ordinis cuiusque proprijs in particulari.</i> | 88. |
| 3. <i>De studio Orationis, cui Sacerdos præcipuo effectu incumbere tenetur.</i> | 95. |
| 4. <i>De Meditationis, seu orationis mentalis exercitio cuius Sacerdoti pernecessario.</i> | 100. |
| 5. <i>De officio diuino à Sacerdote, alijsq; personis Deo sacris pruatim persoluendo.</i> | 108. |
| 6. <i>De publica diuinorum Officiorum celebratione,</i> | 114. |
| 7. <i>De sacrosancto Missæ Sacrificio.</i> | 120. |
| 8. <i>De Sacramentorum administratione.</i> | 129. |
| 9. <i>De quibusdam obseruandis ad debitam Baptismi administrationem.</i> | 137. |
| 10. <i>De recta dispensatione & administratione sanctissimæ Eucharistiæ.</i> | 142. |
| 11. <i>De ijs quæ à Sacerdote obseruari debent in administrando Pœnitentiæ Sacramento.</i> | 153. |
| 12. <i>De administratione Extreme unctionis.</i> | 162. |
| 13. <i>De Sacramento Matrimonij.</i> | 166. |
| 14. <i>De verbi diuini predicatione.</i> | 170. |
| 15. <i>De Catechistica instructione.</i> | 181. |

PARS TERTIA.

De virtutibus quæ Christianum Sacerdotem maximè decet.

C A P. I.

- De studio perfectionis, cui Sacerdos præcipua cura incumbere debet.* 188
- 2 *De delectu virtutum qua Christianum Sacerdotem maximè decet.* 192
- 3 *De fide qua pollere debet Christianus Sacerdos.* 198
- 4 *De Spe, & confidentia in Deum cui Christi Sacerdos inniti debet.* 202
- 5 *De charitate & dilectione Dei, qua flagrare debet Christianus Sacerdos.* 209
- 6 *De intentione diuina gloria, quam in omnibus Christi Sacerdos spectare debet.* 217
- 7 *De charitate proximi, qua propria est Christiani Sacerdotis.* 222
- 8 *De Mansuetudine à Sacerdote Christiano adhibenda in tolerandis aliorum defectibus.* 231
- 9 *De Eleemosyna alijsque operibus misericordie, quibus Christi Sacerdos incumbere tenetur.* 238
- 10 *De fraterna peccantium correctione à Christiano Sacerdote faciendâ.* 246
- 11 *De zelo, quo Christianus Sacerdos feruere debet.* 253
- 12 *De prudentia Christiano Sacerdoti necessaria.* 261.
- 13 *De modestia, qua Christianum Sacerdotem decet.* 267
- 14 *De castitatis Sacerdot, illis custodia.* 274.
- De

- 15 De Mortificatione Christiano Sacerdoti pernecessaria. 280
 - 16 De patientia virtute à Christiano Sacerdote peculiari studio conſectanda. 286
 - 17 De paupertatis affectu, qui Christiano Sacerdoti maxime competit. 291
 - 18 De humilitate, quam peculiari cura Christianus Sacerdos affectari debet. 299
 - 19 De obedientia Superioribus præpositisque Ecclesiasticis à Christiano Sacerdote deferenda. 305
 - 20 De Imitatione Christi, cui peculiari studio Sacerdos incumbere tenetur. 311
-

P A R S Q V A R T A.

De tentationibus quibusdam, & occasionibus periculosis, aduersus quas Sacerdos Christianus peculiari studio ac sollicitudine præmunire se debet.

C A P. I.

- De tentationibus in genere quibus Sacerdos impetit, earumque remedijs. 318
 - 2 De tentatione ambitionis, præsertim in appetitione beneficiorum, munerumque Ecclesiasticorum. 324
 - 3 De luxu in vestibus, suppellectili, alijsque rebus à Christiano Sacerdote maxime cauendo. 329
 - 4 De vana gloria illecebris à Christiano Sacerdote fugiendis. 334
 - 5 De respectibus humanis à Christiano Sacerdote diuina voluntati posthabendis, 340
- De

- 6 De inordinato propinquorū affectu, quem Christianus Sacerdos compescere debet. 345
- 7 De quibusdam periculosis conuersationibus contubernijq; à Christiano Sacerdote vitādis. 348
- 8 De franda potus cibique in Christiano Sacerdote intemperantia, 355
- 9 De oris, & lingua custodia Christiano Sacerdoti maxime necessaria. 359
- 10 De otiositate à Christiano sacerdote fugiendā. 367.
- 11 De modo cuius Sacerdoti in ludis, & recreationibus tenendo. 371
- 12 De procurationibus rerum secularium alijsque mundi negotiationibus, & curis à Christiano Sacerdote fugiendis. 375.
- 13 De auaritia & cupiditate ab animo Christiani Sacerdotis radicitus extirpanda. 380.
- 14 De quouis scandalo sollicitū precauendo. 384.

P A R S Q V I N T A.

De medijs quibusdam, & adiumentis, quæ Christiano Sacerdoti, tum ad profectum, tū ad perseuerantiam in virtute, maximè cōducere possunt.

C A P. I.

- Quantum intersit Sacerdotem Christianum in vera virtute progredi & perseuerare.* 391
1. Suggestuntur varia media, quibus Christianus Sacerdos in progressu & perseuerantia iuuari poterit: quorum primum est, ordo vitæ, quem sibi ipse prescribere debet. 396.

- 3 Secundum medium ad perseverandum, constans habitus consuraque Ecclesiastica gestatio. 401
- 4 Tertium medium, conuersatio, & contubernium cum ijs, qui vita Ecclesiastica sanctimonia commendabiles se exhibent. 405
- 5 Quartum medium, crebra de rebus Ecclesiasticis collationes. 409
- 6 Quintum medium, frequens ac deuota sanctissima Missa sacrificij celebratio. 414
- 7 Sextum medium, specialis erga sanctissimam Virginem Deiparam deuotio. 419
- 8 Septimum medium, secessus annuus. 423

MEDITATIO I.

- Christus Dominus perfectissimum Sacerdotum exemplar. 431
- 2 Christi Dñi vita, regula vitæ sacerdotalis. 433
- 3 Christi Domini virtutes ab eius Sacerdotibus praesertim coniectanda. 436
- 4 Christi Domini humilitas. 438
- 5 Christi Domini patientia. 442
- 6 Christi Domini obedientia. 444
- 7 Christi Domini paupertas. 447
- 8 Christi Domini castitas. 451
- 9 Christi Domini mortificatio. 455
- 10 Christi Domini modestia. 458
- 11 Christi Domini prudentia. 461
- 12 Christi Domini charitas erga homines. 464
- 13 Christi Domini mansuetudo in tolerandis aliorum defectibus & peccatis. 468
- 14 Opera misericordiae, quæ corpus spectant à Christo Domino perfectissime exercita. 471
- 15 Opera misericordiae spiritualis à Christo Domino in praxim redacta. 474

Christi

- 16 Christi Domini zelus ad procurandam & pre-
mouendam animarum salutem. 477.
- 17 Christi Domini zelus ad propugnandam diui-
nam veritatem. 480.
- 18 Christi Domini amor erga Deum Patrem. 483.
- 19 Christus Dominus sese omniaque sua ad gloriā
Dei Patris sui referens. 486
- 20 Christus Dominus actibus religionis incum-
bens. 489.
- 21 Christus Dominus discipulos suos modum
orandi edocens. 492
- 22 Christus Dominus orationis perfecta conditio-
nes proponens. 495
- 23 Christus Dominus Sacramentorum conficien-
dorum & conferendorum potestatem discipulis
suis tribuens. 497
- 24 Christus Dominus corporis sui Sacramentum
discipulis suis sumendum ac dispensandum tra-
dens. 499.
- 25 Christus Dominus incrementum corporis sui
sacrificium à discipulis suis offerendam insti-
tuens. 502
- 26 Christus Dominus gratia cœlestis mysteria
discipulis suis aperiens. 506
- 27 Christus Dominus ad commanendum in se
discipulos suos inuitans. 509.
- 28 Christus Dominus discipulos suos aduersus
tentationes pramuniens. 512
- 29 Christus Dominus discipulos suos ad perseue-
rantiam adhortans. 519.
- 30 Christi Domini obseruantia & pietas erga san-
ctissimam Virginem Matrem, cuius Sacramenti
imitanda. 518

SACER.



SACERDOS CHRISTIANVS,

SEV

Ad vitam Sacerdotalem pie
instituendam manuctio.

PARS PRIMA.

De primo ad statum clericalem in-
gressu, & dispositionibus ad il-
lum prærequisitis.

CAPVT PRIMVM.

*Qua sit Status Sacerdotalis
excellencia & dignitas?*



DIGNVM est (inquit S. Lib. de
Ambrosius) vt dignitas dignit.
Sacerdotalis prius cogno. Sacer-
scatur à nobis, deinde ser- dot.c 2.
uetur à nobis: vt Psalmographi sententia
A quærit

queat repelli à nobis: homo cum in honore esset, non intellexit; comparatus est iumentis insipientibus, & similis factus est illis.

Quisquis igitur ad montem Domini ascendere, & ad illius usque verticem, Sacerdotium scilicet, perungere cupit, prius apud se perpendat, quæ de illius præcellentia & sublimitate Sancti Patres, quæ ipsamet divina oracula edixerunt: ut quanti ponderis & momenti sit munus illud quod suscipere intendit, perspiciat, & seque ad illud ut par est suscipiendum, & postquam susceperit, exequendum, disponat.

Iib. 3.
de Sa-
cerdot.
cap. 3.

Sacerdotium (inquit S. Chrysostomus) in terris quidem peragitur, sed in rerum celestium classem, ordinemque referendum est: atque id perquam merito, quippe non mortalis quisquam, non Angelus, non Archangelus, non aliqua vis creatura, sed ipse divinus Paracletus ordinem huiusmodi disposuit. Deinde subdit, etenim qui terram incolunt, qui in terra versantur, his commissum est ut ea quæ in cælis sunt dispensent, ijs datum est ut potestatem habeant, quam Deus optimus neque Angelis, neque Archangelis datam esse voluit. Habent quidem & terrestres principes vinculi potestatem, verum corporum solum; id autem quod dico Sacerdotum vinculum, ipsam etiam animam contingit, atque ad cælos usque

peruadit. Et alibi, Sacerdotium est ip-
so etiam regno venerabilius ac maius: ne
mihin arres purpuram, neque diadema,
neque vestes aureas; umbra sunt ista om-
nia, vernisque flosculis leuiora, &c.
Medius stat Sacerdos inter Deum, &
naturam humanam, illinc venientia
beneficia ad nos deferens, nostras peticio-
nes illuc perferens, Dominum iratum
reconcilians, &c.

Homil.
5. in il-
lud Isa.
(in ann.
quo mor-
tuus est
Rex O-
zias.)

Quanto anima corpore prestantior est
(ait S. Clemens) tanto est Sacerdotium
regno excellentius.

Constit.
Apost.
l. 2. c. 34

Isidorus Pelusiota Sacerdotium as-
ferit esse, omnium quae inter homines ex-
petuntur velut extremam metam.

Lib. 2
Ep 71.

S. Ignatius Antiochenus vocat illud
omnium bonorum quae in hominibus sunt
apicem.

Epist. ad
Smyrn.

S. Gregorius Papa Sacerdotes nun-
cupat; primam & nobilissimam mem-
brorum Christi Domini partem.

Lib. 14.
moral.
cap. 16.

Et S. Hieronymus, Absit (inquit)
ut quidquam sinistrum loquar de ijs qui
Christi corpus sacro ore conficiunt, per
quos nos etiam Christiani sumus, qui
claves regni caelorum habentes, ante diem
iudicii iudicant.

Ep. ad
Nepot.

Ipsi sunt Ecclesia decus, (inquit S.
Proper, & ex eo Concilium Parisien-
se) in quibus amplius fulget Ecclesia:
ipsi ianua ciuitatis aeternae, per quos om-
nes qui credunt in Christum, ingredun-

Lib. 2.
de vit.
act. c. 2.

Con. Pa
ris. sub
Ludou.

& Lo-
thar.

Imp. in
prafat.

1. Cor. 3

2. Cor. 5

1. Cor. 4

1. Timo

thei 6.

1. Cor.

11.

Ioan.

15.

Ioã. 20.

Pfal. 81

tur ad Christum : ipsi ianitores quibus
data sunt claves regni caelorum ; ipsi etiã
dispensatores regia domus .

Iam si diuina scripturarum oracu-
la consulamus , occurrer nobis S. A-
postolus , qui Sacerdotes Christi Do-
mini adiutores , pro ipso legatione fungen-
tes , diuinorum mysteriorum dispensato-
res , Dei homines , angelos denique nun-
cupat : & Christus Dominus eisdem
amicos , imò & fratres suos agnoscit .
Quid plura ? Ipse Spiritus Sanctus per
os Psalmographi (quod vix eloqui li-
citurum est) Deos esse affirmat , Deus
(inquit) stetit in Synagoga Decorum , in
medio autem Deos ipse dijudicat : Deos
vtrique non natura , aut essentia , sed
imitatione virtutis , & potestatis parti-
cipatione .

Sed quorsum ista ? ad quid tot &
tam illustria Status Sacerdotalis enco-
mia ? nunquid ad pompam ista pro-
lata esse credendum est ? aut vt inde
Sacerdotes vanitatis auram aliquam
captarent , sibi que de status sui præ-
cellentia & dignitate blandirentur ?
& non potius vt sese in tantam celsi-
tudinẽ eleuatos non sine formidine in-
tuentes , de cauendo præcipitio solli-
citè cogitarent ; sibi que ac suis viribus
diffidentes , Diuinæque solummodo
gratiz innixi , cum timore ac tremore
Inam & aliorum salutem operentur ;

pre-

memores illius effati, quia exiguo facile conceditur misericordia, durissimum verò iudicium his qui præsunt, fiet. Et cui multum datum est, multum quæretur ab eo & cui commendauerunt multum, plus petent ab eo.

Sab. 6.
Luc. 12

Beatus equidem Acepſimas insignis in Oriente Monachus, (ut refert Theodoretus in Philotheo) hunc solum se ordinari presbyterum passus est, cum se breui moriturum præuidisset; afflatus se si diutius victurus fuisset, omnino deuitaturum fuisse graue & terribile onus Sacerdotij, cum pertimesceret reddendam depositi rationem.

cap. 44.

Præclare omnino & appositè S. Augustinus adhuc presbyter, ad Episcopum suum Valerium scribens dicebat, nihil esse quidem in hac vita, & maxime hoc tempore (de suo loquebatur, & potiori adhuc ratione de nostro intelligere possumus) facilius, & latius, & hominibus acceptabilius Episcopi; aut Presbyteri, aut Diaconi officio, si persunctione atque adulatoriū res agatur: sed nihil apud Deum miserius, & tristius, & damabilius. Item nihil esse in hac vita, maxime hoc tempore, difficilius, laboriosius, periculosiusque Episcopi, Presbyteri, aut Diaconi officio: sed apud Deum nihil beatius, si eo modo militeatur, quo noster imperator iubet.

Epist.
148.

Neque verò ista dicta sunt eo fine.

ut hi qui se Deo dicare, eiusque sacris altaribus mancipare exoptant, à proposito deterreantur: sed ut propositum suum attentè perpendentes, illud eo quo decet modo exequantur: id est, ut perspiciat, num vota & desideria sua Diuinæ voluntati concordent? num à Christo Domino selecti & vocati sint, ut inter eius domesticos dinumerentur? Et si ita esse deprehendant, debitas ad diuinum illud munus capeflendum dispositiones afferre curent.

*Serm. I.
ad Cler
in Archi
episcop.
Bonon.*

Philip. I

Etenim qui coelesti vocatione præeunte, gratiæ Diuinæ fideliter coope-
rantes, Dei Sanctuarium ingrediuntur, sicut semper de se humillimè sentire, sic diuinam erga se munificentiam agnoscere debent; neque id oneris aut laboris, sed potius magni privilegi, & inestimabilis erga se liberalitatis loco reputare, ut aiebat Eminentissimus Cardinalis Palæota; ac proinde infinita Dei misericordia spem firmissimam collocare, quod qui cepit in eis opus bonum, ipse perficiet.

CAPVT II.

*De dispositionibus ad Statum
Sacerdotalem prærequisitis,
ac primò de vocatione.*

CVM vt Sacrum Tridentinum, *Sess. 23.*
Concilium edixit, *Diuina res sit cap. 2.*
Sancti Sacerdotij ministerium rationi cõ-
sentaneum est, vt nullus ad illud nisi
conuenienter dispositus accedat. Ne-
que enim *Sanctum dare canibus* licet: *Mat. 23.*
nec margarita ante porcos mittenda sunt;
& Sancta non nisi Sanctis conferri
debent.

Inter alias autem dispositiones ad
Sacerdotium prærequisitas (de qui-
bus postea) vna ex præcipuis, & quã
merito primam omnium dicere possu-
mus, est vocatio Diuina: cui tanquam
primario lapidi rotas perfectionis Sa-
cerdotalis structura innititur; & ex qua
veluti radice, gratiæ reliquæ pro-
deunt; quos enim *vocauit*, inquit Apo-
stolus, *illos & iustificauit*, quos autem *Rom. 8.*
iustificauit, *illos & glorificauit.*

Ex Euangelio quidẽ discimus quod
Christus Dominus, prima Hierarchiæ

Ecclesiasticæ fundamenta disponens ,
 hunc ordinem perpetuò deinceps ser-
 uandum stabilivit ; vt scilicet nemo se
 in eam intruderet , sed vt ipse pro suæ
 voluntatis beneplacito quos veller ,
 Mar. 3. eligeret & vocaret ; vnde testatur
 S. Marcus quod *vocauit ad se quos vo-*
luit , & quosdam quidem Apostolos
 sibi delegit , alios verò designauit di-
 20an. 15 scipulos ; quos postmodum alloquens ,
non vos me elegistis , inquit , *sed ego elegi*
vos , & *posui vos vt autis* , & *fructum af-*
feratis : Ideò scilicet fructum allaturi ,
 quia electi & vocati : aliàs *sine me* (ait
 idem Christus Dominus ,) *nihil pote-*
ris facere : & S. Paulus aperte dicit
 quod *nallus sumit sibi honorem* , *sed quò*
vocatur à Deo tanquam Aaron : Erce-
 rebat si quis perpendere velit , ex vna qui-
 dem parte , naturæ nostræ imbecillita-
 tem & fragilitatem : ex altera verò
 Sacerdotalis dignitatis sublimitatem ,
 & præcellentiam , eique annexas obli-
 gationes , nec non difficultates imple-
 xas , periculosasque tentationes quas
 experiuntur ij qui muneri suo satisfac-
 cere pro virili student ; facile digno-
 scet ; specialissimis gratiæ Diuinæ au-
 xilijs , ad illud implendum opus esse :
 quam porro gratiam expectare debet
 is , qui non vocatus , contra Diuini
 Consilij dispositionem , vltro se in
 Christi Domini Sanctuarium intrusit .
 Nonne

Nonne merito timendum ipsi est, ne
Rex ille cælestis exprobrer, *quomodo*
huc intraſti non habens veſtem nuptialem &
iubeatque illum, ligatis manibus &
pedibus, mitti in tenebras exteriores.

Quis præterea explicet quam grauiſſa
damna, quantas & quam funeſtas cla-
des Eccleſia accipiat ab ijs, qui non
vocati in eius Sacrarium irrumpunt,
& quodammodo Spiritus Sancti gra- *Mat. 23*
tiam vim inferunt? Vnde vt plurimum
prodeunt Hæreſes, emergunt ſcanda-
la, ſubſequentur ſtrages animarum,
detrimenta que Diuini cultus, & alia
mala innumera oboriuntur.

Hoc ſaltem ſerio cogitent, quod ipſi
quoque inſidiantur contra ſanguinem
ſuum, & moliantur fraudes contra
animas ſuas: ſi enim (vt monet Apo-
ſtolorum Princeps *vin iuſtus ſaluabi-*
tur; ſi illi qui à Deo legitimè vocati
ſunt, eiufque gratijs affluenter inſtru- *1. Pet. 2*
cti, vix muneris ſuo ſatisfacere, col-
luctationemque aduerſus principes &
potestates tenebrarum ſuſtinere que-
unt; quid expectare, ſed quid non
timere debent ij, qui ſine vocatione,
ſine gratia, ſine vbiſ auxilijs, ſe in ſa-
crum miniſterium ingerunt.

D. Chryſoſtomus dicit eos, *tanquã* *lib. 1. de*
nanem non ſaburratam, nec armamen- *Sacerd.*
ta inſtructam, in immenſum pelagus *cap. 4*
precipit agere, nihil expenſenſes fluctu-

Serm. 93. de Tem. *um sanctiam & aſperitatem . Et S. Au-
gustinus conſiderans terribilem illam
Diuinæ iuſtitie vindictam erga Corè ,
Dathan , & Abiron , quos hiatu terræ
abſorptos , & viuentes in infernum
detruſos ſacra teſtatur Hiſtoria , hos
(inquit) ideo ipſis euenit , nequis præſum-
tione ſuperbi ſpiritus , non ſibi à Deo da-
tum Sacerdotij munus inuaderet .*

l. de præ- ſcript. cap. 43. *Appoſitè Tertullianus , ubi (inquit)
metus in Deum , ibi grauitas honeſta &
diligentia adſonita , & cura ſollicita , &
adlectio explorata , & communicatio de-
liberata , & promotio emerita , & ſubie-
ctio Religioſa .*

CAPVT. III.

*Quid ſit vocatio ad ſtatum Sa-
cerdotalem , & qua ratio-
ne dignoſci poſſit ?*

VOcationis illius nomine , intelli-
gitur diſpoſitio Diuinæ prouiden-
tiæ , qua , pro ſuo beneplacito . quos-
dam homines ſeligit , & ſegregat ad
opus miniſterij ſui , ipſiſque qualitates
& gratias ad id neceſſarias elargitur .

Iere. 10. *Dicitur 1. (Diuinæ prouidentie
diſpoſitio ,) quia (vt Propheta loqui-
tur)*

tur) non est hominis via eius, nec viri est
ut ambulet. & dirigat gressus suos. Et (ut
ait Apostolus) unusquisque proprium
donum habet ex Deo, unus quidem sic, 1. Cor. 7.
alius verò sic.

2. (Qua pro suo beneplacito quos-
dam seligit, & segregat ad opus mi-
nisterij sui) sic enim prophetis & do-
ctoribus Antiochiæ Domino ministrā-
tibus & ieiunantibus, dixit Spiritus
Sanctus, Segregate mihi Saulum & Bar-
nabam, ad opus ad quod assumpsi eos. Et
nullus ab eo quærere potest, cur ita
facis: neque figmentum dicit ei qui se
finxit, cur me fecisti sic? cum, ut monet
Apostolus, potestatem habeat, ex eadem
massa facere aliud quidem vas in hono-
rem, aliud verò in contumeliam. Att. 13.
Rom. 6.

3. (Ip̄isque qualitates & gratias ad
id necessarias elargitur,) scit enim,
quia non sumus sufficientes ne quidem
cogitare aliquid ex nobis, quasi ex nobis,
sed sufficientia nostra ex Deo est: proin-
deque ad eius suauem providentiam
pertinet, ut quos seligit & vocat, eos
etiam idoneos faciat ministros novi testa-
menti. 2. Cor. 3.
Ibid.

Ea de causa, vas Electionis Paulus
in Epistolis suis, sæpissime illud ingerit,
se vocatum esse Apostolum, & segrega-
tum in Evangelium Dei: quo maiorem
sibi suisque verbis conciliet authorita-
tem: qui enim ab ip̄so Deo vocatus
Rom. 1.
1. Cor. 1.

est Apostolus, haud dubiè præcellè-
tem Apostolatus gratiam, & dona om-
nia ad illius perfectionem necessaria
accepisse censendus est.

Iam verò quænam sint Diuinæ illius
vocationis argumenta, & quibus no-
tis quis dignoscere queat, vtrum ad
statum Sacerdotalem à Deo vocatus
sit nec ne? Operæ pretium est hic
inquirere.

*In decla-
mat su-
per Ec-
ce nos
reli-
qui-
mus.*

Atque in primis supponenda est tã-
quam certissima doctrina Sancti Ber-
nardi assertentis, *universos in ordinibus
Ecclesiasticis honorem quærentes propriū,
aut divitias, seu corporis voluptates, pe-
stremo quæ sua sunt, non quæ Iesu Chri-
sti, manifestè prorsus & indubitanter
non eam charitatem quæ à Deo est, sed
alienam à Deo, & quæ omnium malorum
radix est, cupiditatem introducere.* Pro-
indeque qui de ordinibus Ecclesiasti-
cis cogitant, sedulo perspiciant, num
tales sint, quales hi de quibus sanctus
ille Pater conqueritur; sciantque se
primos hac in parte sui ipsius iudices
constitutos esse, inquisitionemque in
seiplos à semetipsis esse faciendam, an
v. g. otij consecrandi, laborisve fugi-
endi causa? an spe quæritus? Vel be-
neficij alicuius caprandi occasione?
An honoris vel gloriæ intuitu? An de-
nique humano aliquo respectu Sacer-
dotium appetant? Facile est enim

super

super his ordinatorum ipsos & examinatores falsa relatione aut specie virtutis decipere : ut verò, ut ait S. Chrysostomus, ipse qui ordinatus est dicere non potest se sibi ut alijs fuisse incognitum : si. *li. 4. de. Sacerd. cap. 2.* aut ergo is grauiori supplicio puniendus est, quam illi à quibus ascitus, productusque est, ita debet ipse accuratius quam illi, suimet ipsius periculum facere.

Rosito igitur quod quis nullam in se prauam eiusmodi deprehendat dispositionem ; inter alia Diuinæ vocationis argumenta, non vltimum locum obtinet inclinatio illa, & propensio ad cultum & obsequium Deo in statu clericali seu Sacerdotali deferendum, quam quis in seipso à tenerioribus annis ad maturiorem vsque ætatem constanter expertus est : proprium enim est diuinæ sapientiæ, sicut *astingere à fine ad finem fortiter*, sic & *disponere omnia suauiter*, ac proinde voluntatem hominis, ad excelsum illum statum præparare, ac veluti per quosdam gradus paulatim eleuare. *Sap. 8.*

Videndum præterea, an suppetant qualitates, virtutesque saltem inchoatæ, quæ necessariæ sunt ad ordines tum digne suscipiendos, tum debite exercendos ; v. g. doctrina-sufficiens, vita irreprehensibilis, continentia donum, & alia similia de quibus postea : an etiam nulla subsit irregularitas, nulla

tanquam Christo, qui dixit Apostolis
 eorumque successoribus Episcopis *qui*
vos audit, me audit, & qui vos spernit
me spernit. *mat su.*
per Ecce
nos.
&c.

Quod si (ut nunc fert Ecclesiæ in-
 dulgentia) liberam cuique relinqua-
 tur suas dirigere vias, seque ipsum ad
 Sacra ministeria capeffenda offerre ;
 saltem hoc cum debita sinceritate &
 submissione fiat, id est, ut & consilia,
 & opera, & alia quæcunque ad dis-
 positiones animi, corporisque plenè
 dignoscendas conducentia, sincerè
 coram Episcopo, aut eius in ordinan-
 dorum probatione & examine dele-
 gato patefiant ; & ea quæ ipsi ad Ma-
 iorem Dei gloriam, Ecclesiæ utilita-
 tem, & ordinandorum salutem, ma-
 gis expedire videbuntur, cum omni
 humilitate suscipiantur, & perfecta
 animi submissione impleantur, eiusq;
 iudicio & nutui fideliter obtemperetur.

Denique secessus à negotiis &
 turbis sæculi per aliquot dies in-
 sanctis meditationibus, aliisque pietatis
 exercitijs impensus, oratio crebra
 & perseverans, sapientis ac pij viri
 consilium, elemosynæ, ieiunia,
 aliaque similia virtutis opera, pluri-
 mum haud dubiè conferre possunt,
 tum ad lucem cælitus hauriendam ;
 tum ad vberiores gratias accipien-
 das, quarum subsidio Divina volun-
 tas

tas & melius agnosci, & perfectius impleri possit.

CAPVT. IV.

De illis qui à Deo minime vocati ad Sacerdotium promoti sunt.

Pastoral. p. 1.
cap. 7.

Sicut de nemine ad Sacerdotium promotio temerè iudicandum est, neque eius vocatio leuiter in dubium reuocanda, aut super illa ingerendi scrupuli; cum, iuxta D. Gregorij sententiam, plerumque euenire possit, *ut quod unus laudabiliter expauit, alter laudabiliter appetierit*: non tamen debet quisquam sibi super hac re adulari, sed interdum, ad maiorem conscientie securitatem, expedit coram Deo perspicere, ac serio discutere, quâ ratione ad ordines Ecclesiasticos quisque promotus fuerit; qualis fuerit in sacrum ministerium ingressus? *Ve si adlucente cælesti gratia se à Deo legitime vocatum agnoscat, ipsi laudes & gratiarum actiones pro tanto beneficio debitas rependat; sin minus, opportuna remedia quærere & adhibere curet.*

Sicut enim qui sciens, & volens, cul-

nulla Diuinæ vocationis habita ratione, sese in Sacerdotium intruderet, haud dubiè seipsum in apertissimum salutis discrimen iniceret, peccando scilicet in Spiritum sanctum, quod quidem peccatum vix aut rarissimè dimitti ex Euangelio discimus: sic, qui sibi istud, ex ignorantia, incuria, aut quouis alio modo accidisse deprehenderet, seque absque legitima vocatione ad ordines Ecclesiasticos promotum agnosceret, non ideo desperare, aut animam penitus abijcere, sed potius ad diuinam misericordiam confugere, & ea quæ huiusmodi defectui reparando apta sunt præstare deberet.

Ac in primis oportere illum de tanto peccato, nec non de innumeris aliis, quæ haud dubiè subsecuta sunt, poenitentiam agere, eaque lachrymis perfecta cordis contritione expressis eluere, ac Deum offensum dignis poenitentiz fructibus placare, & ad id conuenientia satisfactionis opera exercere. Deinde perspicere quod vitium? quis defectus? qualis obex dignam ordinum susceptionem impedit? Et si quidem (ut ait S. Bernardus), *vita sanctitas non præcessit, saltem sequantur*. Si praua aliqua intentio huius Sacramenti sanctitatem infecit, purgandus est animæ oculus, & simpliciter in Dei gloriam & honorem diri-

*Epist.
17. ad
Arant.*

gen.

gendus ; &c, ut ait idem S. Pater, *bonitas fac de cetero vias tuas, & studia tua, & ministerium tuum.* Si ignorantia obstitit, studijs sedulo incumbendum, & interea tamen ab illis ministeriis seu functionibus abstinendum est, donec scientiam & notitiam ad illa debitè exequenda requisitam is, cui deest, adeptus sit.

Denique non oscitanter aut perfansorie, sed toto animi conatu, ipsi laborandū est, ut virtutes ac dispositiones muneri suo rite obeundo necessarias acquirat : ideoque otium desidiāque fugiat, conuersationes noxias deuitet, ordinem sibi agendorum prescribat, vitam nouam inchoet, adhibito etiam pij ac prudentis confessarij consilio : & demum orationi humiliter ac perseueranter insitet, gratias necessarias à Deo enixè deprecetur, & in eius infinita misericordia firmissimam spem collocet, sicque animum erigat, atque ad pleraque difficilia quæ haud dubiè illi subeunda erunt, paratum exhibeat, memor illius Divini effati *quoniam regnum celorum vim patitur, & violenti rapiunt illud.*

CAPVT. V.

De Spiritu Ecclesiastico.

SAcra nos Historia docet, Deum è
 limo terræ primum formasse homi- *Genes. 1*
 nem, eiusque corpore formato inspi-
 rasse in faciem eius spiraculum vitæ, &
 sic factum illum esse in hominem vi-
 uentem. Quod tunc in creatione ve-
 teris hominis, hoc idem in quolibet
 eorum peragit, qui noui hominis Iesu
 Christi expressam in sacris ministeriis
 imaginem referre debent; Sulcit *Psal.*
 nempe de terra inopem *ut collocet eum*
inter principes populi sui, vocat eum,
 porrigit illi dexteram suam, & in eo
 partes omnes diuinis muneribus obe-
 undis necessarias efformat: & tandem
 vt idoneum illum faciat noui testa-
 menti ministrum, Spiraculum vitæ Ec-
 clesiasticæ, seu spiritum Ecclesiasticū
 in animam eius inspirat; qui quidem
 Spiritus adeo illi necessarius est, vt eo
 deficiente reliquæ partes veluti abs-
 que motu & vita remaneant: itaut cui-
 us Sacerdoti spiritum Ecclesiasticum *Zachar.*
 non habenti aptari possit illud Pro- *11.*
 phetæ, ð *Pastor. Idolum*: ð Sacerdos,
 ð *Idolum*: sicut enim *Idolum* os ha-
 bet

det, & non loquitur. oculos, & non videt, manus & pedes, & nec palpat, nec graditur; sic & Sacerdos Spiritu illo destitutus:

1. Cor. 12. Ecclesia, & (vt ait S. Paulus) *alij dantur sermo sapientia, alij sermo scientia, alteri fides, &c.* Hæc autem omnia operatur unus atque idem Spiritus, diuidens singulis prout vult. Denique, vt idem Apostolus edixit, *si quis Spiritum Christi non habet, hic non est eius*: ac proinde si quis Sacerdos Spiritum eiusdem Christi non habet, hic non est eius.

Cum igitur ex his constet quanti momenti sit vt quilibet sacris ministris initiatus Spiritum Ecclesiasticum, in se habeat, de eo viuat, ab eo moueatur, per eum operetur: plurimi interest scire quis sit ille Spiritus Ecclesiasticus, quibus notis dignosci, & qua ratione acquiri & cōseruari possit.

- Ac in primis observandum est. notum non esse hunc loquendi modum, imo in scripturis frequenter usurpatum. Luc. 9. Refert S. Lucas Angelum sanctum Gabrielem Zachariæ, de filio nascituro dixisse, ipsum ante Saluatorem præitutum esse *in Spiritu & virtute Elia*: & cum Apostoli Iacobus, & Ioannes aduersus Samaritas, qui Christo hos-
- pitium

piritus denegabant dixissent, *vis imus
& dicimus ut ignis descendat de caelo &
consumat eos*. Respondit illis Christus,
*Nescitis cuius Spiritus estis, non venit fi-
lius hominis animas perdere, sed saluare.*
Similia quoque ex veteri Testamento
exempla suppetunt. *Ecce* (inquit Deus
ad Moysem) *vocaui ex nomine Bozeleel;*
impleui eum Spiritu meo. Agebatur
tunc de arca fabricanda, & ad illud o-
pus aptè peragendum, Deus artificē si-
bi deligit, vocat, & Spiritu suo replet.
Et postquam idem Moyse Divino
iussu delegisset septuaginta seniores,
qui secum regerent populum: Dixit
ad eum Deus, *Auferam de Spiritu tuo,*
tradamque eis ut sustentent totum onus
populi, id est, eos participes faciam
eiusdem Spiritus, quem tibi contuli,
& per quem te aptum & idoneum feci
ad tantum & tam graue ministerium
adimplendum.

Num.
11.

Ex quibus colligere possumus Spi-
ritum Ecclesiasticum nihil aliud esse
quam participationem copiosam Spi-
ritus Christi, per quē fit, ut cum aptitu-
dine & habilitate, cum promptitudi-
ne & alacritate, cum fortitudine &
perseuerantia, functiones Ecclesiasti-
cas quis exerceat, & munera omnia
ad Sacerdotalem statum spectantia
peragat. Vnde facile est illius Spi-
ritus Ecclesiastici notas perspicere, ac
verum



utrum quivis Sacerdos Spiritum huius mundi acceperit, an Spiritum qui ex Deo est dignoscere?

Is enim qui nec habet, nec habere curat aptitudinem & habilitatem ad ea debite peragenda, quæ sunt Ecclesiastici muneris: qui non satagit addicere ea quæ requiruntur ad munus illud rectè ac decenter adimplendum; & contrà, se aptum & habilem exhibet ad ea quæ sunt mundi, ad sæcularia negotia, ad litigia, ad vanas conversationes, ad ludos, ad venationes, hic non habet Spiritum Christi, nec est eius.

Præterea, qui munera quidem Ecclesiastica peragit, sed perfunctoriè, oscitanter, cum tædio ac torpore; qui v. g. in templi alicuius suæ custodiæ demandati ornatu & decore servando negligenter se gerit, qui in suppellectili & vestibus Sacris sordidus est, in Divinis officiis tepidus, in alijs functionibus Ecclesiasticis obeundis remissus & cunctabundus; is haud dubiè Spiritu Christi non agitur: nescit enim tarda molimina Spiritus sanctus, & *maledictus omnis qui facit opus Dei negligenter; neque Christo Domino inserviendum ex tristitia aut ex necessitate, hilarem enim datorem diligit Deus.*

Jerem.
48.

2. Cor. 9

Denique qui in muneribus Ecclesiasticis exequendis minimæ difficultati cedit, qui consueta pietatis exerci-

lia

tia facile relinquit, qui mundano timore concutitur, qui veritatem aut virtutem contra incredulos vel impios propugnare veretur, qui se Christi Domini seruum habitu, tonsura, reliquisque exterioribus notis profiteri erubescit, is spiritum non habet Christi, qui discipulis suis formam sequendi se præscribens; *si quis (inquit) vult venire post me, abneget semetipsum, tollat crucem suam, & sequatur me.* Quod perpendens D. Chrysostomus, recte dixit Sacerdotalem ordinem magnum & excelsum animum requirere, vnde illationem hanc terrore quidem plenam, sed tamen veritati nimis consonam deducit: *non temere inquit loquor, sed ut affectus sum & sentio, non arbitror inter Sacerdotes multos esse qui salui fiant, sed multo plures qui pereant.* Quia scilicet pauci imo pauciores sunt quam existimetur, qui celsitudinem illam ac magnitudinem Spiritus Sacerdotalis obtineant.

Mat. 16

Homil.

3. in cap

1. Act.

Apost.

Vt igitur veniat in nos Spiritus ille Christi, vt maneat apud nos, vt in nobis sit & nobiscum operetur, totis animi præcordijs oprandus est, & cum deuotione ac feruore inuocandus. Octauus inquit Sapiens & datus Sap. 7. *est mihi sensus, inuocaui, & venit in me Spiritus sapientia.* Et ipse Christus Dominus pollicitus est, patrem suum cælestem

Iestem Spiritum bonum petentibus se daturum esse : vnde patet ad Spiritum illum Ecclesiasticum accipiendum maxime utilem esse orationem, eam præsertim quæ sola mente peragitur, & quæ attenta diuinarum rerum meditatione, piisque affectibus constat, de qua plenius in secunda huius operis parte agetur.

Præterea librorum piorum, ac præsertim Sacrarum Scripturarum, maximeque noui testamenti lectio attenta & deuota, mundanarum oblectationū ac secularium negotiorum fuga, & contra conuersatio cum ijs personis in quibus Spiritus Ecclesiasticus elucet, atque in ministerijs, & functionibus sacris frequens & sedula exercitatio, plurimum conducere possunt ad eundem illum Spiritum tum copiose recipiendum, tum seruandum & fouendū.

Psal. 50. Dicat igitur cum Psalmista, & ex intimo cordis affectu frequenter repetat qui ijs ordinibus initiandus, vel iam initiatus : *Cor mundum crea in me Deus, & spiritum rectum innoua in visceribus meis : Ne proijcias me à facie tua, & Spiritum sanctum tuum ne auferas à me : Redde mihi letitiam salutaris tui, & Spiritu principali cōfirma me : docebo iniquos vias tuas, & impij ad te conuertentur.*

CAPVT. VI.

De scientia Christiano Sacerdoti necessaria ..

SI (ut loquitur S. Leo) vix in laicis tolerabilis videtur inscitia; (eorum scilicet quæ ad cuiusque officium pertinent) quanto magis in eis qui præsunt, nec excusatione digna est, nec venia. Quomodo enim (inquit S. Bernardus) excusari possit in eo, qui se magistrum infantium, & doctorem insipientium proficitur ignorans utique ignorabitur, imò & multos ignorare faciet & ignorari. Vnde in Concil. Tolet. 4. dicitur quod in Sacerdotibus, ignorantia mater est cunctorum errorum: addi potest cunctorum pene vitiolorum, scandalorum, & reliquorum malorum quæ in Ecclesia Christi oboriuntur.

Ponamus enim Sacerdotem, eorum quæ ad ministerium suum pertinent inscitia laborantem: hæc eius ignorantia primò impetit Episcopum ipsum, à quo siue ex inaduerentia, siue ex nimia indulgentia ordinatus est, eumque participem facit omnium delictorum in quæ Sacerdos ignorans incurret. Et sic eum quem ut animæ suæ

Epist.
22. ad
Cōstāt.

in decla
mat. su-
per (ecce
nos) &c.

cap. 24.

B paren-

parentem obseruare & amare tenetur, secum in eodem damnationis æternæ reatu inuoluet.

Præterea dedecus maximum adfert Ecclesiæ, ordinique Sacerdotali; in causa est cur sacrum ministerium vituperetur, Religio contemptui habeatur, ministeria sanctissima prophanentur, & sæpe impiorum irrisioni exponantur.

Sed quis explicare queat damna, & detrimenta quæ imperitus Sacerdos Christiatis populis infert? Nonne ex Sacerdotum inscitia Hæreses vel originem duxerunt, vel incrementa maxima acceperunt? Nonne inde obortæ sunt superstitiones, vanæ observationes, & aliæ similes pestes quæ diuini cultus veritatem & sinceritatem toties infecerunt? Nonne ex illa scaturigine effluxerunt prauis & corrupti mores laicorum, quando nec docetur, nec arguuntur: quando *pro pane lapidæ,*

Luc. 11

Mat. 15

Epist. 2.

ad O-

lymp.

Epist.

137.

pro pisce serpentem ab ignaris & improvidis Sacerdotibus accipiunt, & si cæcus cæco ducatur præstet, nonne ambo in foueam cadunt?

Verè, & cum maxima ratione S. Chrysostomus conquestus est vnum ex maximis Ecclesiæ populique Christiani infortunijs esse si *pro Pastore lupum, pro donem pro gubernatore, carnificem pro medico accipias.* talis autem est

Sacer-

Sacerdos ignarus, qui cum neque
pascere, neque dirigere, neque sana-
re nouerit, *tantis obest, quantis praest,*
vrait S. Bernardus.

Denique Sacerdotis inscitia nulli
magis quam ipsi non solum damnoſa
est, sed est etiam onerosa: etenim *uir* *Eccl. 37*
peritus anima sua suauis est: at Sacer-
dos imperitus sibi ipsi semper infestus,
nullam animi quietem, nullam con-
scientiae pacem experitur: in omnibus
fere actibus suis haeret dubius & anxi-
us, illic saepe trepidat timore ubi non
est timor: nullius famae aut authorita-
tis apud laicos habetur, nullus ipsi
credere aut fidere potest: & saepissime
in Sacrarum functionum exercitio
notabiles incurrit defectus, & grauif-
simis aliquando se sacrilegijs nescius
implicat, à quibus tamen nullatenus
inscitia sua excusatur: denique totam
penè vitam suam in otio transigit, &
ex otio in vitia plurima delabitur.

Et hoc est quod Deus olim per Pro-
phetam conquestus est, *Speculatores* *Isa. 56.*
eius caci omnes, nescierunt vniuersi, ca-
nes muti non valentes latrare, dormien-
tes & amantes somnia, ipsi pastores igno-
rauerunt intelligentiam, omnes in viam
suam declinauerunt, unusquisque ad a-
uaritiam suam, &c. Venite sumamus
vinum, & impleamur ebrietate, & erit
sicut hodie, & cras, & multo amplius.

B 3

Cum

Cum igitur adeo non modo dam-
nosa, sed & damnabilis sit Sacerdotis
imperitia, videndum quænam scien-
tia in eo requiratur. Seu quarum re-
rum notitiâ habere debeat. Neque verò
hic metas, aut limites imponere cogita-
mus ijs, qui Diuinis humanisque scien-
tijs in excellenti gradu acquirendis in-
cumbunt, eo fine vt aptiores sese ad
gloriæ Diuinæ propagationem, Reli-
gionisque ac pietatis Christianæ incre-
mentum præstent: quærimus solum
quæ scientia, & notitia viro Ecclesia-
stico absolutè necessaria sit, itaut abs-
que illa neque Sacerdotij onus tuta
conscientia suscipere, neque post quâ
suscepit, illius officia & munera debite
peragere possit. Omisissis autem pro-
lixioribus super hac re disputationi-
bus, hic tantum breuiter adnotabimus
ea quæ communi & recepto Ecclesiæ
vsui magis consona esse visa sunt.

Atque in primis ex communi Do-
ctorum consensu Sacerdos Linguam
Latinam callere debet, cum omnia
fere Sacerdotalia munera, secundum
Ecclesiæ leges, idiomate illo per-
agantur.

2. Talem præterea fidei ac myste-
riorum Christianæ Religionis notitiâ
habere tenetur, vt & veritates Catho-
licas ab erroribus damnatis & proscri-
ptis dignoscere, & populo Christiano

ea quæ credere & facere tenetur, explicare possit.

3. Oportet insuper vt probe teneat quæ sint leges & obligationes sibi ab Ecclesia impositz, vt illis plene satisfacere, & omnes ministerij sui partes implere possit v. g. qualiter officium diuinum recitare, bona Ecclesiastica impendere, habitum & tonsuram deferre, & alia similia obseruare teneatur.

4. Debet etiam ea scire quæ sacras functiones, ac præsertim diuinum Missæ sacrificium, & Sacrosanctum Eucharistiæ Sacramentum populo Christiano administrandum spectant: v. g. quæ sit eius materia, forma? Quæ intentio, attentio, applicatio requiratur? Nec non qui ritus obseruandi? Qui defectus cauendi sint? Et qua ratione, quando inciderint reparandi?

5. Præsertim verò de ijs quæ ad Sacramentum Poenitentiz pertinent instructum esse illum conuenit; itaut nõ modo ipse sacrum illud lauacrum cum debitis dispositionibus frequenter adire sciat, quo maiori puritate ac sanctitate ad Mysteria Diuina pertractanda sit semper & vbique paratus: verum etiam nouerit ea omnia quæ ex parte sua requiruntur, vt ritè Sacramentũ adeo necessarium fidelibus administrare queat, eisque ad illud fructuosè

recipiendum opitulari : cui quidem Poenitentiae Sacramento iungi etiam debet Baptismus & Extrema unctio ; cum siue per necessitatem , siue per superioris delegationem eorum administratio variis in casibus ipsi competere possit.

Neque dicat quis se non eo fine vel le suscipere aut iam suscepisse Sacerdotij ordinem, vt eiusmodi Sacramentorum administrationi se immisceat, sed solummodò vt Missae Sacrificio celebrando, cantui Ecclesiastico, alijsque minoribus officiis incumbat : quia Sacerdoti Christiano talentum diuinitus in ordinatione acceptum pro libito in terram defodere, aut gratias & facultates in huius Sacramenti susceptione collatas, in vacuum recipere licitum non est : seruus siquidem inutilis prouincitur in tenebras exteriores.

Quamuis enim nullus Sacerdos priuata auctoritate Mysteriorum Dei dispensationem sibi arrogare debeat ; paratum tamen se & dispositum semper exhibere tenetur, ad ea praestanda quae proprius Praelatus, cui reuerentiam, & obedientiam pollicitus est, iniungere voluerit.

Verum concedatur Episcopum cum eo super hac re indulgere, nec eum ad vllius vnquam Sacramenti administrationem vigere ; nonne occurrere potest,

reſt, & quidem non infrequenter, caſus aliquis extremæ neceſſitatis, in quo quivis Sacerdos non modo poteſt, ſed etiam ſtriſtiſſime tenetur moribundo cuiſpiam per Sacramenti alicuius collationem opitulari: v. g. ſi infantulus recens natus de vita periclitetur, ſi aliquis adultus morbo aliquo repentino ad ultimum vitæ ſpiritum redigatur, ſi vulnere lethali ſauciatus, aut improuiſo aliquo caſu oppreſſus iam animam agat, nec alius adſit Sacerdos, niſi is qui nullatenus ſe adminiſtrandiſ Sacramentis immiſcere velle profeſſus eſt, & ideo ea quæ ad eiſmodi miniſterium pertinent ſcire neglexit: quid tunc aget? In quas anguſtias ſe cum ipſo moribundo redactum conſpiciet? cum Sacramenti tunc adminiſtrandi neque materiam, neque formam, neque alia ad validam & licitam illius adminiſtrationem tam ex parte ſua quam ipſius moribundi requiſita vnquam didicerit, aut penitus oblitus fuerit.

Ex quibus manifeſtum eſt, non ſine maxima ratione dictum eſſe, que nuiſ ad ordinem Sacerdotij promouendū teneri ad illa cognoscenda quæ Sacramentorum adminiſtrationem ſpectant; quò poſſit ſiue ſuperiorum voluntati, ſiue occurrenti neceſſitati pro ſui officiij debito ſatisfacere.

B 4

Porro

Porro ea omnia, quæ supra diximus à quouis Sacerdote scienda & probe tenenda esse, in compendium redacta poterit quisquis voluerit reperire in libello ante aliquot annos à nobis edito, cui titulus est (*Medulla Theologica ex sacris scripturis, Conciliorum Pontificumque decretis & Sanctorum Patrum ac Doctorum placitis expressa, in qua quicquid tum ad fidei mysteria sanè ac rectè intelligenda, & à quibusvis erroribus secernenda, tum ad sacramenta debite conficienda & ministranda, tum ad actiones humanas iuxta aivina legis normam dirigendas spectare potest, facili ac compendiarie methodo explicatur.*) Quod tamen obstat non debet quin pluribus aliis, ijsque optimis libris utatur, inter quos primum ac præcipuum locum Sacris Biblijs, Concilij Tridentini Decretis, Catechismo Romano, nec non Pastoralis S. Gregorij, librisque D. Chrysostomi de Sacerdotio tribuendum esse decernitur in Concilio Mediolanensi primo, & quarto.

Quibus sicut merito adungere possumus opera Illustrissimi & nunquam satis laudati Francisci Salesij; sic etiam à Sacerdotali Bibliotheca, profanæ literaturæ libros quantum fieri potest optamus amandari. *Turpe est enim Sacerdotes (ut conqueritur S. Hieronymus) ommissis Dei Evangelijs & Prophetijs*

tijs comœdias legere, amatoria Bucolicorũ Epist.
versuum verba canere, Virgilium tenere; 146.
Et id quod in pueris necessitatis est, crimen
in se facere voluptatis.

Quare quiuis Sacerdotio insignitus
 hoc eiusdem S. Hieronymi veluti sibi
 dictum auscultetur, *Diuinas Scripturas* Epist.
legere, imò de manibus tuis Sacra lectio ad
nunquam deponatur: disce quod doces, Nepot.
obtinere eum qui secundum doctrinam est fi-
delem sermonem, ut potens sis exhortari in
doctrina sana, & contradicentes arguere.

Sicut autem ea quæ superius propo-
 sita sunt addiscere, sic & postquam di-
 dicerit eorum obliuionem maxime
 cauere debet Sacerdos; ideoque con-
 sultissimum ipsi erit, frequenter de his-
 ce rebus cum alijs conferre, in diffi-
 cultatibus peritiores consulere, librum
 aliquem Theologiæ, præsertim moralis.
 semper præ manibus habere, & ita
 circa illam Diuinarum rerum scientiã
 affectum esse, ut nullus elabatur dies,
 quin relectionem aliquam faciat eo-
 rum quæ ad munera sacerdotalia de-
 bite obeunda, sibi esse scitu necessa-
 ria cognouit.

CAPVT VII.

De Innocentia vitæ, vel à Baptismo seruata, vel per pœnitentiam reparata quæ ad Sacerdotium requiritur.

Q Vis ascendet in montem Domini, aut quis stabit in loco sancto eius? (inquit Propheta regius, & ipsemet subdit) Innocens manibus, & mundo corde: & in Apocalypsi edicitur absque macula esse debere eos, qui astant ante thronum Dei & Agni, seruiuntque ei die ac nocte: & in alio Scripturæ loco Sacerdotes qui accedunt ad Dominum, sanctificentur, ne percutiat eos. Ex quibus & aliis similibus Scripturæ locis constat. peculiarem quandam conscientie munditiem animæque sanctitatem in eo requiri, qui Sacramentum Ordinis suscepturus est, aut in eo iam suscepto ministraturus: *Va siquidem filijs ira, qui se ministros gratie prostentur.*

*Bernar.
Serm. de
conuers.
ad cler.
cap. 27.*

Atque in primis cōsentiūt omnes illū qui speciali gratiæ Diuinæ auxilio innocentiam in Baptismo acceptam seruasset, si reliqua necessaria minime desint, optimè ad sacram Ordinationem

nem fore dispositum: & è contra eum
 qui (vt loquitur Concilium Trident.)
Gratia Dei quam accepisset ingratus, Spi- Sess. 6.
ritum sanctum contristare, & templum cap. 14.
Dei lethali aliqua culpa violare non esse
veritus, Sacro illo charactere prius
indignum fore, quandiu in illo pec-
cati mortalis statu perseueraret: &
nihilominus ad Sacramentum Ordinis
digne suscipiendum, & eius sanctio-
nes debite obeundas, per condignam
poenitentiam reparari & restitui pos-
se; errant enim, (vt edixit S. Calixtus
Papa) qui putant Domini Sacerdotes,
post labsum, si condignam egerint poeni-
tentiam, Domino ministrare non posse, &
suos honores frui, si bonam deinceps vi-
ram duxerint: & suum Sacerdotium con-
digne custodierint, & ipsi qui hoc putant
non solum errant, sed etiam contra tradi-
tas Ecclesia clauas disputare & agere vi-
dentur, de quibus dictum est, (quacum-
que solueritis super terram erunt soluta
& in caelo) alioquin hac sententia, aut
Domini non est, aut vera non est. Quod
etiam communis Ecclesie praxis satis
euincit, quæ nusquam hodie ab iis qui
ad Ordines promouendi sunt Baptis-
malem innocentiam exigit; neque eos
ab Ordinibus arcet, qui post susce-
ptum Baptismum in peccata aliqua le-
thalia lapsi sunt, dummodo tamen
nullam irregularitatem inducant: Sed

eos per veram & seriam poenitentiam expiatis, & aliàs idoneos iudicatos, Sacris ministrijs initiandos admittit.

Difficultas igitur præcipua est, quæ & qualis poenitentia requiratur, ut is qui post Baptismum in peccata lethalia lapsus est, ad Sacramentum Ordinis dignè suscipiendū cōuenienter dispositus censeatur? Ad cuius elucidationem obseruandum est, in quolibet peccato tria potissimū reperiri, scilicet reatum culpæ, debitum poenæ temporalis, & prauum peccandi habitum seu vitium, qui quidem habitus per actum ipsius peccati in anima producit, in eaque remanet, & per reciduum peccati augetur, magisque ac magis in animo radicitur & roboratur.

3. p. 9.
85. ast.
2.

Cum verò iuxta S. Thomæ doctrinam proprium Poenitentiae sit *operari ad destructionem peccati* proindeque nō solum delere culpæ reatum, & pro debito poenæ temporalis satisfacere; verum etiam & conuenientibus virtutum exercitijs ipsum prauum peccandi habitum, vitiumque paulatim imminuere, ac tandem funditus ex anima tollere; quaeritur, an ut quis conuenienter ad Sacros Ordines suscipiendos dispositus censeatur, satis illi sit per Sacramentalem confessionē peccatorum mortalium quæ commisit culpam eluisse? An verò insuper oporteat, ut prius.

prius satisfactiones sibi à confessario pro poenæ temporalis debito impositas impleuerit, ac præterea varijs ipsius Poenitentiae aliarumque virtutum exercitijs, ad vitia inoluta extirpanda, prauosque illos quos peccando contraxit habitus abolendos sedulo laborauerit.

Et quidem de culpa cuiuslibet peccati mortalis per confessionem ante Ordinum susceptionem eluenda certo certius est: de satisfactione autem pro peccatis occultis in confessione declaratis imposita, nullus refragatur id præstandum esse, quod prudens confessorius iniunxerit; neque enim hic de criminibus publicis, infamiam quandam vel irregularitatem secum inuehentibus quaestio est, de his siquidem iudiciū ferre, ad Prælatos aliosque in foro exteriori Superiores pertinet.

Superest ergo vt breuiter propositæ difficultatis caput tertium discutatur, videaturque qualiter se gerere debeant ij qui post Baptismum in peccata lethalia lapsi sunt, in ijsque diuturno tempore hærentes, aut in eadem crebro relabentes, prauas aliquas peccandi habitudines contraxerunt.

Certe si quis attentè ministerij Sacerdotalis dignitatem perpendat, si mysteriorum celsitudine in quorum dispensatio Sacerdotibus concredita est,

est, si sanctitatem functionum illarum ad quas obeundas tum ipsi Sacerdotes, tum alij Ecclesiastici Ministri iugiter paratos se præstare debent; facile perspiciet non decere quemquam, adeo sublinem gradum conscendere qui vitiorum & prauorum quos peccando contraxit habitum, veluti quibusdam compedibus & manicis totus adhuc præpeditus sit.

Præterea quis leuaret hominem è cœno peccati alicuius, v. g. impudicitæ, in quo diu hæserat, recenter emersum, fetoremque ac reliquias illius, id est, effrænatos concupiscentiæ rebellantis motus, variaque obscœnitatis phantasmata circumferentem, mox Dei præpotentis Sanctuarium ingredi, tremendum illius altare circumire, ac immaculati agni carnes sanctas manibus contrectare, in Sacrificium offerre,

Ser de conuers. *S. Bernardus*) *populo fidei distribuere. Va (inquit*
ad cler. ne, Deo placere non possunt, & placare
cap. 27. presumunt.

Pastor. *Quisquis ergo, (edicit S. Gregorius*
part. 1. Papa) quolibet vitio subigitur, panes Do-
cap. 11. mini offerre prohibetur; ne profecto aliena
diluere peccata non valeat is, quem adhuc
propria deuastant.

Isid. Hi- *Non enim ad regimen Ecclesiæ promo-*
sp lib. 3. uendi sunt (inquit Isidorus Hispalensis)
Ser. c. 31 qui adhuc vitijs subiacent. Et molestum
sane

sanctus est (vt alius Isidorus loquitur) de-
litijs ac libidini deditum hominem, Sacer-
dotem ordinari.

Isid. Pe-
lus lib. 5
ep. 439.

Appositè S. Bernardus aliquem
huiuscemodi alloquens, Horreo (in-
quit) considerans unde & quo voceris?
Præsertim cum nullum intercurrerit pœ-
nitentia tempus, per quod utcumq; huius-
modi periculossimus transitus fiat, & qui-
dem rectus ordo requirit vt prius propriâ,
deinde alienas studeas curare consciências.

Epist. 8.
ad Brn-
num.

Ex quibus omnibus, merito inferre
possumus, consultissimum esse, vt non
dicam in aliquo sensu necessarium, ijs
qui à Baptismo suscepto in peccata
aliqua lethalia frequenter prolapsi
sunt, vel in eiusmodi peccatis moras
traxerunt, primò apud se diu multum-
que perpendere, num verè ad statum
Ecclesiasticum diuino nutu vocentur?
Peculiaris siquidem ratio inest, de ta-
libus plerumque dubitandi: quod si
nihilominus ijs qui supra explicati sunt
modis vocatos se esse deprehendant,
antequam vltius progrediantur, de-
bent serio antea stẽ vitæ peccata plan-
gere; de ijsque ex intimis animi præcor-
dis dolere, & inuocata cælesti gratia
toto corde ad Dominum conuerteri,
præmissisque congruis dispositionibus,
confessionem generalem peccatorum
omnium instituire, beneficioque ab-
solutionis Sacramentalis accepto, &
sa-

satisfactione impleta, non ideo se penitus exoneratos & liberos æstimare, sed denno ad prauas illas habitudines quas peccando contraxerunt euellendas, & extirpandas manum apponere, & ad id, dignos Poenitentiae fructus exhibere, occasiones peccatorum sedulo deuigare, mortificationi studere, virtutum operibus exercendis incumbere, sicque veterem hominem exuentes nouum induere, & in nouitate vitæ ambulare: ac postquam tempore aliquo notabili iuxta prudentis ac pij confessarij consilium, in hac pietatis virtutumque palæstra, sese exercuerint, tunc demum in Spiritu humilitatis & animo contrito iuscipiendos se sperare poterunt, ab eo cui spiritus contribulati sacrificium semper acceptissimum est, quique cor contritum & humiliatum nusquam despicit.

CAPVT VIII

*De rectitudine intentionis ad
sacrum Sacerdotij ministerium
digne suscipiendum
requisita.*

Matth.
6.

SI oculus tuus simplex fuerit, (ut loquitur Christus Dominus), totum corpus

corpus tuum lucidum erit: si autem oculus nequam fuerit, totum corpus tuum tenebrosum erit. Quæ verba explicans S. Augustinus; oculus noster (inquit) intentio nostra est, quæ si recta fuerit & simplex opera nostra munda facit, Deoque placens: si vero appetitu rerum temporalium inquinatur, ipsum quoque opus ea intentione susceptum serdescit.

Lib. de
ser. Do-
mini in
monte &
in hac
verba,

Ex quo sequitur quod quamvis seipsum diuino cultui, per Ordinis alicuius susceptionem mancipare, sit actio ex suo genere optima & sanctissima: illam nihilominus, si pura & recta intentio desit, à bonitate & sanctitate excidere: imò si praua intentio adsit, deformitatem illius induere, & sic Deo valde exosam fore: optimi si quidem pessima corruptio.

Quilibet igitur Sacræ Hierarchiæ nomen dare cupis, ne lucra sæculi, in Christi militiâ quæras (vt monet S. Hieronymus) magnus enim pudor est (inquit S. Gregorius Nazianzenus) Sacrum ambire, tanquam non virtutis exemplum, sed victus parandi occasionem & subsidium ordipem sacerdotalem esse existimes.

Epist. ad
Nep.
orat. 1.

Vnde in Concilio Colonienfi primo edicitur accuratè inuestigandum esse quo affectu ac proposito ordinandi accedant? num videlicet Dei causa tantum, an potius suæ commoditatis gratia ad ordines

Part. 1.
cap. 19.

ca.

capessendos aspirent, quarentes qua sua sunt, non qua Iesu Christi? quid est enim sua quærere, nisi cum tales non gratis Deum diligunt, non Deum propter Deum quærunt, temporalia commoda sequentes, lucris inhiantes, honorem ab hominibus expectantes?

Atque ut recte illius intentionis ad Ordines Ecclesiasticos digne capessendos necessariz aliquod expressius paradigma, vel ab ipsius tonsuræ clericalis susceptione exhibeatur: debent qui statum clericalem ambiunt serio apud se perpendere, quo fine, & quo motivo, Ecclesie clero adscribi velint? Hunc verò finem sacra Synodus Tridentina præscribit, scilicet *ut Deo fidelem cultum exhibeant*: quibus verbis, quædam observatu dignissima innuit: ea nimirum intentione clericalem tonsuram suscipi debere, in primis, ut qui suscipiunt, Deo cultum præstent: id est, non ut lucra temporalia sectentur, non ut prophanas ambitiones expleant, non ut ad beneficia Ecclesiastica captanda, & sæpe contra ius fasque inuadenda sint paratiores: sed eo tantum fine, eo solo & simplici intuitu *ut Deo cultum præstent*: & hunc *fidelem*, id est, ut quamvis nondum arctioribus vinculis diuino cultui mancipientur, & ut loquitur Concilium Moguntiacum *spontanea voluntate*

*Sess. 23.
cap. 4. de
reforma-
tione.*

*Conc.
Mog. sub
Carol.
mag. 2.
23.*

non solummodo ligentur, tamen quod ore profitentur, etiam sincero mentis affectu amplectantur, & cum Deum hereditatis suæ partem eligere se declarent, tales etiam exhibere se fideliter intendant, qui nullam aliam sibi partem præter Dominum quærant: *quid enim ultra querit, cui omnia suus conditor sit?* (ait S. Prosper) *aut quid ei sufficit, cui ipse non sufficit?*

Lib. 2.
de vit.
act. c. 16

Ex quo sequitur tonsura clericali insigniri non posse nisi illicitè, & cum graui peccato, qui dum illam recipit, animum habet à clericali professione auertum, qui coniugium meditat, qui vota sæcularia cogitat, qui statum aliquem clericali vitæ oppositum amplectendum sibi proponit. *nemo certe (iuxta Euangelicum effatum) mittens manum ad aratrum, & respiciens retro aptus est regno Dei.*

Vid. Na
uar. in
manua.
c. 7. n. 18
Gama-
ch. in 1.
2. q. 13.
cap. 36.
Luc. 9.

Quare (ut sapienter monet Cardinalis Palæota) *Clericus omnis profiteri debet se Christi militem stipendiarium, constitutum ad vitia debellanda, ad proffigandum Daemonem, ad virtutem & bonos mores reuocandos, ad pietatem, iustitiam, sanctitatemque in Christianum orbem inducendam, & ad ea omnia peragenda quibus Christus vincat, Christus regnet, ac peccatum tanquam illius terribissimus hostis exterminetur.*

Serm. 1.
ad cler.
in Ar-
chiepis-
cop. Bo-
non.

Quod si adeò pura & sancta inten-
tio

tio exigitur ab ijs qui prima duntaxat confusa initiantur, qualem & quam perfectam & diuinam ad sacros ordines & ad ipsorum ordinum verticem, Sacerdotium scilicet, requiri existimabimus? Qualem Diuinæ gloriæ promouendæ zelum? Quam feruidam & ardentem erga proximos in salutis negotio iuuandos charitatem? Quantum denique & quàm excelsum virtutum omnium, quæ statum Sacerdota-lem decent, desiderium?

*Decla-
mat in
hoc ver-
bo, (ecce
nos &c.)*

Verum cum S. Bernardo conqueri liceat; *Quis iam ea intentione gradus Ecclesiasticos, & ministeria sanctuarij quarrit, imò queritur?* (quari nempe potius quam querere ipse debuerat) ut sine curis saculi, in sanctimonia cordis & corporis, illuminandus accedat ad Dominum, & suam pariter ac proximorum salutem operetur, orationis studio deditus, & verbo predicationis? Nam si eos, eo quarit & intendit animo, eoque intuitu, ut huius vitæ habeat necessaria, Euangelizet ut mandeduci; peruerso nimis ordine, celestibus terrena mercatur, Quàm certe dignius, ampliusque consentaneum rationi, ut pro carnali victu, carnalia magis opera & negotia exerceret, nec fieret inuersor rerum, aut ministerium spirituale inhonoraret.

CAPVT. IX.

De alijs quibusdam ad Ordinum Ecclesiasticorum canonicam susceptionem praequisitis.

PRÆter illa quæ superioribus capitibus explicata fuerunt, quædam adhuc obseruanda supersunt ad debitam & canonicam ordinum Ecclesiasticorum susceptionem, quæ hic breuiter proponentur.

In primis, igitur cauere sollicitè debet is, qui ordinibus initiari appetit, ne vlla censura innodatus, vlloue canonico impedimento sit irretitus: præcipua autem impedimenta irregularitatem inducentia duplicis generis sunt, alia siquidem ex defectu, alia ex delicto procedunt.

Alij autem sunt defectus in anima, vt si quis sic amens, lunaticus, epilepticus, energumenus, illiteratus, leophytus, &c.

Alij sunt in corpore, vt si quis sit leprosus, mutus, cæcus, membro aliquo mutilatus, aut ita debilitatus, vel deformis, vt ordinum functiones, vel nullatenus exercere, vel non
n in

nisi cum notabili indecentia possit.

Alij defectus famam spectant : vt si quis histrionicam, aut alias artes exercuerit, quæ iure canonico vel ciuili, infamiam secum inuehunt.

Alij, natales : vt si quis ex illegitimo concubitu procreatus, vel parentibus hæresi infectis, vel in hæresi mortuis ortus sit.

Alij, ætatem : quando scilicet quis ætatem ad ordines recipiendos iure præscriptam nondum attingit, annorum scilicet 22. inchoatorum pro Subdiaconatu, 23. pro Diaconatu, & 25. pro Presbyteratu.

Alij, morum mansuetudinem : vt si quis directe vel indirecte quamuis iuste, alterius morti, aut mutilationi cooperatus sit : quales sunt iudices, accusatores, testes, scribe, apparitores, alijque officiales curiæ sæcularis in causis criminalibus : Item ij qui in bello quamuis iusto, occidunt vel mutilant, &c.

Alij denique defectus procedunt ex bigamia, siue reali, siue interpretatiua, siue spiritali, quando scilicet quis vel bis nupsit, vel viduam duxit, vel post castitatis votum emissum, licet cum dispensatione, matrimonium contraxit.

Impedimenta ex delicto sex præcipua sunt : scilicet, 1. Homicidium voluntaria-

luntarium aut iniusta mutilatio alicuius; 2. Iteratio Baptismi scienter & culpabiliter facta: 3. Censuræ alicuius Ecclesiasticæ violatio: 4. Ordinatio per saltum: 5. Solemnis functio alicuius ordinis nondum recepti. 6. Hæresis.

Quæ quidem omnia hic memorizæ tantum iuuandæ gratia breuiter ac strictim proposita, fusiùs & destinctiùs explicata videri possunt apud Iuris canonici interpretes, aut alios moralis Theologiæ scriptores.

Oportet igitur vt ordinandus quisque diligenter perspiciat, & expendat, num aliquo ex his impedimentis implicatus sit; vt vel dispensationem via legitima quærat, vel ab ordinibus suscipiendis abstineat.

Obseruare secundo debetis qui statum Ecclesiasticum seu Sacerdotium appetit, ne aliquid præter charitatis vel iustitiæ, aut disciplinæ Ecclesiasticæ ordinem admittat: charitatis quidem, si v.g. parentes eius egestate conficiantur, eiusque opera & labore ad necessaria vitæ indigeant: iustitiæ verò si v.g. quis multis oneratus debitis ad statum Sacerdotalem confugiat, vt priuilegij clericalis obtentu fraudet creditores: demum Ecclesiasticæ disciplinæ, si v.g. quis varijs læcularibus negotijs implicatus, tutelis, alijsque
ratio-

rationibus reddendis obnoxius se clero adiungat : in his enim & similibus casibus præstat vel differre promotionem suam , vel ab ea penitus se remouere , quam Ecclesiasticum aliquem Ordinem inordinatè appetere .

Obseruare tertio debet vt in varijs Ordinum gradibus interstitia temporum à sacris canonibus præscripta religiose seruet ; *Quis enim* (inquit *Zozimus Papa*) *inuenitur tam arrogans , ut in coelesti militia statim dux esse desideret ; cum tyro ante non fuerit ? &c.* assuescat itaque in Domini castris , in lectorum primitus gradu diuini rudimentis seruitij , nec illi vile sit Exorcistam , Acolythum , Subdiaconum , Diaconum , per ordinem fieri ; nec id saltu , sed statutis , maiorum ordinatione , temporibus . Iam verò ad Presbyterij fastigium talis atcedat , vt & *Sess. 21. nomen atque impleat , & meritum probet . c. 11. 13 satis stipendia ante acta restentur .* & 14. Censuit nihilominus Tridentinum Concilium vt ab interstitijs Ordinum dispensare possit Episcopus , si ita ipsi videatur : vtque ad altiorem ordinem quis etiam ante elapsum annum à susceptione postremi , si necessitas aut Ecclesie utilitas id exposcat , iudicio Episcopi promoueri possit .

Obseruare debet quarto vt antequam promoueat , illius ordinis quem suscepturus est functiones probe exercere

cere nouerit, didiceritque cantum Ecclesiasticum, & alia similia quæ ad ministerium suum ritè obeundum necessaria sunt, ut in eo debitum Ecclesiæ obsequium iuxta ipsius Concilij Tridentini decretum impendere possit. *Sup. cap. 13. de*

Denique cuilibet ordinando ex-
 ste seruandum est eiusdem Concilij
 Tridentini decretum quo statuit, ne
 quis Clericus secularis quamuis alias sit
 idoneus moribus, scientia, & ætate, ad
 sacros ordines promoueaturs nisi prius legi-
 timè constet eum beneficium Ecclesiasticum,
 quod sibi ad victum honestè sufficiat, pa-
 tificè possidere. id verò beneficium resignare
 non possit, nisi facta mentione quod ad illius
 beneficij titulum sit promotus: neque ea
 resignatio admittatur, nisi constito quod
 aliunde viuere cōmode possit: & aliter resi-
 gnatio facta nulla sit. Patrimonium
 (sancto-
 vero vel pensionem obtinentes ordinari-
 rum) di-
 post hac non possint, nisi illi quos Episcopus
 iudicauerit assumendos pro necessitate vel
 commoditate Ecclesiarum suarum: eo secun-
 quoque prius perspecto, patrimonium il-
 lud vel pensionem verè ab eis obtineri, ta-
 liaque esse quæ eis ad vitam sustentandā
 satis sint: atque illa deinceps sine licen-
 tia Episcopi alienari, aut extinguī, vel Episco-
 remitti nullatenus possint; donec benefi-
 cium sufficiens sint adepti, vel aliunde
 habeant unde viuere possint: antiquorum

ref.

13. de

ref.

Sess. 21.

cap. 2. de

ref.

Vid. can

(sancto-

rum) di-

stin. 70.

can. (cū

commoditate

Ecclesiarum

suarum: eo secun-

quoque prius perspecto, patrimonium il-

lum) de

liud vel pensionem verè ab eis obtineri, ta-

praben-

liaque esse quæ eis ad vitam sustentandā

dis, &

satis sint: atque illa deinceps sine licen-

can (si

tia Episcopi alienari, aut extinguī, vel Episco-

remitti nullatenus possint; donec benefi-

pus) de

cium sufficiens sint adepti, vel aliunde

prab. in

habeant unde viuere possint: antiquorum

16.

canonum poenas super his innovando.

Quoniam verò in varijs diocesi-
bus Episcoporum cura & sollicitudi-
ne, plurima eaque saluberrima decre-
ta edita sunt de ijs quæ ad digniorem
ac perfectiorem ordinum susceptio-
nem seruanda sunt: ideo quilibet or-
dinandus hanc præsertim afferre de-
bet dispositionem, vt iuxta monitum
Apostoli, præpositis suis fideliter obe-
diat, ijsque subiaceat, quam exactis-
sime seruando ea quæ à proprio Præ-
lato, alijsque ab ipso ad eiusmodi cu-
ram delegatis facienda præscribentur.

CAPVT. X.

*Explicantur proxima & im-
mediatæ dispositiones ad
sacramentum Ordi-
nis debite ac dignè
recipiendum.*

INter solemnes illos ritus quibus al-
taria Diuino sacrificio peragendo
consecrantur, quinque sunt præcipui,
quos non incongruè hic referre posu-
mus, ad designandas quinque proxi-
mas dispositiones, quæ maximè desi-
derantur in ijs, qui & altari inservire,
8

& ipsimet velut mystica quædam altaria & templa esse debent speciatim diuino cultui dedicata: imo quos hortatur Apostolus *ut corpora sua hostiam viuentem, sanctam, Deo placentem, exhibeant.* Rom. 12

Primo igitur multiplex & mystica lotio cinere, & lase, cum aqua admixtis adhibetur: tum variæ & solennes preces offeruntur: exinde crebri suffritus: postea multoties repetitæ vnctiones & chrismationes: ac demum plurimorum luminarium super ipsa altaria accensiones & consumptiones sacro illi ritui finem imponunt.

Atque in primis multiplex illa lotio designat primam & præcipuam ad sacramentum Ordinis suscipiendum dispositionem, scilicet conscientiam à quibuslibet peccatis perfectam quantum fieri potest purgationem: idque non modo sacramentali confessione, quæ in varijs nostræ Galliæ Concilijs, Ordinum susceptioni præmittenda decernitur: sed etiam crebrius repetitis veræ humilitatis & contritionis actibus, nec non salutaribus quibusdam mortificationis ac pœnitentiæ exercitijs, itaut quisquis ad sacrum ministerium promouendus est, cum Propheta sapius inlclamet. *Amplius laua me Domine ab iniquitate mea, & à peccato meo* In Syn. Treccē. ã. 1427 Carnot. ã. 1526 Parisiē. ã. 1557 Bituric. ã. 1587 Psal. 50

munda me: & sic in spiritu humilitatis, & in animo contrito suscipi mereatur.

Secunda dispositio est crebra & feruens oratio: sicut enim quiuis ad sacrum ministerium promouendus, specialissimis & affluentissimis Diuinæ gratiæ auxilijs indiget, vt illud dignè recipere, & debitè exercere queat; sic illam gratiam crebra & feruenti prece postulare debet ab eo, qui dat omnibus affluenter & nemini improperat: crebro igitur intret in cubiculum cordis sui, claudat ostia sensuum suorum super se: & ex intimo cordis affectu oret Patrem illum cœlestem, qui dat Spiritum bonum petentibus se.

Tertia dispositio per suffitus expressa consistit in varijs virtutum affectibus, qui siue poenitentiae, siue orationis, siue alijs pietatis ac Religionis exercitijs intermiscendi sunt; ijque quasi quibusdam cœlestibus odoramentis ipsius ordinandi anima veluti respergenda, & præparanda, itaut dicere queat, *dum esset Rex in accubitu suo, nardus mea dedit odorem suauitatis.* Nunc igitur instar alterius Miphiboseh, ad Regium hospitium & epulum iamiam admittendi exclamet; *Quis ego sum seruus tuus Domine mi Rex, quoniam respexisti super canem mortuum similem mei.* Nunc cum Regio Psalte; *Quam dile-*

*dilecta Tabernacula tua Domine virtutum, concupiscit & deficit anima mea in atria Domini. Nunc cum eodem repetat Magnus Dominus & laudabilis nimis in ciuitate Dei nostri in monte sancto eius. Nunc istud animo reuoluat. Quis ascendet in montem Domini, aut quis stabit in loco sancto eius? innocens manibus & mundo corde, &c. sibi que ipsi diffidens, inclamet; ab occultis meis munda me Domine, & ab alienis parce seruo tuo. & sic hos aliosque similes affectus, veluti suaues quosdam suffitus emit-
tat, eiusque anima fit per desertum ascendens quasi virgula fumi ex aroma-
ribus myrrha & thuris.*

Ps. 83.
Ps. 47.
Ps. 23.
Ps. 18.
Cant. 3.

Quartam dispositionem vinctio & Chrismatio designat, charitatem, scilicet, quæ est oleum illud lætitiæ quo præ alijs participibus suis vngi debet cuius diuino cultui consecrandus: imò, quo ad exemplum illius sanctæ ad triclinium Diuini conuiuij admissæ, Christi Domini pedes & caput incessanter iungere debet, idque iteratis in eum feruentis amoris actibus. Cum enim per sacram Ordinationem ad eum statum eleuetur, in quo non iam seruus sed amicus ab ipsomet Christo Domino puncupatur, ab eoque specialissimæ beneuolentiæ pignora accipiat: vt tali tantoque amico vicem rependere vtrumque incipiat, nihil melius

præstare potest, quam si ex toto cordis affectu diligat eum à quo prior dilectus est.

Dicat igitur cum Psalmographo; Di-

Pf. 17. ligam te Domine fortitudo mea, Dominus firmamentum meum, & refugium meum, susceptor meus & liberator meus, &c.

Repetat crebro cum eodem, quid mihi est in cælo, & à te quid volui super ter-

Pf. 72. ram, Deus cordis mei, & pars mea Deus in æternum: & mihi adharere Deo bonum est, & ponere in Domino Deo spem meam, ut annuntiem omnes predicationes tuas in portis filia Sion. libentissime subscribat

Apostolo edicenti. si quis non amat Dominum Iesum Christum, Anathema

16. sit: & cum eodem Diuinæ gratiæ in-

Rom. 8. separavit à Charitate Christi tribulatio? an angustia? an gladius? an fames? an nuditas? &c.

Quinta denique dispositio adumbrata per accensionem & consumptionem, est deuotio, quæ ut Illustrissimus Episcopus Gebennensis rectissime dixit, charitatis ignescentis veluti flamma est, & quæ tum ipsius charitatis, tum aliarum virtutum operationes consummat & perficit; si igitur ullum tempus est in quo effulgere & efferuere debeat deuotio, illud maxime cum quis Diuino cultui totum se deuouere disponit: & hæc deuo-

deuotio tum actiones omnes antecedentes, tum præsertim ipsam Ordinis susceptionem comitari & perficere debet; itaut & fidem accendat, & reuerentiam excitet, & modestiam componat, & attentionem in tantis Mysterijs perficiendis necessariam inspiret.

Has igitur dispositiones Ordinandus instante iam hora suæ promotionis animo repetens, cum Psalmista dicat, *hæc recordatus sum, & effudi in me animam meam, quoniam transiit in locum tabernaculi admirabilis, usque ad domum Dei.* Ps 41.

Et cum se nomine proprio vocari audierit, sacro horrore plenus & summissi animi reuerentia, tanquam ipsiusmet Dei auditæ vocæ accedat; & impositionem manus Episcopalis accipiens, manum Christi inuisibiliter extensam, & Sacramentum perficientem adoret, & spiritu osculetur: & siue procumbat in faciem, siue genuflexus communes cum alijs preces offerat, siue fidei & obedientiæ professionem emittat, siue reliqua ex præscripto Ecclesiæ exequatur, omnia in Deo, coram Deo, propter Deum, & cum Deo peragat.

Et tandem perfecta Ordinatione, consummatis Mysterijs, gratiisque Deo actis, cum pace discedat; id est,

cum ea mentis tranquillitate, & ad gratiam susceptam attentione, ut nihil rerum occurrentium animum interturbet; sed potius ut nouum hominem iam indutus, qui creatus est in iustitia & sanctitate veritatis, nouam vitam feliciter inchoet, & ambulare digne Deo incipiat, uocatione qua uocatus est.

Ut uerò supra dicta omnia melius animo concipiantur, firmitusque inhaereant, & ordinandi ipsi ad sacra ministeria capeffenda perfectius dispositi accedant; consultissimum erit ut per aliquot dies, reliquis curis & conuersationibus saecularibus sepositis, huic uni negotio vacent, & eo fine aptum aliquem secessum petant: ubi spiritalibus exercitiis & sanctis meditationibus pios affectus foueant, concepta desideria obfirmant, seque ipsos paratiores exhibeant ad uerberiores gratiae caelestis influxus in se recipiendos.

Leuit. 1. Quod quidem quantum Deo placeat, & quam aptum sit ad finem hunc consequendum, testatur id quod in veteri lege Aaroni, eiusque filiis praescriptum Diuinitus fuit, nimirum ut de ostio tabernaculi per septem dies non egrederentur, usque in diem, quo consecrationis illorum tempus compleretur: quo toto temporis spatio, die ac nocte manere debebant in tabernacu-

lo, obseruantes custodias Domini,
& varijs religionis exercitijs operam
dantes.

Quod & postea in lege gratiæ à plu-
ribus sanctissimis viris ante sacram Or-
dinationem seruatum fuisse Ecclesia-
stica Historia testatur; & nunc etiam
varijs in locis seruari cum maximo Ec-
clesiasticæ disciplinæ profectu, ipsa
docet experientia.

Et quoniam, vt ait Regius Psalter,
in meditatione ignis exardescit visum. Ps. 38.
est subiungere capite sequenti selectas
aliquas meditationes, huic secessui
aptas ad instar illarum quas Illustrissi-
mus Episcopus Gebennensis in parte
prima suæ Philotheæ, seu ad vitam
pie instituendam manuductionis, ex-
scripsit; quæ quidem sic dispositæ sunt,
vt tam ijs qui sacros Ordines susceptu-
ri sunt, quam illis qui iam susceperunt
vsi esse possint.

Quod si quis meditationis seu ora-
tionis mentalis praxi nōdum assuevit,
ea perlegere poterit, quæ super
hac re in secunda parte huius
opæris explicata re-
perientur.

CAPVT XI.

MEDITATIO PRIMA.

De beneficio vocationis ad statum Sacerdotalem.

1. **C**onsidera quantum sit illius Diuinæ vocationis beneficiū ex parte ipsius Dei; qui ex pura misericordia cum ipsi nullatenus utilis aut necessarius, imò penitus inutilis esses, te nihilominus præ multis aliis ad suum ministerium vocauit & elegit: Dic *Pf. 15.* illi cum Propheta; *Conserua me Domine quoniam speravi in te, dixi Domino Deus meus es tu, quoniam honorum meorum non eges.* Dic tibiipso, & sæpius repete, seruus inutilis sum, utinam quod teneor facere, hoc faciam. Agnosce quantum Diuinæ bonitati debeas? Vide quid illi pro tam ineffabili erga te misericordia & munificentia rependere velis.

2. Considera magnitudinem illius beneficii ratione sublimitatis & excellentiæ status illius ad quem vocatus
1. Reg. es: *Num parum vobis videtur, esse*
18. *generum Regis? (aiebat Dauid) ego*

autem sum vir pauper & tenuis: sed quantum videri debet, esse ministrum & cooperatorem ipsius Regis Regum Iesu Christi, & dispensatorem mysteriorum eius? Quid & quantum, esse illius non seruum, sed amicum? Et tu quis es qui ad tam sublimem honoris ac dignitatis gradum voceris? Nonne longe potiori ratione dicere debes, Ego autem mendicus sum & pauper, Dominus sollicitus est mei: adiutor & protector meus es tu, Domine ne moreris. Ps. 69.

3. Considera & serio perpende in illo vocationis beneficio, Diuinæ erga te charitatis excessum, ratione indignitatis tuæ, & peccatorum à te commissorum: qui enim ob *iuuentutis tua delicta & ignorantias* puniri dignus eras, qui ob tot gratias neglectas, imò sæpe abiectas, & repudiatas, abijci & repudiari merebaris, inscrutabili Dei misericordia ad diuinum ministerium vocatus es, & ex *vase contumelia*, factus es *vas honoris & electionis*. S. 1. Rom. 2. scipe & mirare Diuinæ erga te bonitatis diuitias. Caue ne forte *secundum duritiam tuam & impoenitens cor, thesaurises tibi iram in die ira & reuelationis iusti iudicij Dei*. Vide quomodo & qua ratione satagere velis *ut per bona opera certam tuam vocationem & electionem facias*; inspice in particulari quæ opera præsertim Deus à te requi- 2. Pet. 1.

C 6 rat.

60 SACERDOS
rat, & eius gratiam instanter depre-
care.

MEDITATIO II.

*De scopo, & fine vocationis
ad statum Sacerdotalem.*

CONsidera Christi Domini verba
quibus declarat quis sit finis &
scopus vocationis ad statum Sacerdo-
10.15. talem & Ecclesiasticum, *Non vos me
elegistis (inquit) sed ego elegi vos, &
posui vos ut eatis & fructum afferatis, &
fructus vester maneat.* Posuit igitur di-
scipulos suos, eorumque successores,
& quotquot ad ministerium elegit &
vocavit, non ut otio marcescant, non
ut temporalibus commodis fruantur,
Pf.83. non ut gloriam mundi caprent; *sed ut
eant de virtute in virtutem, ut Domini
sui vestigia sectentur; qui enim mihi
ministrat (inquit) me sequatur.* Igi-
10.12. tur quando Diuinæ illius vocationis
gratiam primo accepisti, illud idem
tibi, quod unicuique discipulorum,
à Christo dictum puta, *sequere me.*
Matt.9. Vide, quo animo Dominum tuum
sequaris, & an ideo statum Ecclesia-
sticum amplecti velis, aut iam ample-
xus

xus, sis vt illius vestigijs insistas, vt quomodo ille ambulauit, sic & tu ambules.

1. Io. 2.

2. Considera te vocatum esse non modo vt eas, & profectu tuo spirituali intendas, sed etiam vt fructum afferas, vt acceptum talentum cum tuncore multiplices, vtque Diuinæ gloriæ propagandæ, & animarum saluti procurandæ totus impendaris; idque sacrificijs & orationibus incumbendo, officia & munia Ecclesiastica debite peragendo, ignaros instruendo, peccatores arguendo, obsecrando, increpando, cum omni patientia & doctrina, & alia Religionis & charitatis opera perficiendo: magnus vtique labor, sed magna gloria sequi Dominum, Euangelio collaborare, adimplere qua defunt passioni Christi, non vtique defectu valoris, sed excessu charitatis, qua Deus nos in societatem filij sui vocare dignatus est, vt si compatimur, & conglorificemur. Si laborum & passionum socij sumus, simus etiam consolationis & regni. Vide igitur quem in Ecclesia fructum afferre intendas? Cui operi præsertim incumbere, & quomodo illud exequi velis.

Eccl. 23.

2. Tim.

1.

Colloss. 1

Rom. 8.

3. Considera quam excelsus, quam optabilis sit finis vocationis tuæ, præ illo quem sibi vt plurimum in suis laboribus, occupationibus, negotiationibus, præfigunt personæ laicæ & seculares

- lares ; scilicet temporalia lucra, sæculi honores, vitæ commoda & voluptates : & quid sunt hæc omnia ? Quid habet amplius homo de vniuerso labore suo quo laborat sub sole ? Ecce vniuersa vanitas & afflictio spiritus. At verò seruorum Christi labor inanis non est, sed præterquam quod ex hac
- Luc. 6.** *vita mercedem, mensuramque bonam, & confertam, & cogitatam, & superfluentem recipiunt ; testatur Apostolus*
- 2. Cor. 4.** *lene & momentaneum onus tribulationis, æternum gloria pondus in illis operari. Et quamuis nullus esset tantæ mercedis intuitus ; quanti fieri deberet labor ob Christi gloriam susceptus ? Sed nunquid laborare dicendi sunt illi qui vere Christum diligunt ? Vbi enim amor, ibi non est labor. O vtinam talis esses, qualis ille cui inter labores & æstus*
- Genes. 29.** *videbantur dies pauci præ amoris magnitudine !*

MEDITATIO III.

De donis & gratijs excimijs statui Sacerdotali annexis.

- I. **C**onsidera gratias vberes & excimias quæ diuinitus conce-

ceduntur ijs qui sacram Ordinationem
 dignè suscipiunt; ac in primis gratiam
 sanctificantem, quæ non nisi copiosissi-
 ma per hoc Sacramentum confertur;
 tum virtutes infusas; exinde dona Spi-
 ritus sancti, quæ simul cum gratia in-
 funduntur: vt animam illius qui or-
 dinatur magis ac magis sanctificent,
 ornent, perficiant: demùm gratiam
 Sacramentalem quæ consistit in varijs
 illustrationibus, motionibus, alijsque
 cælestibus auxilijs, quæ ad sacra mi-
 nisteria ritè obcunda suo tempore præ-
 stantur ab eo, qui est adiutor in oppor- *Psal. 9.*
tunitatibus. Nonne hanc diuinam
 perpendens munificentiam fateberis,
 quia *facile est in oculis Domini subito ho-* *Eccles.*
nestare pauperem. Vide igitur quomo- *11.*
 do te ipsum ad tot tantasque gratias
 vbertim accipiendas cōuenienter præ-
 pares? quas orationes, quæ virtutum
 opera & exercitia ad id impendere ve-
 lis? qua fidelitate illis acceptis uti?

2. Considera excellentiam pote-
 statis quæ per sacros Ordines, ac præ-
 fertim per Sacerdotium confertur, tum
 ad nobilissima munera circa diuinum
 cultum obcunda, tum ad præstantissi-
 ma charitatis opera pro sanctificatio-
 ne & salute animarum exercenda,
 tum maxime ad res diuinas pertra-
 ctandas, Sacramenta scilicet confi-
 cienda & ministranda, præsertimque
 san-

sanctissimum Dominici corporis Sacramentum & sacrificium peragendū, nec non ad peccata remittenda, & gratiam reconciliationis Poenitentibus conferendam: Quis ista serio cogitans non obstupescat, Deum hominibus infirmitate circumdatis, mortalitatemque suam circumferentibus, id elargitum fuisse, quod nusquam Angelis concessum esse voluit? Cui enim aliquando Angelorum dixit, quorum remiseris peccata remittuntur eis: Confitere igitur cum Propheta, *Quis sicut*

- Ps. 112. Dominus Deus noster qui in altis habitat, & humilia respicit in cœlo & in terra, suscitans à terra inopem, & de stercore eleuans pauperem, ut collocet eum cum principibus populi sui. Et te ipsum diuina dignatione de terra suscitatum, & de stercore eleuatum, & cum principibus collocatum videns, diffide tibi ipsi, humiliare subpotenti manu Dei, & instanter eius gratiam require: ut hæc tui eleuatio non sit tibi occasio ruinæ, sed salutis.*
- 1. Pet. 5.*

- 3. Considera & serio perpende dictum Euangelicum, omni cui multum datum est, multum quæretur ab eo, & cui commendauerunt multum, plus petent ab eo. Is certe cui quinque talenta tradita fuerant, alia quinque lucratus est, nec laudari, imo fortassis abijci meruisset; si duo tantum retulisset,*
- Luc. 12.*

Caue

Caue igitur ne tot dona, totque gratias in vacuum recepisse dicaris? vide quem vltum donorum illorum & beneficiorum diuinorum facere intendas? quod foenus Domino referre; ac proinde quam sedulo & diligenter in **2. Cor. 6** omnibus exhibere te ipsum velis sicut Dei ministrum in multa patientia, in tribulationibus, in laboribus, &c.

MEDITATIO IV.

*De grauitate peccatorum quæ
committuntur à Sacerdotibus alijsque personis
Ecclesiasticis.*

I. **C**onsidera & perpende grauitatem peccatorum illorum ex circumstantia personæ peccantis. *Iam non dicam vos seruos, sed amicos meos* **Io. 15.** inquit Christus Dominus, suos discipulos, eorumque successores alloquens; quanto igitur maior felicitas & dignitas sublimior, esse ipsiusmet filij Dei, non modo seruum, sed amicum, tanto infelicius & indignius est, tantum, & tam amabilem Dominum offendere, eiusque amicitiam contemnere ac peccato violare. Vnde per
Pro-

Prophetam conqueritur. *Quid est quod dilectus meus in domo mea fecit scelera multa ? & si inimicus meus maledixisset mihi, sustinuissem utique ; tu vero homo unanims, dux meus & natus meus, qui simul mecum dulces capiebas cibos, &c.* Vide ne sis ille, de quo tam grauitur conqueritur ; ne inquam, tot beneficijs cumulatus, tot cœlestibus gratijs perfusus, toties ad sacram illius mentiam & secreta myſteria admiſſus, toties propria ipſius ſubſtantia velut ſucco quodam diuino recreatus & enutritus, nulla tamen iſtorum omniũ habita ratione tantorum bonorum, authorem peccato tuo violaueris ; & hoc agnoſcens, humiliare, confundere, ingemiſce.

2. Conſidera eorundem peccatorum grauitatem ratione ingrati tudinis adiuncta, repete animo quæ præcedenti meditatione dicta ſunt ; adde omnes effectus ſpecialis erga te prouidentia & beneuolentia quos à Deo accepisti, gratias omnes quibus præuentus es, & peccatis à te commiſſis oppone ; & audi vocem Dei conquerentis ; *Quid eſt quod ultra debui facere vinea mea & non feci ? an quod expectaui ut faceret uinas, fecit autem labruſcas ?* Sed contremiſce ad hæc Apoſtoli verba, *Terra ſuperuenientem bibens imbrem, proferens autem ſpinas & tribulos,*

reproba est, & maledicto proxima, cuius consummatio in combustionem, Vide post tot & tantarum gratiarum imbrem super te effusum, ne sis terra illa reproba, & maledicto proxima; & pere a Deo meliora & viciniora salutis. *Ibid.*

3. Considera, & apud te metipsum perpende, quot & quanta peccata commisisti, antequam ad sacrum ministerium accederes; quot & quanta ab eo tempore quo in Ecclesiæ sacrarium es admissus? Nonne, merito dicere debes *comprehenderunt me iniquitates meae & non potui ut viderem: multiplicata sunt sicut capillos capitis mei, & cor meum dereliquit me; & quis dabit capiti meo aquam, & oculis meis fontem lachrymarum* ut condigne peccata quæ in Deum meum commisi desleam, & sint mihi lachrymæ mea panes die ac nocte. Vide præterea & perspice peccatorum illorum scatutrigines & fontes, id est, prauas inclinationes, passionem indomitas, appetitus inordinatos: circumspice etiam causas exteriores, occasiones, periculosas, conuersationes inutiles & plerumque nocivas: & inuocata Dei misericordia, apud te metipsum propone quid agere debeas, quæ remedia adhibere, ut peccare cesses, innocentiamque peccatis deperditam veræ poenitentiae exercitijs,

Ps. 39.

Ier. 2.

MEDITATIO V.

*De morte eorum qui in sa-
cris ministerijs vitam
traduxerunt.*

1. **C**onsidera quam felix, quam
pretiosa coram Deo mors
pij Sacerdotis, qui fideliter ministe-
rium suum implevit, qui bonum certa-
men certavit, cursum consummauit, fi-
dem servavit: Hæc mors est illi finis
belli, laborumque omnium diuinę glo-
riæ causa susceptorum, & initium
æternæ pacis ac beatæ quietis. A
modo iam licet spiritus ut requiescat à
laboribus suis. Quanta est dignitas (ia-
quit Beatus Cyprianus) & quanta se-
curitas, exire hinc latum; & claudere
in momento oculos quibus homines vide-
bantur & mandus; & aperire eosdem
statim, ut Deus videatur & Christus.
Nonne igitur toto affectu talem mor-
tem exoptas? Nonne in corde tuo di-
cis moriatur anima mea morte iustorum
& fiant nouissima mea his similia. Vis
mori morte iustorum, viue vita iusto-
rum, opera iustorum exerce, quia
opera
2. Tim.
4
Apoc. 14
Lib. de
exho-
mart.
Nu. 23.
Apoc. 14

opera illorum sequuntur illos: dum tempus habes, operare bonum: in omnibus labora, opus fac Euangelista, ministerium tuum imple. Beatus utique seruus quem cum venerit Dominus inuenerit sic facientem.

Galat. 6
2. Tim.
4.

2. Considera è contrario, quam funesta, quam infelix, quam horrenda mors eorum qui in Ecclesiasticis ordinibus vel muneribus constituti infideliter vel perfunctorie se gesserunt; qui neglecto Dei cultu & Ecclesie obsequio, vitiis se immerferunt, cupiditatibus obsequuti sunt, & carnis curam fecerunt in desiderijs: *venient tunc in cogitatione peccatorum suorum timidi, & traducent illos ex aduerso iniquitates ipsorum, & erunt decedentes sine honore, & in contumelia inter mortuos in perpetuum.* Sed quæ tunc angustia, quis animi cruciatus, quis terror miserum sacerdotem inuadit? cum & præteritæ vitæ tam inutiliter, tam culpabiliter impensæ recordatur; & mortis instantis acerbos dolores perferat, & proxime futuri iudicii exitum perhorrescit. Obstupesce super cæcitate tot infelicitum Sacerdotum, qui de istis nupquam in vita sua recogitant; vide ne de illorum numero sis.

Sap. 4.

3. Considera statutum esse omnibus hominibus, proindeque omnibus Sacerdotibus, *semel mori.* In hoc enim na-

Hi eb. 9
I/a. 24.

tura

turæ debito erit *sicut populus sic Sacerdos*: moriendum igitur tibi est, qualiscūque sis, mortis in te sententia prolata est; sed quo tempore: qua hora? *sero? an media nocte? an galli cantu? an mane?* non constat, poena certa est, hora incerta. Moriendum tamen est, idque semel tantum; si pluries, si bis, quod vna vice deesset suppleretur altera: sed *statutum est semel mori*: & interim ex illo mortis tuæ momento, salutis vel damnationis tuæ pender æternitas. Iustorum vel peccatorum morte moriendum tibi est, elige: & si sapias; dum tempus tibi est, ita vitam tuam institue ut morte iustorum mori dignus sis: & ad maiorem cautelam, singulis diebus, præsertim ante somnum in eo statu reipsum compone, in eo sensu, in ijs animi dispositionibus, in quibus ultimo vitæ tuæ momento inueniri velles.

MEDITATIO VI.

*De ultimo examine & iudicio
eorum qui muneribus Ec-
clesiasticis functi sunt.*

2. Cor. 1. **C**onsidera & serio perpende
5. hæc Apostoli verba, *Omnes
nos*

nos manifestari oportet ante tribunal Christi, ut referat unusquisque propria corporis prout gessit, siue bonum, siue malum.

Omnes, inquit oportet manifestari, nullus excipitur; proindeque eodem momento quo ultimum vitæ tuæ spiritum emiseris, oportet te manifestari ante tribunal Christi, ibique omnia tua, etiam occultissima patefieri, discuti, in iudicium adduci: audies tremendam illam iudicis *vocem Reddo rationem villicationis tuæ. Sacerdotij tui, ministerij tui, talentorum tuorum.* Heu (aiebat Iob, & tu quoque longe potiori iure dicere debes) *quid faciam, cum surrexerit ad iudicandum Dominus, & cum interrogauerit, quid respondeo illi?*

Luc. 16.

Iob. 31.

2. Considera, quam exacta, quam rigida futura sit discussio illa; ibi enim iudicium tibi tubeundum erit, de omnibus factis, dictis, cogitatis: ibi omnia peccata tua, etiam ea quæ videntur leuissima, in iustitiæ diuinæ bilance expendentur. ibi non modò de proprijs peccatis reddenda erit ratio, sed etiam de peccatis aliorum, quibus verbo & exemplo prodesse debebas: ibi à te inquiretur quem usum feceris bonorum omnium naturæ & gratiæ quæ tibi concessa sunt? ad quid impenderis corporis tui membra & organa, animæ tuæ facultates, & quæcum-

cumque talenta tibi concredita ? *ibi*.
Pf. 74. iudicabuntur omnes iustitia tua, id est,
 omnes actus Religionis, charitatis,
 & aliarum virtutum : item orationes,
 officia diuina, sacrificia oblata ; ibi ad
 stateram sanctuarij expendentur om-
 nia à te facta vel omissa, in dispen-
 satione diuinorum mysteriorum, in ad-
 ministratione sacramentorum, in præ-
 dicatione verbi diuini ; denique cun-
 cta Deus adducet in iudicium, & cor-
 dis tui abditissima quæque scrutabitur
 in lucernis. *Hec ecce venit & quis po-*
terit cogitare diem aduentus eius ? & quis
stabit ad videndum eum ? ipse enim quasi
ignis conflans. Vigila itaque & omni
Mala- tempore ora (vt ipsemet iudex mo-
ch. 3. net) vt possis stare ante filium homi-
 nis, & eius passione intercedente tre-
 mendi illius iudicij felicem exitum
 sortiri.

3. Considera medium optimum
 ad promerendam supremi illius iudi-
 cis clementiam esse charitatis & mise-
 ricordia operibus sedulo incumbere ;
 beati siquidem misericordes, quoniam
Galat. 6 ipsi misericordiam consequentur. Igi-
 tur dum tempus habes, operare bonum
 ad omnes, maxime autem ad domesticos
 fidei. Et quascumque occasiones in-
 itruendi, exhortandi, consolandi, cor-
 ripiendi, & quouis modo iuuandi
 alios, eorumque saluti & bono spiri-
 tuali

tuali cooperandi, etiam eleemosynis
& subsidijs temporalibus, toto animi
affectu amplectere: ac denique impen-
de reipsum & libentissime superim-
pende pro animabus fratrum tuorum:
& sæpiissime tibi in mentem reuoca-
quæ in supremo iudicio Christus Do-
minus dicturus est; *quod uni ex mini-*
mis meis fratribus fecistis, mihi fecistis.

MEDITATIO VII.

De luctuosissimo statu Sacer-
dotum damnatorum.

Considera & tibi ob oculos po-
ne infelicem Sacerdotem ob
crimina sua, depositionis perpetuæ &
degradationis pœna damnatum: ex-
pende quam probrosum sit illi coram
venerabili Consacerdotum coetu, sa-
cris vestibus, & cunctis Sacerdotij sui
in signibus exui; quam acerbum & a-
marum à Prælato suo & animæ suæ pa-
rente cum exprobrationibus, & exe-
crationibus à Clero ejici: & sæcularis
iustitiæ ministris tradi; & cogita hoc
nihil esse præ ignominia, confusione,
& desperatione illius qui videt se ab
ipso met Christo Domino Sacerdotum

D. om.

omnium principe & parente, in æternum sine vlla misericordie spe abijci; omnibusque gratiæ suæ domis spoliari; ligatisque manibus & pedibus projici in tenebras exteriores, ac dæmonum potestati tradi. Heu quis intelligere potest quid sit à Deo in æternum abijci! à Deo in æternum separari! Deo in æternum priuari! Domine si tu me abijcis quis me recipiet? quò ibo à spiritu tuo, & quò à facie tua fugiā? O bone Iesu a te nunquam me separari permittas? in ista tantummodo voce, exaudi me.

2. Considera præter poenam illam damni quæ in Sacerdote, post tot ac tam insignia diuinæ benevolentie testimonia, non nisi acerbissima esse potest, alia insuper supplicia & tormenta esse subetunda; quæ præ alijs damnatis atrocissima ipsi infligentur; peccata enim Sacerdotis cum semper sint peccatis aliorum grauiora, maiorem etiam merentur damnationem; ac proinde in eum ignis inferni longè crudelius desuet, & quicquid in illo infelicitatis abyssio triste ac durum, quicquid amarum & acerbum, illud præ cæteris experietur. Heu Domine quis nonie-
 1. 89. potestatem iræ tuæ, & præ timore tuo iram tuam dinumeraret? Confige timore tuo carnes meas, à iudicijs enim tuis timui.

3. Considera cumulum infelicitatis

tis esse ipsius damnationis, & poena-
 rum illi adiunctarum æternitatem, &
 illius horrendæ æternitatis cogitatio-
 nem semper vrgentem & infestantem,
 quæ miserum illum continuo crucia-
 bit, eiusque animam velut iteratis de-
 sperationis aculeis lancinabit, & dis-
 cerpet. *Vermis eorum non morietur* (in-
 quit Christus Dominus) *& ignis eorum* *Marc. 9*
non extinguetur. O æternitas infelix!
 æternitas luctuosa! æternitas horren-
 da! quis illam æternitatem serio cogi-
 tare potest, & non continuo contre-
 miscere & horrore affici? *Anticipaue-*
runt vigilias oculi mei, (aiebat Prophe-
 ta, & tu dicetiam cum illo; *Turbatus* *Pf. 76.*
sum, & non sum loquutus; cogitavi dies
antiquos, & annos æternos in mente ha-
bui: &c. & dixi nunc capi: Ita hæc
 serio cogitans, hanc tremendam æter-
 nitatem animo reuoluens, nunc
 incipe ea velle, ea præsta-
 re, in ijs perseue-
 rare, quæ
 in
 æternum tibi pro-
 sint.



MEDITATIO VIII.

*De celestis gloria mercede
pijs Sacerdotibus præ-
parata.*

1. **C**onsidera Deum longe pro-
pensorem ad præmiandum,
quam ad puniendum, pro momenta-
neis seruorum suorum laboribus, æter-
nam illis præparasse mercedem, tan-
tam, tamque mirabilem, vt Aposto-
1. Cor. 2 lus dicat; *ne oculum uidisse, nec auris
auduisse, nec in cor hominis ascendisse,*
*qua præparauit Deus ijs qui diligunt il-
lum.* Et Christus Dominus discipulos
Mat. 5. suos alloquens, *Gaudete (inquit) &
exultate, ecce enim merces uestra copiosa
est in cælis.* En fidelibus Christi mini-
stris materia veri gaudij & sinceræ
exultationis, etiam in medijs ærum-
nis & laboribus, merces scilicet co-
piosa in cælis, ab ipso met Christo Do-
minio seruatore præparata & promissa.
Vide igitur quantum ipsius bonitati
debeas, qui etiam antequam esses,
tantam tibi gloriam & felicitatem
tot & tantis doloribus comparauit;
totque media ad illam promerendam
tibi

tibi prouidit, teque ideo ad ministerium suum vocauit, ut ubi ipse est, illic in æternum cum ipso esses. Gratiarum itaque summas illi age, & tantum tamque munificum benefactorem, & præmiatorem, præ omnibus illius beneficijs & præmijs dilige, & toto affectu illi obsequi & placere stude.

2. Confidera & perpende quod quamuis illa beatitudo & gloria omnibus animæ corporisque bonis affluat, vnum tamen esse bonum præ alijs bonis æstimandum & amandum, ipsum scilicet Deum, qui ineffabili charitate cunctos diuinitatis suæ thesauros electis suis aperit, seque ipsum illis clarè & intuituè videndum, amandum, fruendum, possidendum, pro tota æternitate tradit. O quisquis es fidelis Christi minister, qui in huius sæculi procellis & tentationibus pro eius honore præliaris, qui totum te pro Ecclesiæ obsequio, pro animarum subsidio impendis, audi ipsummet Deum, tibi quod olim alteri fidelissimo sibi seruo dicentem; *Noli timere, ego protector tuus sum, & merces tua magna nimis.* Genes. 15. Verè merces magna nimis propter *nimiā* scilicet charitatem qua dilexit Ephes. 2 nos: nimis quippe honorati sunt amici tui, Ps. 138. Deus, nimis confortatus est principatus eorum.

3. Confidera dictum S. Gregorij,

D. 3 ad

Homil. 37. in Euang. ad magna pramia perueniri non potest nisi per magnos labores; regnum enim celorum vim patitur: neque coronabitur, nisi qui legitime certauerit. Delectet igitur mentem magnitudo pramiorum, sed non deferreat certamen laborum: Imo ipsa promissæ gloriæ magnitudo animi magnitudinem excitet, & ad difficilia quæque pro Dei honore & amore subeunda Christi ministrum obfirmet. Quoties igitur in ipsis ministerijs Ecclesiasticis aliquid occurrer naturæ durum & asperum, quoties vrgebit tentatio aliqua, & contra spiritualia nequitie subeunda erit colluctatio, celum suspice, & illic Christum regnantem, palmasque ac coronas manu pro tendentem intueri; tibi que sæpius in mentem reuoca, quis sit laborum tuorum terminus; quis suscepti ministerij finis; quis enim alius est noster finis (inquit S. Augustinus) quam peruenire ad regnum, cuius nullus est finis.

† †
†

MEDITATIO IX.

*De illecebris & vanitatibus
mundi contemvendis, &
cœlestis patriæ bonis à Chri-
stiano Sacerdote toto affe-
ctu exoptandis.*

I. **C**onsidera fidelem Christi mi-
nistrum præ alijs Christianis
ad mundi contemptum amoremque
cœlestis patriæ obligari, tum quia
ipsi Christo propior factus ampliori
ipsius luce perfunditur, & sic rerum
mundanarum vanitatem, cœlestium
que bonorum veritatem perfectius
agnoscit: tum quia specialibus gratiæ
auxilijs donatus, & maiori ipsius Chri-
sti dilectione præuentus, illum plus
alijs diligere tenetur, & ad eius visio-
nem, fruitionemque ardentius suspi-
rare. Vide igitur quæ sit animi tui dis-
positio: quis illius sensus, quis affe-
ctus? illumque magis ac magis à re-
bus mundi huius abstrahe, & versus
cœlum, versus Deum erige, &, si verè
consurrexisti cum Christo, si vere no-
uum hominem induisti, incipe qua sur-
sum sunt querere, ubi Christus est in-

Coloss. 3

æxtera Dei sedens quæ sursum sunt sapere, non quæ super terram.

2. Considera quæ fuerit super hac re Sanctorum dispositio? quantum in illis vitæ præsentis fastidium? qualia & quam feruentia coelestis vitæ desideria; & eorum exemplo temetipsum ad similes affectus excita: Sicut cernuus desiderat ad fontes aquarum (aiebat Dauid) ita desiderat anima mea ad te, Deus: Sitiuit anima mea ad Deum fontem viuum, quando veniam & apparebo ante faciem Dei. & Quam dilectum tabernacula tua Domine Deus virtutum, concupiscit & deficit anima mea in atriis Domini. Cor meum & caro mea exultauerunt in Deum viuum. Et Apostolus Paulus, Coarctor, inquit, desiderium habens dissolui & esse cum Christo: & quis me liberabit de corpore mortis huius: & mihi viuere Christus est & morti lucrum. Vide an libenter eodem modo loqui velis, an similes affectus experiaris; & si quid obftet, si praua aliqua animi tui dispositio impedimento tibi sit; remedium exquire, & appone.
3. Considera optimam animi à terrenis desiderijs abstrahendi, & versus coelum eleuandi rationem esse studiū veræ & perfectæ mortificationis, quæ nos rebus omnibus huius mundi, & nobis etiam ipsis faciat immori, vt vitæ longè meliori & sanctori viuere incipia-

cipiamus; nimirum ut quivis Christi
 minister, in præparatione animi sui,
 omnibus quæ possidere, aut desiderare
 potest renuntiâns, sibi que seipsum
 abnegans, dicere possit cum Aposto- *Galat. 2.*
 lo; *vine ego, iam non ego, vivit vero in*
me Christus. Itaut in omnibus operi-
 bus & consilijs suis illud solum querat,
 non quod sibi, sed quod Deo placitum
 & honorificum esse potest. Huic igitur
 virtuti stude, illius praxi sedulo in-
 tumbe, & à minoribus illius exercen-
 dæ occasionibus incipe, ut maioribus
 & magis arduis paulatim assuescas:
 illius siquidem beneficio animus à ter-
 renis facibus purgatus, cælum liberius
 aspiciet, cælestibus intender, cælestia
 desiderabit & amabit: itaut cum
 Apostolo dicere possit; *Nostra autem*
conversatio in cælis est, unde etiam Sal- *Philip. 3.*
uatorem expectamus Dominum nostrum
Iesum Christum, qui reformabit corpus
humilitatis nostræ configuratum corpori
claritatis suæ.

MEDITATIO X.

De firmo vitæ Sacerdotalis piæ
instituendæ proposito
concupiendo.

1. **C**onsidera quantum intersit tibi
 firmum vitæ Sacerdotalis piæ
 D. 5. in.

instituendæ propositum concipere, hic est enim præcipuus meditationum præcedentiũ scopus, hic exercitiorum spiritualium finis: certè proposito illo deficiente, vita Sacerdotis vt plurimum infrugifera, instabilis, & varijs spiritualibus periculis obnoxia: sine illo proposito, omne caput languidum & omne cor moerens: & plerumque à planta pedis vsque ad verticem non est in eo sanitas. Denique hoc à te propositum Christus expectat, hoc à te expetit? vt toto cordis tui affectu illi soli adhæreas, illi soli viuas, ad illius soli us honorem & gloriam omnia tua & te ipsum referas. Vide igitur quid illi hoc à te efflagitanti respondere velis: & serio perpende diuini illius Seruatoris edictum, *INC. II. qui non est mecum, contra me est. & qui non colligit mecum, dispergit.*

2. Considera quæ sint benedictiones quæ hoc propositum firmiter in animo conceptum consequantur: hinc enim prouenit vera pax & tranquillitas animi; hinc in muneribus Ecclesiasticis obeundis alacritas, in virtutum exercitijs delectatio, aduersus tentationes irruentes robur; ex hoc denique proposito firmiter concepto, & quotidie iterato, procedit perseverantia, quæ est virtutum reliquarum veluti coronis & complementum.

Quid.

Quid igitur obstat quin hac ipsa
hora, hoc ipso momento, diuina gratia
innixus, concipias firmissimum propo-
situm vitæ tuæ secundum Dei volun-
tatem instituendæ, & ad normam
muneris tibi ab Ecclesia imponendi,
vel impositi componendæ; illudque
sic conceptum Deo offeras, & ab eo
instanter per Christi merita postules,
vt te in eo stabilire & confirmare di-
gnetur; eandemque oblationem &
postulationem quotidie iterare, &
renouare cures, vt *qui cœpit in te opus* Philip. I
bonum, ille perficiat.

3. Considera quomodo post pro-
positum illud conceptum, Deoque
oblatum te gerere debeas, nimirum
vt serio incipias illud opere exequi:
ita ut deinceps officia & functiones mi-
nisterij tui proprias debite exercere,
& virtutes quæ illud maxime decent
alacriter consecrari, & tentationibus
irruentibus fortiter oblucri, & ea-
denique omnia quæ ad vitam tuam
pie instituendam adiumento esse
possunt libenter amplecti studeas.

Quæ quidem omnia in quatuor re-
liquis huius libelli partibus, ordine
supra dicto explicata reperientur.



PARS SECVNDA.

De præcipuis Ordinum Ecclesiasticorum, ac præsertim Sacerdotij functionibus.

CAPVT PRIMVM.

De functionibus Ecclesiasticis in genere.

1. Tim.
4.



NOLI negligere gratiam qua in te est, qua data est tibi, inquit Apostolus Paulus charissimū sibi Timotheum alloquens, & idē sibi dictū æstimare debet quilibet sacris ministerijs initiatus: neque enim tot gratias & benedictiones, totque & tam eximia dona & munera per ordinationis sacramentum

tum conferri voluit Deus, vt inutiliter
 & otiosè traducerentur, ac veluti situ
 obsolescerent: omnis certè arbor (vt
 edixit Christus) qua non facit fructum
 bonum, excidetur, & in ignem mit-
 tetur.

Matt. 7.

Vnde sanctus Alexander Papa huius
 nominis primus in epistola ad omnes
 diuino sacerdotio fungentes, Gratia
 Dei, inquit; Fratres charissimi, sumus id
 quod sumus; idcirco nobis prouidendum
 est, & oppido decretandum ne in ea vacui
 inueniamur, sed eadem nobis cooperante
 fructum Domino plurimum reportemus,
 &c. nec enim negligendam gratiam no-
 bis Dominus dedit, sed fideliter exercen-
 dam.

Epist. 3.

Et Eminentissimus Cardinalis Pa-
 llotus Clerum diocesis Bononiensis
 alloquens; Sicut, inquit, in familia
 bene constituta nullus esse debet qui officio
 vacet, vt veteres dicebant; ita in Dei gu-
 bernatione nullus sustinetur otiosus, nul-
 lus qui confertis manibus sedere debeat,
 iuxta illud Saluatoris nostri, posui vos vt
 eatis & fructum afferatis, & fructus ve-
 ster maneat.

*Archie-
 piscop.
 Bonon.
 p. 7. ser. x
 ad Cler.*

Quod si queratis (vt idem alio in lo-
 co lubdit) qualis debeat esse ille fructus: *Ibid. p. 3*
 Respondetur, quod sicut cum plantatur *Serm. de*
 arbor pomii, expectatur ab eo fructus po- *Sacram.*
 morum, & à ficu ficuum, & ab olea oli- *Ordin.*
 uarum; sic à clericis ij fructus expectan-
 tur.

tur, qui eorum ordini respondeant; hinc
functiones instituta, quibus se quisque
exerceat, qua nihil aliud, quam fructus
sunt plantationum illarum & arbusculo-
rum: Ideo memores estote à vobis qua-
rendum esse huiusmodi fructum, & opor-
tere vos necessario præscriptas vobis fun-
ctiones accurate præstare.

Et sicut in arbore non satis est, si in
uno tantum aut altero ramo fructus hi
proveniant, sed undique eum nomis con-
tectant & onustum, & præ pondere incli-
natum spectare oportet, sic caute ne exi-
stimetis vos muneri vestro satisfacisse, si
aliquo tantum tempore, aut aliqua tantæ
in re ministerium vestrum obeatis: non
enim bona arboris speciem tunc referetis.
Vnde Apostolus ait, Deo per omnia pla-
cantes, in omni opere bono fructificantes,
& paulo infra; Fructus autem præsentis
& quotidiani esse debent: nam multi satis
sibi consultum putant quod olim laborave-
rint, & magna ut illis videtur gesserint:
non enim hac immunitatem tribuunt,
sed & nunc in illis exerceri oportet; nam
sicut oportet semper orare, & numquam
deficere, sic & semper operari, donec dies
est.

Pergit deinde, & tacite occurrens
obiectioni, quod si (inquit) dicant quis
arbores non quovis tempore fructus ferre,
sed certa tantum anni parte; respondetur,
Autumnum nostrum, siue æstivum tem-

pus messis nostra facienda aut fructibus colligendis opportunum, esse hoc breue spatium vite, quod nobis diuina largitur bonitas: dum lucem habetis credite in lucem, ut filij lucis ambulate, veniet enim nox, quando nemo poterit operari: tempus quiescendi nunc est huius, sed futuri seculi; sic enim in Apocalypsi legitur, amodo iam dicit spiritus ut requiescant à laboribus suis.

Porro quoniam functionum quę ad sacrum ministerium spectant, sublimitatem, & temporis ad eas obeundas destinati, totius scilicet vitę pręsentis diuturnitatem, & fortassis iniquitatem, nec non propriarum virium tenuitatem, & imbecillitatem causare quis posset, quominus tam arduum munus susciperet, vel susceptum implere se posse arbitraretur; vnde vel deferendam vocationem, vel animo despondendum esse videretur: Idem Cardinalis alio in loco, huic difficultati sapienter occurrens; *Positum est* (inquit) *in vno quoque vestrum, omnia cum Dei auxilio prestare: non enim is est Deus qui à se vocatos, & ad aliquod munus perfungendum delectos deserat, aut ore sua in medio cursu destituat; sed quos vocat, eosdem ingenti gratiarum thesauro sic ditat, ut commodè explere queant quęcumque in eodem iniuncto munere antea difficilia ac penè impossibilia*

*Part. 7
ser. 1. ad
Cler.*

bita esse videbantur. Permagnum est (fatemur) Sacerdotem pro rei dignitate; ac sacramentum legitimæ præscriptione se gerere: verum multò maiora sunt dona optima & perfectissima quæ à Patre luminum, in eorum Sacerdotum animos instillantur, qui Deo in sinceritate cordis, fidei veritate, ac vita, morumque puritate inservire student.

CAPUT II.

De functionibus & officiis,
Ordinis cuiusque proprijs
in particulari.

Ser. 9. de
offic. præ-
lat. &
cleric.

Ordinis sacramentum (inquit Petrus Blesensis, Est abronus ille eburneus mystici Salomonis, cuius reclinatorium aureum est, ad quem ascenditur sex gradibus purpureis media charitate constrictis; Sex nimirum ordinibus, quatuor minoribus, Ostiariatu scilicet, Lectoratu, Exorcistatu, & Acolythatu; & duobus maioribus, Subdiaconatu, & Diaconatu; in quorum fastigio est Sacerdotium ipsum, tanquam sacrae illius scalæ vertex & summitas, cui Deus ipse innititur, cum enim (ut in Tridentina Synodo dicitur, divina

Sess. 22.
cap. 2. de
refor.

res sit tanti Sacerdotij ministerium, consentaneum fuit, quo dignius & maiori eum veneratione exerceri posset, ut in Ecclesia ordinatissima dispositione plures & diversi essent ministrorum ordines, qui sacerdoti ex officio deservirent, ita distributi, ut qui iam clericali tonsura insigniti essent per minores ad maiores ascenderent.

Statuit autem prædicta Synodus, Ut sanctorum illorum ordinum à Diaconatu ad Ostiariatum functiones, ab Apostolorum temporibus in Ecclesia laudabiliter recepta, & pluribus in locis aliquandiu intermissa, in usum iuxta sacros canones revocarentur, &c. Ideoque omnes & singulos Prælatos Ecclesiarum in Domino hortatur, ut quantum fieri commode poterit in Ecclesiis Cathedralibus, Collegiatis, & Parochialibus sue Diocesis, si populus frequens, & Ecclesia promerens id ferre queant, huiusmodi functiones curent restituendas.

Quod quidem cum pluribus iam in locis ipsorum Prælatorum zelo ac sollicitudine feliciter inchoatum sit, ut in alijs etiam facilius præstari possit, & cuius Ecclesiasticis ministerijs ascriptus, ad omnes muneris sibi impositi partes exequendas paratior sit, opere pretium duximus, hic summam describere præcipuas & hodiernæ praxi magis accommodatas cuiusque ordinis

Sup. cap.
17. de
refer.

Concil. Tridēt. sess. 23. Pōt. Ro. ait. de Or din. Ca- techif. nis functiones, prout illas tum ex ipso Concilio Tridentino, tum ex Pontifi- cali & Catechismo Romano, tum etiam ex varijs Concilijs, & Synodi- cis constitutionibus ad marginem cita- tis collegimus.

Ro. p. 2. cap. 7. Concil. Cartag. 4. Tolet. I. Aurel. 2 Med. I. Colon I Quod quidem vsui esse poterit, non modo inferioribus ministris, sed etiam ipsismet Sacerdotibus quos saepe ne- cesse est inferiorum illorum vices sup- plere, & quos semper maxime decet eos qui in Hierarchia Ecclesiae sibi sub- duntur, ad debitam ministeriorum sibi priorum functionem, non so- lum verbo, sed etiam exemplo in- struere.

Archie- pis. Bon. Decret. Vercel. Eccles. Io Bon hom. Ut igitur ab ipsa ordinum ianua, Clericali scilicet tonsura, incipiamus: Clerici prima duntaxat tonsura initiati debent fidelem Deo cultum pro viri- bus exhibere: clericalis vitae ordinem secundum Ecclesiae leges, & proprii Praelati decreta custodire: doctrinae Christianae exercitationes adiuuare, & ijs qui alios Catechismum docent opem commodare, & obsequium praestare: cumque alij ministri defue- rint in missis, ordinum minorum vices exequi, ac Sacerdoti celebranti mini- strare.

Ostiariorum functiones propriae sunt, campanas pulsare, ostia Eccle- siae custodire, eaque debitis tempo- ribus.

ribus referare & claudere: ipsam Ecclesiam mundare, & ornare: altaria præparare: ab Ecclesiæ ingressu nominatim excommunicatos, interdictos, & infideles prohibere, nec non canes & alios animantes ab eadem arcere: Ipsorum etiam est curare ne quis sacris altaribus corpore aut brachijs incumbat: ne quis in Ecclesia obstrepat, deambulet, confabuletur; aut aliquid aliud agat quod sanctitati loci minime conueniat; item ne mulieres indecenter compta & ornata, & contra pudicitia Christiana decorem aliqua sui corporis parte denudata, Sacris mysterijs communicent; ne etiam mendici eleemolynas queritando Ecclesiam obambulent, & fidelium preces interrumbent; ne baiuli, portitores, alijque quibusuis rebus onusti per Ecclesiam transeant.

Ad Lectores pertinet, in Ecclesia, Prophetias quæ interdum in Missa, & Lectiones quæ in Officio Diuino recitari solent legere, & quæ legunt, distinctè pronuntiare, accentuum rationem legendo seruare, & vocem singulis sententijs recte accommodare: Antiphonas quoque in choro præcinere, & ipsius Chori cantum Ecclesiasticum iuuare. Ad eosdem etiam spectat prima doctrina Christiana rudimenta pueris tradere, nec non

panem & fructus novos benedicere.

Exorcistarum officium est curare ut nunquam in vasis aqua benedicta deficiat, atque ut tempore conuenienti à Sacerdote renouetur & benedicatur, eique benedictioni assistere vel ministrare; & ipsam aquam ad benedicendum præparare, vasaque ipsa diligenter abstergere & lauare; item in solemni Baptismatis administratione adesse Sacerdoti baptisanti, ipsique sal exhibere, & librum de quo exorcismos legit coram eo sustinere; & denuntiare ijs qui non communicant ut dent locum communicantibus.

Quamuis autem munus exorcizandi dæmones, etiam huius ordinis proprium sit, non tamen illud Exorcistæ sibi ambitiose arrogare, sed seipsum ita castos custodire, & in omni virtutum genere exercere debent, ut (si ita proprio ipsorum Prælato videatur, sine cuius speciali mandato nihil attentare debent) ad hanc etiam officij sui partem implendam se semper paratos exhibeant.

Ad Acolythos spectat Diaconum ac Subdiaconum ad altaris ministerium procedentes anteire, eisque prout res exigit ministrare; vtreolos nitidos cum aqua & vino in pellicula pro Missæ sacrificio præparare: lumi-

naria in altari accendere, eaque in processionibus cruci præferre: cum Euangelium in Missa solemnè cantatur, cum iisdem luminaribus Diacono ab utroque latere assistere: cum sanctissimum Christi corpus in Missæ sacrificio eleuatur cum luminaribus rite assistere: acerram & thuribulum cum igne præparare & Subdiacono cum opus est ad manum præbere: omnium etiam Sacramentorum administrationi præsentem adesse; & Episcopum comitari, eiusque iussa suscipere & exequi.

Subdiaconorum munus est, ut nomen ipsum indicat, Diacono ad altare inferuire: panem & vinum aliaque ad sacrificij usum necessaria præparare: crucem in processione præferre, Epistolam alta voce in Missa legere: Sacerdoti manus in altari abluenti aquam infundere: ipsique sacris operanti tanquam testes assistere, & illum custodire ne à quoquam inturbari possit: sacra etiam linteamina, id est, corporalia & pallas altaris abluere.

Diaconorum partes sunt, Sacerdoti celebranti proxime assistere & ministrare; in ipso Missæ sacrificio Euangelium publice legere: item ex commissione superiorum, Bapismi Sacramentum solemniter conferre: verbumque diuinum fidelibus prædicare. Est etiam

etiam illorum vi ordinationis suæ Episcopum sequi, quando id iubet, eumque concionantem aut celebrantem custodire; & instar oculorum eius peruestigare, num omnia in Ecclesia vel Dioecesi recte se habeant. Et si quæ secus deprehenderint, de his Episcopum commonescere: quod hodie ad Archidiaconos præsertim spectare censetur.

Denique Sacerdotum functiones propriæ sunt, orationes & preces Ecclesiæ nomine solemniter ad Deum dirigere: sanctissimum Missæ sacrificium offerre: baptismum, poenitentiam, aliaque sacramenta (Confirmatione, & Ordine exceptis) administrare; verbum diuinum prædicare, & alia omnia ad cultum diuinum, salutemque animarum spectantia Episcopis iure diuino aut Ecclesiastico minime reseruata secundum canonicas leges peragere.

Quoniam vero maximi momenti sunt hæ functiones sacerdotales, (licet alioquin creberrimæ sint, & quam sapissime in vsum veniant) plurimumque interest vt eo, quo decet modo exerceantur. Ideo in sequentibus huius secundæ partis capitibus de vnaquaque illarum speciatim aliquid à nobis dicetur; ac in primis de oratione, quæ præcipuum locum in illis Sacer-

cerdotalibus functionibus sibi vindicat.

CAPVT III.

De studio orationis cui Sacerdos precipuo affectu incumbere tenetur.

Quale debeat esse orationis studium in Sacerdote, vel ex eo liqueat quod, vt Apostolus loquitur, *Ipse Sacerdos ex hominibus assumptus, pro hominibus constituitur in ijs qua sunt ad Deum*; Hoc enim proprium illius munus est, Sanctuario Dei astare, & Angelorum in terris vicem supplere, eundemque famulatum in Ecclesia militante Deo impendere, qui ei à beatis illis spiritibus in Ecclesia cœlesti exhibetur; Sacerdos siquidem *Angelus Domini exercitus est*, proindeque, vt Angelus debet iuxta aram templi stare, & aureum habere thuribulum in manu sua multo incenso & aromatis refertum, vt de manu eius ascendant fumus aromatum, & sicut incensum dirigatur oratio eius in conspectu Dei.

Heb. 5.

Mal.

ch. 2.

Quod etiam adumbratum videtur
in

in illis viginti quatuor senioribus Presbyterorum in Ecclesia typum gerentibus, qui quidem singuli præ manibus semper *habebant phialas aureas plenas*
Apoc. 5. odoramentorum, quæ sunt orationes sanctorum.

Et ut figuras relinquamus, ipsemet Christus Dominus totius Sacerdotij vertex, & Sacerdotum omnium perfectissimum exemplar, in Euangelij refertur orationis exercitium præcipuo quodam studio coluisse: nunc in loca desertæ & montes orandi gratia secedens, nunc in oratione Dei pernoctans, nunc summo diluculo in templum oraturus adueniens, nunc in medijs turbis oculos vertus coelum eleuans ac Patrem orans, nunc alios ad orandum instituens & excitans, & semper orandum ac numquam ab oratione deficiendum esse docens.

Quibus quidem exemplis & documentis euidentissime testatum esse voluit cuius Sacerdoti, qui suis vestigijs fideliter inhaerere velit, orationi præcipuo quodam studio instandum esse.

Certe vel ipsa infirmitas, qua, sicut & alij homines, ipse etiam Sacerdos circumdatus est, & hostium acerbitas, quorum insultibus patet, sublimitasque ac difficultas obeundorum ab ipso munerum, satis euincunt orationis necessi-

cessitatem, qua diuinam gratiam exoret, sine cuius subsidio, nec hostium impetus propulsare, nec munera sibi imposita digne peragere possit.

Qua de re loquens beatus Chrysostomus; *Arbitror, (inquit) cunctis esse manifestum quod simpliciter impossibile sit absque precatationis praesidio cum virtute degere, cumque hac vita huius cursum peragere.* Et sane si attente inquirere volumus vnde tanta in plerisque Sacerdotibus inopia virtutum, vnde inordinatio vitae, vnde morum corruptela, vnde quicumque alij defectus, non erit difficile tot malorum scaturiginem deprehendere, scilicet orationis neglectum: sicut enim iuxta D. Augustini estatum, *Ille nouit recte viuere, qui nouit recte orare*: sic in sensu contrario dicere possumus quod ille nescit recte viuere, qui nescit recte orare.

Ut igitur Sacerdos & peccata deuotitate, & in virtute proficere, & gratias sibi, aliisque necessarias & salutare consequi possit, hoc apud se firmiter statuatur, sibi peculiari cura orationis studio incumbendum esse, hocque Religionis exercitium praecipuum esse vitae Sacerdotalis munus, cui toto animi affectu vacare tenetur.

Quod quidem ut eo quo decet modo praestet, hoc praesertim attendat, ut quotiescumque & quomodocum-

*Lib. I.
de oratio
Deum,*

*Hom. 4.
ex 50.*

B

que

que orare libuerit, siue publicè, aut priuatim, siue ex obligatione, vel ex sola deuotione, siue mentaliter aut vocaliter (de quibus postea) ea quæ sequuntur fideliter exequi studeat.

In primis oret cum summa sui ipsius demissione coram Deo, *Oratio enim humiliantis se penetrat nubes, & non discedet donec Altissimus aspiciat.* Proinde oraturus sui ipsius temper. infirmitatem, Deique supremam maiestatem attendat, dicatque cum sancto illo *Gen. 28. Patriarcha, Loquar ad Dominum meum cum sim puluis & cinis.*

2. Oret cum corde puro, & conscientia bona, atque ab omni peccato aliena; erepim (vt loquitur S. Ioannes,) *Si non reprehenderit nos cor nostrum, fiduciam habeamus ad Deum, & quicquid petierimus accipiemus ab eo.* Neque tamen si quis nihil sibi conscius sit, ideo iustificatus est; & quamuis (vt *Ser. 5. in* ait S. Bernardus) *accepta gratia fiduciam* *Quadr.* *donec orandi, non tamen oportet ut in ea quisquam constituat fiduciam impetrandi, ac proinde sanctus ille vir imitandus est qui dicebat, non in iustificationibus nostris prosternimus preces ante faciem tuam, sed in miserationibus tuis multis.*

3. Oret cum deuotione, ita ut oratio ex intimo cordis affectu procedat; vnde S. Chrysostomus perpendens illa *Ps 129. Psalmistæ verba; De profundis clamaui ad*

ad te Domine: Quid est (inquit) De profundis: non dixit solummodo ex ore, vel lingua, errante enim mente sapientia funduntur: sed ex corde profundissimo, cum magno studio & magna animi alacritate, ex ipsis mentis penetralibus, &c. qua enim ex ore tantummodo & labijs procedunt, & non ab imo ascendunt, ne quidem ad Deum ascendere queunt.

Denique oret cum perseverantia, id est, ut ab orationis studio, non facile & quacumque data occasione diuellatur; neque ob animi torporem aut tardium ab illa inchoata resiliat; neque quia postulata minime impetrat, nec cito exauditur, ideo ab orando desistat; vult enim Deus rogari. (ut ait S. Gregorius) vult cogi, vult quadam importunitate vinci. Laboriosa quidem est assidua oratio (ut loquitur S. Chrysostomus) sed quid non laboriosum quod a virtute profisciscatur? Esto igitur sedulus in oratione, (inquit idem S. Gregorius) esto in precibus importunus, caue ne ab oratione deficias. Certe (ut cum S. Chrysostomo concludamus hoc caput) Quisquis non orat Deum, nec diuino eius colloquio cupit assidue frui, is mortuus est, & vita carens, exersque sana mentis: nam hoc ipsum euidentissimum est amentia argumentum, non intelligere magnitudinem huius honoris,

Greg. in
Psal. 6.
l'æn.

Homil.
31. in
Ioan.

Sup.

Lib. 1. de
orando
Deo.

nec amare deprecandi studium, nec hoc habere persuasum, quod anima mors sit, non promolui coram Deo: quin insuper quod oporteat quavis morte tristius existimare si quis deprecatione priuatur, pulchrè nos docet Daniel ille Prophetamagnus qui maluerit mori, quam triduo duntaxat arceri ab orando

CAPVT IV.

De Meditationis seu orationis mentalis exercitio cuius Sacerdoti pernecessario.

*In cap. 6
Matth.*

*Lib. 22.
moral.
cap. 18.*

D. Hieronymus illa explicans Christi Domini verba in Euangelio relata, (*Ora patrem tuum in abscondito*) *Mibi videtur (inquit) hoc magis esse praeceptum, ut inclusa pectoris cogitatione, labijsque compressis Deum premus, quod & Annam fecisse in Regum volumine legimus. Vera quippe postulatio (ut ait S. Gregorius) non est in oris vocibus, sed in cogitationibus cordis. Valentiores namque voces apud secretissimas aures Dei, non faciunt verba nostra, sed desideria.*

Quam-

Quamuis enim bonum sit sono vocis Deum spiritualibus hymnis glorificare, (vt dicit Isidorus) melius est tamen cum silentio orare corde, sine sono vocis, quam solis verbis sine intuitu mentis. Certè qui in silentio orat (vt recte monet S. Ambrosius) fidem deserit & confitetur quod Deus scrutator cordis & renum sit; & quod orationem tuam ante audiat, quam ore fundatur.

Ex his patet quam salubre sit orationis mentalis seu meditationis exercitium, cui profecto tum ab omnibus & quibuscumque virtutis studiosis, tum maxime à Sacerdotibus alijsque ministerio Ecclesiastico addictis peculiari studio incumbendum esse vel hinc constat, quod sine illo vix quisquam ad veram & solidam pietatis metam perungere possit: ad quam tamen consequendam ipsos Sacerdotes speciatim adstrictos esse certo certius est; vnde etiam in Concilio Mediolanensi quinto præcipitur examinadoribus Ordinandorum vt inquirant, an ordinandus in orationis sancta studio vsque versatus sit? quibus meditationibus inservit? Deum tacitus oret? quis orationis modus? quis illius fructus? que utilitates? quos quibusque partibus illa constet? que regula preparationis ad orationem, &c.

Sapienter omnino Caietanus nega.

Lib. 1. de
sum. bñ.
cap. 7.

Lib. 6. de
sacram.
cap. 4.

Part. 3.
tit. de
exami-
nãdura-
tione.

In 22. q.
82. a. 3.

gavit dici posse Religiosum (subiūgatus nec etiam dici posse verum Christi ministrum & Sacerdotem) eum qui saltem semel in die non orat mentaliter; eo quod sicut effectus sine causa, & finis absque medio, & portus absque navigatione haberi nequit: ita perfectio Christiana ad quam Religiosus, & poriori adhuc ratione Sacerdos conniti debet, absque oratione mentali obtineri nequeat; quod vel ipsa experientia satis compertum est.

Verum operæ pretium est hic perspicere qua ratione quis meditationi seu orationi mentali vacare queat, & quis sit optimus illius recte instituendæ modus? Super quo, alijs omnibus omissis quæ dicenda viderentur, nihil melius aut aptius existimauimus quam breuiculum aliquod hic apponere eorum quæ ab Illustrissimo & nunquam satis laudato Francisco Salesio Episcopo Gebennensi in secunda Philotheæ suæ parte de illius orationis mentalis ratione & methodo, sapientissime & cum maximo pietatis sensu dicuntur: remittentes cum qui plura nosse cupier ad alios authores qui de hoc exercitio disseruerunt, & præsertim ad ipsummet Salesium tum in prædicta Philothea, tum in Theotimo suo, tum etiam in varijs Epistolarum sua-

fuorum locis, in quibus de hac menta-
liter orandi ratione fufius agit .

Primum igitur quod ab eo præscri-
bitur ad recte orandum est debita ip-
fius orantis præparatio, iuxta illud Sa-
pientis ; *Ante orationem præpara ani-* **Eccel. 18.**
ma tuam, & noli eſſe quaſi homo qui
ſentat Deum. Hæc autem præparatio
in eo conſiſtit, vt orans ſibi in men-
tem reuocet ſeriam & attentam Diui-
næ præſentiz cogitationem, idque
ſiue eliciendo actum fidei circa omni-
præſentiam Dei cœlum terramque
ſua immenſitate replentis: ſiue ipſum
met Deum per eandem fidem appre-
hendendo, non modo vt localiter præ-
ſentem, ſed etiam vt intime nobis ipſis
inexiſtenteſ, noſque diuinitatis ſuæ
præſentia viuificantem, iuxta illud
Apoſtoli ; *In ipſo uiuimus, mouemur* **Act. 17.**
& ſumus: vnde & Dauid illum nun-
cupabat *Deum cordis ſui.*

Siue etiam conſiderando Chriſtum
Dominum ſecundum humanitatem
ſuam è ſummis cælorum in nos pro-
ſpectantem, ſicut illum vidit Proto-
martyr Stephanus: & de eodẽ, myſtica
Sponſa loquens, *en ipſe ſtat* (inquit)
poſt parietem, reſpiciens per fenestras, pro **Cant. 2.**
ſpiciens per cancellos. Siue denique ip-
ſummet Chriſtum ſecundum eandem
humanitatem nobis aſtanteſ propo-
nendo ; aut ſub ſanctiſſimi Sacramenti

speciebus realiter præsentē adorando.

Post diuinæ præsentiae cogitationem, aliquo ex his modis simpliciter ac breuiter conceptam, subsequi debet humilis & supplex diuinæ opis in-

2. Cor. uocatio, cum *sufficientes non simus cogitare aliquid ex nobis, quasi ex nobis; sed sufficientia nostra ex Deo sit*, dicat igitur orans cum Regio Propheta:

3. Ps. 50. *Ne projicias me à facie tua, & spiritum sanctum tuum ne auferas à me: Illustra faciem tuam super seruum tuum, & cor meum: fiderabo mirabilia de lege tua: da mihi intellectum & scrutabor legem tuam, & custodiam illam in toto corde meo.*

Poterit etiam vtiliter inuocari auxilium & intercessio sanctissimæ Deiparæ Virginis, nec non sancti Angeli Custodis, & aliorum sanctorum erga quos peculiari deuotione quis affectus est.

Subiungunt quidam hic ipsius mysterij meditandi propositionem siue per quandam speciem in imaginatione, siue per simplicem fidem in intellectu, quod cuiusque arbitrio relinquitur, vt scilicet id præstet quod ad iuuandam attentionem vtilius sibi fore existimabit.

Hac præparatione breuiter præmissa, ipsius orationis mentalis præcipua pars aggredienda est, quæ in actibus tui intellectus, tui voluntatis consistit: in actibus quidem intellectus, mysteriū pro-

propositum meditando, illiusque veritates circumstantiasque omnes attente considerando, & considerationes illas sapius iterando, vt sic iuxta Psalmistæ dictum *in meditatione exardescat, ignis*; id est, vt in voluntate pij affectus exercitentur, v. g. doloris de peccatis, timoris iudiciorum diuinorum, spei in Diuina misericordia, desiderij gloriæ cælestis, dilectionis & charitatis in Deum & proximum, compassionis super Christi doloribus & passione, & alij similes, qui demum in voluntate ipsa firmas producere & efformare debent resolutiones, tum deuitandi peccata, tum virtutes consequendi, tum etiã vtendi mediis ad vtrūque propositum consequendum aptis.

Subsequitur ipsius orationis conclusio, quæ constat tum gratiarum actione pro gratijs in oratione acceptis; tum oblatione eorundem affectuum & resolutionum vna cum meritis Christi Domini; tum denique supplicatione, qua ipsius gratiæ diuinæ continuatio & augmentatio instanter postuletur, cuius ope in resolutionum præconceptarum executione fideliter perseueretur.

Hæc sunt quæ Illustrissimus ille Prelatus ad meditationem eo quo decet modo instituendam aptissima esse arbitratu est, quibus ex eiusdem men-

te, ad eundem finem quædam adhuc obseruanda superiunt.

1. Ut exacte ac fideliter, huic mentalis orationis exercitio. tempus aliquod iuxta pij ac prudentis viri consilium quodammodo impendatur, nec unquam omittatur nisi aut corporis valetudo, aut vrgens aliquod negotium obiter. Docet experientia, quantum hæc fidelitas & exactitudo, ad proficiendum & perseuerandum in virtute, utilis & proficua sit.

2. Ut ad illud orationis mentalis, seu meditationis exercitium commoda aliqua & apta sumatur hora, qualis est matutina, animo tunc negotiorum & conuersationum incurfibus nondum implicato, & ad ipsius diei veluti primitias Deo offerendas melius disposito.

3. Ut locus etiam aptus & quantum fieri poterit, ab exterioribus distractionibus liber deligatur, idque iuxta monitum ipsius Christi Domini dicentis; *Tu autem cum oraueris intra* *Matt: 6. in cubiculum tuum, & clauso ostio super te, ora Patrem tuum.*

4. Ut corporis habitus & gestus ad diuinum illud exercitium decenter peragendum debite componatur: testatur quidem sacri Euangelistæ Christum Dominum sæpe in terram prostratum, & fere semper flexis genibus,

bus Patrem suum orasse; quod si filius dilectus ita se gessit, qualiter gerere se debet seruus inutilis & plerumque malus, multorumque delictorum sibi conscius: *Si enim dixerimus quia peccatum non habemus, ipsi nos seducimus, & veritas in nobis non est.* 1. Io. 1.

5. Utantequam ipsa oratio inchoetur, subiectum quod meditandum est in aliquo pio libro prius perlegatur: quod etiam vtilissime fieri posset pridie, post examen serotinum, & sic ea quæ in oratione meditanda sunt, & melius intellectu concipiantur, & tenacius memoriæ adhæreant; & ita euagationibus, distractionibusque, aditus omnis intercludatur.

6. Ut præcipuus in oratione locus detur affectibus & resolutionibus; & ipsæ resolutiones generales ad casus particulares reducantur, itaut si fieri possit, ipsamet die in praxim mittantur, effectumque aliquem obtineant. Hic est enim veluti totius meditationis fructus, quo deficiente non modo inutilis, sed & nocua esse potest: nam virtutes in meditatione degustatæ, nec postea executioni mandatæ, extollunt animum, qui ut plurimum sibi se talem esse blanditur, qualem in oratione fore proposuit.

Si ergo in meditatione aliquis v.g. Christi Domini erga calumniatores,

& inimicos clementiam & charitatem considerans ad illius exemplum conſectandum excitetur, proponatque ſibi aduerſos & inſenſos diligere, iſſque benefacere: hoc etiam in particulari ſibi faciendum proponat, erga hunc vel illum, à quo talem iniuriam aut offenſam accepit, vel cuius animum ſibi iniquiorem expertus eſt; ut ſcilicet cum ipſomet die conuenire apud ſe decernat, verbis ſue ad mitigandum animum aptis alloqui, & etiam aliquo charitatis officio aut obſequio præuenire.

Denique ut ab oratione, non ſtatim animus in exteriores occupationes totus effundatur, ſed paulatim, & ſi id commode fieri queat, ſeruato aliquantulum ſilentio: ut ſic pijs affectus in animo concepti diutius retrahantur, & altiores in corde radices agant.

CAPVT. V.

De Officio diuino, à Sacerdote, alijsque perſonis Deo ſacris priuatim perſoluendo.

Officij Diuini nomine intelligimus ſolemennem illum publicæ orationis

nis ritum, qui ab Ecclesia præscriptus est, & ita sapienter dispositus, ut nihil melius ad Dei gloriam, vel ipsorum ministrorum Ecclesiasticorum, totiusque populi Christiani pietatem & deuotionem excitandam, aut cogitari, aut institui potuerit.

Constat enim Officium illud variis Psalmodijs, Hymnodijs, Canticis, Antiphonis, Lectionibus, Capitulis, Responsorijs, Collectis, Versiculis, tum ex Scriptura, tum ex libris & Historijs sanctorum pulcherrimo ordine & forma decentissima sibi inuicem coherentibus, & ad diuinum cultum perficiendum commodissimè & sanctissimè dispositis: quæ quidem licet non omnia eodem instituta sint tempore, non sunt tamen casu & fortuito, sed summo consilio sic ordinata, ut nihil omis- sum videatur, quod opportunum esse possit ad mentem humanam, excusso torpore, in Deum excitandam, & per actus fidei, spei, charitatis, religionis, laudis, gratiarum actionis, simi- liumque virtutum ipsi vniendam.

Porro in septem partes quæ vulgato nomine septem horæ canonicæ nuncu- pantur, partitum fuit istud officium: quia nimirum cum *septies in die iustus* *Prou. 24* *cadere dicatur:* cumque, ut obseruat D. *Com-* Hieronymus, hostis ille antiquus sep- *ment. in* tem spiritus nequiores se in nostram *Iob, c. 38*

per-

perniciem assumat: septies proinde diuinam opem inclamare, & septiformis spiritus gratiam supplicibus votis exposcere debemus; vt & rursum assurgere, & tot aduersantibus hostibus resistere valeamus.

Cum autem duplici modo in Ecclesia diuinum illud officium peragatur, vel publice scilicet, vel priuatim, de priuata illius recitatione breuiter hic aliquid dicemus, de solemnibus & publica sequenti capite acturi.

Atque in primis nemini dubium est quin maximi momenti sit huiusmodi officium etiam priuatim à Sacerdotibus, alijsque personis Deo sacris eo quo decet modo persolui; præterquam enim quod ad id strictè obligantur, nec nisi cum peccati reatu possint illud vel omittere, vel absque attentione aut dispositione debita recitare; sanè in Concilio Aquisgranensi primo dicitur Sacerdotes, aliosque ad id obligatos, *cap. 130. memores Angelica presentia, cum timore & veneratione competenti cæleste officium complere debere; ne si, quod absit, id negligenter, inhonestè, vel te, idè expleuerint; in sententiam, qua dicitur, maledictus homo qui opus Dei facit negligenter, mirabiliter delabantur.*

Cœc. Tra. Quid est orim vt in alio Concilio dinirens. 2. citur voce psallere, mente autem domum aut

CHRISTIANVS. III

aut forum circumire, nisi homines fallere, & Deum irridere.

Quare in Concilio Lateranensi sub *cap. Da.*
 Innocentio III. districte, & in virtute *lentes.*
 obedientie præcipitur ut diuinum offi-
 cium, nocturnum pariter, & diurnum
 studiose ac deuotè celebretur.

(*Studiose*) quoad officium oris, ut
 glossa interpretatur: id est, ut verba
 debite proferantur, non gutture vel
 inter dentes, seu deglutiendo syllabas,
 aut syncopando dictiones, sed reue-
 renter, verbisque distinctis & ut decet
 eum qui (ut loquitur D. Chrysosto-
 mus) pro uniuerso terrarum orbe, lega-
 tus apud Deum, & deprecator inter-
 cedit.

*Lib. 6. de:
 Sacerd.
 cap. 3.*

(*Deuotè*) quoad officium cordis,
 id est, ut hoc versetur in corde quod pro-
 fertur in ore: si enim (quod recte
 monet Cassianus) cum sublimi alicui
 homini non dicam pro vita aut salute no-
 stra, sed etiam pro alicuius lucri commo-
 do supplicamus, totam in eum, & men-
 tis & corporis aciem defigentes, de num-
 eius irepina expectatione tendemus, &c.
 quanto magis cum illi occultorum omnium
 cognitori supplicamus, intenta atque sol-
 licita oratione ipsius clementia imploranda
 est; nec enim solum leui peccato, sed gra-
 uissimo etiam crimine impietatis astringi-
 tur, qui precem Domino fundens, subito
 à conspectu eius quasi ab oculis non viden-
 tis.

*Callat.
 23. c. 7.*

ris, nec audientis, improba cogitationis vanitatem securus abscesserit.

Serm. de
orat. Do
m.

Sapienter omnino & appositè S. Cyprianus; Cum astamus (inquit) ad orationem, vigilare & incumbere ad preces toto corde debemus, cogitatio tunc omnis carnalis & secularis abscedat, nec quidquam tunc animus quam id solum cogitet, quod precatur: qua autem segnitia est alienari, & capi ineptis cogitationibus & prophanis, cum Dominum deprecaris? quasi sit aliud, quod magis debeas cogitare, quam quod cum Deo loqueris? quomodo te à Deo audiri postulas, cum te ipse non audis? vis esse Deum memorem tui, quando tu ipse memor tui non sis?

Ex his similibus sanctorum Patrum monitis, facile est colligere, duo præsertim ad debitam horarum canonicarum in particulari recitationem requiri.

Primum est, ut attento animo nec ullis alijs cogitationibus voluntariè distracto recitentur: ad conciliandam vero attentionem, distractionesque vitandas, iuuabit ante ipsius officij inchoationem, Psalmos, Antiphonas aliasque eius partes, nec non commemorationes si quæ faciendæ sint, prævidere & præparare; locumque & tempus aptum deligere, corpus decenter & religiose componere: animum ab exterioribus auocare & coram

ram Deo sistere, & cum recitatur officium, illius verba distincte proferre, ad illorum sensum vel ad ipsum Deum, attentum se præbere, & (vt recte monet S. Augustinus) si *Psalmus orat, orare*, si *gemit, gemere*, si *gratulatur, gaudere*; si *sperat, sperare*; si *timet, timere*.

In Psal.
30.

Secundum est vt deuotè, & cum pio cordis affectu ipsæ horæ recitentur; ad quod quidem conferre multum poterit, si cor humiliatum & contritum Deo, in ipso horarum exorsu offeratur: si intentio ad Deum laudandum, benedicendum, & glorificandum, vel ad gratias ipsi pro acceptis beneficijs agendas, aut satisfactionem aliquam pro peccatis exoluendam, vel eius gratiam inuocandam dirigatur: si in ipso officij decursu diuinæ præsentia memoria, & cogitatio renouetur: denique vt loquitur D. Bernardus. Si cum

immolatur

hostia

Serm. 1.
in cant.

laudis iungatur sensus ver-

bis; affectus (sensui;

exultatio affectui;

grauitas exul-

tationi.

CAPUT VI.

De publica Diuinorum Officiorum celebratione.

VSus psallendi, hymnosque in Ecclesia concinendi, & Officia diuina publicè ac solemniter celebrandi haud dubiè antiquissimus est: *David Lib. 17. ipse* (vt loquitur S. Augustinus) *erat de ciuit. vir in canticis peritus, qui harmoniam cap. 14. musicam non vulgari voluptate, sed fidei voluntate dilexerat, &c. is cantores instituerat, qui coram arca foederis Domini musicis instrumentis, & modulatis vocibus decantarent, & post Christi Plin. 16. Euangelium promulgatum, fideles lib. 10. huic pio Religionis officio tanto affectu addictos fuisse constat, vt etiam epist. 67. in medijs persecutionum procellis, Ruffin. lib. 1. Hi quod vel ipsi Ethnici testantur, ab illo non desisterent, quin potius coram Eccl. 4. Tyrannis & persecutoribus illud constanter profiterentur.*

Quam verò gratus & acceptus Deo sit ritus ille diuinas laudes solemniter & publicè decantandi, cum plurimis rationibus & exemplis probari possit, tum maxime ex eo quod ipsimet beati spiritus Psalmodiam & Hymnodiam

nos

nos edocere non dedignati sint: refert
 siquidem Cassianus pia quadam con-
 tentione inter Ascetas Aegyptios ob-
 orta, quis quotidiano cultui Psalmo-
 rum numerus conueniens esset, alijs
 quinquagenos, alijs sexagenos, non-
 nullis adhuc plures ad diuini Officij
 complementum requirentibus: cum
 iam instante solemnitatis vespertinae
 hora, quotidianos orationum ritus ce-
 lebrare vellent, vnus praestanti forma
 iuuenis, nescio quid immortale spi-
 rans, in medium Psalmos decantatu-
 rus exurrexit & cunctis in psallentis
 verba omni cordis intentione defixis,
 duodecim Psalmos caelesti quadam
 vocis modulatione decantauit, illisque
 finitis, ab vniuersorum oculis repente
 sultractus, quaestioni pariter & ca-
 remonijs finem imposuit.

Discimus etiam ex Historia Eccle-
 siastica Theodosio iuniore imperan-
 te, & Proclo Constantinopolitanae
 Ecclesiae clauum tenente, cum ob gra-
 ues terrae motus urbem concutientes,
 vniuersus populus in campos vrbi vi-
 cinos confugisset, ibique ad propitian-
 dum Deum, eiusque misericordiam
 exorandam preces funderet, puerum
 derepentè inspectantibus cunctis in
 sublime raptum fuisse, & post horam
 aut circiter terrae redditum retulisse,
 quasi voces plurimorum alternatim
 psal.

*Lib. 2.
 Inst. c. 5*

*Nicop.
 lib. 14.
 cap. 5.*

psallentium, & *trisagion* concubentium, se è coelo audiuisse, dictumque sibi ut eum psallendi, Deumque laudandi ritum populo indicaret: quo subinde factum est ut cessante omni terræ motu, securus in urbem ingrederetur.

Lib. 9.
cap. 6.

Neque solum diuinis laudibus celebrandis, sed & deuotioni fidelium excitandæ aptissimus est hic ritus, si conuenienter perficiatur; quod D. Augustinus testatur in confessionibus, ubi de seipso loquens, *Quantum* (inquit) *fieri in Hymnis & Canticis tuis, suauifonantis Ecclesiæ tuæ vocibus commotus: acriter voces illa influebant auribus meis, & eliquabatur veritas tua in cor meum, & ex ea astuabat: inde affectus pietatis, & currebant lachryma, & bene mihi erat cum eis, & alio in loco, Cum remissi-*

Lib. 10.
cap. 33.

scor (inquit) *lachrymas meas quas fudi ad cantus Ecclesiæ tuæ in primordiis recuperatâ fidei meæ; & nunc ipso commoueor non cantu, sed rebus quæ cantantur, cum liquida voce, & conuenientissimâ modulatione cantantur, magnam instituti huius utilitatem agnosco.*

Ex quibus huius S. Doctôris verbis alijsque testimonijs, & exemplis, supra relatis, colligi potest quanti momenti sit, ut Officia diuina quæ solemniter ac publice fiunt in Ecclesijs, eo quo deest modo peragantur. Sanè

Illu.

Illustrissimus Octavius Frangipanus
Episcopus Tricariensis in suo discipli-
næ Ecclesiasticæ directorio dicit; Quod
si in quibuslibet Ecclesiastica reformationis
capitibus sollicite, magnaque animi con-
tentione laborandum est, ut nihil inor-
dinatum remaneat, nihil integritatis sua
splendori non restitutum: multo magis con-
zendendum est, & ferventi zelo curandum,
ut divinis Officijs sacrosancta reddatur
maiestas, omniaque in his viam atque
perfectam in Deum fidem, spem & cha-
ritatem redoleant. Additque, quod val-
de notandum est, distare Christia-
nam Religionem non posse, ubi fides, spes,
charitas in diuino cultu non subsistit.

Tit. de
din. offic.

Ut igitur quiuis sacro ministerio af-
criptus, officiorum diuinorum publicæ
celebrationi non modo conuenienter
interfit, sed & pio ac deuoto ani-
mi affectu cooperetur, ac (ut Scri-
ptura loquitur) Domino sapienter psal-
lat, ex præfato Directorio quædam
selegimus obseruatu dignissima, quæ
ad debitam huius religiosi muneris
exolutionem vtilissima, & aptissima
esse existimauimus.

Pf. 96.

Cum itaque aderit hora diuini Officij
celebrandi (inquit) quisque cum omni
alacritate primus in excubijs Domini in-
ueniri studeat, non vanum nec inane re-
putans, aut in die æterna retributionis ne-
gligendum, si alios semper præuenire stu-
duc.

Sup.

duerit, ac prior Dominum salutare: & plus damnationis quam laudis habere, adeoque tepidi, fastidiosi, negligentis otiosique animi indicium esse, ad ultimum campana motum expectare, & avari, irreligiosi que hominis pra se ferre notam, desinente campanarum sono, ad Ecclesiam certatim accurrere, & instar venatorii canis hiantem ore spiritum trahere.

Vbi quisque templum fuerit ingressus, corpore & mente ante tabernaculum Corporis Domini in genua prouolutus, per virtutem, ac mysterium illius Sacramenti, sese Deo breui & ardenti oratione commendat, atque in illum tanquam unicum totius Diuini cultus principium medium & finem, omnem intentionem atque attentionem animi configat; indeque mox cum silentio in chorum ad locum suum se conferat.

Porro si usquam vultu, moribus, affectu, totiusque exterioris, & interioris hominis compositione declaranda in Deum pietas, atque religio est, ea in templo, in choro, in ipsis diuinis Officijs, ac publicis religionis exercitijs declaranda est: parum enim in Deum pius ac religiosus esse conuincitur qui hic irreligiosus inuenitur.

In choro nemo priuatim sibi officium dicat, & vocem choro iuberat, nemo libros, litteras, aliasque scripturas legat, nemo ut alterius errorem corrigat, murmurando, ridendo, contentiose clamando,

do, obstrependo; vel alio modo publicum officium interturbet: unus cum alio non colloquatur, non hac illatque vano animo curiosoque oculo circumspiciat, minus huc atque illuc per templum vagetur, aut confabulandi gratia in sacristiam, aut sacrarium, vel alium angulum secedat, sed nec locum quidem mutet, nec è choro egrediasur nisi peractis ex toto Divinis Officijs.

Angelicum cantandi officium non pigri, non somnolenti, non oseitantes, neque parcentes vocibus sed alacriter perficiant, & quo maiore funguntur honore, quomodo nobilitatis genere secundum carnem fuerint clariores, eo clariores voce, & affectu omnes pariter, senes cum iunioribus, sine ulla reprehensibili verecundia, aut rubore in psalmis, hymnis, & canticis laudent nomen Domini.

Singuli versus, singula verba, singulaque syllaba ad gloriam, honorem & cultum Dei, ad cantantium & audientium adificationem, studiosè, reuerenter, distinctè, clarè, ac intelligibiliter, deuotè, pronuntientur; ut cantantium & audientium mens sensum verborum percipiat, priusquam verba ipsa transmittantur: minime vero syllaba syllabis, verba verbis, versus versibus inuoluantur. Præterquam enim quod præceptum & inordinatus cantus cuius Deus plus detrahat, quam adijciat; populum magis scandaliset,

set, quam ad pietatem & deuotionem excitet; magnam quoque animi impotentiam, atque imperfectionem cantorum arguit, eosque potius effrangi quodam animi impetu rapi, quam recta rationis imperio duci conuincit.

Omnis cantus ea moderatione inchoetur, ut cum suauis vocis modulatione sine recondita vociferatione, boatu, vocisque rauedine perfici queat, ita ut vere cantus sit & non clamor; aut diuersarum vocum strepitus.

Siue stent, siue in genua procumbant, siue sedeant, ab omni indecoro innixu, siue in scamnum, siue in murum, vel aliquid aliud abstineant. Denique ita se in omnibus religiosis officiis gerant, ab hisque diuinis cultus sic peragatur, ut nihil in eo desideretur quominus & Deo gratus sit, & hominibus placitus, eosque non modo aliquid in eo non offendat, sed omnia edificent, instruant atque reficiant.

CAPVT VII.

De sacrosancto Missæ Sacrificio.

In Phil.
los. p. 2.
cap. 14.

Non sine maxima ratione Illustrissimus Episcopus Gebennensis, sacro-

sacrosanctum Missæ sacrificium nuncupauit *exercitiorum spiritualium solem*, centrum *Christiana Religionis*, cor ipsius deuotionis, pietatis animam, denique ineffabile mysterium, quod ipsammet diuinæ charitatis abyssum comprehendit; Siue enim perpendamus admirabilem sacrificij illius cunctorum Domini mirabilium memoriam complectentis institutionem, siue supremam & infinitam primi principalisque Offerentis dignitatem, siue hostiæ quæ offertur excellentiam inexplicabilem, siue sacræ illius actionis valorem inexhaustum, illiusque fructus & effectus inæstimabiles; omnia in illo mysterio inueniemus summa, excelsa, sancta, ac prorsus Diuina, proindeque omni cultu, reuerentia, & honore dignissima.

Quando sacrificamus (inquit D. Ambrosius) *Christus adest, Christus immolatur, ideoque per id tempus* (vt recte infert S. Chrysostomus) & *Angeli* In c. 1.
Luc.
Sacerdoti assident, & celestium potentum Lib. 6 de
Sacerd.
uniuersus ordo clamores excitat, & locus altari vicinus plenus est Angelorum cap. 4.
choris in honorem illius qui immolatur.

Quis enim fidelium dubitet (ait S. Gregorius) *in ipsa immolationis hora, ad Sacerdotis vocem cælos aperiri, in illo Iesu Christi mysterio Angelorum choros adesse, summis ipsa sociari, terrena celestibus iungi.* Lib. 4.
Dialog.
cap. 58.

F

Qua-

Lib. 3. de
Sacerd.
cap. 4.

Quare merito supra citatus B. Chrysostomus fidelem quemque sacro altari astantem sic affatur; *Dum conspicias Dominum immolatum, & illic situm, Sacerdotem sacrificio incumbentem, ac preces fundentem, tum vero turbam circumfusam pretioso illo sanguine inungi, ac rubesceri, etiamne te inter mortales versari, atque in terra consistere censes? an non potius è vestigio in cœlos transferri? an non carnis cogitationem omnem abijciens nudo animo pura mente, circumspicias quæ in cœlo sunt.*

Hom. 83
in Matt.

Quo igitur solari radio (inquit idem S. Patet) non puriorem, ac splendidiorrem esse oportet manum carnem hanc diuidentem? linguam quæ tremendo nimis

Lib. 6. de
Sacerd.
cap. 4.

sanguine rubescit? Nonne (vt alio in loco recte subd. t.) accedentem ad altare, Sacerdotem, luminis instar orbem illustrantis, animum splendentem habere

Lib. 3. de
Sacerd.
cap. 3.

re oportet? sicque purum esse, ac si in ipsis cælis collocatus inter caelestes illas virtutes medius staret.

Sess. 22.
in decr.
de obser.
uand. &
euit. in
celebr.
Miss.

Ex his, & similibus sanctorum Patrum effatis liquet, quanta adhibenda de obser. cura sit (quod in sacro Concilio Triuand. & edicatur) vt sacrosanctum Missæ sacrificium omni religionis cultu celebraretur: quod quiuis facile existimare poteris, qui cogitarit maledictum in sacris litteris eum vocari, qui opus Dei facit negligenter. Quod si necessario fatemur nul-
lum

lum aliud opus adeo sanctum, ac diuinum à Christi fidelibus tractari posse, quam hoc ipsum tremendum mysterium, quæ viuifica illa hostia qua Deo Patri reconciliati sumus, in altari per Sacerdotes quotidie immolatur: satis etiam apparet omnem operam & diligentiam in eo ponendam esse, ut quanta maxima fieri potest interiori cordis munditia, & puritate, atque exteriori deuotionis & pietatis specie peragatur.

Quod ut perfectius quiuis Sacerdos exequi possit, ex ipsius Concilij Tridentini, aliorumque Conciliorum decretis, & varijs Ecclesiasticis regulis ea breuiter hic excerpimus, quæ obseruari dignissima & ad propositum nostrum accommodatissima visa sunt.

In præfato igitur Concilio Tridentino prohibentur in primis cuiusvis generis mercedum conditiones, pacta, illiberalesque ac importuna pro Missis celebrandis, elemosynarum exactiones, potius quam postulationes; aliæque huiusmodi quæ à Simoniaca labe, vel certe à turpi quaestu, non longe absunt. Sup.

In eodem etiam statuitur; Ne in priuatīs domibus atque omnino extra Ecclesiam, & ad diuinum tantum cultum dicata oratoria, ab ordinarijs designanda, & visitanda, sanctum hoc sacrificium à secularibus, aut regularibus quibuscum-

cumque peragatur : ac nisi prius qui inter-
sunt decenter composito corporis habi-
tu, declarauerint se mente etiam ac deuoto
cordis affectu, & non solum corpore adesse .

Item ut arceantur ab Ecclesijs musica
ea, in quibus siue organo, siue cantu, la-
sciuum aut impurum aliquid miscetur,
faculares etiam omnes actiones, vana at-
que adeo prophana colloquia, deambula-
tiones, strepitus, clamores, ita ut domus
Dei vere domus orationis esse videatur, &
dici possit .

Prohibetur quoque ne in hoc diuino sa-
crificio datur aliquis superstitioni locus,
neue Sacerdotes alijs quam dabitur horis ce-
lebrent, aut ritus alios, aliasue ceremo-
nias & preces in Missarum celebratione
adhibeant, prater eas qua ab Ecclesia pro-
bata, ac frequenter & laudabili usu re-
cepta sunt .

In Concilio Treuirensi edicitur ; ut
an. 1549 *sacra illa actio, in qua sacrificium pretij*
tit. de nostri, corpus scilicet & sanguis Christi,
Miss. vera iter offertur pro viujs & defunctis
summa religione & deuotione peragatur,
ac sedulo frequentetur & celebretur, eo
modo, & his ceremonijs & ritibus obser-
natis qua Romana seruat Ecclesia .

Item ut dum Sacerdos sacrum factu-
rus in sacrario induitur, nemo ibi confa-
bulari presumat, unde ipsius deuotio in-
terturbetur .

In Concilio Colonienfi. Ut ea qua
in

in Missa elatiore voce dicenda sunt, cum an 1536
 reuerenda modestia clare, distincte & p. 2, c. 13
 exerce legantur: itaut qui audiendi sa-
 cri causa adstat, quid legitur intelligat,
 atque ad pietatem excitetur.

In Concilio Mediolanensi primo Titul. de
 plurima eaque notatu dignissima de- eis qua
 cernuntur, ac præ cæteris ut Sacerdo- pertinet
 tes in Missa celebratione ceremonias à Ro- ad celeb.
 mana Ecclesia institutas ad unguem ser- Miss.
 uent, nec alias adhibeant: ut ab omni in-
 decoro & absurdo capitis, oris, & reliqui
 corporis motu abstineant; ut propter erro-
 ris casum qui in omni parte Missa grauis,
 in canone grauior, in ipsa vero consecra-
 tione grauissimus est, Missam legant, non
 vero memoriter dicant. Ut quo puriores
 ad diuinam rem faciendam accedant,
 saltem singulis hebdomadibus peccata sua
 confiteantur; nisi eos ob mortalis peccati
 culpam frequentius id facere oportuerit.
 Ut antequam celebrent se colligant, &
 orantes mentem in tanti mysterij cogitatio-
 ne defigant. Ut sacris vestibus induti cum
 nemine colloquantur, neque loquentibus
 dent aures, mentemque & oculos ab omni-
 bus amoueant quibus distrahi possent.

In decretis generalibus Illustissimi Tit. de
 Francisci Bonhomij Episcopi Vercel- sacrosan-
 lensis edicitur ut Sacerdos Missam ce- cto Mis-
 lebraturus, antequam ad altare acce- sa sacri-
 dat, diligenti prius examine conscientia ficio.
 sua latebras discutiat, atque ad confessan-

ri probati pedes se prosternat octauo quoque die, etiamsi grauioris delicti reum se esse non sentiat: deinde ut mente recogitet, ac pie meditetur mysterij quod tractaturus est altitudinem atque excellentiam, tum propriam ipsius miseriam ac vilitatem, immensum quoque Christi erga nos amorem, ac charitatem qua in Sacramento illo mirabiliter elucet, tum suum in diligendo torporem, ac prope contumaciam, totumque se in immensam illam misericordiam projiciens interno cordis clamore se tanto hospite indignum esse cognoscat, & coram Domino fateatur.

In Directorio Illust. Tricariensis Infrangipani Episcopi Tricariensis innotetur Sacerdos; ut quotidiana aut saltem frequenti huius diuini sacrificij repetitione, ac reflectione magis magisque in pietate, omnique Sacerdotali virtute crescat, augeatur, ac virili robore & constantia confirmetur; ut sacrificia quanto crebrius facit, tanto sanctiora faciat: quod fiet si animum suum rediuino spiritu quotidie innouet, & seu nouus homo, nouusque Sacerdos, ac quasi nunc primum Sacrificaturus, nouo peccatorum odio, nouaque soli Deo deseruendi voluntate, alacritate ac constantia reuiuifcat.

Item, ut cum omni attentione, distinctione, grauitate, animique sedatione, singula quæ ad sacrum

Mis.

*Tit. de
diu. Of-
fic.*

„ Missæ officium pertinent, à Sacerdo-
 „ te celebrante pronuntientur, utque
 „ nec nimium præceps aut festinus,
 „ nec etiam æquo tardior sit aut pro-
 „ lixior; maioremque ædificationis
 „ publicæ, quam proprii sui affectus
 „ rationem semper habeat.

„ Peractò denique sacrosancto Mis-
 „ sæ Sacrificio non minori cura quam
 „ ad antecedentem Missæ præparatio-
 „ nem requirebatur, quisque in omni
 „ silentio ac quiete actionum, locu-
 „ tionum, sensuum & cogitationum
 „ sese contineat; & si per occupatio-
 „ nes diu non potest, paulisper tamen,
 „ & per quartam aut octauam saltem
 „ horæ partem deuotè secum medite-
 „ tur, & intentà cogitatione perpen-
 „ dat, quis? quid egerit? qua deuotio-
 „ ne? quo fine? quo fructu hoc ipsum
 „ peregerit? omneque imperfectum
 „ suum, omnem animi sui languorem,
 „ cæcitatem, vincula, ac colligatio-
 „ nes vanitatis, malas ac inolitas con-
 „ suetudines, peccandique pericula,
 „ & necessitates, sibi ante oculos suos
 „ ponat; & cor suum, omneque desi-
 „ derium coram Deo effundat, eius-
 „ que adiutricem gratiam suppliciter
 „ imploret; & virtute ac feruore illius
 „ cibi quo refectus & animatus est,
 „ tota voluntate, animique conten-
 „ tione, vel vnum saltem defectum.

„ in proximi sacrificij diem expugnan-
 „ dum extirpandumque suscipiat.

*Philos.
 part. 2.
 cap. 10.
 § 12.*

Addamus pro coronide Illustrissi-
 mi Episcopi Gebennensis dictum om-
 ni acceptione dignum circa frequen-
 tem huius diuini mysterij vsum, quod
 quidem Sacerdotes illius quotidiana
 celebrationi assuetos præsertim
 spectat.

„ Duo genera hominum (*inquit,*)
 „ frequenti huius Sacramenti partici-
 „ patione indigent: perfecti quidem,
 „ cum enim sint optime dispositi, vi-
 „ tuperio ipsis verteretur, si ad perfe-
 „ ctionis fontem non accederent: im-
 „ perfecti autem vt ad perfectionem
 „ possint aliquando pertingere: fortes,
 „ ne debilitentur, debiles vt robo-
 „ rentur: infirmi vt sanitatem recu-
 „ perent: sani ne in morbos incidant:
 „ (*subiungit postea*) eos qui multis
 „ sæcularibus negotijs impliciti sunt
 „ sacram Eucharistiam frequenter per-
 „ cipere debere, eo quod eius virtute
 „ & præsidio indigeant, sicut illi qui
 „ plurimis laboribus attenuantur vi-
 „ res solidis cibis crebro reficere opus
 „ habent: denique sanctissimum hoc
 „ Sacramentum sæpe percipiendum
 „ esse, vt quomodo dignè percipi de-
 „ beat experientia ipsa discatur: mi-
 „ nus siquidem recte fit illud quod
 „ raro fit.

Alio

„ *Alio nihilominus in loco sapienter ad-*
 „ *manet*, ad quotidianam huius san-
 „ ctissimi Sacramenti perceptionem,
 „ requiri dispositionem quandam exi-
 „ miam & exquisitam, talemque ut
 „ non modo quis ab omni peccato
 „ mortali, & peccati venialis affectu
 „ immunis sit, magnoque illius diui-
 „ næ communionis desiderio tenea-
 „ tur: sed ut præterea plerasque è per-
 „ uersis quas in se perſentit inclina-
 „ tionibus subegerit, nec niſi de pru-
 „ dentis, ac pii confessorij, seu ſpiri-
 „ talis patris conſilio, quidquam in re
 „ tanti momenti facere præſumat.

CAPVT VIII.

*De Sacramentorum admi-
nistratione.*

Cum Ecclesia sacramenta, (ut lo-
quitur Tridentina Synodus, *ſeſſ. 7. in*
proem. ſint, per qua omnis vera iuſtitia vel inci-
 pit, vel cœpta augetur, vel amiſſa re- *Iſa. 12.*
 paratur; ac proinde ex illiſtanquam
 è fontibus Saluatoris haurienda ſit aqua
 illa uina, quam qui biberit, in æternum *Ioan. 4.*
 non ſitiat, ſed ſiat in eo fons aqua ſalientis
 in uitam æternam, hinc patet non
 modo quantum honoris & dignitatis

Sacerdotibus Christianis accedat, ex supernaturali ipsis concessa potestate, dona illa cœlestia dispensandi, sed etiam quantum diligentie, ac sollicitudinis in dispensatione illa debite exequenda ab ipsis requiratur.

- Can. 5.* Verè equidem de quolibet Christiano Sacerdote dici potest; quod *manus illius cornatiles aurea plena sint hyacinthis* fidelium utilitati ab ipso disperrendis. Vere manus illæ Sacerdota-
Matt. 7. les post solemnem vñctionem, distillant *myrrham primam & probatissimam* persanandis peccatorum quorumcumque vulneribus saluberrimam: sed ex hoc strictius etiam obligatur cauere ac
 prospicere, ne *mittant margaritas illas cœlestes ante porcos*, neue *sanctum canibus dare velint*.

Dicant igitur cum Apostolo fidenter omnes quotquot sunt Sacerdotali caractere insigniti; *Sic nos existimet homo ut ministros Christi & dispensatores* mysteriorum Dei; sed non omittant quod sequitur, *Hic iam queritur inter dispensatores, ut fidelis quis inueniatur*, nec solum hic, sed præsertim in futuro diuini iudicii examine, inquiretur exactissimè quis inter dispensatores fidelis inuentus sit? quis illo dispensandi munere fideliter functus?

Vnde intelligitur, quod quò maior & sublimior est ipsorum Sacramento-
 rum

rum dignitas & excellentia, & quò salubrior & vberior eorum fructus, eo etiam maiori Religione ac pietate tractanda, eo diligentiori cura & sollicitudine fidelibus populis dispensanda sunt: non enim leuior quam impietatis & sacrilegij reatus in indebita eorum contrectatione & ministracione incurritur: *neq; ut ait S. Augustinus, nisi impiè contemnitur id sine quo pietas ipsa perfici non potest.*

„ Curent itaque Sacerdotes quot-
 „ quot Sacramenta administrant (*ut*
 „ *edicit Illustrissimus Antistes Tricar-*
 „ *sis*) non solum ut Sacramentorum
 „ formas perfectè & debita cum at-
 „ tentione pronuntient, omniaque
 „ & singula, quæ ad substantiam Sa-
 „ cramentorum, & externum rei præ-
 „ sentis decorem ac maiestatem per-
 „ tinent: sed & ut ipsi ab omni re quæ
 „ Diuinam Maiestatem offendere quo-
 „ quomodo possit, sancti sint & im-
 „ maculati: ne dum aliorum salutem
 „ promouere student, sibi ipsis gra-
 „ uiores damnationem acquirant; &
 „ indignis modis Sacramenta tractan-
 „ do indignationem & iram Dei super
 „ se ac populum inducant.

„ Et quamuis nullius sibi criminis,
 „ aut offensionis fuerint conscij, nihil
 „ tamen ex consuetudine agendi, aut
 „ temere, aut perfunctoriè agant: ac

Lib 19.
cont.

Faust.
cap. 11.
in àire-
tor. Ec-
cles. dis-
cipl. 112.
de Sacr.
admin.

„ de suis meritis nihil altum sapien-
 „ tes supplices in timore Dei, ante
 „ ipsum Deum prostrati, breui ora-
 „ tione pro se, & pro illis quorum sa-
 „ lutis causam acturi sunt, magno af-
 „ fectu & desiderio Deum deprecen-
 „ tur, ac innouationem spiritus, ne-
 „ cessariamque Dei gratiam implo-
 „ rent.

„ Studeant insuper ut Sacramenta
 „ quæcumque ab ipsis non nisi ex mo-
 „ re Ecclesiæ Catholicæ, & præscri-
 „ ptione Ritualis seu libri Pastoralis
 „ propriæ diocesis ministrantur; adhi-
 „ bitis omnibus Ecclesiasticis ceremo-
 „ nijs, ac pijs ritibus pro ratione cuius-
 „ que Sacramenti, ex dictamine ipsius
 „ Pastoralis libri adhibendis.

Sess. 7. cap. 13. Sanè in Concilio Tridentino ana-
 thema profertur in eum qui dixerit,
*receptos & approbatos Ecclesiæ ritus in
 Sacramentorum administratione adhibe-
 ri consuetos, aut contemni, aut sine pec-
 cato à ministris pro libito omitte, aut in
 novos alios per quemcumque Ecclesiarum
 Pastorem mutari posse:* & in Concilio

Titul. de Mediolanensi quinto hoc inter cæte-
ijs qua ra Sacerdotum officia præsertim requi-
ad Sacra ritur: *ut sanctissima Sacramenta que*
menta diuina gratia instrumenta ad sanctifican-
pertinet, das animas à Christo Domino instituta
 sunt, non solum purè, sanctè, religioseque
 ipsi tractent; verum etiam ritus ac cere-

monias teneant atque adhibeant, qua in illis administrandis sancta Ecclesia instituta, atque usu comprobata sunt.

Præterea cum dona illa cælestia, *Part. 2.*
non solum sine Simonia labe (vt in Con- *tit. de ij:*
cilio Mediolanensi quinto edicitur) qua ad
verum etiam sine auaritia suspitione dis- *sacram.*
pensanda sint; ideo cauere debent Sacer- *admin.*
dotes, ne in eorum administratione quid- *spēctāt.*
quam exigant; aut etiam verbis vel si-
gnis, directè vel indirectè petant.

„ Quamuis enim (vt monet Trica-
„ riensis Episcopus) licitum sit Pastori- *In dire-*
„ bus ea quæ à fidelibus post Sacra- *ctor. Ec-*
„ mentorum administrationem spon- *cles. dis-*
„ te offeruntur accipere: imo etiam *cip. sup.*
„ ea quæ iuxta laudabilem locorum
„ consuetudinem eis debentur pera-
„ cto ministerio exigere; (præsertim
„ ubi potior pars victus atque susten-
„ tationis Pastoralis à fidelium obla-
„ tionibus pender: cauere tamen dili-
„ gentissime debent; ne directè, vel
„ indirectè pactionem, aut contra-
„ ctum aliquem pro Sacramento ali-
„ quo ministrando, aut quouis alio
„ Pastorali officio exercendo ineant. *Part. 7.*

„ Quia vero in Sacramentis, (vt *cap. 2.*
„ docet Colonienſe Concilium) aliud vi-
„ detur, atque aliud agitur; instru-
„ dus est populus in cuiuslibet Sacra-
„ menti exhibitione, quid in huiusmo-
„ di religioso arcano (id enim Sa-

cra-

„craimentum sonat) azatur : cum
 „enim in Sacramentis per signa quor-
 „dam sensibilia insensibilis gratia fi-
 „gnis illis externis congruens infun-
 „datur, excitanda est fidelium mens
 „& deuotio in Deum, vt credentes,
 „ac diuinum mysterium intelligen-
 „tes, ad gratiam Dei & Saluatoris
 „nostri Iesu Christi participandam
 „accedant.

Quod si in suscipientibus fides &
 deuotio requiritur, potiori adhuc ra-
 tione in illis qui diuina hæc mysteria
 dispensant: non enim sufficit ad Sacra-
 mentale illud munus ritè obeundum,
 quod nullius culpæ lethalis sibi con-
 scijs, quod ab auaritiæ, vel Simonix
 suspicione immunes; quod cum debi-
 ta materiæ ac formæ adhibitione, in-
 tentionis directione, rituumque præ-
 scriptorum obseruatione Sacramenta
 dispensent; nisi etiam fidem ac deuo-
 tionem quam ab alijs exigunt, in seip-
 sis habeant.

Collof.

4.

Priusquam igitur Sacerdos ad Sa-
 cramentum quodcumque conficien-
 dum, aut conferendum accedat, ver-
 ba illa Apostolica tanquam sibi dicta
 serio perpendat, *Vide ministerium quod*
accepisti, vt illud impleas, cogita &
 mente perspice quam eximium, quam
 admirabile sit illud quod iam iâ, actû-
 rus es: *Sicut enim* (inquit Emissenus)

ad

ad nutum precipientis Domini, repente ex nihilo substiterunt excelsa calorum, Sacra profunda fluctuum, vasta terrarum: ita ment. cor parem potentiam in spiritualibus Sacra- po. Chri- mentis ministri verbis prabet diuina vir- sti to. 9. tus, & rei seruit effectus. oper. 8.

Vide igitur, o Sacerdos, ministerium *Hieron.* tuum ut illud honorifices, aut saltem ne illud dedecore afficias: vide ne *Hom. de* similis fias aquæ baptismali (ut sapien- *Cur.* ter monet D. Gregorius,) quæ pecca- *Past.* ta baptisatorum diluens, illos ad caeleste *2. Tim.* regnum mittit, & ipsa postea in cloacam *2.* descendit. Vide & sollicitè cura te ipsum *inconfusibilem,* qui non modo verba veritatis, sed & Sacramenta diuinæ charitatis, ea fide, ea deuotione quæ Christi ministrum decet, tractare ac dispensare studeas.

Porro cum ex septem Sacramentis quinque tantum sint, quorum dispensatio Sacerdotibus credita sit, Baptismi scilicet, Eucharistiæ, Pœnitentiæ, Extremæ-vnctionis & Matrimonij, idcirco de illis agendum nobis est. Neque vero propositum est omnia hic euoluere quæ ad Sacramentorum illorum theoriam & praxim spectant; de quibus tum moralis Theologiæ libri, tum rituales consulendi sunt: sed aliqua obseruatu digna solummodo proponere, quæ ad digniorem perfe-
ctio-

Et tiorumque illorum administrationem dispensationemque conducere visa sunt.

Nec illud omittendum duximus, quod cum in omnibus alijs, tum maxime in Sacramentorum administratione, Sacerdos verè & ex animo se optimæ Matri Ecclesiæ subditum esse profiteri debeat, neque doctrinæ, aut antiquitatis, seu cuiuscumque alterius rei prætextu in hodiernæ administrationis praxi communiter recepta & approbata quidquam innouare: quod quam periculosum sit, & à Christiana humilitate alienum nemo non videt.

R. P. Carolus de
Cœdren,
Congregat. Ora-
tor. in
Gallia
Secundus
Superior
Generalis, epist.
68.

Sanè, perillustis huius sæculi vir, non minus virtute, ac sanctitate, quam eruditione & rerum Ecclesiasticarum notitia insignis, necnon amplissimæ Congregationis generali directione, ac Superioritate conspicuus, in quadam ad omnes suæ Congregationis Sacerdotes epistola, sapienter æque ac pie illos alloquens; *Viuimus* (inquit) *eo sæculo, quo multi scandalum sibi posuerunt in ijs doctrina monumentis quæ ex primis Ecclesia sæculis supersistant. Caterum hæc nostra Congregatio suos edocet, obedientiam quam Deus Ecclesia præstandam iubet, de Ecclesia præsentis temporis intelligendam esse, quæ nos baptizat, quæ nos in fide & religione*

in-

instruit, cui proinde omnimode subesse ac obedire tenemur; non vero directe Ecclesia primorum seculorum, cui tamen debitus honor deferendus est: scimus enim Ecclesiam in omnibus aetatibus sanctam, & ab omni errore immunem existere; sed illam hoc presenti tempore loquentem, nosque docentem & instruentem obaudire, eiusque vociteta animi submissione obtemperare debemus.

CAPVT IX.

De quibusdam obseruandis ad debitam Baptismi administrationem.

CVM Baptismus (vt loquitur Senonense Concilium) sit fons ille patens domui David & habitantibus Hierusalem in ablutionem peccatoris, & lauacrum regenerationis, in quo non solum mundantur peccatores, sed etiam Christi gratia iustificati, heredes constituuntur secundum spem vite aeternae; Hinc intelligitur, quanti referat vt Sacramentum adeo salutare eo quo decet modo perficiatur; nec à Sacerdote, qui eius minister ordinarius est, non nisi conuenienter ac sanctè conferatur.

an. 1528
tit. de
Baptis.
mo.

*Tit. de
ijs qua
pertinet
ad Bap-
tism.*

*In Ar-
chiepisc.
Bonon.
part. 3.
instruct.
de Bap-
tism.*

*Sacerdos itaque baptisaturus (vt edi-
citur in Concilio Mediolanensi primo)
quam actionem suscepturus sit primum
diligenter ipse animaduertat, & ad tanti
muneris functionem sanctè grauiterque
accedat.*

„ Intelligat à se per hoc Sacramen-
tum, æternæ salutis ianuam illi,
quem baptizat, referari (vt monet
Cardinalis Palæotus) proindeque
caueat ne quam alijs aperit, sibi ip-
si ob peccatorum sordes occludat
& cum à Deo electus sit, vt sanctifi-
cari illius lauacri fit minister, ita
etiam candidissimæ ipsius puritati re-
spondere studeat ijs virtutibus, quæ
in Sacerdote ad tam sanctum mu-
nus exercendum vocato requirun-
tur.

„ Quare eo præsertim tempore quo
ad baptisandum vocatur, mentem
erigat, spiritumque colligat, quid-
que sibi agendum sit deuoto mentis
intuitu circumspeciat: nempe se
tanquam de cælo missum nuncium
pæcisque conciliatorem inter Deum
& baptisandum, vt sacro illo mini-
sterio filium iræ, & in iniquitatibus
conceptum, Dei filium & Iesu Chri-
sti cohæredem secundum spem vitæ
æternæ efficiat.

Præmissis igitur breui conscientiæ
examine, & actu veræ contritionis
eli-

elicto, inuocatoque diuinæ gratiæ auxilio, diligenter exequatur ea, quæ in rituali ad baptismum ministrandum seruanda esse præscribuntur: ac præsertim omnem attentionem ponat, vt nihil eorum desit, quæ ad ipsius sacramenti validitatem necessaria sunt; videlicet vt debita materia, aqua scilicet naturalis adhibeatur, vt aqua illa effusa super caput infantis vere illud contingat & abluat, vt simul cum illa effusione & ablutione verba formæ sacramentalis distinctè pronuntiet, debitamque intentionem afferat, saltem faciendi id quod facit Ecclesia.

Quoniam vero (vt rectè obseruatur in Concilio Mediolanensi quinto)

„ vnusquisque in Baptismo pie, ac re-

„ ligiose pollicetur operibus Sathanæ

„ renuntiare, eiusque pompas dese-

„ rere, ideo præsertim Baptismi tem-

„ pore præmonendi sunt ij quorum

„ interest, non solum quomodo &

„ quam simplici amictu ad illum infans

„ deferendus sit; sed etiam quam re-

„ ligiosa in Deum pietate. quam hu-

„ mili spiritu, quanta etiam vestitus

„ moderatione compatres, comma-

„ trelue adesse debeant. Neque vero

„ vllum vel ornamentum, vel aliud

„ quidquam quod mundi huius pom-

„ pam præ se ferat ab illis adhiberi de-

„ bet cum minimè consentaneum sit,

*Tit. de
ijs qua
ad Bap-
tism. per-
tinent.*

in

„in ipso vitæ Christianæ ingressu, sta-
 „tim ijs rebus studere, quibus præ-
 „sertim solemnī sponſione renuntia-
 „tur.

„Fideles qui præſentes adſunt, piè,
 „religioſè, omnique animi attentio-
 „ne adesse monendi ſunt; utque ipſi
 „memoria tacitè, studioſeque repe-
 „tant, quæ Deo cum Baptiſmum ſu-
 „ſceperunt, ſanctè ſpoſponderunt.

In Cœc. „Monendi ſunt infantium baptiſando-
Mediol. „rum parentes, ut eos potius patri-
5. tit. de „nos eligant, qui ipſorum infantium
Baptiſ. „ſaluti conſulere, quam qui inopiæ
 „ſubuenire poſſint.

Ser. 133 „Similiter quoque patrini ipſi &
de Tēp. „matrinæ diligeater moneri debent,
 „eos (ut ait B. Auguſtinus fide-iuſſo-
 „res exiſtere apud Deum pro illis quos
 „de ſacro fonte ſuſceperunt: adeo-
 „que ab ipſis admonendos eſſe, ut
 „caſtitaſtem cuſtodiant, iuſtitiam di-
 „ligant, charitatem retineant; &
 „ante omnia ut Symbolum & Oratio-
 „nem Dominicam eos edoceant.

Conc. Demum peracta ipſius Baptiſmi ad-
Mediol. miniſtratione, Sacerdos poſt alias mo-
6. tit. de nitionet patriniſ, ac matrinis fieri ſo-
Baptiſ- litas, hortabitur inſuper ut dies bap-
ſmo. tiſmi qui ſolemnī illa abrenuntiatio-
 „niſ ſponſione profeſſioneque inſi-
 „gnis eſt, ideo ad pietatiſ exercita-
 „tionem uſumque, non pompis ſæcu-
 „li,

„li, non conuiuiorum apparatu, non
 „luxu, non operibus tenebrarum,
 „cum dies lucis sit celebretur: sed
 „sanctæ charitatis erga Deum &
 „erga proximum officijs.

Nec omittendum illud est quod in *Tit. de*
 Directorio supra sæpius citato habe- *Bapti-*
 tur, vt scilicet saltem semel quotan- *ismo.*
 nis, v.g. in Dominica sanctissimæ Tri-
 nitatis, si libeat, quandoquidem Evan-
 gelium quod tunc legitur optimam
 huius rei dat occasionem, singuli pa-
 stores suos subditos grauitè admo-
 neant, & quibuscumque possunt mo-
 dis inducant, vt infantes quos sciunt,
 non esse baptisatos sine dilatione bap-
 tisandos offerri curent.

„ Quoniam vero plerumque con-
 „tingere potest vt infans in mortis pe-
 „riculo constitutus, ab obstetrice,
 „aut alia quauis laicali persona, bap-
 „tisari debeat; ne facile in substan-
 „tialibus Baptismi error contingat,
 „ea quæ ad essentiam baptismi perti-
 „nent clarè, & breuiter quotiescum-
 „que dabitur occasio pro concioni-
 „bus exponenda erunt; nullæque
 „ad obstetricandum mulieres admit-
 „tendæ, quæ prius per Pastorem loci
 „super his sufficienter non fuerint in-
 „structæ.

CAPVT. X.

*De recta dispensatione & administratione Sanctissime Eucharistie.*Sess. 13.
cap. 2.Opusc.
57.

SI vllum est Christianæ religionis Sacramentum in cuius dispensatione attentionem, diligentiam, zelum, discretionemque Sacerdos afferre teneatur, illud maxime est in quo *Christus Dominus* (vt loquitur Tridentinum Concilium) diuitias sui erga homines amoris velut effudit, memoriam faciens suorum mirabilium. Sacramentum, inquam illud pretiosum, admirandum, salutiferum, & omni suauitate repletum, in quo (vt sancti Doctores verbis vtamur) purgantur peccata, virtutes augentur & mens omnium spiritualium charismatum abundantia impinguatur. Sacramentum cuius suauitatem nullus exprimere sufficit, per quod spiritualis dulcedo in suo fonte gustatur, & recolitur memoria illius quam in sua passione *Christus* monstrauit excellentissime charitatis.

Sacramentum denique, ex cuius digna aut indigna sumptione, vita vel mors;

mors ; salus, vel damnatio æterna
 pendet. *Qui enim illud manducat &* 1. Cor.
bibit indigne iudicium sibi manducat & 11.
bibit, reusque efficitur Corporis & San-
guinis Domini.

Quare merito S. Chrysostomus in *Hom. 83*
 quadam homilia, postquam de diuini *in Matt.*
 huius Sacramenti dignitate multa
 præclare dixisset, hæc de illius dispen-
 satione & administratione subiungit.
Ad vos, o ministrantes, sermonem con-
uertere necessarium est, ut multo cum
studio hac dona distribuatis: non parua
etenim vobis imminet ultio, si quemquam,
illius culpa conscij, huius mensa partici-
pem esse concedatis; sanguis eius de mani-
bus vestris, exquiretur; siue quis dux mi-
litia sit, siue præfectus, siue princeps dia-
demate coronatus, indignè autem accedat
prohibe: maiorem illo potestatem habes.
Propterea vos Deus hoc insigniuit honore,
ut talia discernatis; hac vestra dignitas
est, hac securitas, hac omnis corona, non
ut albam & splendidam tunicam cir-
cumeatis induti.

Vt igitur Sacerdos sui erga sanctissi-
 mum hoc Sacramentum ministerij
 partes omnes implere possit, tria præ-
 fertim ipsi obseruanda videntur. Vt
 scilicet fidei diligentia & sedulitate,
 illud in Ecclesijs conuenienter & de-
 center asseruari curet: ut fidelibus re-
 cte dispositis eo quo decet modo ad-
 mi-

ministret : denique ut ijs qui indigni censentur, eius participationem con-
stanter denegat .

*Tit. de
sanctiss.
Eucha-
ristia.*

„ Quod ad primum spectat , taber-
„ naculum siue sacrarium (ut *Illustris-*
„ *simi Episcopi Tricariensis Directorium*
„ *sequamur*) in quo Sacramentum
„ Corporis Christi in Ecclesijs asserua-
„ tur, debet esse firmum & splendi-
„ dum, ac pro cuiusque Ecclesiæ fa-
„ cultatibus intrinsecus & extrinsecus
„ ita decenter & magnificè exorna-
„ tum, ut & signum sit præclaræ fi-
„ dei deuotionis, ac pietatis illorum
„ qui illud curant; & earumdem vir-
„ tutum incitamentum his, qui ado-
„ rationis causa ad illud conueniunt .

„ Claves huius sancti Tabernaculi in
„ Ecclesijs Parochialibus solus Pastor,
„ eiusque Vicarij, in alijs autem Ec-
„ clesijs earum superiores, aut alij ab
„ eis designati custodire debent, ac
„ diligentissimè curare ut illud semper
„ clausum sit, ne vlla vnquam sacra-
„ mento iniuria fiat .

„ In quacumque Ecclesia seruetur
„ sancta Eucharistia, ante illam nocte
„ ac die perpetuo lumen ardeat, in
„ signum atque incitamentum fidei,
„ atque deuotionis, quæ nunquam
„ extinguantur, sed quotidie maiora
„ incrementa accipiant .

„ Omnia sacra vasa quæ ad osten-
sio-

„fionem, vel deportationem, aut cu-
 „stodiam sanctæ Eucharistiæ deser-
 „uiunt, vt sunt Tabernacula, osten-
 „soria, ciboria, monstrantia, arcu-
 „la, calices & pixides, si argentea,
 „aurea, vel inaurata sint, quotannis
 „minimum semel, ad festum scilicet
 „Paschæ intrinsecus, & extrinsecus
 „mundentur, & splendori suo resti-
 „tuantur: Quod si propter Ecclesiæ
 „paupertatem, vel direptionum pe-
 „ricula, fuerint stannea, singulis men-
 „sibus diligentissimè defricentur: ænea
 „autem, vitrea, lignea, & cuiuscum-
 „que alterius materiæ, nullum ex sa-
 „crorum canonum definitione, in
 „hisce sacris vsibus, locum habere
 „debent.

„Sacro calici, ciborio, pixidi seu
 „cuiuscumque alij vasculo, in quo san-
 „cta Eucharistia conseruatur, tam
 „in Tabernaculo seu sacrario, cui in-
 „cluditur, quam dum ad excitandam
 „populi deuotionem super altare ex-
 „ponitur, semper consecratum ac
 „mundum corporale sit substratum.

„Hostiæ ante octo, vel vtrumque
 „quindecim dies consecratæ, vnæ
 „cum minutissimis fragmentorum,
 „particulis quæ in ciborio remanse-
 „runt, à Sacerdote consumantur, &
 „in ipsum ciborium ab illis fragmen-
 „tis & particulis mundatum nouæ

„hostiæ consecratæ reponantur, nec
 „vnuquam illæ recentes cum his vetu-
 „stioribus misceantur.

*Quod ad secundum attinet, in eodem
 directorio legimus ea quæ sequuntur.*

„Sacerdos administraturus sanctis-
 „simum hoc Sacramentum lauet ma-
 „nus, stola coloris convenientis col-
 „lum circumdet, & ad pedes Taber-
 „naculi in quo illud asseruatur geni-
 „bus prouolutus Deum suppliciter
 „adore, actum contritionis eliciat,
 „diuinamque gratiam pro se, & pro
 „communicandis exoret. Tum aper-
 „to Tabernaculo, genuflectat, &
 „confessione generali à clerico recita-
 „ta, vertat se ad populum ad cornu
 „Euangelij, prolataque generali ab-
 „solutione, ad Sacramentum denuo
 „conuersus genuflectat, sinistraque
 „manu ciborium, pollice verò &
 „indice dexterae particulam vnā
 „consecratam assumat, & parumper
 „attollat, & clara voce prolatis ijs
 „quæ in Ritual habentur, incipiat di-
 „spensationem à cornu epistolæ, dum-
 „que ab vno ad alium procedit, ca-
 „ueat ne vel minima particula, si quæ
 „forte ex contactu sacræ hostiæ digi-
 „tis adhereret, casu ex eis extra ci-
 „borium decadat & pereat: cui pe-
 „riculo vt quoad humana providen-
 „tia fieri potest occurratur, particule
 con-

„ consecrandæ sigillatim à Sacerdote
 „ mudentur, & abstergantur, pan-
 „ nus mundissimus, & integerrimus
 „ communicantium ori subternatur,
 „ qui postmodum finito Officio diui-
 „ no à Sacerdote, vel Diacono inspi-
 „ ciatur & perlutretur, & ipse Sacer-
 „ dos in aliquo vase apto digitos pu-
 „ rificet, & linteolo ad id ipseciatim
 „ destinato abstergat.

„ Peracta autem Communione
 „ ciborium super Altare reponat, ge-
 „ nus flectatque, ac demum in Taber-
 „ naculum inferat; quod antequam
 „ claudatur iterum genu flectens adoret,
 „ & ad populum conuersus ei bene-
 „ dictionem impertiatur; tum ad pe-
 „ des Tabernaculi sicut initio genibus
 „ pronolatus, breui oratione pro ijs
 „ qui Corporis Christi participes fa-
 „ cti sunt gratias agat, utque cum eis
 „ Diuinus ille Seruator in æternum
 „ manere dignetur suppliciter expo-
 „ scat.

Porro ut in illa administratione
 Sacerdos non modo ea quæ sui mune-
 ris sunt exequatur, sed ut etiam quan-
 tum in ipso est eos qui communicatu-
 ri sunt inuet ad sanctissimum hoc Sa-
 cramentum dignè decenterque susci-
 piendum; idcirco tempore opportu-
 no docebit ipsos, qua fide, humilita-
 te, modestia, deuotione, charitate,

Sup.

ad sacram Christi mensam accedere
 debeant: commonefaciet etiam de
 dispositionibus exterioribus quæ ad
 tanti mysterij reuerentiam requirun-
 tur, ac præsertim quod in præfato di-
 „ rectorio habetur) *ut* vestitus hone-
 „ stus sit ac modestus, præsertim in
 „ mulieribus, nihil irreuerentiæ, su-
 „ perbiæ, fastus, vanitatis, aut im-
 „ pudiciæ præ se ferens.

„ Vt qui ad sacram Communionem
 „ accedunt, utroque genu in terram
 „ flexo, non vagis oculis, aut incôpo-
 „ sitis manibus, sed oculis ac mente
 „ in sacram hostiam intentis, iunctisque
 „ ante pectus manibus, suppliciter se-
 „ se ad locum communionis & reue-
 „ renter fiant.

„ Ut illuc accedant, & illinc rece-
 „ dant non festini, aliosque offenden-
 „ tes aut prementes, sed omni cum
 „ modestia, sedatione, gravitate; ut
 „ omnibus modis animus sibi impe-
 „ rer, nihilque faciat contra rectum
 „ ordinem, aut charitatem; ubi ordi-
 „ nis & charitatis summam decet esse
 „ perfectionem.

„ Vt Sacerdote porrigente sacram
 „ Eucharistiam, caput ad eam com-
 „ modè suscipiendam nonnihil attol-
 „ lant, oculis interim demissis, os mi-
 „ nimum ad latitudinem pollicis ho-
 „ neste aperiant, ac linguam usque
 „ ad

ad inferius labium ultra dentes exe-
rant; vt sacra hostia, sine barbæ den-
tiumque offensione, super eam à Sa-
cerdote imponi possit.

Vt in ipso actu susceptionis san-
ctissimi Sacramenti, nec in his quæ
dicta sunt, nec in aliqua sui corporis
parte se moueant; sed capite, lingua,
ac toto reliquo corpore quieti, ac
immobiles, manum coelestia dona
porrigentis expectent.

Vt suscepta sacra Eucharistia, vbi
Sacerdos manum suam retraxerit,
caput suauiter ac sedatè inclinent,
summaque cum reuerentia, ferue-
ntissimo desiderio, & cupidissimo ani-
mo panem coelestem, itaut, quan-
tum fieri poterit palatum non ran-
gat, deglutiant; seque Christo Do-
mino tota voluntate vniant, & con-
forment.

Vt sumpta Eucharistia ad dimi-
diam horam aut circiter à spuendo
caueant, aut si aliqua necessitate ad
id cogantur, non quidem in terram
exspuant, vbi conculcetur; sed in
parietem, angulum, aut sudariolum,
vbi sine aliqua irreuerentia exsicce-
tur: ac demum post Communionem
peculiari affectu & studio, in bene-
ficij accepti meditatione, gratiarum
actione, & sanctis orationibus in-
cumbant: ac veluti noui homines,

„ac nouo Sacramenti vigore confor-
 „tati, ita vitam in omni sermone,
 „actione, & conuersatione sua insti-
 „tuant, vt par est eos facere, qui spi-
 „ritum Christi acceperunt, eiusque
 „carne & sanguine ideò pasci sunt, vt
 „illi interioris & exterioris hominis
 „conformitate simillimi fiant.

Quod denique ad tertium spectat,
 diuinis Ecclesiasticisque legibus cau-
 tum est, ad sacram Communionem
 admittendos non esse publicos pec-
 catores, quales sunt notoriè Concu-
 binarij, Blasphemi, Magi, Sortilegi,
 alijque crimine aliquo publico infames;
 ac etiam illi qui nominatim ex-
 communicati, aut publici clericorum
 percussores: Imo Illustrissimus Epi-

*In decr. reform. Ecclesi-
 ast. tit. de sanct. Euchar.* scopus Vercellensis censet, eiusmodi
 facinorosis hominibus, (quos in peccato-
 rum cœno diu voluntatis non ita facile ad
 cor reuerti vsu compertum est,) licet in
 confessione ad breue tempus aliquod Pœ-
 nitentia signum pra se ferant, sacram-
 nihilominus Eucharistiam non esse praben-
 dam, nisi prius aliquod vera ac solida con-
 tritionis argumentum dederint, ac per
 aliquot dies probati se pœnituisse ostende-

Tit. de rint.

*ijs qua-
 pertinet ad Sacr. Euchar.* Et S. Carolus Borromæus in Conci-
 lio Mediolanensi primo decreuit eius-
 modi peccatores semel ad confessionem &
 Communionem admissos, si postea eos in
 eodem

eodem peccatorum cœno harere cognitum fuerit, amplius ad sacram Communionem admittendos non esse, nisi postea eos vitam & mores emendasse constet.

Quamvis autem occulti peccatores numquam publicè à communione arceri debeant: admonendi tamen sunt ne contra diuinæ legis præscriptum, ad tremendam illam mensam, peccatorum suorum sibi conscijs accedere, vniusque Corpori & Sanguini Christi (vt loquitur S. Cyprianus) inferre audeant, tales verò Illustrissimus Episcopus Tricariensis præsertim censeat eos esse, qui peccatum aliquod mortale culpabiliter in confessione retinuerint; qui iniuste acquisita restituere neglexerint; qui inimicis ex animo reconciliari, aut ipsorum reconciliationis signa ostendere noluerint; qui ab occasionibus proximis peccandi separari recusauerint; qui Symboli Apostolici, Decalogi, & Orationis Dominica ignorantia laborantes, edicere illa non curauerint; qui toto anno vulgaribus quidem, sed grauius peccatis, ex praua quadam habitudine adhaerint; vt puta blasphemijs, ebrietatibus, impudicijs; & circa Pascha tempus consuetudine quadam & ne videri possint non Christiani esse, potius quam Dei amore, & odio iniquitatis, ac vita melioris desiderio consiteri, ac communicare cupiunt, & nihilominus in eodem luto harere per omnem aetatem.

Serm. de
Cœn. Do-
min.

In Di-
rector.
titul. de
sac. Eu-
charist.

tacite velle præsumentur, nulla vita emendatione unquam secuta, nec ullo conatu proficiendi adhibito.

Hac siquidem & alia similia, quæ non tam peccata, quam peccatorum status decidere, omnino Communionem indignos reddunt.

Porro cum de his omnibus quæ secretum conscientiarum forum spectant, iudicium sit penes ipsos Sacerdotes, sicut indignos ad sacram Christi mensam nullatenus admittere, sic etiam sufficienter dispositos removere ab ea repellere & arcere non debent: unde S. Leo Papa. Nulli Christianorum (inquit) facile communicatio denegetur, nec ad indignantis arbitrium Sacerdotis hoc fiat: & paucis interiectis, conqueritur, locis de causis quosdam à gratia communionis exclusos; & animam pro qua Christi Sanguis effusus est, irrogatione tam sauci supplicij sauciatam, & inermem quodammodo, exutamque omni munimine, diabolicis incurfibus, ut facile capiatur obiectam.

CAPVT XI.

De ijs quæ à Sacerdote obseruari debent in administrando Pœnitentia Sacramento.

CVM (vt monet Illustrissimus Episcopus Gebennensis in Epistola Pastoralis ad clerum suæ Diocesis) Sacerdotes confessionibus audiendis deputati, iudices Dei ipsius nomine constituantur; idque tanta authoritate, ut qua in terris recte decreuerint, & sanxerint, in calis rata & firma habeantur: proindeque ora ipsorum sint voluti sacra quadam stillicidia per qua pax & calis in homines bona voluntatis effluat; vocesque eorumdem se habeant instar tubarum Magni Iesu qua illius virtute, mystica Hierichuntis, id est, iniquitatis muros subruant: Hinc sequitur illos tanto muneri debitè ac dignè obeundo, diu noctuque inuigilare, præcipuamque curæ ac sollicitudinis suæ partem impendere debere.

Ad eos autem in re tanti momenti iuuandos, nihil melius aut aptius nos præstare posse existimauimus, quam

Breui culum hic attexere eorum quæ proponuntur in eadem Epistola, haud dubiè cuius Confessario lectu dignissima & vtilissima.

In primis igitur Sacerdos confessarius qui aliorum conscientias purgare & mundare intendit, propriam negligere non debet, sed illius puritatem & munditiem præcipuo studio curare; *Luc. 4.* ne illi dicatur, *Medice cura teipsum*, aut eidem illud Apostoli exprobre-
Rom. 2. tur, *in quo alium iudicas, teipsum condemnas*, quare antequam in tribunali poenitentiae se deat, prius seipsum dii-
dicet, & vel sacramentali confessione si opus sit, vel actu contritionis præ-
misso, humili prece, opem diuinam sibi aliisque quibus aderit imploret, simulque intentionem dirigat, & ze-
lum procurandæ salutis animarum in seipso exsuscitet.

Meminerit poenitentes in confessio-
nis exordio Patrem illum vocare, pro-
indeque corde & amore paterno ipsos excipere, & amplecti debere, eorum-
que ignorantiam, tarditatem, imbecillitatem, aliasque imperfectiones to-
lerare, & nunquam in ijs quocumque modo iuuandis fatiscere, quamdiu ad-
lucescet spes aliqua emendationis.

Huic paternæ charitati, medicinalis prudentia iungenda est, qua conue-
nientia & salutaria remedia unicuique

agri-

agritudini spiritali apponere queat :
v.g. si poenitens pudore suffundatur,
eum ad excutiendam importunam
illam verecundiam, piamque fiduciam
concupiendam inuitet; benignè com-
monendo, peccati cuiuslibet confes-
sionem esse actum virtutis Deo acce-
ptum, ipsique poenitenti honorifi-
cum: peccare quidem humanæ con-
ditionis & infirmitatis esse, pecca-
tum vero per poenitentiam diluere,
virtutis ..

Si è contra poenitens nullò neque
pudore, neque timore permotus vi-
deatur, acrioribus stimulis erit exci-
tandus; Dei præpotentis præsentia,
ipsi ob oculos ponenda, pauorque
iudiciorum diuinorum incutiendus, ac
mortis, & rationis in eius hora coram
supremo iudice reddendæ recordatio
suggerenda ..

Quod si peccatorum multitudine,
& mole oppressus poenitens, miseri-
cordiæ diuinæ diffidentia aliqua labo-
ret; eius spes in Deum pijs confide-
rationibus erit exluscitanda, puta be-
nignitatis illius ineffabilis, qua Chri-
stus Dominus peccatores quoscum-
que ad se reuertentes excepit, chari-
tatis immensæ quam erga omnes ho-
mines ostendit, tanta pro illis, & tam
acerba patiando, &c.

Si videatur poenitens animo per-

plexus, eo quod neque conscientia latebras omnes prout voluisset discutere potuerit, neque peccata explicare possit, offerendum ipsi erit auxilium, & animus addendus, spesque ingerenda, dummodo ex animo velit, & sincero corde feratur, nihil impedimenti fore, quominus eius confessio valida & fructuosa esse queat.

Porro charitate ac discretionem præ cæteris opus est ad iuuandos poenitentes, præsertimque mulieres in confitendis ijs peccatis quæ pudorem afferunt, ut scilicet neque retineant ea quæ explicari debent, neque plus ab eis quæratur quam necessarium sit: Ad hoc autem iuuabit, si primo interrogentur de leuioribus, an v. g. aliquid mentis honestum aut pudicum audierint vel locuti fuerint, inde ad cogitationes, & delectationes interiores, tum ad alia grauiora peccata, si opus sit procedatur.

Quando ipsi poenitentes seipso accusant, licet verbis interdum minus decentibus utantur; vel excusationes, narrationes inutiles, aliaue similia confessioni immisceant, patienter audiendi erunt, nec villo modo interturbandi, sed postea benignè à Confessario commonendi quâ ratione in posterum decenter magis, ac simpliciter peccata explicare queant, defectusque illo-

illorum in seipsis accusandis si quis fuerit, interrogationibus prout magis expedire videbitur, supplendus erit.

Illi autem qui peccatis aliquibus enormibus, puta sortilegijs, veneficijs, bestialitatibus, alijsque similibus abominationibus implicati, conscientie terroribus exagitantur, ac in desperationem iam iam videntur prolapsuri, peculiari charitate solandi erunt ac iuvandi, infinitaque Dei misericordia proponenda, & auxilium quodcumque pollicendum, quo ex horrendo illo, & infelici statu emergere possint.

Sacerdos igitur præmissis his dispositionibus, ac ut supponimus, scientia ad Pœnitentiæ sacramentum debite ministrandum necessaria præditus, nec non ab Episcopo approbatus, & iurisdictione ordinaria aut delegata, sufficienter instructus, quando confessionibus audiendis vacare libuerit, debet hunc iudicalem actum grauitè ac decenter exercere, in habitu Sacerdotali, cum veste talari, & superpelliceo, cui conueniens esset stolam superimponi: Sedebit caput birreto opertus, in loco aliquo Ecclesiæ in quo conspici possit; vultûq; præ se feret placidum, ac benigna quadam grauitate temperatum, quem, quicquid ipsi dicatur in confessione, nullatenus immu-

mutabit, ne vel minimum sigillo confessionis præiudicium afferat.

Pœnitens è latere Confessarij genuflexus, primo de statu. & conditione, si ignotus sit, interrogabitur, tum de loco habitationis, ne scilicet confessarius iurisdictionis sibi concessæ limites excedat: exinde inquiretur tempus ultimæ confessionis, & num in ea pœnitens peccatum aliquod mortale scienter reticuerit: aut pœnitentiam iniunctam implere neglexerit? num antequam ad pœnitentiæ tribunal veniret, conscientiæ statum explorauerit? & peccata commissa sibi in memoriam reuocare studuerit; num ea quorum recordatur integrè ac simpliciter declarare, de ijsque ex toto corde dolere, & ab ijsdem impofterum cauere velit: eaque omnia peragere quæ ad propriam salutem necessaria videbuntur?

Tum autem præbebit ijs de quibus pœnitens seipsum accusare voluerit; neque enim tolerandus est abusus illorum, qui nisi à confessario interrogati, nullum vnquam faterentur peccatum; quod tamen non obstat, quin postquam sese utcumque explicaerint, ipse confessarius eos interrogationibus ad confessionem perficiendam iungere possit, & etiam interdum debeat: quando scilicet eorum accusatio-

sationem minime sufficientem iudicare ad confessionis integritatem.

Hæc autem interrogatio conueniēter fieri poterit de peccatis ijs tam operis quam locutionis, & etiam solius cogitationis, quæ tum Decalogi præceptis, tum Ecclesiæ legibus, tum præcipuis virtutibus aduersantur, spectata ætate, conditione, moribus & occupationibus cuiusque poenitentis, & in quocumque peccato mortali numerum, & circumstantias speciem mutantem, aut notabiliter aggrauantes inquirere oportebit, nec non diligenter perspicere, num aliqua subsit obligatio famam aut bona aliena restituendi, ut hæc restitutio poenitenti iniungatur, & si commodè possit ante absolutionem adimpleatur, aut certe ipse poenitens se restitutorum ita polliceatur, ut eius verbis fides haberi possit, puta si alias id quod pollicitus est adimpleuit: sin minus, prudentis erit confessarij id agere, quod ad Sacramenti reuerentiam, & poenitentis salutem tutius ipsi videbitur.

Demum videat, num ipse poenitens ad effectum Sacramenti percipiendum, sit sufficienter dispositus? num absolutio ipsi deneganda sit, aut differenda? deneganda quidem, si v.g. statum aut occasionem proximam peccati relinquere, aut iniunctam
poe-

pœnitentiam exequi, vel inimicis nolit reconciliari? Item si pœnitens aliqua censura innodatus sit, aut incalum aliquem reſeruatum incurrerit, pro quo ſuperior ſit adeundus: differencia vero, ſi pœnitens ad effectum Sacramenti conſequendum non ſit ſufficienter diſpoſitus, puta quando de plurimis & grauiffimis peccatis à ſe in confeſſione declaratis parum aut vix dolere ſe demonſtrat, quando in eadem illa peccata ſæpius ex praua quadam habitudine delapſus, non ſatis firmum emendationis propoſitum, oſtendit, nec adhuc vllum ad eiufmodi peccata deuitanda conatum adhibuit: in his enim & ſimilibus caſibus, pœnitenti ſaluberrimum erit, ſi per aliquot dies abſolutio differatur, ac interim aliqua pietatis exercitia inolitę peccatorum conſuetudini oppoſita, eorumque radicibus euellendis apta iniungantur.

Quod ſi nulla eiufmodi cauſa ſubſit, ipſeque pœnitens ad percipiendam abſolutionem iudicetur idoneus; tunc peracta confeſſione, denuò ad veram de peccatis contritionem concipiendam, ſi ita expediat, erit pijs aliquibus motiuis excitandus; ac tandem ſalutaris & conueniens pro qualitate criminum, & ipſius pœnitentis facultate, quantum ſpiritus & pruden-

tia suggererit iniungenda erit satisfactio, quæ talis sit, ut tum ad nouæ uitæ custodiam, & infirmitatis medicamentum, tum ad præteritorum peccatorum vindictam & castigationem conferre possit.

Quod quidem conuenienter fiet si (ut habetur in Rituali Romano) contrarias peccatis poenitentias iniungat, velut avaris elemosynas, libidinosis ieiunia, vel alias carnis afflictiones, superbis humilitatis officia, desidiis deuotionis studia, rarius autem vel seriùs confitentibus, vel in peccata facile recidentibus, vtilissimum fuerit consulere ut sæpe puta semel in mense, vel certis diebus solemnibus confiteantur, & si expediat communicent.

Illud tamen præcipuo studio cauere debet confessarius, ne tales imponat satisfactiones ex quibus alij v. g. maritus, parentes, vel domestici in suspicionem peccati alicuius in confessione declarati, venire possint, aut ex quibus generatim conijciant, graue aliquod peccatum à poenitente commissum fuisse; quod etiam habetur in præfato Rituali Romano, in quo expresse prohibetur, ne vnquam pro peccatis occultis quantumuis grauib, satisfactio aliqua publica & manifesta imponatur.

Iniun-

Iniuncta demum & à poenitente acceptata poenitentia, confessorius illi absolutionem cum debita intentione eo ritu conferet, qui in Rituali siue Romano siue cuiusque Ecclesie proprio præscribitur; & post illam vel etiam ante, prout magis expedire videbitur, pia aliqua & salutaria monita & consilia ipsi poenitenti suggeret, tum ad vitæ emendationem, tum ad perfectum in virtute faciendum, & sic illum in pace dimittet.

CAPVT XII.

De administratione Extreme unctionis.

In Archiep. Bo non. p. 3. in instr. de Sacramēt. Extr. unct. **S**I in omnibus Sacramentis recipiendis (vt monet Cardinalis Palæotus) magna præparatio & diligentia adhibenda est; in hoc sane quod in extremo pergrinationis humana curriculo administratur, eo magis necesse est à parochis omnia pietatis officia exerceri, vt fideles ex hac mortali vita migrantes, in illo momento unde pendet aternitas, contra diaboli tunc præsertim quærentis quem deuoret, insidias roborentur.

Quo enim magis languescit humana infirmitatis virtus (ait Episcopus Tricarion-

rientis) & unusquisque moriens ad in- In di-
 grediendas ignotas sibi futuri saculi vias, rect. Ec-
 ob peccatorum suorum consciensiam & cles. disc.
 abyssum iudiciorum Dei magis timet, ma- ut. de Ex
 gisque horret, eo magis sollicita esse debet tr. vnct.
 Pastorum & Sacerdotum charitas, ut
 Christianus quisque in Extremo illo ago-
 ne contra omnes Sathana insultus bene
 armatus sit, & in spem Divina misericor-
 dia fidenter erectus.

Quare cum clementissimus Domi-
 nus ac Redemptor noster in Extrema-
 vñtionis Sacramento vim & gratiam
 quandam medicinalem, & conforta-
 tiuam in fidelium morientium subsi-
 dium & solatium reliquerit, nihil offi-
 cij studij ac diligentia à Pastoribus, &
 eorum delegatis Sacerdotibus præter-
 miti debet, quominus hoc Sacramen-
 tum quod totius Christiana vita consum-
 matum, vocat sancta Synodus Tri-
 dentina) debitè ab ipsis ministrari,
 & condignè ab infirmis suscipi possit.
 „ In primis igitur (ut præfatum Di-
 „ rectorium subsequamur) Curent Pa-
 „ stores & Sacerdotes, ut ex animis
 „ fidelium hanc impressionem eximant,
 „ qua male persuasum aliquibus est,
 „ Extrema-vñtionis perceptionem,
 „ ad certam mortis facere accelera-
 „ tionem; ideoque eam magna cum
 „ fidei & spei iactura differendam eo
 „ vsque iudicant, donec iam mori in-

Scff. 14.
 præm.
 doct. de
 Sacra-
 mēt. Ex
 tr. vnct.
 sup.

„cipiant, itaut (quod alioquin ad vbe-
 „riorem Sacramenti huius gratiam
 „factum oportebat) nullam aut exi-
 „guam fidem, & religiosam animi vo-
 „luntatem, in illius perceptione affer-
 „re possint.

„Cum Sacerdos sacrum infirmo-
 „rum oleum ad ægrotum perferet,
 „superpelliceo quidem & stolla indu-
 „tus sit, & capite cooperto intedat,
 „eique crux præferatur sine hastili,
 „quæ veteri ac perpetua Ecclesiæ
 „consuetudine ad lectum decumben-
 „tis ex aduerso eius figenda est, qua-
 „ille durante ægitudine sua, virtu-
 „tem, triumphos, ac mysteria Chri-
 „sti crucifixi Redemptoris ac ducis
 „sui, nunquam non memori mente,
 „viua fide, firma spe, ac fiducia, ar-
 „dentissimaque charitate, sibi reti-
 „nenda esse moneatur.

„Vbi ad ægrotum peruenerit, præ-
 „missa suauis ac pia salutatione, res
 „& effectus huius Sacramenti breui-
 „ter, & eius infirmitati & dispositio-
 „ni accommodata oratione exponat,
 „eumque consoletur, & à curis at-
 „que amore huius sæculi, ad spem &
 „desiderium vitæ æternæ erigat. Ne-
 „quaquam vero (quod imprudentes
 „faciunt, ignorantes officium Sacer-
 „dotum ad populum aut scire nolen-
 „tes) vana longioris vitæ pollicita-
 „tione

„tione illum fallat, omneque animi
 „eius robur soluat: sed contra potius
 „ad contemnendam hanc miseram
 „vitam, mortemque, parato, ac ma-
 „gno animo excipiendam ita com-
 „ponat, vt nihil præter Deum sapiat,
 „nihil præter Deum esuriat, & siti-
 „at, ille solus in corde, solus in ore ver-
 „setur: dissolui propter illum cupiat,
 „ab illius beatifica visione diutius ab-
 „esse summam miseriam ducat, sic
 „vivere, Christianum esse, sic mori
 „Christiano maxime necessarium es-
 „se persuadeat.

„Quamuis vero (vt præscriptum
 „est) ita instructos oporteat esse
 „Christianos omnes, vt Poenitentiae
 „& Eucharistiae Sacramentum pia sol-
 „licitudine præmiserint antequam
 „inungendos se curent, illudque re-
 „ligiose præstiterint: roget tamen
 „Sacerdos antequam Sacram-
 „entum impendere ei incipiat, an ali-
 „quem adhuc conscientiae remorsum,
 „aut singultum sentiat: & si opus re-
 „conciliatione fuerit, eius confessio-
 „nem audiat, eumque absoluat.

„Sacrae vñctionis actionem inchoa-
 „turus Sacerdos hortetur præsentem
 „omnes vt sua sancta comprecatione
 „vberissimam Sacramenti huius gra-
 „tiam infirmo obtineant: ac sacra
 „vñctione absoluta, vbi ad templum
 per-

„peruentum fuerit; conuenienti ad-
 „hortatione, pro temporis ac perso-
 „narum ratione, proposita mortis ne-
 „cessitate ac incertitudine, ad vitam
 „sanctius & prudentius, pro Christia-
 „ni hominis vocatione transigendam
 „omnes excitet, & ad omnia pieta-
 „tis ac misericordiae officia, infirmo
 „impendenda permoueat.

„His ita peractis verus Pastor mi-
 „nime arbitretur se omnes sui mune-
 „ris partes praestitisse, sed pietatem
 „quam ab alijs exigit, ipse in primis
 „pro Pastoralis dignitate, charitatis-
 „que suae eminentia, reipsa common-
 „stret, & ouem suam in hac quam
 „cum crudelissimo hoste habitura est
 „lucta non deserat, crebraque visita-
 „tione ac omni sollicitudine salutis
 „eius causam gerat, nec ullis parcat
 „laboribus ne de manibus suis eripia-
 „tur, aut in aeternae damnationis pe-
 „riculum veniat.

CAPVT XIII.

*De Sacramento Matri-
monij.*

Quo plures ob prauitatem hominum
 irrepserunt abusus in Sacramen-

tum Matrimonij, (inquit Cardinalis Palzotus,) eo diligentior adhiberi debet cura, ut ea qua decet sanctitate, & reuerentia, seruatisque ijs omnibus qua precipiuntur à sacris Canonibus & Concilijs, rite celebretur., solet enim nequissimus humani generis hostis diabolus praesertim comparari; ut illis sanctis Christiana Religionis institutis, fallacia & laquei adiungantur, quibus humana fragilitas in carnalibus desiderijs potius quam in spiritualibus fructibus colligenais occupetur.

Quare cum de Sacramenti huius sanctitate atque excellentia frequenter agere debeant Pastores ex Catechismi Romani sententia, (ut loquitur Illustissimus Episcopus Versellensis) tum praesertim filios & parentes sedulo monebunt, illos quidem ut quamuis liberum esse debeat Matrimonium, ac sine parentum etiam consensu, alias tamen legitime contractum, firmum ratumque sit; filij tamen qui parentes reuereri diuina lege iubentur, ne ijs inconsultis, minus autem repugnansibus, illud contrahere audeant: hos autem contra, ne dum ad familia dignitatem retinendam vel augendam, unum tantum filium Matrimonio coniungere cogitant, alios in periculo incontinentiae versari perpetuo sinant, imo vero faciant ac prope velint.

Maximè autem optandum foret ut qui Matrimonio iungi affectant, aliquot

In Archiep. Bonon. p. 3. instruct. de sacrament. Matr.

In decret. general. reform. Eccles. titul. de Sacram. Matr.

quot diebus antequam sponsalia contraherent, imo antequam vllæ fierent denuntiationes, proprium Pastorem, aut alium pium ac prudentem Sacerdotem ab eo delegatum, separatim adirent, à quo edocerentur, quæ sit huius Sacramenti excellentia & sanctitas; quæ ad illud legitimè contrahendum condiciones; quæ ad fructum illius percipiendum dispositiones requirantur; ac proinde quæ in illis fides, & religio, quæ conscientia mundities, quæ intentionis rectitudo debeat reperiri? quæ omnia cum in ritualibus libris plenius expressiusque contineantur, nos hic tantum apponemus ea quæ S. Carolus Borromæus ad familiam Christianam debitè instituendam, & regendam, inter alia plura monita, Matrimonij sacramentum spectantia, decretis suis inferi vo-

Concil. luit; quæque non sine fructu à quolibet Pastore, seu eius delegato Sacer-
Mediol. 3. tit. de dote, ijs qui matrimonio copulandi
ijs qua sunt, aut etiam illis qui iam copulati
ad Sa- sunt, proponuntur.

examinet. „ In primis igitur (*inquit sanctus*
Marr. „ *hic Praesul*) de salute familiae suae sol-
spectat. „ liciti sint, curentque ut nemo quis-
„ quam ex illa sit, qui fidei Christia-
„ nae rudimentis instructus non sit;
„ siue filij sint, siue serui & ancillae,
„ siue alij in famularu suo.

„ Vt statâ hora , ac præsertim ve-
 „ sperè ante decubitum , omnis fami-
 „ lia certo loco congregata , ad præ-
 „ scriptum temporis spatium sanctè
 „ oret & precetur .

„ Vt frequenter vniuersa familia
 „ confiteatur , & sacram Eucharistiam
 „ sumat .

„ Vt singulis diebus Missæ Sacrificio
 „ interfit , aut saltem in vigilijs & sta-
 „ tis ieiuniorum temporibus , ac qua-
 „ dragesimæ diebus id præstet : Feltis
 „ autem diebus , vt ne quis de familia
 „ interesse omnino omitat ,

„ Vt festis præterea diebus ad sacras
 „ conciones , lectiones , supplicatio-
 „ nes , diuina officia , aliasque Chri-
 „ stianæ pietatis exercitationes con-
 „ ueniat , vt ne quis his sacris diebus
 „ opus seruale faciat .

„ Vt Vigiliarum & Quatuor tempo-
 „ rum & Quadragesimæ , & alia statâ
 „ ieiunia illi in familia seruent , quibus
 „ Ecclesiæ præcepto iustum est .

„ Ne patiantur in familia esse quem-
 „ quam qui blasphemus sit , qui periu-
 „ rus , qui item corruptis moribus vta-
 „ tur , qui obscenè quidquam vel lo-
 „ quatur vel agat ; qui aleis ludat , qui
 „ denique cæteris turpis vitæ exempla
 „ præbeat .

„ De vitæ præterea spiritualis ratio-
 „ ne , & pijs exercitationibus , aut de

„ vitis Sanctorum probatos Sacerdo-
 „ tis confessarij iudicio libros , in quo-
 „ rum lectione familia aliquando ver-
 „ setur , domum suam introducant ;
 „ exclusis , obscenè , turpiter , iocosè
 „ conscriptis , alijsque id genus libris ,
 „ vnde morum , institutionisque cor-
 „ ruptela exiltere possint .

CAPVT XIV.

*De Verbi Diuini prædi-
 catione .*

Quam sublime , quam excelsum
 sit , & supereminens Verbi Di-
 uini prædicandi munus , vel hinc patet
 quod ipsi sancti Apostoli tanquam
 proprium illud sibi vendicarint ; *Non*
est æquum (inquit illorum Princeps)
nos derelinquere Verbum Dei & mini-
strare mensis ; videte ergo viros boni testi-
monij , quos constituatis super hoc opus ,
nos autem orationi & ministerio Verbi in-
stantes erimus Et S. Paulus , *non misit me*
Deus baptizare (inquit) *sed euangeli-*
sare : Et in Concilio Tridentino Euan-
 gelij prædicatio dicitur esse *præcipuum*
Episcoporum munus .

Act. 6.
Cor. 1.
Sess. 5. c.
2. de ref.

Ex quo sequitur , quod cum ipse
 Sa-

Sacerdos vi ordinationis suæ (cum debita tamen subordinatione) ad Verbum Diuinum prædicandum destinetur, *Sacerdotem siquidem* (inquit Episcopus ordinans) *oportet præesse, prædicare, &c.* Apostolicum hoc munus maximi facere, ad illudque, eo quo decet modo, exequendum paratum se semper quantum in ipso est, exhibere teneatur.

In Pontific. Roman.

Atque in primis iuxta effatum Summi Pontificis Hormisdæ *discere debet, ante quam doceat, quis enim (ut ait Papa Zozimus) tam arrogans & tam impudens inuenitur, ut in coelesti militia statim dux esse desideret, cum tyro ante non fuerit?*

Epist. 4. ad Episcop. Hispan. Epist. 1.

Sibi præterea dictum putet, quod olim D. Hieronymus Nepotiano: *Non confundant opera tua sermonem tuum, ne cum in Ecclesia loqueris, tacitus quilibet respondeat, cur ergo hac quæ dicis, ipse non facis, &c. Delicatus magister est, qui pleno ventre de ieiunijs disputat: accusare auaritiam, & latro potest, Sacerdotis Christiani os, mens, manusque concordent.*

Epist. 2. ad Nepot.

Audiat ex S. Bernardo, si sapias *concham te exhibebis, & non canalem, hic siquidem pene simul & recipit, & refundit; illa vero donec implatur expectat, & sic quod superabundat, sine suo damno communicat. Verum canales multos ho-*

Ser. 18. in Cant.

*die habemus in Ecclesia, conchas vero per-
paucas: tanta charitatis sunt, ut ante
effundere quam infundi velint.*

Quod autem spectat ad rationem
& methodum prædicandi, cum mul-
ta multi dixerint, nihil melius aut con-
sultius nos hic præstare posse existi-
mauimus, quam fontem illum adire,
à quo riuum hunc deriuare studuimus,
Illusterrimum inquam, Diuini Verbi
præconem Franciscum Salesium, cui
quondam ab ipso Summo Ecclesiæ Pa-
store in singulare sapientiæ testimo-
nium refertur dictum fuisse, *bibe
aquam de cisterna tua, & riuus tui deri-
uentur foras.*

*Lib. 1. e.
pist. 31.*

De illius igitur eximij viri quadam
epistola, in qua de optima concio-
nandi ratione differit, hæc quæ sequun-
tur breuiter excerptimus.

Omnis concionandi ratio ad qua-
tuor præsertim capita reuocari potest,
quis scilicet concionari debeat? quo
fine? quid in concionibus propone-
re? qua ratione & forma illud enun-
tiare.

Quod ad primum attinet; nullus
Verbi Diuini prædicandi munus debet
assumere, cui non suppetat legitima
missio, doctrina necessaria, & vita
irreprehensibilis: cum vero in Episco-
pis, non solum missio primaria &
præcellens, sed ipsius quoque missio-
nis

nis fontes ministeriales reperiantur, hinc patet ab illis in quoscunque alios, legitimam missionem, examine (si ipsis videatur) præmissa, derivandam esse.

Doctrina si non eximia, saltem sufficiens sit, vita vero ita irreprehensibilis, ut non solum à quolibet lethali vitio immunem se concionator seruet, sed etiam à grauioribus venialibus sollicitè caueat; imò & à quibusdam actionibus, quæ licet ex se peccata non sint, tamen in eo reprehensionem sunt obnoxie: *Nuga*, inquit S. Bernardus, *in ore secularium nuga sunt, in ore autem Sacerdotis blasphemia*: Laicus quisque venationi, ludo, alijsque eiusmodi exercitijs liberè, & citra omnem reprehensionem vacare potest, quæ tamen à Concionatore vix sine scandalo eoque graui usurparentur.

Cæterum, consultissimum esset Concionatori nunquam ad populum edocendum exedram conscendere, nisi post sanctissimum Missæ sacrificium celebratum, aut cum intentione celebrandi: dici enim vix potest, quantum dæmones perhorrescant os illud quod sanctissimum Christi corpus suscepit: tunc si quidem cum Apostolo dicere posset, *An experimentum queritis eius, qui in me loquitur Christus?* 2 Cor. 13.

Saltem ab omni peccato per con-

Pf. 49. fessionem expurgatus esse debet, ne illi exprobetur à Deo, *quare tu enarras iustitias meas, & assumis testamentum meum per os tuum, tu vero odisti disciplinam, & proiecisti sermones meos retrorsum; nec obliuiscatur illius Apostolici dicti, Castigo corpus meum, & in seruitutem redigo; ne cum alijs predicauerim, ipse reprobus efficiar.*

1. Cor. 9

Iohn. 10

Quod spectat ad secundum, Concionator eundem sibi finem præstitueret debet, ob quem Dominus è cælis in hæc inferiora diuinas veritates hominibus annuntiaturus descendit; *Ego, inquit, veni ut vitam habeant, & abundantius habeant, & ita cum Concionator ipsius summi præceptoris Christi locum teneat, omnium, quæ in Concionibus dicit, aut dicere intendit finis hic esse debet, ut iniqui à peccati morte resurgant, & vitam gratiæ recuperent; & ut iusti in vita spirituali proficiant, eantque de virtute in virtutem: sicque quoties pulpitem, seu ambonem ad populum verba factururus ascendit, apud semetipsum dicat, Ego veni ut isti vitam habeant, & abundantius habeant.*

Vt vero scopum hunc sibi propositum pertingat, duo præsertim requiruntur; nimirum ut doceat, & moueat; id est, ut auditorum intellectum illuminet, & permoueat voluntatem;

ut

vt virtutum decorem ac pulchritudinem, vitiorum horrorem ac foeditatem ob oculos ponat, vnde sequatur Illarum amor & praxis, horum vero detestatio & fuga: quod autem quidam exigunt, vt concionator etiam delectet auditores, si delectationem eam intelligant, quæ procedit ex cognitione veritatis, & amore virtutis, facile conceditur: si verò aliam quæ ex mundana quadam & sæculari eloquentia, sermonumque artificiosa concinnatione, quæ ad demulcendas aures solummodo apta est, absit hæc vaniloquentia omnis à concionatore Christiano, qui Christum crucifixum prædicaturus est; quique *sectari debet. 2. Tim. non lenocinia Rhetorum, sed veritates pi-* 4
scatorum; procul à sacris exedris eiusmodi *magistri præuientes auribus*. Sane finita concione non expedit audiri; O quam disertus Orator! quam doctus! quam copiosus! audiatur potius; O quam pulchra est virtus! quam necessaria poenitentia! quam magnus & timendus Deus! quam bonus & amabilis!

Quod ad tertium pertinet, quid scilicet proponi debeat in concionibus: *Prædica verbum*, inquit Apostolus, 2. Tim. 4.
charissimum sibi Timotheum instruens. Et ipse veritatis magister Apostolos *Sess. 5. c.*
suos mittens: *Prædicate*, inquit, *Euan-* 2. de ref.
gelium;

gelium; & eius fidelis interpres Ecclesia in Concilio Tridentino, docet in concionibus, ea præsertim debere explicari, *quæ scire omnibus necessarium est ad salutem: annuntiarique fidelibus cum breuitate & facilitate sermonis vicia quæ eos declinare, & virtutes quas sectari oporteat, ut pœnam æternam euadere, & cœlestem gloriam consequi valeant.*

Primum igitur locum in concionibus teneat Scriptura, cuius varij sensus exquiri & explicari possunt, literalis scilicet, aut allegoricus, aut anagogicus, aut moralis: ita tamen vt nusquam recedatur ab eo sensu quem tenet Sancta Mater Ecclesia, cuius est iudicare de vero sensu & interpretatione Scripturarum Sanctarum.

Scripturæ verbis iungantur Sanctorum Patrum sententiæ, exque præsertim quæ breues, concisæ, acutæ ac fortes sunt: qualis illa S. Augustini *qui fecit te sine te, non saluabit te sine te: & ista qui pœnitentibus veniam promissit, tempus pœnitenti non promissit:* quibus pleraque similes apud S. Bernardum reperire est.

Adhibeantur præterea rationes morales, & argumenta, quæ vel ex proprij ingenij meditatione, vel ex sanctorum Doctorum lectione peti possunt, nec non exempla & historiæ quædam selectæ, & ad mouendum
vel

vel persuadendum, debite applicatæ, eæ præsertim quæ in actis Sanctorum leguntur: insereri etiam possunt similitudines siue ex naturalibus rebus depromptæ, in quibus mirificus est S. Chrysostomus, & ad imitandum copiosissimus & aptissimus, ut in eius homilijs & orationibus videri potest.

Porro hæc siue authoritates, siue ratiocinia, siue historiarum aut similitudines, non confuse & promiscue, sed apta & idonea ratione ac methodo disponi & ordinari debent, quod & ipsi Concionatori percommodum, & auditoribus gratum & proficuum erit.

Hæc autem methodus clara sit & perspicua, non abstrusa, & recondita, ut quibusdam placet, qui operæpretium se facturos arbitrantur, si nullus dictorum rationem, ordinemve perspicere queat: verum ad quid vlla loquendi ratio & methodus, si auditori abscondita sit & imperuia?

Vel igitur sacra aliqua historia in concione exponenda est, puta Natiuitatis, vel Passionis Christi Domini, aut Assumptionis Deiparæ Virginis, vel aliquod Euangelium explanandum, vel vita alicuius Sancti enarranda, vel de virtute aliqua, aut de vitio differendum.

Si assumatur sacra aliqua historia

H 5 ex

exponenda, illius præcipuæ circumstantiæ expendendæ erunt, puta in Passione Christi quis patitur? quid patitur? quem ob finem? pro quibus? qua patientia? qua charitate? quo amore? Vex serie ipsius historiæ breuiter enarratæ, piæ aliquot considerationes erunt eliciendæ: v.g. quid inde discere oporteat, ad fidem ædificandam, spem augendam, charitatem inflammandam, mores informandos, &c.

Si Euangelium aliquod explanandum suscipiatur, vel id fieri potest paraphrasticè, totum Euangelium percurrendo; vel, quod vtilius est, selectam aliquam illius sententiam explicando: in ea autem sententia videndum est, quid præsertim morale, & ad praxim audientium accommodatum proponi possit. v.g. si hoc Christi Domini effectum pertractetur, *quod vobis dico, omnibus dico, vigilate*, tria dici poterunt: primo quænam sit ea vigilantia ad quam Christus hortatur: 2. quam sit cuius Christiano necessaria & salutaris: 3. quibus modis infirmitas humana iuuari possit, ad vigilantiam illam debitè consecretandam.

Si vita alicuius Sancti enarranda sit, varij sunt modi procedendi, vel enim agi poterit, iuxta Apostoli dictum, *qua-*

qualiter sanctus ille erga Deum piè, erga seipsum sobriè, erga proximum iustè vixerit: vel perpendendum erit quid ille agendo, patièdo, orando præstiterit; aut qua ratione contra mundum, dæmonem, carnem decertauerit; vel superbiam, auaritiã, concupiscètiã debellauerit, aut quas potissimum virtutes imitandas nobis reliquerit.

Si de virtute aliqua differendum sit, primo illius naturam seu proprietates explicare oportebit; tum proponendæ erunt rationes, & motiua, quæ ad illam amplectèdam inducere possunt: exinde ea, quæ ad faciliorem & perfectiorem eius praxim iuuant, erunt explicanda, quod etiam in contrario sensu intelligendum est si de aliquo vitio differatur.

Quod denique ad quartum spectat, ad perfectam concionandi formam, opus est actione libera, nobili, generosa, sincera, forti, sancta, graui, & moderata.

Libera, vt excludatur actio illa quæ legibus quibusdam scholasticis composita, & veluti coarctata est.

Nobili, vt caueatur quorundam rusticitas, qui cum indecora corporis agitatione, & manuum complosione, beatum potius quam vocem edunt.

Generosa, vt excutiat puerilis nescio quæ timiditas aliquorum, qui quasi ad magistros & patres, & non ad discipulos ac filios verba facere videntur.

Sincera, vt omnis affectatio & artificiosa compositio abigatur.

Forti, ne mollis, languida, & quasi emortua videatur.

Sancta, ne quid mundanum vel aulicum præ se ferat.

Graui, vt omnis inepta gesticulatio, vel adulatoria fermocinatio absit.

Moderata, vt non sit præceptis nimis & concisus, neque etiam nimis lentus aut tardus, sed optimè temperatus dicendi modus.

Porro naturalis, simplex, & apertus orationis ordo tanquam optimus & ad finem propositum aptissimus seruandus est; itaut concio ipsa in suas partes diuidatur, & quæ primo, vel secundo seu tertio loco dicenda erunt, expresse declarentur, itaut populus ordinem illum obseruare & intelligere queat.

In fine præstat breuem veluti recapitulationem proponere eorum quæ animis audientium firmitus inhaerere debent: postque illam, paucis aliquot verbis spiritu & seruire animatis, totam orationem concludere.

Opti-

Optimus vero præparandæ concionis modus esset , præmisso aliquo studio , ea quæ alijs dicenda sunt , coram Deo attentè perpendere & deuote meditari ; quod quidem si coram sanctissimo Sacramento fiat , dici vix potest quanta, quamque mirabilis virtus , & efficacia inde hauriatur .

CAPVT XV.

De Catechistica instructione .

PRæter sublime illud concionandi munus de quo egimus capite superiori, est & aliud proprium & peculiare ipsius Sacerdotis officium , catechisandi scilicet , & prima fidei Catholicæ rudimenta paruulis & ignaris tradendi; quod quidem licet paulo demissius videatur , non ideo tamen negligendum , immò tanto potiori studio & affectu incumbendum illi est , quanto vberiores vt plurimum ex eo fructus animarumque prouentus colligi possunt, cum minori dispendio humilitatis , quæ plerumque in exedris inter audientium plausus periclitatur .

Sanè

Coloss.
2. Sanè ut innumera sanctorum exempla omittamus, ipse Christus Dominus in quo omnes thesauri sapientia & scientia Dei reconditi erant., eundem populum, cælestis regni mysteria familiaribus alloquijs edocere, paruulosque ad se venientes blandè excipere, & benignè erudire non dedignatus est. Et post passionem suam Apostolos in omnes mundi partes emittens, iussit illos docere omnes gentes, quod & ipsi summo studio & labore perfecerunt, & catechizando, id est, viua voce docendo, & explicando Christianæ fidei veritates, orbem terrarum foeliciter Christi Domini imperio subegerunt.

Matth.
28.

Sed quod præcipuum & cuius Sacerdoti maxime perpendendum, est summa, ut non dicam penè extrema Ecclesiæ necessitas, quæ non sine acerbissimo dolore videt etiam his temporibus plures animas defectu instructionis, à via salutis aberrare, & tandem in perditionis abyssum deuolui. Quot enim putamus locos esse in terris ubi parvuli petunt panem, & non est qui frangat eis; quot regiones, in quibus populi fame & siti labdrant, non quidem panis & aquæ, sed Verbi diuini audienti. Messis haud dubiè etiam nunc multa, operarij autem pauci, rogemus ergo

Luc. 10. Dominum messis ut mittat operarios in mes-

*messem suam, & quamuis quisque se
feruum inutilem agnoscere debeat,
audeat tamen & diuinæ gratiæ auxi-
lio innixus dicat ecce ego, mitte me.*

Sacerdos igitur huic Apostolico
catechisandi muneri incumbere vo-
lens, hoc præsertim sibi proponere
debet, vt eo animo illud exequatur,
quo Apostolici viri, immò quo ipse-
met Christus Dominus id præstitit:
de illo si quidem legitur in Euangelio,
quod Nazarenos conciuēs suos in Sy-
nagoga instruens incepit ab illis Pro-
phetæ verbis, quæ in se impleta esse
testatus est; *Spiritus inquit Domini su-*

Luc. 4.

*per me, euangelizare pauperibus misit
me, & ad discipulos Ioannis inter alia
diuinæ suæ missionis indicia illud pro-
tulit, pauperes euangelisantur, & de
paruulis ad se concurrentibus quos
Apostoli prohibere volebant, finite
inquit paruulos venire ad me, talium est
enim regnum cælorum.*

Matt. 11.

Marc.
10.

Ex quibus patet virtutem Catechi-
stæ maxime propriam esse feruentem
diuinæ gloriæ, animarumque salutis
procurandæ zelum, perfectā humili-
tate, affabilitate, mansuetudine tem-
peratum: quo animatus, non iam
quæ sua sunt quærat, sed quæ Iesu
Christi; illiusque proinde exemplo,
ad pauperes instruendos & erudien-
dos, peculiari affectu feratur, & in-
paruu-

paruulis ad Christum adducendis, imo
& trahendis, operam & industriam
ponat.

Lib. de catechi- sand. ru. dib. c. 10 Cogitemus (inquit S. Augustinus, infiguem Ecclesiæ Carthaginensis Catechistam erudiens,) *quid nobis prarogatum sit ab illo, qui demonstrauit nobis exemplum, ut sequamur vestigia eius.* Cogitemus, qua charitate, quo zelo seruator ille hominum circuibat pagos & villas, ignarum & rudem populum nunc in litore, nunc in montibus, nunc in locis campestribus erudiens, quomodo se ad eorum qui audiebant caprum demittebat, familiari loquendi modo vtens, eadem sæpius repetens & inculcans, similitudines & parabolas vulgares adhibens? qua patientia, quo amore, turbas comprimentes se sustinebat? qua lenitate & mansuetudine illorum quos alloquebatur tarditatem & stupiditatem iuuabat, duritiem & contumaciam ferebat, & omnia omnibus fiebat, vt omnes redimeret, & saluos faceret?

En exemplum quod diuinus ille præceptor nobis propositum reliquit, vt sequamur vestigia eius: quod vt præstare queat is qui Catechistæ officio debite fungi voluerit, debet in primis hoc apud se statuere, vt quantum poterit, sese ad caprum vniuscuius-

cuiusque eorum quos instruit accom-
modare studeat; *Quamvis enim* (vt
loquitur S. Augustinus) *eadem om-* Sup. cap.
15.
nibus debeat Charitas, non est ta-
men eadem omnibus adhibenda medi-
na; ipsa certè charitas alios parturit,
cum alijs infirmatur, ad alios se incli-
nat, ad alios se erigit, alijs blanda,
alijs seuera, nulli inimica, omnibus
mater.

Ad hoc autem maximè iuuabit fi-
eorum quos instruit, ingenium agno-
fcat, in dolemque habeat explora-
tam, vt ea illis proponat, quæ eo-
rum capacitati commensurata esse
existimauerit, eaque methodo & ra-
tione quæ ipsis possit esse utilis ac pro-
ficua: *Tanquam paruulis in Christo* 3. Cor. 3
(inquit Apostolus Corinthios adhuc
in fide Neophytos alloquens) lac-
vobis potum dedi, non escam: nondum
enim poteratis, sed nec nunc quidem
potestis.

Præterea, crebra experientia
compertum est non modo simpli-
ces & apertas explicationes, sed etiam
familiares interrogationes, in catechi-
stica institutione esse vtilissimas, im-
mò pueros longè magis in eo disci-
plinæ genere proficere, si sæpe ac
diuersimodè interrogentur, quam si
continuato & prolixo sermone edo-
ceantur.

De

De hoc etiam ipse S. Augustinus supra memoratum Catechistam commonefaciens. *Interrogatione* (inquit) *quarendum, utrum is qui catechisatur, intelligat; & agendum pro eius responsione, ut aut planius & enodatius loquamur, aut que illi nota sunt non explicemus latius, &c. Quod si nimis tardus est, misericorditer sufferendus est, breuiterque decursis alijs, ea que maxime necessaria sunt inculcanda sunt.*

Sxp. cap.
13.

Hæc autem interrogandi methodus magis adhuc proderit, quando plures catechisantur, si explicatis breui ac simplici sermone ijs quæ doceri debent, primo interrogentur ij quos ingenio meliores aduertit Catechista, eademque interrogatio alijs atque alijs verbis fiat: ut non tantum verba, sed & sensus ab ipsis capiatur: exinde ab ijs qui minus ingenio valent eadem exquirat, nec in ijsdem sæpius repetendis & inculcandis fatigetur: ac præsertim rudioribus & magis hebetibus animum addat, & si expedit pijs aliquibus munusculis alliciat & excitet; ac demum ex instructione catechistica aliquem pietatis fructum colligere auditores suos semper edoceat, & ad id pias aliquas historias interdum adhibeat. In quibus omnibus supradictis iuuari poterit, libello quodam nuper à nobis gallico idiomate

CHRISTIANVS. .187
mate edito , qui hoc titulo inscri-
ptus est .

*Fidei ac Iustitiæ Christianæ veritates
præcipuæ ac magis necessaria , clarè ac di-
stincte explicata , iuxta doctrinam*

Scripturæ , Conciliorum , &

*Patrum , adiectis plu-
ribus selectis-*

que

ex historia Ecclesiæ

sticæ exem-

plis .



PARS



PARS TERTIA.

De virtutibus quæ maximè
Christianum Sacerdo-
tem decent.

CAPVT PRIMVM.

*De studio perfectionis cui Sa-
cerdos præcipua cura in-
cumbere debet.*

CERTVM est ex ip-
sarum sanctarum scri-
pturarũ testimonio,
studium perfectionis
omnibus & quibus-
cumque sacro Baptis-
mate regeneratis ma-
ximè congruere, ideoque illis sæpius
commendari. *Estote perfecti* (inquit
Chri-

Christus Dominus vniuersos Christianos alloquens) sicut & Pater vester celestis perfectus est; & Apostolus Paulus passim in Epistolis Christianos sanctos nuncupat, imo plerumque hac sola sanctorum nuncupatione, ipsos designat omnibus sanctis (inquit) qui sunt in vniuersa Achaia. Omnibus sanctis qui sunt Ephesi. Omnibus sanctis qui sunt Philippis, & salutant vos omnes sancti, maxime autem qui de Caesaris domo sunt. Hoc scilicet tanquam indubitatum supponens, Christianos omnes sanctos esse debere; id est à peccatoribus segregatos, & Deo poenitus dicatos: Hoc enim est Christianum esse, (inquit S. Leo) hoc baptismum suscipere, nimirum renuntiare diabolo, & in nouitatem à vetustate transire, & terreni hominis imagine deposita, caelestem formam induere.

Quod si ea est Christianorum quorumcumque ad perfectionem consecretandam obligatio, qualis putas erit illorum qui ex ipsis Christianis selecti, in sortem Christi Domini vocati sunt, eiusque diuinis ministris j's peculiari gratiæ dono deputati? Vita Sacerdotis (inquit S. Ambrosius) praponderare debet, sicut praponderat gratia. Cum enim augentur dona (vt monet S. Gregorius) rationes etiam crescunt donorum: vnde S. Bernardus Sacerdos (inquit) cale-

Matt. 5.

2. Cor. 1

Ephes. 1.

Philip. 1

& 4.

Ser. 24.

de pas-

sione.

Lib. 3.

Epist. 25

Hom. 9.

in Enā-

gel.

*Declarate tenet Officium, Angelus Domini
mat. in exercituum factus est; tanquam Angelus
hac ver- aut eligitur, aut reprobatur; inuenta quip-
ba (ec- pe in Angelis prauitas, & districtius in-
ce nos dicetur necesse est, & inexorabilis quam
&c.) humana.*

Cum igitur Sacerdos peculiari quo-
dam modo sanctus esse debeat, sitque
præ alijs Christianis ad consecrandam
perfectionem arctissimè obstrictus,
tum ratione ipsius status Sacerdota-
lis, qui ad alios etiam sanctificandos
destinatus est; tum ratione diuinorum
munerum quibus addictus est, ad quæ
perfecte implenda, Dei ipsius sancti-
tatem quantum homini fas est, in se
tenetur exprimere, videndum est in
quo consistat hæc sanctitas & perfe-
ctio Sacerdotalis; quæ quidem potest
ad tria præsertim capita reuocari, quo-
rum primum est vt maxima sollicitu-
dine & vigilantia caueat à quibuscum-
que peccatis, etiam ijs quæ leuiora
Sup. æstimantur: *Non mediocris siquidem
esse debet virtus Sacerdotalis, vt loqui-
tur S. Ambrosius, cui cauendum non
modo ne grauioribus flagitijs sit affinis, sed
ne minimis quidem, & de hac pecca-
torum deuantandorum cautela ple-
nius in quarta huius libri parte age-
tur.*

Secundum est vt acquirendis &
exercendis virtutibus, ijs præsertim
quæ

quæ muneri suo magis aptæ & congruæ videntur, sedulo incumbat, in illisque de die in diem proficere ac progredi studeat; *Indefessum enim proficiendi studium* (vt docet S. Bernardus, & *iugis conatus ad perfectionem*, *perfectio reputatur*. Cum vero iuxta Christi Domini edictum, *perfectus tunc denuum futurus sit seruus, si sit sicut Dominus eius*; in eo autem Domino cuiuscumque & virtutis & gratiæ Sacerdotalis plenitudo fuerit; imo de plenitudine eius nos omnes acceperimus: ideo Sacerdos perfectionis studiosus, in eo virtutum exercitio Christum Dominum toto affectu affectari, eiusque vestigijs inhærere debet; vt sic integer ac in nullo deficiens, alijs fidelibus dicere possit cum Apostolo, *imitatores mei estote, sicut & ego Christi*.

Epist.
253. *ad*
Abbat.
Guarin.

1. Cor.

11.

Tertium denique est vt virtutes illas in gradu non mediocri aut vulgari, sed excelso & eminenti, ac (vt Philosophi loquuntur) heroico, quales scilicet in Christo Domino fuerunt obtinere studeat & enitatur: itaut Sacerdotis humilitas, eo vsque se demittat vt nullam respuat confusionem & abiectionem, imo gloriæ diuinæ procurandæ causa quibuscumque opprobrijs saturari gaudeat: obedientia vsque ad mortem perseuerare parata sit; charitas erga proximos quoscumque, etiam

etiam maxime aduersantes & infensos nullis arctetur limitibus, sed eo usque urgeat, ut si opus sit, optet esse anathema pro fratribus, & sic de reliquis virtutibus, de quibus proinde in hac tertia huius libri parte nobis agendum est.

CAPVT II.

De delectu virtutum quæ Christianum Sacerdotem maxime decent.

QUAMVIS virtutes, ut loquitur Sanctus Ambrosius, *connexa sibi inuicem sint, ac concatenata*; ita ut quod recte dixit S. Gregorius, *una virtus sine alijs, aut omnino nulla sit, aut imperfecta*, inde tamen non sequitur omnes æquali gradu à quolibet iusto possideri, qui *unam virtutem habet* (inquit S. Hieronymus, *habet quidem omnes, sed participatione, non proprietate*; id est, participat quidem omnibus, non tamen excellit in omnibus; unde postea subdit, *necesse est enim ut singula excellent in quibusdam, ut in Salomone sapientia, in Davide animi mansuetudo, in Elia & Phinees zelus, in Abraham fides,*

Lib. 5. in

Luc.

Lib. 1.

mor. c.

36.

Dialog.

1. aduer

sus.

Pelag.

fides, in Petro, cui dictum est, Simon Ioannis amas me, perfecta dilectio, in Electionis vase studium predicandi, & sic in ceteris.

Cum igitur ea sit animi humani conditio, quamdiu mortalitatem istam circumfert, ut secundum legem ordinariam simul in omnibus virtutibus excellere nequeat; sintque inter ipsas virtutes quædam, quarum studium præ alijs magis conuenire videatur, habita ratione temporum, locorum, personarum, & similium circumstantiarum; hinc sequitur cuilibet perfectionis studioso, ac præsertim Sacerdoti qui in eiusmodi studio præcellere debet, delectum habendum esse virtutum, in quibus sine ullo reliquarum neglectu se peculiari cura exerceat.

Atque in primis, ut recte obseruat *Philoth.*
 Illustrissimus Episcopus Gebennensis, *part. 2.*
 quædam virtutes sunt, quarum usus *cap. 1.*
 ad omnes vitæ Christianæ partes extendere se debet, cæterarumque virtutum actionibus veluti condimento esse; raro siquidem occurrunt occasiones exercendæ magnanimitatis, magnificentiæ, fortitudinis, & similium: sed v.g. mansuetudo, modestia, humilitas tales sunt, ut vix sine illis, actus ullus humanus in genere moris omnibus suis numeris absolutus esse

I possit:

possit: & licet alia sint virtutes excellentiores, istarum tamen praxis magis necessaria est, ac proinde peculiari studio & affectu consecranda.

Iam inter reliquas virtutes, usus illarum Sacerdoti semper antefereendus est, quæ muneri suo magis conueniunt, non quæ magis animo arrident, sic Apostoli, Verbi diuini prædicationem ut pote officio suo magis congruentem, mensarum ministerio, & pauperum curæ prætulerunt: & haud dubiè inordinata esset v.g. pietas illa in Pastore animarum, qui relicta gregis sibi commissi curæ, solitudinem ambire, & soli rerum diuinarum contemplationi vacare vellet.

Virtutes præterea quæ coram Deo excellentiores sunt & solidiores eligendæ sunt præ illis, quæ in oculis hominum maiorem fulgorem emittunt, & plurius vulgò æstimantur: & sic cæteris paribus melius & tutius est Sacerdoti, ad imitationem Domini sui, pagos & villas circumnire, ibique pauperes & rusticanos fidei mysteria diuinæque præcepta edocere; aut in umbris carcerum, vel Xenodochiorum, septis, captiuos & infirmos consolari & instruere; quam in celebrioribus templis cathedras ambire, & in magna personarum nobilium frequentia doctas & disertas conciones habere.

Do-

Docet nos etiam eiusdem Christi Domini exemplum, virtutes illas præferim præligendas esse, non solum quæ maiorem demissionem & abiectionem coniunctam habeant, sed etiam quæ naturalibus cuiusque inclinationibus minus fauere videantur, & quæ ad suipsum abnegationem magis iuuent. Poterat certe diuinus ille hominum Seruator, si libuisset, inter legitimum diuitiarum & deliciarum vsum salutem ipsorum hominum operari, poterat in regio palatio commodè nasci, vitamque regis dignitati congruentem & bonis omnibus affluentem ducere, non solum sine vilo pietatis detrimento, sed etiam cum summa laude virtutis; & tamen vt nos non verbis solum, sed & exemplo suo instrueret, longè diuersam sibi virtutis viam deligere voluit, *non venit ministrari, sed ministrare: & cum diues esset, propter nos egenus factus est; voluit esse vir dolorum; voluit opprobrijs saturari: vt vel hinc ministri eius discerent earum præsertim virtutum studium assumere, quæ illos aptiores redderent ad id præstandum, quod ipse primum fecit, deinde docuit, cum dixit, qui vult venire post me, abneget semetipsum, tollat crucem suam, & sequatur me.*

Matth.

20.

2. Cor. 8

Isa. 53.

Thren.

2.

Luc. 9.

Vtilissimum præterea erit Sacerdo-

ti virtutis alicuius praxim, in qua peculiari studio exerceatur sibi assumere, non ut alias omittat, aut negligat; sed ut animum exercitio eiusmodi salubriter occupatum teneat: sicque facilius ac felicius de virtute in virtutem progrediatur.

Quod si defectum aliquem in animo suo deprehendat, aut se cuiuspiam vitio agnoscat obnoxium, tum maxime proderit oppositæ virtutis exercitium amplecti: ea siquidem ratione & debellabitur hostis, & nihilominus in virtutis via continuus fiet progressus.

Cæterum in isto delectu præcipue cauendum est ab errore multorum, qui res quasdam in numero virtutum reponunt, quæ tamen nusquam virtutes sunt, (ut sapienter monet idem Gebennensis Antistes) cuiusmodi sunt extases, raptus, impassibilitates, insensibilitates, uniones deificæ, eleuationes, transformationes, & aliæ similes, de quibus agitur in libris quorundam authorum, qui animum ad contemplationem vique purè intellectualem, applicationemque essentialem spiritus, ac vitam supereminentem eleuatuos se pollicentur: hæc siquidem non virtutes, sed virtutum quædam remunerationes sunt, vel potius æternarum voluptatum prægustatio.

tiones, quas Deus prout vult, & quibus vult elargitur: ad quas proinde eniti superuacaneum est, cum nequeat opera vlla, aut industria humana obtineri; nec vllatenus necessariae sint ad diuini obsequij, amorisque perfectionem consequendam: praeterquam quod varijs illusionibus, seductionibus, & fallacijs vt plurimum, reperiuntur obnoxiae; interdumque eueniat, vt qui se ad Angelicam vsque perfectionem euectos arbitrantur, vix in piorum hominum numero recenseri digni sint: plusque sublimitatis in modo loquendi, quam solidae virtutis, aut pietatis in ratione viuendi & operandiprehendatur.

Sicut igitur nihil contemni, aut temerè censura aliqua notari debet, ita pro aliorum exaltatione Deo gratias agentes, humiliori quidem, sed tutiori via progredi praestat, & vt loquitur

Apostolus, *dignè ambulare voca-*

tione qua vocati sumus, cum

omni humilitate, suppor-

tantes inuicem,

solliciti ser-

uare

unitatem spiritus, in

vinculo pa-

cis.

Ephes. 4

CAPVT III.

De fide, qua pollere debet
Christianus Sa-
cerdos.

Serm de **C**um fides (ut loquitur S. Chry-
fide, de, **stomus**) sit origo iustitiae, san-
& cha. ctitatis caput, deuotionis principium, Re-
ritate. ligionis fundamentum, sine qua nullus
 unquam Deum promeruit, nullus fasti-
 gium perfectionis ascendit: merito hanc
 inter virtutes sacerdotis proprias pri-
 mam reponimus, cum, ut ex antedi-
 ctis constat, ipse Sacerdos iustitia,
 sanctitate, deuotione, religione, alijs-
 que eiusmodi virtutibus præcellere
 debeat, & ad ipsius perfectionis cul-
 men præcipuo studio eniti.

Ephes. 6 Is certe qui non modo pro sua, sed
 etiam pro aliorum salute, aduersus
 principes & potestates tenebrarum, con-
 tra spiritualia nequitia in cælestibus, pu-
 gnaturus est, scutum fidei inexpugna-
 bile in omnibus debet assumere, in-
 quo possit tela nequissimi ignea extingue-
I. Cor. 2 re. Ille qui loquuturus est sapientiam
 in mysterio absconditam, quam nemo prin-
 cipum huius sæculi nouit, opus habet
 Vir-

virtute illa, quam veluti magnam lam- *Hom. 2.*
padem (vt Eusebij Emiffeni verbis *de Sym-*
vtamur) *Chriftus adueniens, erranti- bol.*
bus viam monstraturus, exhibuit, per
quam poffit Deus ignotus requiri, quafi-
tus credi, creditus inueniri. Illi denique
qui Deum peccatoribus iratum pla-
care, eique proinde in diebus fuis pla-
cere tenetur, neceffaria eft fides *fine*
qua, vt edixit Apoftolus, impoffibile eft *Serm. 4.*
placere Deo; fine qua, vt loquitur San- *de Na-*
ctus Leo, nihil fanctum, nihil caftum, *tiuit.*
nihil viuum ufquam effe poteft.

Igitur hoc primum & præcipuum
fit ftudium Chriftiani Sacerdotis, fi-
dem illam quam in Baptifmo fufcepit
& profelfus eft, finceram & illibatam
tenere, eamque ab omni cuiusuis hæ-
refeos labe & periculo, ab omni nota
& colore non fuo, fartam rectam
feruare, ac pro illius defenfione &
integritate, fi opus fit, quodlibet etiam
ipfius vitæ difcrimen fubire; nec non
in ijs quæ fidem fpectant, Ecclefiæ iu-
dicio inconcuflè ftare, ac Pontificis
Romani decretis humiliter & fincerè
obtemperare, abnegato proprio aut
cuiusuis alterius iudicio.

Audiat S. Bernardum fapienter mo-
nentem, *nemini licitum effe in fide pu-* *Epift.*
rare, vel difputare pro libito, non hac il *190.*
lacque vagari per irania opinionum, per
denia errorum. Et hinc difcat, fuoque

Lib. 1. de
prescri-
pt. exemplo alios edoceat, captiuare
intellectum in obsequium Christi, om-
nemque proinde in materia fidei cu-
riofam inquisitionem abigere: *nec plus
sapere quam oportet sapere, sed sapere ad
sobrietatem. Nobis siquidem (ut lo-
quitur Tertullianus) Curiositate opus
non est post Christum Iesum, nec inquisi-
tione post Euangelium: cum credimus,
nihil desideramus ultra credere; hoc enixè
priùs credimus, non esse quod ultra crede-
re debeamus, cadat proinde curiositas fi-
des, cedat gloria (humana scilicet ratio-
nis aut doctrina) saluti.*

Præterea sicut aberrantes à vera
fide, ad illius tramitem reuocare, il-
lisque manum adiutricem porrigere
toto cordis affectu debet; sic etiam
in damnatis erroribus obstinatos &
contumaces auersari, eorum amici-
tiam repudiare, consortiumque & col-
loquium quantum potest deuigare
Sanctorum exemplo tenetur; tum ad
propriam cautelam, tum etiam ad
aliorum exemplum, ut scilicet, hinc
reliqui fideles discant, quo studio, qua
cura, & sollicitudine ab eiusmodi per-
uersis hominibus cauere debeant: imi-
teretur sancti illius zelum qui de seipso
Hieron. loquens: *Fateor (inquit) me nun-*
l. 1. ad- *quam hæreticis pepercisse; & omni egisse*
uers. Pe- *studio, ut hostes Ecclesiæ, mei quoque ho-*
lag. *mines fierent.*

Et

Et quoniam sicut reliquarum virtutum coelitus infusarum, sic etiam fidei incrementum sæpius repetiti eiusdem actus à Deo promerentur; per illosque non modo nouam diuinæ lucis accessionem ipsa recipit fides, sed & firmiores in animo radices agit: idcirco curæ erit Sacerdoti crebros ipsius fidei actus quotidie elicere, putà cum mane ac vespere oratio Deo deferenda, cum horæ canonicæ diurnæ ac nocturnæ persoluendæ, cum animus quotidiana meditatione exercendus, cum aliquis Religionis cultus Deo exhibendus, cum sanctissimum Corporis Christi sacrificium offerendum, cum poenitentiae tribunal adeundum, cum Sacramentum aliquod ministrandum, cum tentatio propulsanda, cum deuitanda aliqua peccandi occasio, cum aliqua imminet tribulatio, seu aduersitas, & alijs similibus in casibus qui quotidie frequentes occurrunt.

Confert etiam plurimum ad fidem conseruandam & roborandam conscientiae mundities, & constantia in vitæ sanctæ proposito, bonorumque operum exercitatione; vt scilicet Sacerdos (iuxta Sancti Apostoli monitum) *militet militiam bonam, habeat. 1. Tim. que bonam conscientiam, quam quidam repellentes circa fidem naufragauerunt. 1.*

Denique ad eiusdem fidei profe-

ctum facit, si Sacerdos hanc, quam habet fidem aljs etiam communicare sollicitus sit, siue ignaros instruendo, siue infirmos in fide assumendo, vacillantes erigendo, sanos confirmando, & quavis alia ratione Euangelio Christi collaborando; siquidem (vt ex S. Augustino rectè adnotauit Illustrissimus Episcopus Gebennensis, *munus distribuendi confert ad meritum recipiendi, & officium docendi prabet fundamentum discendi*.)

CAPVT IV.

*De spe & confidentia in Deum,
cui Christi Sacerdos in-
niti debet.*

Ser. de fide, spe & charitate. **S**pes, inquit Chrysostomus, est futura pollicitationis religiosus assensus, promissa gloria deuota intentio, sanctorum destinata sublimitas, bonorum expectatio futurorum: & id quidem rectè, primum siquidem & præcipuum spei obiectum est, ipsamet vita & beatitudo æterna; nihilque minus à Deo sperari debet (vt loquitur S. Thomas) quam ipsemet Deus: Deus, inquam, à nobis videndus, amandus, & per fruitionem beatificam possidendus:

x. 2. qu. 17. a. 2.

dus: speramus enim in Deum vivum: 1. Tim.
 Et cum apparuerit, similes ei erimus, quo- 4.
 niam videbimus eum sicuti est; & omnis 1. Io. 2.
 qui habet hanc spem sanctificat se sicut &
 ille sanctus est.

Quis verò hanc spei virtutem exco-
 lere & exercere potiori iure debet,
 quam is qui solemni ritu professus est
 Dominus pars hereditatis meæ, & calicis *Psal. 15*
 mei, in quem Psalmi locum optime
 & apposuè S. Augustinus, Eligant sibi,
 inquit, alij partes quibus fruuntur ter-
 renas & temporales: portio mea Dominus
 est: bibant alij mortiferas voluptates,
 pars calicis mei Dominus est.

Quis, inquam, arctius adharere, *Psal. 72*
 Deo, & ponere in Domino Deo spem suā,
 quam ille qui annuntiaturus est predica- *Psal. 39*
 tiones eius in portis filia Sion? quis magis
 auxilium à Deo sperare, quam ille qui
 abdicatis secularibus desiderijs non
 amplius respicere debet in vanitates & in-
 sanias falsas.

Certè quo laxioribus plerumque
 procellis in huius vitæ pelago imperi-
 tur Sacerdotis cymba, quam non fe-
 cus litus, sed in altum ducere præci-
 pitur, ut in animarum capturam retia
 laxare possit; eo maiori sedulitate
 confugere debet ad tenendam propo-
 sitam spem, quam, ut loquitur Apo-
 stolus, habemus sicut anchoram anima-
 tum ac firmam, & incedentem usque *Heb. 6*

ad interiora velaminis, ubi præcursor pro nobis introiit Iesus, secundum ordinem Melchisedech Pontifex factus in æternum.

Porro ut diuinæ huius virtutis praxi perfectiùs incumbat Christi Sacerdos, hæc quæ sequuntur si libeat obseruet.

1. Animam crebro à terra versus coelum erigat, & quæ sint illic à Deo parata diligentibus se bona & præmia sedulo recogitet, ut sic desiderium, spemque cælestis illius beatitudinis in se excitet & foueat; dicat itaque sæpius cum Propheta; *Quam dilecta tabernacula tua Domine Deus virtutum*, concupiscit & deficit anima mea in atria Domini. *Tanta est certe pulchritudo & iucunditas lucis illius æterna*, (inquit S. Augustinus) *ut etiam si non liceret amplius in ea manere, quam unius diei mora, propter hoc solum innumerabiles anni huius vitæ pleni delicijs, ac circumfluentia temporalium bonorum, rectè, meritoque contemnerentur: non enim falso, aut paruo affectu dictum est, quoniam melior est dies una in atrijs tuis, super millia.*

2. Non solum vitam & beatitudinem æternam, sed etiam media omnia ad illam consequendam requisita, adeoque gratias omnes necessarias, & præcipuam omnium, finalem scilicet per-

perseuerentiam speret ab inexhausta Dei misericordia, & largitate; Quis enim unquam sperauit in Domino & confusus est, aut inuocauit eum & despectum illum? Nonne Christus Dominus semetipsum redemptionem pro nobis omnibus dedit, ut sit propitiatio pro peccatis nostris, & non pro nostris tantum, sed etiam pro totius mundi? nonne factus est nobis, & iustitia, & sanctificatio, & redemptio. Et quamuis (ut Concilium Tridentinum docet) nemo sibi certi aliquid de perseuerentia munere absoluta certitudine polliceri queat, in auxilio tamen Dei firmissimam spem collocare & reponere debet: Deus enim nisi illius gratia ipse defuerit, sicut coepit opus bonum, ita perficiet operans velle & perficere. Benedictus igitur vir qui confidit in Domino, & erit Dominus fiducia eius, & erit tanquam lignum quod transplantatur iuxta aquas, quod ad humorem mittit radices suas, & non timebit cum venerit aestus, & erit folium eius viride, nec aliquando desinet facere fructum.

Eccl. 2.

1. Tim.

2.

1. Ioã. 2.

Sess. 6.

cap. 3.

Ierem.

17.

Isa. 40.

3. Quando in ministerij sui functionibus, lassitudinem, fastidium, aut aliquod animi deliquium persentiet, spem tunc suam exsuscitet, & in Deum erigat: qui enim sperant in Domino, mutabunt fortitudinem, assumunt pennas ut Aquila, current & non lassabuntur, ambulabunt & non deficiet.

Si

4. Si interdum ut fert huius vitæ conditio, vrgatur tentationibus, conflictetur æruinis, & omni consolationis luce destitui videatur; tunc maximè ad protectionem, adiutoriumque Altissimi confugiat, dicat Do-

Psal 90

mino: *susceptor meus es tu, & refugium meum. Deus meus sperabo in eum; memineritque diuini illius promissi, quoniam in me sperauit, liberabo eum, cum ipso sum in tribulatione, eripiam eum &*

Lib. ad

Theod.

laps.

glorificabo eum. Appositè S. Chrysostomus spem dicit esse, velut casenam auream & firmam, qua de calo protensa, subducimus animas nostras, qua breui sursum in illud summum fastigium, eos qui ipsam fortiter manibus apprehendunt, euehit, seruatque supra periculosissimos vici præsentis fluctus.

5. Sicut ad solum Deum tanquam ad fontem, principiumque totius boni spem omnem referre tenetur, sic ad res creatas eam indebitè deflectere nusquam debet, non itaque fidat in

1. Tim.

6.

ser. 29.

de verb.

Dom.

diuitijs cum ipsemet præcipere teneatur diuitibus huius sæculi non sperare in incerto diuitiarum; nihil sit, (ut monet

D. Augustinus,) inimicum spei, quam retro respicere, id est, in illis rebus que præterlabuntur & transeunt spem reponere, retro respexit uxor Loth, & ubi respexit ibi remansit, in salem conuersa, ut prudentes condiret exemplo. Non

con.

confidat in principibus, aut in filiis hominum in quibus non est salus: maledictus enim homo qui confidit in homine; & ponit carnem brachium suum; & à Domino recedit cor eius, & erit tanquam myrica in deserto. Ps. 145.
Ier. 17.

Neque etiam confidat in seipso, non in doctrina, ingenio, virtute, nec in ullis corporis animiue dotibus; Non simus (inquit Apostolus) fidentes in nobis ipsis, sed in Deo, neque enim sufficientes sumus cogitare aliquid ex nobis quasi ex nobis, sed sufficientia nostra ex Deo est. 2. Cor. I

6. Quod si diffidentia aut desperationis tentatio aliqua animum pulset, illique dæmon suadere nitatur v.g. Christum Dominum pro omnibus mortuum non esse, vel morte sua gratias ad salutem necessarias omnibus promereri noluisse; (contra quam tentationem, his periculosissimis temporibus, propter praua dogmata irrepenia, sollicitè animum præmunire debet Christi Sacerdos) huic igitur aut simili tentationi ingruenti, non modo scutum fidei, sed etiam galeam salutis, spem scilicet, opponat, eam firmissimam reponat in Deum vinum qui neminem vult perire, sed omnes ad poenitentiam reuerti, qui vult omnes homines saluos fieri, vt Apostolorum principes expressis verbis testantur. 2. Pet. 3.
1. Tim. 2.

CAPVT V.

*charitate & dilectione
Dei, qua flagrare debet
Christianus Sa-
cerdos.*

*Charitas (vt docet S. Prosper,)
est recta voluntas, ab omnibus ter-
renis & presentibus prorsus auersa, iuncta
Deo inseparabiliter & unita, ac igne quo-
dam sancti Spiritus, à quo est & ad quem
refertur incensa, vel (vt censet S. Basili-
us) est assidua, & ultra vires, animi
ad exequendam Dei voluntatem conten-
tio, cum proposito ac desiderio gloria ip-
sius.*

*Ipsa est virtus (vt testatur D. Au-
gustinus) quam nemo vincit, cuius signum
nulli fluctus sæculi, nulla flumina tenta-
tionis extinguunt; de hac dictum est. fortis
est vt mors dilectio.*

*Quamuis autem hæc diuina virtus
omnes creaturas rationales amandi
Dei capaces respiciat, & quamuis
Christus Dominus vnumquemque
hominum alloquutus sit, cum in
Euangelio edixit, diliges Dominum
Deum tuum ex toto corde tuo, ex tota
ani.*

*Lib. 3. de
vita cō-
templ.
cap. 13.
In reg.
bren 9
211.*

*In P. nat.
47.*

*Matth.
22.*

animata, &c. Nihilominus ex eodem Evangelio discimus ipsummet Dominum speciale diligendi sui mandatum discipulis, ac in eorum persona cunctis Ecclesiæ suæ Sacerdotibus tradidisse, cum præcepit *ut manerens in dilectione sua, sicut ipse in Patris sui dilectione manebat, cum eos non iam servos sed amicos suos nuncupavit; ac proinde verum ac perfectum amicitiae amorem ab ipsis in se rependendum expetijt.*

Colos. 3. Certè cum charitas qua Deo adha-
remus, vocetur ab Apostolo vincu-
lib. de lum perfectionis: cumque ut docet San-
nat. & etus Augustinus, sit verissima, plenissi-
grat. 6. ma, perfectissima iustitia: sicut Christi
42. Sacerdos ad plenissimam illam iusti-
tiam, perfectionemque speciali titu-
lo est obligatus, (quod ex antedictis
pater) sic ad charitatem erga Deum
præ cæteris Christianis teneri censen-
duus est: sibi que ille quod Sacerdotum
omnium principi & patri à Christo
Domino dictum pro suo modulo re-
putet, diligis me plus his.

Joan. 21. Nec sine maxima ratione divinus
ille Servator à quovis suorum Sacer-
dotum ampliorem charitatem, quam
ab alijs fidelibus exigit, quandoqui-
dem illum speciali præ alijs dilectione
ad ministerij sui honorem seligere, va-
rijsque ad hunc finem gratijs cumula-
re

re voluit: *quemadmodum enim*, ut monet Apostolus, *diligi debet Deus, quia prior dilexit*: sic magis diligi debet ab ijs, quos maioribus dilectionis suæ testimonijs præuenire dignatus est; quæ quidem beneficia eo magis æstimanda sunt, quo & ex se maxima sunt, & nihilominus in eum conferuntur qui ex se nihil est, imo qui sæpe valde indignus est.

Verum antequam ad ipsius Charitatis praxim veniamus, paulisper immoremur in consideranda præcepti illius de diligendo Deo nobis impositi excellentia & suauitate. *Quid mihi es Domine?* (aiebat S. Augustinus, & cum eo quivis merito dicere potest, imò debet,) *aut quid tibi sum ipse ut amari te iubeas à me, & nisi faciam irascaris mihi, mineriſque ingentes miſerias; parvane eſt ipſa miſeria ſi non amem te?* Lib. I. confess. cap. 9.

Sed nunquid satis superque erat, si Deus se à nobis amari permisisset? nimis certe, si ad amorem sui, imò ad amicitiam cum eo ineundam invitasset; siquidem *nimis honorati sunt amici tui Deus, nimis confortatus est principatus eorum.* Ps. 138. Sed infinita illa diuinæ bonitatis exuberantia sibi minime satisfactum iudicabat, nisi ad amorem sui non modo alliceret, non modo vrgeret, sed præceptis suis quasi quibusdam

dam charitatis funiculis & vinculis alligaret, attraheret; & sic summi illius boni per amorem perfectum amplectendi, illique inhærendi felicem veluti nobis (salua tamen omni modo libertate) necessitatem imponeret.

*Lib. de
meritis
Ecclesiæ
cap. 8.*

Audiuius igitur, (ut S. Augustini verbis utamur,) quid diligere, & quantum diligere debeamus; eo est proinde omnino tendendum, ad id omnia consilia nostra referenda; bonorum summa nobis Deus est, Deus est nobis summum bonum; neque infra remanendum est nobis, neque ultra quarendum; alterum enim periculosum, alterum nullum est.

Varijs autem modis in summum illud bonum per veræ charitatis amorem tendere potest Christi Sacerdos, præcipui & eius ministerio conuenientissimi sunt hi qui sequuntur.

I. Vera charitas affectum nostrum à quibuscumque rebus creatis abstrahit, totumque transfert in solum Deum: vult enim Deus diligi ex toto corde, ex tota virtute, proindeque nihil amari debet nisi Deus, aut propter Deum; minus enim Deum amat, qui cum Deo aliquid amat quod propter illum non amat. Videat igitur Christi Sacerdos an sit aliquid quod eius amorem cum Deo partiatur; an erga rem aliquam affectus sit? memineritque illius

Luc. 14.

illius dicti Evangelici, qui non renun-
 ciat omnibus quæ possidet, non potest meus
 esse discipulus; & qui non odit Patrem,
 &c. adhuc autem & animam suam, non
 potest meus esse discipulus; id est, qui af-
 fectum suum ab illis non abstrahit, pa-
 ratus omnia relinquere, ab omnibus
 separari, si diuinus honor vel amor
 id exigat, omnia etiam propria desi-
 deria, propriamque voluntatem ab-
 negare, non potest perfectus esse
 Christi discipulus & minister.

2. Vera charitas nullam mensuram,
 nullum modum in amore ponit, Deum
 summè diligit, id est, eligit, præeli-
 git, præfert omnibus & quibuscum-
 que rebus, sine vlla comparatione,
 sine vllis limitibus; pluris id quod
 Deo placitum est facit, quam omnes
 diuitias, omnia commoda, omnes di-
 gnitates & honores, pluris quam pro-
 pria vitam, salutem, felicitatem.
 Nullum præterea numerum, nullam
 mensuram in actibus diuini amoris
 præscribit, eosque creberrimos &
 intensissimos quantum potest elicit.
 Cum vero plurimæ sint & varix occa-
 siones, in quibus Sacerdotem interio-
 ribus charitatis erga Deum exercitijs
 occupari conuenientissimum sit, tum
 maxime cum perficit Sacrificium illud
 in quo Christus Dominus sese tanquã
 charitatis diuinæ hostiam inter posui-
 mi

mi flagrantissimique sui amoris flammæ, tum super altari, tum in ipsius Sacerdotis celebrantis pectore mysticè consumit; quomodo enim fieri potest ut Sacerdos tunc in sinu suo diuinum illum ignem gestet, nec illius ardorem persentiat.

Hom. 30

in Enāg.

3. Vera charitas non tantum affectu, sed etiam effectu se prodit; imo certius & solidius effectu quam simplici affectu; *probatio siquidem dilectionis* (ut ait S. Gregorius) *exhibitio est operis*. Si igitur Sacerdos explorare velit, an ex vera & perfecta charitate Deum diligat? videat in primis, an fideliter & exactè diuina præcepta exequatur? neque solum ea, quæ ipsi cum reliquis fidelibus communia sunt, sed illa præsertim quæ status sui, munerisque sibi impositi sunt propria? an leges Ecclesiasticas, canonicasque sanctiones seruet circa habitum & tonsuram clericalem, bonorum Ecclesiasticorum dispensationem, residentiam, aliaque similia à se obseruanda. Item an ea sollicitè deuitet, quæ ab ipso sacri canones deuitanda præscribunt. v.g. aleas, venationes, luxus, comædorum spectacula, suspectas conuersationes, negotiorum secularium procuraciones, & alia eiusmodi. Vult siquidem Deus Ecclesiam audiri, eiusque decretis obtemperari ab omnibus,

&c

& quibusvis fidelibus, quanto potiori ratione ab ijs, qui in ipsius Ecclesiæ clerum, ac veluti finem cooptati sunt, alijsque exemplo præfulgere debent: proindeque Sacerdos qui decreta & canones Ecclesiæ negligit, diuinis legibus nusquam satisfacit, nec proinde ipsum Deum ex vera charitate diligit; *qui enim habet mandata mea & seruat* Ioan. 15 *ea* (inquit Christus) *ille est qui diligit me.*

Neque solum obseruatione legum diuinarum, Ecclesiasticarumque probatur perfecta Dei dilectio, sed etiam quorumcumque operum Deo placentium executione. *nunquam enim* amor Dei otiosus est vt docet S Grego. Hom. 56 *rius, operatur enim magna, si est: si autem* in Euāg. *operari renuit, amor non est; imo, vt* loquitur S. Thomas, *diuinus ille amor* Opusc. *operatur magna, & reputat parua; ope-* 61, *ratur multa, & reputat pauca; operatur* *diu, & reputat breue, etsi dederit homo* *omnem substantiam domus sue pro dile-* Cant. 8. *ctione, (iuxta 70. interpretes) si de-* *derit omnem vitam suam in dilectione,* *quasi nihil despiciet eam; & videbuntur* *ei dies pauci pro amoris magnitudine.*

Præterea si D. Chrysostomo credimus *ea est amantium lex vt se tum de-* Hom. 3. *num felices putent cum aduersa pro his* in Epist. *ad Phi-* *quos diligunt sustinent; vnde subdit,* lem, *quod qui vera charitate diligunt Deum,* potius

ctum facit, si Sacerdos hanc, quam habet fidem aljs etiam communicare sollicitus sit, siue ignaros instruendo, siue infirmos in fide allumendo, vacillantes erigendo, sanos confirmando, & quavis alia ratione Euangelio Christi collaborando; siquidem (vt ex S. Augustino rectè adnotauit Illustrissimus Episcopus Gebennensis, *munus distribuendi confert ad meritum recipiendi, & officium docendi prabet fundamentum discendi*.)

CAPVT IV.

*De spe & confidentia in Deum,
cui Christi Sacerdos in-
niti debet.*

Ser. de
fide, spe
& cha-
ritate.

x. 2. qu.
17. a. 2.

Spes, inquit Chrysostomus, est futura sollicitationis religiosus assensus, promissa gloria deuota intentio, sanctorum destinata sublimitas, bonorum expectatio futurorum: & id quidem rectè, primum siquidem & præcipuum spei obiectum est, ipsamet vita & beatitudo æterna; nihilque minus à Deo sperari debet (vt loquitur S. Thomas) quam ipsemet Deus: Deus, inquam, à nobis videndus, amandus, & per fruitionem beatificam possidendus:

dus: speramus enim in Deum viuum: 1. Tim.
 Et cum apparuerit, similes ei erimus, quo- 4.
 niam videbimus eum sicuti est; & omnis 1. Io. 2.
 qui habet hanc spem sanctificat se sicut &
 ille sanctus est.

Quis vero hanc spei virtutem exco-
 lere & exercere potiori iure debet,
 quam is qui solemni ritu professus est
Dominus pars hereditatis meae, & calicis Psal. 15
mei, in quem Psalmi locum optimè
 & appositè S. Augustinus, *Elegant sibi,*
 inquit, *alijs partes quibus fruuntur ter-*
renas & temporales: portio mea Dominus
est: bibant alijs mortiferas voluptates,
pars calicis mei Dominus est.

Quis, inquam, arctius adharere, Psal. 72.
 Deo, & ponere in Domino Deo spem suam,
 quam ille qui annuntiaturus est predica- Psal. 39
 tiones eius in portis filia Sion? quis magis
 auxilium à Deo sperare, quam ille qui
 abdicatis secularibus desiderijs non
 amplius respicere debet in vanitates & in-
 sanias falsas.

Certè quo sauioribus plerumque
 procellis in huius vitæ pelago impeti-
 tur Sacerdotis cymba, quam non fe-
 cus litus, sed in altum ducere præci-
 pitur, ut in animarum capturam retia
 laxare possit; eo maiori sedulitate
 confugere debet ad tenendam propo-
 sitam spem, quam, ut loquitur Apo-
 stolus, *habemus sicut anchoram anima-*
tus ac firmam, & incedentem usque Heb. 6.
 ad.

ad interiora velaminis, ubi præcursor pro nobis introiit Iesus, secundum ordinem Melchisedech Pontifex factus in æternum.

Porro ut diuinæ huius virtutis praxi perfectius incumbat Christi Sacerdos, hæc quæ sequuntur si libeat obseruet.

1. Animam crebro à terra versus coelum erigat, & quæ sint illic à Deo parata diligentibus se bona & præmia sedulo recogitet, ut sic desiderium, spemque cælenis illius beatitudinis in se excitet & foueat; dicat itaque sæpius cum Propheeta; *Quam dilecta tabernaculata tua Domine Deus virtutum, concupiscit & deficit anima mea in atria Domini. Tanta est certe pulchritudo & iucunditas lucis illius æterna, (inquit S. Augustinus) ut etiam si non liceret amplius in ea manere, quam unius diei mora, propter hoc solum innumerabiles anni huius vitæ pleni delicijs, ac circumfluentia temporalium bonorum, rectè, meritoque contemnerentur: non enim falso, aut paruo affectu dictum est; quoniam melior est dies una in atrijs tuis, super millia.*

2. Non solum vitam & beatitudinem æternam, sed etiam media omnia ad illam consequendam requisita, adeoque gratias omnes necessarias, & præcipuam omnium, finalem scilicet

per-

perseuerentiam speret ab inexhausta Dei misericordia, & largitate; *Quis* Eccl. 2.
enim unquam sperauit in Domino & 1. Tim.
confusus est, aut inuocauit eum & despe- 2.
xie illum? Nonne Christus Dominus 1. Ioã. 2.
semetipsum redemptionem pro nobis omni-
bis dedit, ut sit propitiatio pro peccatis
nostris, & non pro nostris tantum, sed
etiam pro totius mundi? nonne factus est
nobis, & iustitia, & sanctificatio, &
redemptio. Et quamuis (ut Concilium Sess. 6.
Tridentinum docet) nemo sibi certi ali- cap. 3.
quid de perseuerentia munere absoluta
certitudine polliceri queat, in auxilio ta-
men Dei firmissimam spem collocare & re-
reponere debet: Deus enim nisi illius gra-
tia ipso defuerit, sicut cepit opus bonum,
ita perficiet operans velle & perficere. Be-
neditus igitur vir qui confidit in Domi- Jerem.
no, & erit Dominus fiducia eius, & erit 17.
tanquam lignum quod transplantatur
iuxta aquas, quod ad humorem mittit ra-
dices suas, & non timebit cum uenerit
astus, & erit folium eius viride, nec ali-
quando desinet facere fructum.

3. Quando in ministerij sui fun-
 ctionibus, lassitudinem, fastidium,
 aut aliquod animi deliquium persen-
 tiet, spem tunc suam exsuscitet, &
 in Deum erigat: qui enim sperant in
 Domino, mutabunt fortitudinem, assu-
 ment pennas ut Aquila, current & non
 lassabuntur, ambulabunt & non deficiet.

Si

4. Si interdum ut fert huius vitæ conditio; urgeatur tentationibus, conflictetur æruinis, & omni consolationis luce deitui videatur; tunc maximè ad protectionem, adiutoriumque Altissimi confugiat, dicat Domino: *susceptor meus es tu, & refugium meum. Deus meus sperabo in eum; memineritque diuini illius promissi, quoniam in me sperauit, liberabo eum, cum ipso sum in tribulatione, eripiam eum &*

Lib. ad Theod. laps.

glorificabo eum. Appositè S. Chrysostomus spem dicit esse, velut catenam auream & firmam, qua de calo protensa, subducimus animas nostras, qua breui sursum in illud summum fastigium, eos qui ipsam fortiter manibus apprehendunt, euehit, seruatque supra periculosissimos vitæ præsentis fluctus.

1. Tim. 6.

ser. 29. de verb. Dem.

5. Sicut ad solum Deum tanquam ad fontem, principiumque totius boni spem omnem referre tenetur, sic ad res creatas eam indebitè deflectere nusquam debet, non itaque fidat in diuitiis cum ipsemet præcipere teneatur diuitibus huius sæculi non sperare in incerto diuitiarum; nihil sit, (ut monet D. Augustinus,) tam inimicum spei, quam retro respicere, id est, in illis rebus qua præterlabuntur & transeunt spem reponere, retro respexit uxor Loth, & ubi respexit ibi remansit, in salem conuersa, ut prudentes condiret exemplo. Non

con.

confidat in principibus, aut in filijs hominum in quibus non est salus: maledictus enim homo qui confidit in homine, & ponit carnem brachium suum; & à Domino recedit cor eius, & erit tanquam myrica in deserto. Ps. 145. Jer. 17.

Neque etiam confidat in seipso, non in doctrina, ingenio, virtute, nec in vllis corporis animiue dotibus; Non sumus (inquit Apostolus) fidentes in nobis ipsis, sed in Deo, neque enim sufficientes sumus cogitare aliquid ex nobis quasi ex nobis, sed sufficientia nostra ex Deo est. 2. Cor. I.

6. Quod si diffidentiae aut desperationis tentatio aliqua animum pulset, illique dæmon suadere nitatur v.g. Christum Dominum pro omnibus mortuum non esse, vel morte sua gratias ad salutem necessarias omnibus promereri noluisse; (contra quam tentationem, his periculosissimis temporibus, propter praua dogmata irrepentia, sollicitè animum præmunire debet Christi Sacerdos) huic igitur aut simili tentationi ingruenti, non modo scutum fidei, sed etiam galeam saluæ, spem scilicet, opponat, eam firmissimam reponat in Deum vivum qui neminem vult perire, sed omnes ad poenitentiam reuerti, qui vult omnes homines saluos fieri, vt Apostolorum principes expressis verbis testantur. 2. Pet. 3. 1. Tim. 2.

2. Cor. 5. tur, qui etiam aperte docent Chri-
 1. Tim. stum Dominum pro omnibus mortuum
 1. esse, dedisse semetipsum redemptionem
 Ioan. 1. pro omnibus; venisse in hunc mundum
 peccatores saluos facere; esse lucem veram
 qua illuminat omnem hominem venien-
 tem in hunc mundum. Meminerit se-
 tum in baptismo, in sacra ordinatio-
 ne non accepisse spiritum seruitutis in ti-
 more, sed spiritum adoptionis filiorum
 Rom. 8. Dei, qui quidem spiritus testimonium
 reddit spiritui nostro quod sumus filij Dei,
 si autem filij & heredes.

Serm. 3.
 de oct. pa-
 nib.

Denique cum sancto Bernardo fi-
 denter dicat; Tria sunt qua sic roborant
 & confirmant cor meum, ut nulla me pe-
 nuria meritorum, nulla consideratio pro-
 pria vilitatis, nulla affirmatio celestis bea-
 titudinis, ab altitudine spei dei seere possit;
 in ea firmiter radicatum: Tria igitur con-
 sidero in quibus tota spes mea consistit, cha-
 ritatem adoptionis, veritatem promissio-
 nis, potestatem redditionis: murmure-
 iam quantum voluerit, insipiens cogitatio
 mea dicens, quis enim es? aut quanta
 est gloria illa? quibusue meritis obtinere
 speras hanc; & ego fiducialiter responde-
 bo, scio cui credidi, & certus sum quia
 in charitate nimia adoptauit me, quia ve-
 rax est in promissione, quia potens est in
 exhibitione, &c.

CAPVT V.

*De charitate & dilectione
Dei, qua flagrare debet
Christianus Sa-
cerdos.*

Charitas (vt docet S. Prosper,) est recta voluntas, ab omnibus terrenis & presentibus prorsus auersa, iuncta Deo inseparabiliter & unita, ac igne quodam sancti Spiritus, à quo est & ad quem refertur incensa, vel (vt censet S. Basilus) est assidua, & ultra vires, animi ad exequendam Dei voluntatem contentio, cum proposito ac desiderio gloria ipsius.

*Lib. 3. de
vita cō-
templ.
cap. 13.
In reg-
bren 9.
211.*

Ipsa est virtus (vt testatur D. Augustinus) quam nemo vincit, cuius signem nulli fluctus sæculi, nulla flumina tentationis extinguunt; de hac dictum est fortis est vt mors dilectio.

*In P. et.
47.*

Quamuis autem hæc diuina virtus omnes creaturas rationales amandi Dei capaces respiciat, & quamuis Christus Dominus vnumquemque hominum alloquutus sit, cum in Euangelio edixit, diliges Dominum Deum tuum ex toto corde tuo, ex tota

*Matth.
22.*

ani.

animata, &c. Nihilominus ex eodem Evangelio discimus ipsummet Dominum speciale diligendi sui mandatum discipulis, ac in eorum persona cunctis Ecclesiæ suæ Sacerdotibus tradidisse, cum præcepit *ut manerent in dilectione sua, sicut ipse in Patris sui dilectione manebat, cum eos non iam servos sed amicos suos nuncupavit; ac proinde verum ac perfectum amicitiae amorem ab ipsis in se rependendum expetijt.*

Colos. 3. Lib. de nat. & grat. c. 42. Certè cum charitas qua Deo adheremus, vocetur ab Apostolo *vinculum perfectionis: cumque ut docet Sanctus Augustinus, sit verissima, plenissima, perfectissima iustitia: sicut Christi Sacerdos ad plenissimam illam iustitiam, perfectionemque speciali titulo est obligatus, (quod ex antedictis patet) sic ad charitatem erga Deum præ cæteris Christianis teneri censendus est: sibi que ille quod Sacerdotum omnium principi & patri à Christo Domino dictum pro suo modulo reputet, diligisme plus his.*

Joan. 21. Nec sine maxima ratione divinus ille Servator à quovis suorum Sacerdotum ampliorem charitatem, quam ab alijs fidelibus exigit, quandoquidem illum speciali præ alijs dilectione ad ministerij sui honorem seligere, variisque ad hunc finem gratijs cumulare

re voluit: quemadmodum enim, ut monet Apostolus, *diligi debet Deus, quia prior dilexit*: sic magis diligi debet ab ijs, quos maioribus dilectionis suæ testimonijs præuenire dignatus est; quæ quidem beneficia eo magis æstimanda sunt, quo & ex se maxima sunt, & nihilominus in eum conferuntur qui ex se nihil est, imò qui sæpe valde indignus est.

Verum antequam ad ipsius Charitatis praxim veniamus, paulisper immoremur in consideranda præcepti illius de diligendo Deo nobis impositi *Lib. I. excellentia & suauitate. Quid mihi es confess. Domine?* (aiebat S. Augustinus, & *cap. 3.* cum eo quiuis meritò dicere potest, imò debet,) *aut quid tibi sum ipse ut amari te iubeas à me, & nisi faciam irascaris mihi, mineriſque ingentes miseriaſ; paruane eſt ipſa miſeria ſi non amem te?*

Sed nunquid ſatis ſuperque erat, ſi Deus ſe à nobis amari permiſiſſet? nimis certe, ſi ad amorem ſui, imò ad amicitiam cum eo ineundam inuitaſſet; ſiquidem *nimis honorati ſunt amici tui Deus, nimis confortatus eſt principatus eorum.* *Pſ. 138.* Sed infinita illa diuinæ bonitatis exuberantia ſibi minime ſatiſfactum iudicabat, niſi ad amorem ſui non modo alliceret, non modo vrgeret, ſed præceptis ſuis quaſi quibusdam

*Lib. de
meritis
Ecclesie
cap. 8.*

dam charitatis funiculis & vinculis alligaret, attraheret; & sic summi illius boni per amorem perfectum amplectendi, illique inhærendi felicem veluti nobis (salua tamen omni modo libertate) necessitatem imponeret.

Audiuius igitur, (ut S. Augustini verbis utamur,) quid diligere, & quantum diligere debeamus; eo est proinae omnino tendendum, ad id omnia consilia nostra referenda; bonorum summa nobis Deus est, Deus est nobis summum bonum; neque infra remanendum est nobis, neque ultra quarendum; alterum enim periculosum, alterum nullum est.

Varijs autem modis in summum illud bonum per veræ charitatis amorem tendere potest Christi Sacerdos, præcipui & eius ministerio conuenientissimi sunt hi qui sequuntur.

I. Vera charitas affectum nostrum à quibuscumq; rebus creatis abstrahit, totumque transfert in solum Deum; vult enim Deus diligi ex toto corde, ex tota virtute, proindeque nihil amari debet nisi Deus, aut propter Deum; minus enim Deum amat, qui cum Deo aliquid amat quod propter illum non amat. Videat igitur Christi Sacerdos an sit aliquid quod eius amorem cum Deo partiatur; an erga rem aliquam affectus sit? memineritque illius

Luc. 14.

illius dicti Evangelici, qui non renuntiat omnibus quæ possidet, non potest meus esse discipulus; & qui non odit Patrem, &c. adhuc autem & animam suam, non potest meus esse discipulus; id est, qui affectum suum ab illis non abstrahit, paratus omnia relinquere, ab omnibus separari, si diuinus honor vel amor id exigat, omnia etiam propria desideria, propriamque voluntatem abnegare, non potest perfectus esse Christi discipulus & minister.

2. Vera charitas nullam mensuram, nullum modum in amore ponit, Deum summè diligit, id est, eligit, præeligit, præfert omnibus & quibuscunque rebus, sine vlla comparatione, sine vllis limitibus; pluris id quod Deo placitum est facit, quam omnes diuitias, omnia commoda, omnes dignitates & honores, pluris quam propria vitam, salutem, felicitatem. Nullum præterea numerum, nullam mensuram in actibus diuini amoris præscribit, eosque creberrimos & intensissimos quantum potest elicit. Cum vero plurimæ sint & variæ occasiones, in quibus Sacerdotem interioribus charitatis erga Deum exercitijs occupari convenientissimum sit, tum maxime cum perficit Sacrificium illud in quo Christus Dominus sese tanquàm charitatis diuinæ hostiam inter puissi-

mi

mi flagrantissimique sui amoris flammæ, tum super altari, tum in ipsius Sacerdotis celebrantis pectore mysticè consumit; quomodo enim fieri potest ut Sacerdos tunc in sinu suo diuinum illum ignem gester, nec illius ardorem persentiat.

Hom. 30 in Enāg. 3. Vera charitas non tantum affectu, sed etiam effectū se prodit; imo certius & solidius effectū quam simplici affectū; *probatio siquidem dilectionis* (ut ait S. Gregorius) *exhibitio est operis*. Si igitur Sacerdos explorare velit, an ex vera & perfecta charitate Deum diligat? videat in primis, an fideliter & exactè diuina præcepta exequatur? neque solum ea, quæ ipsi cum reliquis fidelibus communia sunt, sed illa præsertim quæ status sui, munerisque sibi impositi sunt propria? an leges Ecclesiasticas, canonicasque sanctiones seruet circa habitum & tonsuram clericalem, bonorum Ecclesiasticorum dispensationem, residentiam, aliaque similia à se obseruanda. Item an ea sollicitè deuitet, quæ ab ipso sacri canones deuitanda præscribunt. v.g. aleas, venationes, luxus, comœdorum spectacula, suspectas conuersationes, negotiorum secularium procurationes, & alia eiusmodi. Vult siquidem Deus Ecclesiam audiri, eiusque decretis obtemperari ab omnibus,
&

& quibusvis fidelibus, quanto potiori ratione ab ijs, qui in ipsius Ecclesiæ clerum, ac veluti finem cooptrati sunt, alijsque exemplo præfulgere debent: proindeque Sacerdos qui decreta & canones Ecclesiæ negligit, diuinis legibus nusquam satisfacit, nec proinde ipsum Deum ex vera charitate diligit; *qui enim habet mandata mea & seruat* Ioan. 15 *ea* (inquit Christus) *ille est qui diligit me.*

Neque solum obseruatione legum diuinarum, Ecclesiasticarumque probatur perfecta Dei dilectio, sed etiam quorumcumque operum Deo placentium executione. *nunquam enim amor Dei otiosus est* ut docet S. Grego. Hom. 36 *rius, operatur enim magna, si est: si autem* in Euāg. *tem operari renuit, amor non est; imo, ut loquitur S. Thomas, diuinus ille amor* Opusc. *operatur magna, & reputat parua; operatur multa, & reputat pauca; operatur diu, & reputat breue, etsi dederit homo omnem substantiam domus sue pro dilectione, (iuxta 70. interpretes) si dederit omnem vitam suam in dilectione,* Cant. 8. *quasi nihil despiciet eam; & videbuntur ei dies pauci pro amoris magnitudine.*

Præterea si D. Chrysostomo credimus *ea est amantium lex ut se tum de-* Hom. 3. *mun felices putent cum aduersa pro his* in Epist. *quos diligunt sustinent; unde subdit, lem,* ad Phi. *quod qui vera charitate diligunt Deum,* lem, *potius*

potius se ad patientiam preparant, & cogitant, ac querunt, qui pro Deo tolerant, etiam si pericula subeunda sint gravissima, quam qua ratione illius suavitatem degustare mereantur; quamvis enim Divinus illius amoris suavitatem non negligat, illius tamen suavitati arumnarum tolerantiam anteponunt. Et alibi, Nihil est, inquit, tam horridum, tamque tremendum, quod hi, qui morbo, vel pœnis discruciantur non superent, si divino amore sint incensi? itant neque ignis, neque ferrum, neque inopia, neque languor aliquis, neque mors, neque aliud quippiam eiusmodi graue aut molestum appareat ei, qui ita erga Deum affectus sit.

Homil.
18. de
amore
Dei.

Rom. 8.

Dicat ergo Sacerdos divino amore percitus cum Apostolo, quis nos separabit à charitate Christi? tribulatio? an angustia? an fames? an nuditas? an persecutio? an periculum? an gladius? quantum minus levis aqua difficultas, contradictio repugnantia, aut quid simile, imo istæ occasionēs aliquid in ministerijs Ecclesiasticis pro Deo tolerandi, non modo ab ipsius dilectione non abducent, quin potius ad illam magis ac magis augent tam ac perficiendam iuvabunt; proindeque sæpius apud se proponat, nunquam se destitutum ab ullo pio opere quod Deo gratum esse perspiciet, v.g. à quotidiana meditationis praxi, ab instructione pauperum,

perum, alijsque charitatis aut religionis, seu alterius virtutis exercitijs, ob solam difficultatem vel repugnantiam, fastidiumue; quin potius, quo magis aliquid in Dei obsequio asperum aut difficile perientier, eo magis gaudebit, quod verum ac solidum probandæ sue erga Deum dilectionis modum nactus sit: idque inhærendo sanctorum Apostolorum vestigijs, qui quidem *ibant* *Ahor. 5*
gaudentes à conspectu concilij, quoniam digni habiti sunt pro nomine Iesu contumeliam pati.

CAPVT VI.

*De intentione Diuina gloria,
 quam in omnibus Christi
 Sacerdos spectare
 debet.*

NON erit difficile Sacerdoti ex toto corde, & ex tota virtute Deum diligenti, omnia sua, seque ipsum in eius gloriam referre, cum ad id non modo inclinet, sed etiam impellat, & vrgeat perfecta charitas, quæ non quæ sua sunt quærit, nec sibi ipsi viuit, sed illi soli, cui se, suaque omnia debet.

K

Et

Proth. 16

Et quamuis omnia propter semetipsum
 erat *eratus sit Dominus*, omnesque proinde
 creaturæ rationis capaces illius glo-
 riam primum quærere teneantur, Sa-
 cerdos nihilominus ad id præ cæteris
 peculiari ratione obstringitur, unde
 ab Apóstolo vocatur *homo Dei*, id est,
 homo qui suus esse desijt, & totus Dei
 est, totusque in hoc positus ut Dei ho-
 norem, gloriam, regnum in omnibus
 propugnet & promoueat; ut scilicet
sacrum illud ministerium quod Dei mu-
nere sumpsit, Dei deuotione consumatur,
atque id quod ab eodem indignus cœpit,
eidem subiectus impendat.

*Eucher.
 epist. ad
 Valer.*

Debet præterea repetere animo so-
 lemnem illam precationem quam non
 suo tantum, sed Ecclesiæ nomine ad
 Deum fundit, ac sæpius per quamque
 diem repetit, non modo in diuersis di-
 uini Officij horis, sed etiam altari afflās,
 in tremendo sacrificio, super ipso Chri-
 sti Domini corpore: in qua quidem
 precatione, prima & præcipua petitio
 hæc est (*santificetur nomen tuum*;) quibus
 verbis, id petit, quod in cœlis
 Angeli omnes, quod vniuersi beati
 Spiritus indefesso affectu, incessabili
 voce inclamant; nimirum ut benedi-
 ctio, & honor, & gloria, & claritas,
 & gratiarum actio, ab omni creatura
 Deo iugiter rependatur: Videat igitur,
 an tunc animus cum voce concordet
 an

an sincerè, & ex toto cordis affectu id in omnibus intendat, quod præ omnibus exposcit? ne sit ex illis, de quibus conquerens Christus Dominus dixit, *populus hic labijs me honorat, cor autem eorum longe est à me.* Mat. 15

Ad idam Sacerdotem, ratione ministerij sui Christo Domino propiorem effectum, eius vestigia perfectius alijs consecrari debere; atqui diuinus ille hominum Saluator, hunc sibi vnicum actionum & passionum suarum scopum ac finem proposuit, gloriam scilicet Dei, ut illum per se glorificaret, & tum exemplo, tum meritis cunctos homines ad gloriam Deo deferendam excitaret & adiuuaret; vnde in sacris litteris vocatur per excellentiam (*gloria Dei*;) & ipse de seipso dixit, *ego non quero gloriam meam, sed eius qui misit me.* Sacerdos igitur diuinum hunc prototypum sibi ob oculos ponens, studeat illum in se exprimere, & eius exemplo se, suæque omni in Diuinam gloriam referre, illiusque augmentum in omnibus & vbique quantum in se est procurare. Isa. 60. Rom. 3.

Vt autem hoc melius ac perfectius præster, in primis caueat sibi ab omni praua & obliqua intentione, vigilantiq; cura (ut loquitur S. Gregorius) *per cuncta opera sua intentionem suam penset, ut nihil temporale in his, qua* Lib. 28. moral. cap. 13.

agit appetat, totamque illam in aternitatis soliditate figat: ne si extra illud fundamentum actionis sua fabrica ponatur, terra dehiscente solvatur: & paulo post, Bases uniuscuiusque anima sunt intentiones; nam sicut fabrica columnis, columna autem basibus innituntur; ita vita nostra in virtutibus, virtutes verò in intima intentione subsistunt. Et S. Augustinus hoc idem argumentum tractans, dicit Dauidem contra inanem gloriam

Pf. 118.

In cap. 5

Matth.

pugnare, cum ait; *Averte oculos meos ne videant vanitatem: non quia* (inquit ille S. Pater) *ipsa laus humana culpanda sit, nam quid tam optandum est hominibus, quam ut eis placeant, quæ debent imitari: sed propter ipsam laudem operari, est vanitatem in suis operibus intueri; quandoquidem & ipsa ab hominibus laus homini iusto quantacumque preuenerit, non ibi esse debet eius finis boni, sed etiam ipsa referenda est ad laudem Dei, propter quam bona faciunt vere boni. Denique in eodem sermone Dominus dixerat, sic luceat lux vestra coram hominibus, ut videant opera vestra bona, & glorificent Patrem vestrum qui in cælis est, ubi finem posuit in gloria Dei. Non ergo sit finis boni nostri operis in laudibus hominum, sed ipsas laudes hominum corrigamus, & ad Dei laudes omnia referamus, à quo nobis datur quidquid in nobis sine laudantis errore laudatur. Et rursus idem,*
hoc

hoc si quaris ut glorificetur Deus, noli timere ne videaris ab hominibus; etiam si intus est eleemosyna tua in abscondito, ubi solus ille cuius tu gloriam quaris, videt hoc quare.

Quod autem ille de eleemosyna, hoc pari ratione de munere concionandi, alijsque functionibus Ecclesiasticis, quæ ut plurimum palam & in aliorum oculis fiunt; in quibus proinde maxime cauere sibi debet Christi Sacerdos ab ulla minus recta intentione, unicamque in omnibus illis Dei gloriam intendere, & ad hanc intentionem eo modo concipiendam & dirigendam animum assuefacere; neque solum in præcipuis Religionis aut pietatis operibus, sed & in quibuscumque alijs actionibus etiam indifferentibus hunc finem spectare, & iuxta monitum Apostoli *sine manducet, sine bibat, sine quid aliud faciat, omnia in gloriam Dei facere.* Quod conuenienter ab ipso Sacerdote fieri poterit, si vitam suam, libertatem suam, facultates suas, consilia sua, actus suos, omnia denique sua, & seipsum Deo offerat, & coram eo protestetur se neque agere aut pati, neque viuere, aut mori velle, nisi ad maiorem eius gloriam; idque non semel, non aliquoties, sed singulis diebus, & si fieri posset, singulis cuiusque diei horis ac mo-

1. Cor.
10.

mentis, ac præsertim initio cuiuslibet actionis, & in eiusdem progressu & fine. Heu quam felix, quam beata Sacerdotis vita quæ hoc tenore procederet! quam fausti & fortunati dies qui pura illa & sincera diuinæ gloriæ intentione velut quadam coelesti lampade illustrarentur! quam sanctæ & meritoriae actiones quæ ad hunc finem dirigerentur! quam denique pretiosa mors quæ hæc meditantem, hæc peragentem occuparet! quisquis ita se gesserit, verè cum Apostolo dicere poterit, *Vivo ego, iam non ego, vivit vero in me Christus; &, mihi vivere Christus est, & mori lucrum.*

Galat. 2
Philip. 1

CAPVT VII.

De charitate proximi, quæ propria est Christiani Sacerdotis.

Marc.
12.

Sapienter omnino Scriba ille in Euangelio laudatus dixit, diligere proximum sicut seipsum, maius esse omnibus holocaustis & sacrificijs; in his siquidem animalium duntaxat caro & sanguis immolatur, at vero in proximi dilectione, quæ propter Deū

con-

concipitur, ipsius hominis cor & voluntas offertur, & veluti Christi charitate consecratur.

Quamvis autem diligendi proximi lex à Christo lata, & quæ omnes creaturas ratione præditas respiciat, Sacerdotes tamen illa strictius obligari, & ad perfectiorem illius praxim teneri, ex ipso Evangelio constat, in quo Christus Dominus discipulos suos alloquens, & in eorum persona Sacerdotes omnes instruens, hanc eis virtutem præ cæteris mandat, ipsumque mandatum pluries repetit, *qua quidem mandati repetitio* (vt obseruat S. Augustinus) *mandati commendatio est*, Ad- ditque in hoc præsertim suos cognoscendos esse discipulos, *si dilectionem habuerint ad inuicem*: itant secundum hoc Evangelicum axioma, verus Christi Domini discipulus & Sacerdos charitatis virtute tanquã proprio & peculiari caractere dignosci debeat: qua quidem deficiente, non iam meretur dici Sacerdos, sed potius idolum Sacerdotis: habet quidem, vt ita loquamur, corpus Sacerdotij, quia indelebilem illius characterem gerit, sed in eo non est Sacerdotalis spiritus, qui alius non est, nisi spiritus charitatis. Vnde Petrus Blesensis Sacerdotem, alloquens, *sine charitate* (inquit) *nihil es, sine charitate Sacerdos dici potes, esse*

Tract.
83. in
Joan.
Joan. 13

Ser. 41.

In En- *net S. Chryſoſtomus) abſque martyrio*
com. S. facit Chriſti diſcipulos, martyrium
Romani autem abſque charitate id præſtare non
potest.

puſ Sur.
tom. 6.

Sacerdos igitur ſeipſum excitare volens, ad hanc virtutem ſedulo conſeſtandam, perpendat, & attentè meditetur verba illa in Euangelio expreſſa, quibus Chriſtus Dominus eam diſcipulis commendauit: cogitet inquam diuinum illum hominum Saluatorem, iam Paſſioni proximam, & ex nimia erga nos charitate iam iam acerbiffimos dolores toleraturum, ſanguinemque pro peccatis totius mundi effuſurum, ac in cruce moriturum, commendare Sacerdotibus ſuis hoc vltimum præceptum quod ſuum nominat, illiusque executionem obnixè expoſcere, vt ſcilicet charitatem ſuam erga homines imitentur, vt amore ſui diligant eos, quos tantopere dilexit, vt pro ijs cruci affigi, & mori voluerit.

Vt vero huius diuinæ virtutis officia præcipua explere valeat, proximumque ſuum, id eſt; quemlibet hominem ſalutis æternæ capacem, eo quo conuenit modo diligit, tria præſertim ſibi obſeruanda proponat.

Primum eſt vt illum diligat propter Deum: quia (vt loquitur S. Gregorius) *ſi quis quemlibet amat, ſed propter*

pter Deum non amat, charitatem non habet, sed habere se putat. Ut enim per- in Euāg.
fecta iustitia sit diligere proximum, (in Lib. d.
quit S. Bernardus) Deum in causa ha- diligen-
bere necesse est, alioquin proximum pu- do Deo.
rè diligere non potest, qui in Deo non di-
ligit.

Qua ratione autem dignoscere pos-
sit an proximum verè propter Deum
diligat, hanc S. Gregorius supra cita-
tus notam affert: Ille propter Deum di- Sup.
ligit, qui iam & eos diligere, à quibus
non diligitur scit. Probari enim præsertim
charitas per odij aduersitatem solet. Vi-
deat itaque Christi Sacerdos, an pa-
ratus sit charitatis obsequia, & subsi-
dia etiam ijs impendere à quibus nihil
sperare potest? imo à quibus pluri-
mum oneris & incommodi expectan-
dum ipse est? puta pauperibus, imbe-
cilibus, infirmis, rudibus, ijs etiam
à quibus ne vllum quidem grati animi
testimonium referre, sed potius mul-
tam contradictionem, contumaciam,
peruicaciam tolerare oporteat? An-
cum Apostolo verè dicere paratus sit,
Ego autem libentissime impendam & su- Cap. 26
peri impendam ipse pro animabus vestris;
licet plus vos diligens minus diligar? An
denique ex toto cordis affectu velit
sincere & indefessæ charitatis officia
exhibere quibuslibet aduersantibus,
odientibus, persequentibus, calum-

niantibus, &c. Sic enim euidenter perspiciet, an verè in Deo, & propter Deum diligat.

Secundum est, vt proximum quem propter Deum diligit, sicut seipsum diligat; id est, vt eadem bona quæ sibi ipsi ex vera charitate optare & procurare debet, proximo etiam quantum potuerit procurare velit? *Quod enim agis tecum* (inquit S. Augustinus) *id agendum cum proximo est, hoc est vt perfectò amore diligat Deum; non enim eum diligis tanquam teipsum, si non ad id bonum ad quod ipse tendis, adducere sat agis.*

2. Cor. 2
Lib. de
morib.
Eccles.

Sicut ergo vera & perfecta charitas qua Christi Sacerdos erga semetipsum flagrare debet, ipsum excitat ad peccata commissa desistenda, eademque in posterum deuitanda; item ad virtutes consecretandas, & ea omnia præstanda, quæ Deo grata, & accepta esse nouit, quæque ipsum æterna illius fruitione dignum reddant, sic etiam vt proximum verè & perfectè sicut seipsum diligat, debet illius peccatis ingemiscere, illumque ad ea per poenitentiam eluenda quantum poterit excitare, consilijs salutaribus iuuare, viamque edocere qua & à peccatis cauere, & bona opera beatitudinis æternæ meritoria exercere, ac sic tandem ad Deum peruenire possit.

Hæc.

Hæc est siquidem summa eorum, bonorum quæ per charitatem & sibi & proximo procurare valet, ad quæ cætera omnia quæ verè bona sunt reducuntur; quæ enim ad æternam beatitudinem nihil conferunt, vera bona non sunt, nec proinde ad Christianæ charitatis officia pertinent.

Tertium denique est ut diligat, sicut Christus ipsemet dilexit; *Hoc est*, inquit, *præceptum meum ut diligatis invicem sicut dilexi vos*; en modus & mensura dilectionis erga proximum, ad quam verus Christi discipulus contendere debet, eamque sibi sedulo quantum in ipso erit consecrandam proponere.

Ioan. 15.

Perspiciat itaque, animoque perpendat, qualis & quanta fuerit illa Christi Domini erga suos dilectionis quo affectu, quo ardore, qua constantia eos usque in finem dilexerit; & cum infinitæ ac ineffabiles sint illius diuinæ charitatis perfectiones, tres præsertim inter cæteras peculiari attentione meditetur, sibi que ad imitandum proponat.

Primo etenim Christus Dominus dilexit efficaciter, id est, non modo benevolentia, aut compassionis affectus aliosque similes impendit, & etiâ interdum lachrymas eorum testes effudit: sed præterea operibus & effecti-

Act. 10. busiuit; *pertransiit benefaciendo & san-*
nando omnes oppressos à diabolo, ut de
 illo testatur Apostolus; sic Sacerdotis
 erga proximum charitas non affectiua
 solum, sed & effectiua esse debet; non
1 Io. 3. *diligamus*, inquit D. Ioannes, *verbo,*
neque lingua, sed opere & veritate. Vi-
 deat igitur in quibus operibus & effe-
 ctibus proximum iuuare valeat; nul-
 lamque ipsi benefaciendi occasionem
 elabi sinat.

Christus præterea dilexit suauiter,
 & quod de se postea testatus est Apo-
 stolus, hoc ipse Dominus prior adim-
1. Cor. 9 pleuit, *omnia omnibus factus est, ut*
omnes saluos faceret, fleuit cum flenti-
 bus, cum peccatoribus & publicanis
 manducauit, cum pauperibus & sim-
 plicibus è populo, tanquam cum filio-
 lis mutauit vocem suam, ad eorum
 captum se demisit, loquebatur illis in
 parabolis & similitudinibus, sermone
 vulgari & trito, ut vel minimus è tur-
 ba facillimè dicta eius caperet & intel-
 ligeret.

Heu quis hæc serio recogitans non
 obstupescat, Verbum diuinum, æter-
 nam ipsius Dei Sapientiam, ad hæc
 humillima charitatis officia sese tanta
 suauitate demittere: nos vero qui ex
 nobis nihil sumus, qui ministerium no-
 bis traditum multis peccatis inquina-
 uimus, leuiusculæ alicuius scientiæ

venit

vento inflatos & distentos, in similibus charitatis officijs Christi Domini imitationem fastidire, nec in proximi infirmioris gratiam velle tantisper nos demittere.

Hanc itaque prauam animi nostri dispositionem vel rubore suffusi præ tanta Domini nostri humilitate, ipsius *Coloss. 3* exemplo conuicti corrigamus; *Induamusque nos sicut electi Dei sancti & dilecti viscera misericordia, benignitatem, humilitatem, modestiam, patientiam, debemus siquidem nos firmiores, infirmorum imbecillitates sustinere, & non nobis placere.*

Rom. 15 Christus denique dilexit fortiter, aquæ multæ charitatem eius extinguere non potuerunt, nec flumina illam obruere; non populorum peruicacia, non Iudæorum perueria æmulatio; non Phariseorum calumniæ, & criminationes impiæ, non persequentium sæuitia & crudelitas, ab inceptis charitatis officijs, vel luscepto salutis humanæ opere, vilo modo retardarunt: fortis fuit ut mors eius dilectio, imo fortior quàm mors, cuius demum victrix ac triumphatrix extitit.

Discamus igitur ex diuini huius Saluatoris exemplo, fortes ac constantes esse in officijs charitatis: discamus quādo agitur de salute animarum procu-
randa, non parcere laboribus, non
tre-

Rom. 8. trepidare in periculis , non fatigari molestijs , non cedere contradictionibus , non succumbere in persecutionibus ; *sed in omnibus superare eum qui dilexit nos , & cum gratiæ eius subsidio in finem usque perseverare .*

Porro quoniam is qui charitatem inspirat eandem in nobis ordinat , ut ordo ille charitatis à Christiano Sacerdote seruetur , erga tria præsertim personarum genera , si nulla alia specialis ratio subdit , hæc illi virtus exercenda est . Primo erga sacerdotes suos , ut potè sibi arctius in Christo deuinctos & coniunctos , quos idcirco pecolijari affectu complecti , & quibuscumque charitatis officijs iuuare & fouere debet , tum ut à malo retrahat , tum ut ad bonum promoueat . Secundo erga pauperes , eos maximè qui subsidijs spiritualibus magis destituti videntur , quales ut plurimum sunt iij , qui commorantur in villis , pagis , alijsque eiusmodi locis , in quibus raræ & quandoque nullæ catechisticæ instructiones , & sæpe crassa & supina rerum ad salutem æternam pertinentium ignorantia ; quibus proinde tanquam infirmioribus Christi membris , & opis alienæ indigentibus , subsidium præstare , seque pro eorum instructione & salute impendere , non potest non esse acceptissimum illi ,
qui

qui dixit, *quodcumque uni ex his minimis meis fecistis, mihi fecistis*. Tertio denique erga propriam familiam, singulasque illius personas, quas & veritatibus fidei imbuere, & à peccato detertere, & ad virtutem tum dictis tum exemplis prouocare speciali ratione tenetur; qui enim suorum & maxime domesticorum curam non habet, fidem negauit, & est infideli deterior.

Matth.
25.

1. Tim.
5.

CAPVT VIII.

De mansuetudine à Christiano adhibenda in tolerandis aliorum defectibus.

Non solum suauitate ad condescendendum alijs, sed præterea etiam mansuetudine ad eorum defectus tolerandos, indiget Sacerdos Christianus: idque eo magis, quo frequentiores in ministerijs Ecclesiasticis occurrunt illius virtutis exercendæ occasiones: vnde & ipsemet Christus Dominus, hanc præsertim in semetipso imitandam proposuit, cum dixit, *discite à me, quia mitis sum, & humilis corde*; eandemque inter beatitudines etiam reposuit; *beati mites,*

Matth.
11.

quo-

1a Psal. quoniam ipsi possidebunt terram : Ex quo
 33. *S. Basilii* infert, mansuetudinem esse
omnium virtutum maximam, idque

Philos. teneat, *ipsum tamen charitatis veluti*
 part. 3. *flos est mansuetudo*, ut ait illustrissi-
 mus *Episcopus Gebennensis*, qui asse-
 rit, *tu c demum perfectam esse charita-*
tem, cum (ut ex *S. Bernardo* refert) non
 solum patiens, sed et *amita benigna est*.

Quare *S. Chrysostomus* indubitan-
 ter affirmat, *mansuetudinem praeceteris*
virtutibus nos Deo vicinos conformesque
Hom. 19 *facere* : obseruatque Christum Domi-
in epist. num, cum ad alias virtutes conse-
ad Rom. crandas excitaret, nusquam hanc clau-
 sulam addidisse, (*ut sitis filij patris ve-*
Matt. 5. *stri qui in caelis est*) nisi quando ad ca-
 lumnias & persecutiones cum man-
 suetudine tolerandas hortatus est : ex
 quibus patet hanc virtutem Sacerdo-
 ti Christiano maxime congruere, qui (ut
 ex antedictis evidens est) non modo
 charitatis virtutem, sed & charitatis
 ipsius perfectionem peculiari studio
 affectari tenetur.

Præterea, cum (ut docet idem *S.*
Hom. 53 *Chrysostomus*) nihil sit ad conciliandos
in Genes. promerendosque amicos insensissimos,
Ami. mansuetudine efficacius quod & probat
 exemplo *Iacob*, *Esaui fratrem suum*,
 sibi maxime iratum, mansuetudine sua
 sibi

sibi non modo reconcilians, sed & deuincientis; additque, quod *sicut ro-
gum valde accensum aqua inietta restin-
guit, ita animum iræ aestuantem, verbum
cum mansuetudine prolatum mitigat &
placidum efficit*. Inde colligere possu-
mus Christiano Sacerdoti hac man-
suetudinis virtute maxime opus esse,
cum eius ministerium præsertim in
conciliandis & conuertendis homi-
num animis, per peccatum sæpissime
tum à Deo, tum à proximo auersis &
alienis, earumque passionibus, ple-
rumque acribus demulcendis & miti-
gandis versari vt plurimum soleat. *Sic
Moses totius plebis sibi mentes deuinx-
rat* (inquit S. Ambrosius) *ut plus eum
pro mansuetudine diligerent, quam pro
factis admirarentur*. Certè, vt rectè
monet S. Chrysostomus, igne non potest
ignis extingui, hoc enim eius repugnat
natura, sic nec furor furore alio demulce-
ri vnquam poterit.

Porro ad hanc virtutem tum acqui-
rendam, tum in nobis perficiendam,
varia media suggerunt Sancti Patres.

S. Cyprianus proponit Christi Do-
mini exemplum, haud dubiè effica-
cissimum si sedulò consideretur. *Quā-
ta* (inquit) *illius Diuini Seruatoris fuit
in tolerandis Iudeis aquanimitas, quan-
ta patientia? incredulos suadendo ad fi-
dem flectere, obsequio ingratos sonere,*
con-

Lib. 2.
off. a.

Sup.

Serm. de
Cena
Domini

contradicentibus respondere leniter, superbos sustinere clementer, humiliter persequentibus cedere. Et paulò infra, de eiusdem Domini mansuetudine intolerando proditore loquens: *Iud m*, inquit voluit longa patientia ad extremum sustinere, cibum cum inimico sumere, hostem domesticum scire, nec palam ostendere, traditoris osculum non recusare, &c. En paucis verbis in Christi Domini persona exemplum ad hanc virtutem persuadendam efficacissimum, & simul ad multiplicem illius praxim demonstrandam aptissimum.

Lib. 5. Duos alios modos suggerit nobis *moral.* S. Gregorius, quorum primus præce-

cap. 34. denti affinis est, ut quando videmus aliqua fore nobis ex parte proximi toleranda, cogitemus contumelias, probra, molestias, quas Redemptor noster in passione sua tanta mansuetudine pertulit. *Hec* (inquit S. Bernardus) *divinus ille Salvator flagellis cæsus, spinis coronatus, clavis confossus, patibulo affixus, opprobrijs saturatus, omnium tamen dolorum immemor, ignosce illis, ait, quia nesciunt quid faciunt. Et nos vnius verbuli paulò durius prolati aculeum ferre non possumus, quin continuo exardescamus in iras.*

Serm. 4. Alter servandæ mansuetudinis mo-
de Passione Domini.
sub. dus est, (ut ait idem S. Gregorius)

ut

ut cum alienos excessus aspicimus, nostras, quibus in alijs excessimus, delicta cogitemus: considerata quippe infirmitas propria aliena nobis excusat mala: patienter namque illatam iniuriam tolerat, qui pie meminit quod fortasse adhuc habeat, in quo ipse habeat tolerari. Hunc modum ipse etiam Apostolus antea edocuerat, his verbis. *Fratres, etsi peccatores fueritis homo in aliquo delicto, vos qui spirituales estis, huiusmodi infirmos in spiritu lenitatis, considerans seipsum.*

Gal. 11. 6

Porro cum hac mansuetudinis virus præsertim in ira compescenda, frænan-disque animi æstuantis moribus, adhibeatur; non tamen inde sequitur obiurgatorijs & increpatorijs verbis, aut acriori correptione nusquam utendum esse; cum ipsa charitas ad peccatores arguendos, increpandos, & corripiendos, non modo inuitet, sed & interdum obliget, ut infra explicabitur: vnde S. Chrysostomus monet, tunc placide leniterque loqui discipulis cum opus est acrimonia, non doctore, sed corruptoris potius esse & hostis; hanc ob causam, & ipse Dominus cum multa placide, mansueteque locutus sit discipulis; nonnunquam tamen & austeriore habuit orationem, nunc quidem illos beatos prædicans, & collaudans, nunc rursus increpans & obiurgans. Neque enim (ut alibi declarat) ferire est semper & absolute

Ij pro-
cem. ep.
ad Ga-
lat.

In Psal.
131.

lute atrocitatis , neque carcere mansuetudinis , sed mitis est ille qui ferre potest , quæ in seipsum peccata sunt , & alijs factam iniuriam propulsare .

Nihilominus , quamvis exterius increpare , obiurgare , interdumque acriter corripere oporteat , id tamen semper in spiritu lenitatis , & mansuetudinis faciendum est ; itaut eiusmodi increpatio , obiurgatio , & acris correptio , non ex ira , aut alia animi commotione , sed ex vera & perfecta charitate oriatur , quæ etiam acerbiora remedia nouit adhibere , quando ad proximorum salutem ea necessaria esse perspicit .

*Philos.
part. 3.
cap. 8.*

Quare , (vt sapienter monet Illustrissimus Episcopus Gebennensis ,) ira motus quacumque de causa quantumlibet iusta excitatus , semper est cohibendus , & comprimendus , nec unquam deliberatè retinendus aut fouendus : ira enim viri , ut ait Apostolus , iustitiam Dei non operatur : verum quidem est malore sistendum esse , vitiisque eorum qui nostra cura subsunt , coercenda , idque fortiter & constanter , sed tamen leniter & placidè ; melius est enim , vt ex S. Augustino ad Profuturum scribente ibidem refert , ira iusta quantumvis modica ad tum pracludere , quam quauis ratione aperire ; quæ semel admissa difficillime expellitur . Consultius igitur

igitur est, vt paucis interiectis ibidem subdit, dicere: qua ratione quis vitam cuiuscumque ira expertem ducat, quam quomodo moderatè ac sapienter iram adhibere valeat: & quando in nobis ex imperfectione aliqua aut fragilitate natura subito exoritur, prastat citius illam comprimere, quam de illi componenda, aut moderanda in nobis ipsi velle deliberare.

Ad hos autem repentinos iræ motus comprimendos, seruandamque in omnibus mansuetudinem, hæc quæ sequuntur obseruanda præscribit: nimirum, vt vbi primo nos ira commotos aguerimus, omnes animi nostri vires in nobis ipsis recolligamus, non quidem cum impetu & ardore, sed placidè, suauiterque, & nihilominus sedulo & diligenter: tum diuinæ gratiæ auxilium suppliciter iuocemus, & cum Apostolis tempestate iactatis inclamemus, Domine, *Matt. 8.* salua nos, perimus, speremusque quod clementissimus ille Saluator passionum ventis & procellis imperabit, nutuque eius fiet tranquillitas magna.

Quod si nihilominus erumpat aliquis iracundiæ actus, contrario lenitatis actu erga eandem personam quæ illo actu impetita est, erit illico reparandus; tum demum pace ac tranquillitate animi recuperata, mansuetudinis virtuti se-

sedulo studendum erit, verba cum lenitate proferenda, actiones quaecumque placido ac quieto animo quantum fieri poterit, erunt obeundæ: præsertimque hæc virtus mansuetudinis, ut monet S Chrysostomus, exercenda & in praxim reducenda erit, quando res nobis fuerit cum hominibus, ira commotis, aut natura rudibus, & agrestibus: quando cum ijs, qui sunt ab ipsa mansuetudinis virtute alienissimi, tunc enim lenitatis perfectio maxime ostenditur, illiusque uberimus fructus.

CAPVT IX.

De eleemosyna, alijsque operibus misericordiae, quibus Christi Sacerdos incumbere tenetur.

NON ferri instituti, nobis in hoc opere propositi ratio, vte ea omnia in medium afferamus quæ tum in Scripturis, tum apud Patres reperiuntur, quibus eleemosynæ excellentia, utilitas, fructus, & quævis alia commendatio, nec non ad eam elargiendam cunctis hominibus vel ab ipso naturæ iure imposta obligatio demonstrari

strari posset, vnde tamen pro Sacerdotibus alijsque viris Ecclesiasticis super hac re conuincendis, argumenta varia eaque à minori ad maius fortissima deducerentur.

Quatuor tantum circa rationem eleemosynarum, vniuersis clero Ecclesiæ ascriptis obseruatu necessaria, breuiter hic apponimus.

Primum est illos qui beneficia Ecclesiastica obtinent, strictissimè obligari ad eroganda pauperibus, vel in pios vsus impendenda ea omnia, quæ ipsis post sufficientem & moderatam pro ratione conditionis sustentationem, ex redditibus Ecclesiasticis supersunt. Hæc est communis & recepta omnium Theologorum sententia, quam fusiùs hic persequi superfluum est, cum in eorum libris copiosissimæ illius probationes, & efficacissima argumenta legi possint. Quamuis vero doctores quidam, beneficiarios reddituum Ecclesiasticorum dominos esse negent, alij vero affirmant; quicquid sit de illo dominio, conueniunt omnes vnanimiter quoscumque beneficia Ecclesiastica possidentes, ad eleemosynam de superfluo reddituum Ecclesiasticorum erogandam, sub lethali culpa reatu obligatos esse. *Vitant de altari, (inquit S. Bernardus,) non luxuriensur, non superbiunt, non denique*

*In decla-
mat. su-
per, ec-
ce nos,
&c.*

aiten-

dicuntur; patrimonia siquidem pauperum sunt, facultates Ecclesiarum: & sacrilega eis crudelitate surripitur, quicquid sibi ministri & dispensatores, non utique domini & possessores, ultra victum accipiunt, aut vestitum. Vnde appositè Fulcon. idem S. Pater ad quemdam virum Ecclesiasticum scribens, Quicquid, inquit, præter necessarium victum & simplicem vestitum de altari retines, tuum non est, Epist. ad rapina est, sacrilegium est: & alio in Henricū loco, Clamant nudi, inquit, conqueruntur, & dicunt, nostrum est, quod effunditis, nobis crudeliter subtrahitur, quod In deela inaniter expenditis: & rursum, va va tibi, clerice, mors in olla, mors in delictis est, sumptus Ecclesiasticos gratis habere te putas, cantando, ut aiunt, tibi prouenire videntur, bonum erat tibi magis fovere aut mendicare: peccata enim populi omedis.

Secundum est, Sacerdotes, aliosque viros Ecclesiasticos, licet nulla beneficia obtinentes, si tamen aliundè, bonis temporibus affluant strictius semper ad eleemosynam erogandam præ alijs personis laicis obligari: tum quia illis arctior ad charitatem, perfectioremque consecretandam obligatio incumbit, tum quia clericalem statum amplectendo se, suaque omnia specialiter ratione Deo dicarunt, ipsumque secularibus desiderijs abdicatis, in-

por-

portionem, partemque hæreditatis suæ elegerunt: tum denique quia præcepto Evangelico, *lux eorum lucere debet coram hominibus, ut videant opera eorum bona, & glorificent Patrem qui in cœlis est*: Vnde vnumquemque illorum peculiari modo spectant hæc Prophetæ verba, *Frange esurienti panem tuum, & egenos vagosque induc in domum tuam, cum videris nudum operi eum, & carnem tuam ne despexeris, &c. Tunc erumpet quasi mane lumen tuum, & anteibit faciem tuam iustitia tua.* IJa. 58.

Tertium est non modo eos qui pingua, ut vocant, beneficia obinent, vel ampla patrimonia possident, obligatos esse ad erogandam de superfluis suis eleemosynam, sed & eos Sacerdotes, quibus non nisi modici prouentus suppetunt ad hanc misericordiæ virtutem, ea qua poterunt ratione exercendam suo modo teneri: Ne dicat, inquit S. Chrysostomus, *quoniam pecunia mihi non sunt, hoc enim nihil est dicere: sicut si aurum dare posses ita affectus esto; potes ministrare pauperi, etiam hoc facito: vales consilio, hoc omnibus maius est*: Homil. 25. in Act. & alio in loco, *at non habes pecuniam, In Psal. 127.* sed potes visitare agrum, vel incarcerationem, dare poculum aqua frigida, præbere duos obolos sicut vidua; ingemiscere ijs Orat. de pauper. amer. qui affliguntur; nam hoc quoque est eleemosyna, & ut ait S. Gregorius Nazian-

L. zenus,

zenus, si nihil habes, collachryma, magnum est infortunato remedium, miseria ex animo collata.

Sanè dici non potest quantum fideles ædificentur, cum vident Sacerdotem alioquin opibus copiosis destitutum, misericordia tamen & charitate diuitem, egenorum & pauperum commiserari, ipsosque quibus potest modis solari, siue illos in ægritudine visitando, siue consilijs iuuando, siue pro ipsis subsidium aliquod ab alijs petendo, aut quiduis aliud præstando, quo eis adiumento & solatio esse possit.

Quartum denique est, Sacerdotes, aliosque Ecclesiæ ministerio addictos, sicut cæteris fidelibus in huius virtutis praxi præluere, sic & ad hanc non utcumque, sed quam perfectissimè exercendam attentos esse debere.

*Lib. 2. de
pœnitēt.*

Atque in primis maximè cauere debent, ne sint de numero illorum, qui, ut loquitur S. Ambrosius, ad iactantiam solam, decorem largitatis affectant, ut eo se probatos vulgo velint, qui quidem, ut paulo post subdit, dum præsentis sæculi mercedem requirunt, non recedunt in futurum, & quia hic pereipiunt mercedem suam, illic sperare non possunt. Caueant præterea ne sint ex illis, qui, ut ait S. Hieronymus, pauperibus pauculum tribuunt, ut amplius accipiant,

*Epist. ad
nepot.*

Et sub prae-textu eleemosynae quarunt diuitias.

Urgitur à Christiano Sacerdote, hoc fermentum Pharisaicum absit: quotiescumque eleemosyna ab illo eroganda est, id fiat humiliter, ut scilicet iuxta consilium D. Chrysostomi, suis apud Deum patronis potius munera offerre, quam egenis donum largiri videatur.

Serm. de
eleemo-
syna.

Fiat misericorditer, ex animo super proximi angustiis & miserijs compatiens; est enim eleemosyna, inquit idem D. Chrysostomus, non dare opes, sed cum misericordia illas dare.

Hom. 13
in 2. ad
Cor.

Fiat liberaliter, quomodo potueris, esto misericors, si multum tibi fuerit, abundanter tribue: si exiguum tibi fuerit, etiam exiguum libenter impartiri stude, qui enim parce seminat, parce & metet, & qui seminat in benedictionibus, de benedictionibus & metet, appositè S. Chrysostomus, non dare, inquit, sed cum copia dare eleemosyna est.

Tob. 4.

Hom. 37
ad pop.

Fiat ex prompto cordis affectu; non ex tristitia aut ex necessitate: Hilarum enim datorem diligit Deus. Neque enim, ut monet S. Ambrosius, satis est benefacere nisi id ex bono fonte, hoc est, ex bona voluntate proficiatur: plerique enim eleemosynam tribuunt, quod obseruat S. Augustinus, potius ut careant radio interpellantis, quam ut reficiant viscera indigentis: cum vero hilarem datorem di-

Lib. 1.
offic.

In Psal.
42.

ligat Deus, si panem dederis tristis, & panem, & meritum perdidisti.

Lib. 1. Fiat prudenter & cum discretionem,
offic. non enim per eleemosynam opes profunden-
in Epi. da sunt, sed dispensanda, inquit S. Am-
tab. brosius, & D. Hieronymus sanctam Paulam laudat, quod singulis suam pecuniam diuidebat, ita ut singulis necessarium praestaret, non ad luxuriam, sed ad necessitatem: quare sapienter S. Gregorius monet Sacerdotes & Pastores, ne ijs tribuant quadam, quibus nulla; ne nulla, quibus quadam, ne multa, quibus pauca: ne pauca, quibus multa impendere deberent: ne precipitatione hoc quod tribuunt, inutiliter spargant; ne tarditate sua petentes nocivè crucient; ne in benè oblato munere, animus plusquam decet hilarescat, &c.

Ad eandem quoque prudentiam & discretionem Christianam & Ecclesiasticam pertinet, ut eleemosynas corporales auxilijs spiritualibus quantum fieri poterit iungant, & cum corporali solatio, animæ quoque subsidium procurare studeant; easque eleemosynas, quæ spiritualiter prodesse possunt, alijs solum corporis commodum spectantibus anteponant.

Porro huiusmodi eleemosynæ quæ spirituale proximi bonum promoueat, variz, frequentesque suppetunt occasiones, v.g. si crogetur, ad captivum ali-

aliquem è Turcarum vel Saraceno-
rum vinculis redimendum, ne ærum-
nis pressus, Christi fidem eiuret; ad
promouendam in terris infidelium,
Euangelij prædicationem; ad procu-
randam in pagis, villis, alijsque locis
dereliētis pauperum in rebus ad salu-
tem pertinentibus instructionem; item
si tribuatur eleemosyna ad hoc vt puel-
la ex imminente prostituendæ pudici-
tiæ periculo liberetur, & in tuto loco
collocetur, (quod S. Nicolaus quon-
dam fecisse legitur) si ad hoc vt ado-
lescens bonæ Indolis, sed pauper, lit-
teris imbuatur, vt sic vtilem aliquan-
do in Ecclesia operam nauare possit,
&c.

Denique fiat perseveranter: *Neque enim* (vt monet S. Chrysostomus) *pu-*
temus omnia nos præstitisse, si quando se-
mel; atque iterum aliquid dederimus:
per omnem quippe vitam id facere oportet;
non enim semel tantum, sed indefinenter
Deo placere debemus.

*In Præf.
epist. ad
Philipp.*

Quisquis (inquit S. Gregorius) *ec-*
piosum in cælis fructum desiderat, semi-
nare dum tempus est non omittat, ut ma-
nipulos in die messis cum lætitia colli-
gat; bonum ergo facientes non
deficiamus; tempore enim
suo mittemus exul-
tantes.

*Epist. ad
Savinol.*

CAPVT X.

De fraterna peccantium correctione à Christiano Sacerdote facienda.

*Lib. de
morib.
Eccles.
cap. 27.*

Cum charitas erga proximum bipartita sit, & (vt S. Augustini verbis utamur) *partim corpori, partim anima hominis benefacere debeat is qui ex vera charitate hominem diligit; ad corpus quod pertinet, medicina nominatur, ad animam autem disciplina: medicinam voco quicquid omnino corporis vel tuetur, vel instaurat salutem, &c. Quod autem attinet ad disciplinam, per quam ipsi animo sanitas instauratur, animi medicina est; & quantum Scripturis Divinis colligitur, in duo distribuitur, instructionem scilicet & coercionem.*

Et de instructione quidem cum in secunda huius libri parte actum sit, restat vt aliquid dicamus de ipsa coercionem, seu correptionem peccantium, non quidem ea quæ publica auctoritate fit à Prælati, alijsque iurisdictionem in foro exteriori obtinentibus, quæ non est huius loci; sed quæ ab omnibus Christianis, præsertimque

ab

ab ipsis Sacerdotibus, ex motiuo charitatis ad cōpescendos peccantes adhiberi debet, quæ etiam communiter *correctio fraterna* nuncupatur.

Et quidem quod ipsi Sacerdotes præ alijs personis Laicis ad illam correctionem teneantur; hinc patet, quod maiori & perfectiori charitate pollere debeant; (vt superioribus capitibus demonstratum est) cuius quidem actus maximè necessarius est peccantium, correctio, quæ ad medendum perniciosissimo hominis malo, peccato scilicet adhibetur; vnde Isidorus: *Sacerdotes*, inquit, *pro popularum iniquitate damnantur, si eos aut ignorantes non erudiant, aut peccantes non arguant.* Et S. Prosper dicit, *illum cui dispensatio verbi commissæ est, id est, Sacerdotem, etiamsi sancte uiuat, si tamen perditæ viuentes arguere aut erubescat, aut metuat, cum omnibus qui eo tacente peribant, periturum esse; nihilque illi prodesse non puniri suo, cum puniendus sit alieno peccato.* Et S. Leo: *Sacerdos*, inquit, *qui alium, cum potest, ab errore non reuocat, seipsum errare demonstrat.* E contra testatur D. Iacobus, *quod is qui conuertere fecerit peccatorem ab errore via sua, saluabit animam eius à morte, & operiet multitudinem peccatorum.* Sicque non solum illi quem corripit, sed sibi quoque ac suæ salutis consulit; nec dubium

*Lib. 3. de
summ.
bon. c. 46*

*Lib. 1. de
vit. cõt.
cap. 22.*

Epist. 93

Cap. .5

quin omnia, quæ de fructibus eximijs & saluberrimis eleemofynæ corporalis in scripturis dicuntur, ad eleemofynam spirituales, quæ per correctionem præstatur, potiori adhuc ratione pertineant.

Quare videndum restat, quomodo ipsa correctio fieri debeat, ut eo quo conuenit modo à Sacerdote fiat, effectumque suum, conuersionem scilicet peccatoris, sortiatur.

Primo igitur Sacerdos peccatorem, quemcumque correcturus, omnem iram, indignationem, amaritudinem, & aliam similem commotionem, inordinatam ab animo suo eliminat: *neque enim in commotione Dominus*: imo *factus est in pace locus eius*.

2. Cor. 3. *Et quia non sumus sufficientes cogitare aliquid ex nobis, quasi ex nobis, sed sufficientia nostra ex Deo est*, idcirco gratiam illius tum sibi, tum ei quem corripere intendit suppliciter exposcat, postuletque ut ipse Dominus sit in corde suo, & in labijs suis, utque in ore suo ponat *verbum reconciliationis & salutis*.

2. Cor. 5
Act. 13.

Optimum erit etiam, ut paulisper supra semetipsum reflectatur, & iuxta monitum Apostoli, *seipsum consideret*, unde S. Augustinus: *Cum*, inquit, *aliquem reprehendere vel obiurgare necessitas coegerit, primum cogitemus utrum tale sit vitium, quod nunquam habui-*
mus,

Lib. 2. de
ser. Do-
mini in
monte
cap. 30.

mus, vel quo iam caruimus: & si nunquam habuimus, cogitemus & nos homines esse, & habere potuisse; si vero habuimus, & non habemus, tangat memoria communis fragilitas, ut illam reprehensionem aut obiurgationem non odium, sed misericordia precedat.

Ps. 140.

Gal. 6.

Et hoc est secundum, quod in correctione observari maximè conuenit, scilicet, ut qui corripit corripit in misericordia, & in spiritu lenitatis, ut loquitur Apostolus, qui etiam monet non oportere seruum Dei litigare, sed mansuetum esse ad omnes, docibilem, patientem, cum modestia corripientem eos qui resistunt veritati: unde S. Ambrosius; Plus, inquit, amica correptio proficit, quam accusatio turbulenta; illa pudorem incutit, hæc indignationem mouet, &c.

Lib. 8. in

Luc. 6.

11.

Bonum quippe est ut amicum magis te qui corripitur credat, quam inimicum; facilius enim consilijs acquiescitur, quam iniuria succumbitur. Et S. Chrysostomus: Vis, inquit, fratrem corrigere? lachryma, ora Deum ex corde, apprehensum admone, consule, exhortare, &c. Demonstra charitatem erga peccatorem, persuade ipsi quod consulens & curans, non peruulgare volens, peccati ipsum commouefacis, comprehendere pedes, osculare, ne erubescas, si modo mederi vis.

Hom. 3.

ad pop.

Antes.

Requitur insuper ut correctio fiat cum prudentia & discretionem; hæc

L 5 enim

enim virtus maximè necessaria est, ut qui corripit finem ipsius correctionis assequatur; nimirum ut *lucretur fratrem suum*: proindeque ita se gerat, ut ab eo quem corripit audiat, & is ab ipso persuadeatur.

*Lib. 1. de
ciuit. c. 9*

Ad hanc autem prudentiam pertinet, tempus ad correctionem faciendam aptum assumere, illamque si ita magis expediat interdum vel differre, vel etiam penitus omittere. Si enim, ut loquitur S. Augustinus, propterea quisque obiurgandis & corripiendis male agentibus parcat, quia tempus opportunius inquirat, vel eisdem ipsis metuit ne deteriores ex hoc efficiantur, vel ad bonam vitam & piam erudiendos impediunt, infirmos alios, & premant atque auertant à fide, non videtur cupiditatis occasio, sed consilium charitatis.

*1. Tim.
5.*

Est etiam eiusdem prudentiæ, modum ipsum correctionis disponere, & eorum qui corrigendi sunt maiori utilitati accommodare: Seniores, inquit Apostolus Timotheum discipulum suum super hac re instruens, *ne increpaueris, sed obsecra ut patrem, iuniores ut fratres, aniu ut matres, iuuentulas ut sorores in omni castitate*: & idem Apostolus ad Titum scribens de modo quem in corripiendis Cretensibus seruare debebat: *increpa illos durè*, inquit, quia scilicet ad eorum emenda-

tio.

tionem iudicaret hanc duriorē increpationem fore magis proficuam, quæ tamen ad alios emendandos minus utilis, imo fortasse nociua fuisset; nam, ut rectè obseruat S. Gregorius, *non una eademque cunctis exhortatio con-*

In Pa-
stor. p. 3.
cap. 36.

gruit, quia non cunctos par morum qua-
litas astringit, sape namque alijs efficiunt,
qua alijs profunt; quia medicamentum
quod hunc morbum imminuit, alteri vi-
res iungit, & panis qui vitam fortium
roborat, paruulorum necat.

Ad eandem quoque prudentiam pertinet interdum aliqua insinuatione, & veluti circuitione, illius qui corrigendus est, animum leniter subire, si præsertim in aliqua dignitate, aut superioritate constitutus sit; & sic illi ad emendationem quasi viam sternere, & pleniorē, ac faciliorem reddere, quod in Rege Dauidē à Propheta optimè & opportunissimè factum Scriptura testatur; qua de re S. Chrysostomus præclare & maximè appositè.

Hom. 44.
in ep. 1.
ad Cor.

Accede, inquit, ad illum quem corrigere
intendis, & paruum eius encomium effer,
alijs qua habet commodis & dotibus id
componens, & tanquam aqua calida fo-
uens laudibus, ac sic vulneris acrimoniam
demulcens: te quoque ipsum pronuntia
miserum; accusa commune genus homi-
num: ostende nos omnes esse in peccatis,
ueniam pete, dicens te maiora aggredi

L 6. *quam.*

quam vires tua ferant, sed charitatem
omnia audere: deinde consulens hoc fac,
non tamquam imperans, sed ut frater.
Cum his omnibus phlegmonem deprefferis,
& leueris dolorem qui accidit ex sectione
futura reprehensionis, & sapsus fueris
excusatio re, & rogaueris ne irascatur,
cum enim his veluti fascijs charitatis liga-
ueris, tunc plagam inflige, nec vulnus
strictius alligans, nec dissoluens, ut neque
illinc desiliat, neque hinc despiciat. Ad-
dit paulo post; Ne statim adiungas sup-
plicia proposita ijs qui offendunt, & scan-
dalum afferunt, sed eius quoque assume,
testimonium dicens; non opus est ut hac à
me discas, tu ipse scis, &c. Da etiam
illi potestatem, dicens ego quidem hac su-
deo & consulo, in tua autem potestate est
ut persuadearis, nec vim affero, sed totum
permitto libero tuo arbitrio.

Sicut prudenter ac suauiter, sic etiā
fortiter & constanter huic charitatis
operi insillendum est, cauendumque
maxime Sacerdoti, ne illum ab officio
suo dimoueat timiditas aliqua natura-
lis, aut consideratio temporalis, vel
respectus humanus: quare ex parabola
Euangelica illius qui incidit in latro-
nes; à quibus spoliatus & vulneratus
est, rectè infert S. Bernardus, medico
in Cāt. spiritali necessarium esse vinum feruidi
zeli, cum oleo mansuetudinis; & de
illo zelo quoniam cuilibet Sacerdoti,
&

& Ecclesiastico viro, inter alias virtutes præcipuè necessarius est, capite sequenti plenius agetur.

CAPVT XI.

De zelo quo Christianus Sacerdos feruere debet.

Zelus est effectus amoris, inquit S. Augustinus, ac proinde charitatis, *In Psal* quæ est amor, vel potius amicitia quæ *118.* dam præcellens: sicut autem ipsa, *Ser. 18.* charitas duplex est, vna, quæ Deum, altera, quæ proximum respicit, sic etiam duplex est zelus, alter, quo Dei gloria quæritur, & repellitur id omne quod illi oppositum est aut aduersum: alter quo verum proximi bonum procuratur, eiusque malum quoad fieri potest aueritur.

Is ergo dicitur zelare pro Deo, (vt docet S. Thomas) *1. 2. qm.* quando ea qua sunt contra honorem, vel voluntatem Dei repellere secundum posse conatur; *38. n. 4.* iuxta illud, *Zelus sum pro Domino exercituum:* & e contrario ea promouere quæ Deo placita honorificaque esse censentur.

Cm.

Hom. 3.
in Gen.

Cum vero (ut asserit S. Chrysostomus) nihil ita gratum Deo sit, & ita cura, ut animarum salus, sicut clamat Paulus dicens, qui vult omnes homines saluos fieri, & ad agnitionem veritatis venire: & iterum Deus ipse ait; Nolo mortem peccatoris, sed ut conuertatur & viuat: & propter hoc etiam creaturam hanc omnem produxit, & nos formauit, non ut pereamus, neque ut supplicijs nos torqueat, sed ut saluet, & ab errore liberatis, regno frui nobis concedat. Hinc sequitur ipsi Deo maxime placitum & perhonorificum esse, ipsarum animarum salutem, quantum in nobis est, eius opitulante gratia cum zelo procurare. Vnde etiam idem S. Pater subdit: talem igitur habentes Dominum, tam misericordem, tam benignum, tam mansuetum, tam nostri, tam fratrum nostrorum curam geramus; nam & hoc nostra salutis argumentum erit & occasio, si non solum pro nobis ipsis solliciti, sed & proximo utiles fuerimus, ipsum ad viam veritatis manuducetes.

Sup.

Porro quanto & quam feruido zelo tum gloriæ Dei, tum salutis animarum exardescere debeat Sacerdos Christianus, satis superque constare potest, vel ipsius Christi Domini exemplo, cuius ministrum se, ac proinde sectatorem, & imitorem peculiari studio profueri tenetur: quis enim cogitatio-

ne

ne assequi, nedum sermone explica-
re queat, quantus, & quam incensus
fuerit illius zeli feruor, quo diuinum
eius pectus exarsit, cum solus, assum-
pto flagello, turbam illam negotian-
tium & negotiationibus suis templum
Dei prophanantium eiecit, & omnia
eorum mercimonia disturbauit? Quod
quidem non sine stupore intuētes eius
Discipuli, recordati sunt quia de illo
scriptum erat, vt obseruat Euangeli-
sta, *Zelus domus tua comedit me.* Quis
putas fuit sacri illius cordis ardor?
quod amoris incendium? cum ipse
met passionem suam & mortem acer-
bissimam præcogitans, qua vniuersos
homines redempturus erat, & de illa
discipulis proloquens: *Baptismo*, in-
quit, *habeo baptisari, & quomodo coar-
ctor usque dum perficiatur? ignem veni
mittere in terras, & quid volo nisi ut ac-
cendatur.*

Psal. 68.

Luc. 2.

Hoc igne procul dubio toti erant
accensi & incensi sancti Apostoli,
quando ibant gaudentes à conspectu
Concilij, quoniam digni habiti erant, pro
nomini Iesu contumeliam pati. Hunc
eundem ignem toto pectore hauserat
Beatus Paulus, quando ob eiusdem
Christi Domini nomen & gloriam,
erat in laboribus plurimis, in carceri-
bus abundantius, in plagis supra modum,
in mortibus frequenter, quando ipse de

Act. 5.

2. Cor.

11.

Ibid.

se dicebat, quis infirmatur, & ego non infirmior? quis scandalisatur & ego non uror? non dixit, ut recte obliervat Sanctus Chrysostomus, & ego non mole-

In En-

com. S.

Romans

Marty-

ris apud

Sur.

In cap. 3

Epist. 1.

ad Thes

salon.

stia afficio, sed dixit, & ego non uror, urendi verbo summum dolorem ostendere volens. Quando idem ad Thessalonicenses scribebat, nunc vinimus, si vos statis in Domino, quæ verba perpendens idem S. Chrysostomus, vide, inquit, quantopere sanctus hic Apostolus studebat ut res fratrum recte se haberent, qui nec vivere quidem se existimabat, si illi non essent salvi. Homo qui fuerat raptus ad tertium calum, & delatus in Paradisum, qui fuerat participes mysteriorum ineffabilium, & tantam apud Deum affecutus fiduciam, illorum tamen bonorum sensum non valde accipiebat; nisi etiam vidisset fratres suos esse saluos.

Et ipsemet S. Chrysostomus perfectus Apostoli Pauli affectator, quanto putas zeli ardore flagrabat, cum populum suum alloquens hæc de seipso dicebat: Vellem si fieri posset vestris oculis ostendere quoniam in vos habeo charitatem: nihil enim est mihi vobis incundius, ne ipsa quidem lux: millies enim optarem ipse esse cæcus, si per hoc liberet animas vestras convertere, adeo ipsa luce mihi est vestra salus incundior: quid enim me inuant solares radij, quando qua propter

1. Hom.

3. in Act.

pter vos accipitur animi agritudo, oculis
meis magnas effundit tenebras.

Et paulo post, vltius adhuc pro- *Ibid.*
grediens, & quasi præ feruore ipsius
zeli sanctè excedens, *Implete*, inquit,
gaudium meum, liceat vobis salutem asse-
qui: me autem propter vos reddere ratio-
nem? vobis dari salutem, me vero accu-
sari, quod munus meum non implouerim?
non enim curò ut per me salui sitis, sed
ut salui sitis quacumque ratione.

His igitur Christi Domini, sancto-
rumque verbis & exemplis, Sacerdos
tum ad concipiendum similem zelum
permoueri, tum etiam qua ratione
conceptam illum zelum exerceat in-
strui & edoceri poterit: puta quo af-
fectu, quo voluntatis ardore, conuer-
sionem peccatorum, bonorumque
in virtute profectum, ac in omnibus
diuini honoris incrementum optare
& procurare debeat? qua animi ma-
gnitudine peruersis impiorum conati-
bus obsistere, errores, & abusus irre-
pentes funditus tollere, veram pieta-
tem ac Religionem fouere, pia &
sancta consilia promouere; eaque
de causa nullis parcere laboribus, nul-
las refugere molestias; imo paratum
se semper exhibere ad incommoda
quælibet eo fine subeunda, ad tole-
randas quascumque animi corpo-
risque angustias, denique ad vitam

si opus sit, cum sanguine profunden-
dam.

Superest, ut aliquas easque maxi-
me necessarias zeli illius conditiones
expendamus: quarum Prima est, ut
discretionem ac prudentiam regatur; alias
similis erit zelo illorum de quibus con-
Rom. 10. querebatur. Apostolus dicens, quod
amulationem Dei haberent, sed non se-
cundum scientiam: importabilis autem
est Zelus absque scientia, ut monet San-
Ser. 49. ctus Bernardus, qui recte addit, ubi
in cont. ergo est vehemens amulatio, ibi maxime
discretio est necessaria, qua est ordinatio
charitatis. Semper quidem Zelus absque
scientia minus efficax minusque utilis in-
venitur, plerumque autem & perniciosus
valde sentitur: quo igitur Zelus feruidior,
ac vehementior spiritus, profusiorque cha-
ritas, eo vigilantiori opus est scientia, qua
Zelum reprimat, spiritum temperet, ordi-
net charitatem.

Secunda est, ut cum magna animi
Cant. 8. fortitudine iunctus sit, fortis enim est
ut mors dilectio, dura sicut infernus amu-
latio: Durus est zelus, inquit S. Am-
Ser. 18. brosius, quem vita huius nulla vincit
illecebra, durus sicut inferi, per quem
peccato morimur, vinimus Deo, & San-
Hom. 5 2 ctus Chrysostomus describens qualis
in Act. fit ille qui zelo eiusmodi forti & con-
stanti animatur, sic loquitur; Is qui il-
lo igne Christi incensus fuerit, tentationes
sic

sic contemnit, & flagella & carceres, quasi in alieno corpore pateretur, vel quasi animantulum possideret corpus: qua autem suavia sunt in hac vita videt, atque ad ea sic afficitur, quasi corpore mortuus esset. Sane opus est animis, & pectore firmo, quando necesse est prauis hominum consuetudinibus oblucri, peccatorum desiderijs resistere, minis non cedere, contradictiones ac persecutiones interdum acerbissimas tollerare potius quam à veritatis, aut iustitiæ via vel minimum deflectere: hæc autem animi firmitas non in nobis querenda est, sed ab eo suppliciter exposcenda, qui quem voluerit potest spiritus sui virtute roborare, ac dare in columnam ferream & murum æreum, regibus, & principibus & populo terra.

Tertia zeli conditio proximæ affinis, est, ut cum de gloriæ Diuinæ propugnatione & propagatione agitur in solum Deum respiciatur, nec ullatenus acquiescaturni carni aut sanguini: ita se gessisse testatur Apostolus, ubi Diuina reuelatione illustratus, prædicandi Euangelij missionem calitus accepisset; & ita vniuersis Discipulis suis faciendum esse præscripsit ipse Dominus, cum ait, Si quis venit ad me, & non odit patrem & matrem, fratres & sorores, adhuc autem & animam suam non potest meus esse discipulus, Zelum qui habent.

Galat. i.

Luc. 14.

In Psal. *118.* *Ser. 18.* *bent, inquit S. Ambrosius, omnes sibi inimicos putant, qui sunt hostes Dei; quamvis patrem, matrem, fratres, sorores, &c.*

Matth. *10.* *Quanta vero sit huius conditionis necessitas, hinc patet quod Sacerdotis zelo diuino exardescentis præcipui ut plurimum & maximè cauendi inimici, ut ipsemet Christus monet, sunt domestici eius, propinqui, affines, cognati, amici sæculares, à quibus sæpè in via Domini non minimam turbationem accipit. Quot enim in muneribus & dignitatibus Ecclesiasticis videre est, aliòquin probos, plurimisque virtutibus ornatos, qui tamen amicorum precibus, propinquorum desiderijs, familiaris commoditati & utilitati, reluctari non valent, & sic sæpius ad plurima contra officij sui debitum permittenda, admittendaque, & interdum commitenda vel inuiti pertrahuntur.*

Ps. 118. *Quarta denique veri zeli conditio est, ut malis quibus mederi non potest, ingemiscat; & si nihil aliud valet, saltem cordis dolorem & lachrymas sinceræ charitatis testes Deo offerat; sic Regius Psalter dicebat, *Tabescere me fecit zelus meus, quia obliui sunt verba tua inimici mei*, & Sanctus Apostolus, *Tristitia inquit, mihi magna est & continuus dolor cordi meo, optabam enim**

enim ego ipse anathema esse à Christo pro
 fratribus meis, & ipse Dominus Iesus, Luc. 19.
 videns civitatem fleuit super illam, dicens,
 quia se cognovisses & tu, & quidem in
 hac die tua qua ad pacem tibi: nunc au-
 tem abscondita sunt ab oculis tuis, quia
 ecce venient dies in te, & circumdabunt te
 inimici tui vallo, &c. Sic igitur verus
 Diuinę glorię, humanęque salutis ze-
 lator, quando Maiestatem diuinam,
 peccatorum contumacia inhonorari,
 quando animas perire, inimicos Dei
 insolescere, & mala augeri ac præua-
 lere videt, velut Angelus pacis amarę
 flet, ac in vmbra alarum Diuinę pro-
 tectionis se recondit, donec transeat
 iniquitas.

CAPVT XII.

*De Prudentia Christiano Sa-
 cerdoti necessaria.*

QUod in zelo, & correctione fra-
 terna prudentiam ac discre-
 tionem requiri iam diximus, id etiam
 in plerisque alijs, imo in omnibus vir-
 tutibus similiter asserere debemus;
 cum ad prudentiam pertineat qua-
 rumcumque virtutum medium præsti-
 tuere.

tuere, easque in actibus suis dirigere :

Ser. 49. discretio siquidem, ut ait S. Bernardus, in can. omni virtuti ordinem ponit, ordo modum tribuit, & decorem, & etiam perpetuitatem.

Ibid. Quare inter alias virtutes Sacerdotis Christiani proprias hanc merito reponimus, quæ, ut idem S. Pater loquitur, est *ceterarum virtutum moderatrix, ordinatrixque affectuum, & morum doctrix, quæ sublata, virtus non iam virtus sed vitium erit.*

Hom. 12. S. Basilij, eorum quæ agenda vel non agenda sunt cognitio; quam si quis recte sectatus fuerit numquam ab officio, virtuteque discedas, nunquam vitiorum pestem incurret.

Rom. 8. Non enim hic agimus de falsa & adulterina prudentia, quam Apostolus vocat, *prudentiam carnis*, quæ nihil nisi humanum & temporale spectat, propriisque commodis, propriæ utilitati & ambitioni iugiter inuigilat, atque ad id humanis medijs, humano artificio adnuitur. Hæc siquidem prudentia *mors est*, ut idem Apostolus testatur, quia *Deo inimica est.*

Sed loquimur de vera illa & supernaturali prudentia quam Dominus Discipulis suis in Evangelio commendauit, & columbinæ simplicitati sociandam esse præscripsit; dicimusque Christiano Sacerdoti virtutem hanc esse maximè necessariam, tum ad ritè obsequi-

obeunda officia ministerij sui propria ,
tum ad vitandos innumeros propè de-
fectus, qui, nisi prudentia moderetur
ea quæ agenda sunt, sæpissimè incur-
runtur.

Sanè cum ad Sacerdotem pertineat
dijudicare inter lepram & lepram, in-
ter sanguinem & sanguinem, inter
causam & causam; cum ipsius sit, vt
in Concilio Tridentino dicitur, pro
qualitate criminum, & poenitentiarum
facultate, quantum spiritus & pruden-
tia suggererit salutare & conuenien-
tes satisfactiones iniungere: Cum
eius labia custodiant scientiam, & ab
eius ore legem requirant alij fideles;
cum inquam ipsius sit in doctrina fidei
& morum, separare pretiosum à vili,
verum à falso, corruptum à sano, he-
terodoxum ab orthodoxo, iustum
ab iniusto; quis non videt illum nisi
vera serenaque & Euangelica pruden-
tia polleat, non modo sibi ipsi, sed
& alijs pluribus periculosissimè noci-
turum esse: Sicut è contra, affulgen-
te illius virtutis luce, non modo secu-
rè ac tuto sibi consulere, sed & salu-
briter alijs providere, manumque
adiutricem vtiliter porrigere pote-
rit.

Vt igitur Sacerdos qui velut alter
Dauid nunc ingreditur ad Dominum,
nunc egreditur ad populum, in om-
nibus

Deut. 17

nibus vijs suis prudenter agat, hunc discretionis ac prudentiæ spiritum à Deo in primis suppliciter exposcat: neque enim à proprij ingenij viribus, doctrina, aut sola humana experientia eruenda est prudentia illa, sed ex ipso fonte sapientiæ in excelsis haurienda: *optasti*, inquit hominum sapientissimus, & *datus est mihi sensus; innocasti, & venit in me spiritus sapientia.*

Sap. 7.

Tum virtutis huius impedimenta tollere à se studeat, quorum præcipua sunt, passio, præcipitatio, pertinaciâ: adde etiam vitia omnia, præsertim vero ea quæ temperantiæ aduersantur: nam passio obscurat mentem, præcipitatio impellit in devia pleraque, & abrupta, nec vlla præuisione uti finit, pertinacia obstruit aditum bonis consilijs, & peccatum quodcumque tenebras in animam offundit.

Lib. 2. Vnde præclare S. Ambrosius in acqui-
rendis, inquit, consilijs, plurimum ad-
offic. cap. iungit visa probitas, virtutum preroga-
12. tina, frugalitatis gratia: quis enim in cœ-
no fontem requirat? quis ex turbida
aqua potum petat?

Deinde legem ipsam diuinam tanquam omnium consiliorum suorum regulam sibi præstituatur, ad cuius amussim omnis eius cogitatio, deliberatio, & resolutio semper & vbique dirigatur.

rigatur: iuxta illud Psalmistæ; *Testi-* Ps. 118.
monia tua meditatio mea est, & consilium
meum iustificaciones tua; seruus siqui-
 dem prudens non erit nisi sit fidelis;
neque est prudentia sine iustitia, vt ait
 S. Ambrosius, & *pietas in Deum initium* Lib. 1. de
intellectus. Vnde postquam Scriptura offic. cap.
 dixit, *pete à Domino vt vias tuas dirigat,*
 addit, & *consilia tua in ipso permaneant.* 27.
 Quare hoc primum in quibuscumque Tob. 4.
 consilijs, consultationibus, delibera-
 tionibus, semper & vbique spectet, vt
 nihil diuinæ legi aduersetur; imo vt
 omnia diuinæ voluntati concordent.
 vtque in omnibus id fiat, quod magis
 Deo placitum & honorificum esse
 dignoscetur.

Postea eorum, quæ agenda vel
 omittenda sunt, inquisitionem, &
 considerationem sedulam, & pro ra-
 tione negotij conuenientem adhibe-
 at: *Sapiens enim* (vt ait S. Ambrosius)
vt loquatur, multa prius considerat, quid
dicat, aut cui dicat, quo in loco, quo
tempore, & in summis quidem rebus
 (inquit S. Gregorius) *citum non oportet*
esse consilium: in quibus sua prudentia
 inniti non debet, nec esse sapiens apud semet-
 ipsum. Nusquam enim maius errandi
 periculum, quam cum pertinaciter
 quis propriæ sententiæ adhæret, *hæc*
siquidem in proprio sensu obstinatio veluti
lepra quadam est, vt loquitur S. Ber-

Lib. 1.
 offic. c. 17.
 10.

Lib. 2.
 epist. 6.

nardus, eo perniciosior quo magis occultata, & quanto plus abundat, tanto sibi quisque sanior esse videtur: hac illorum est qui sequentes errorem suum, & obstinati in eo, nullis volunt acquiescere consilijs; hi sunt unitatis diuisiones, inimici pacis, charitatis expertes, vanitate tumentes, placentes sibi, & magni in oculis suis. Quare sicut leuitas cordis, & ad credulitatem nimia facilitas admittenda non est, sic etiam ea quæ ad aliud extremum vergit, pertinacia, & in proprio sensu obstinatio sollicitè deuitanda.

Quando igitur aliqua ratio subest sibi ipsi suæque prudentiæ diffidendi, in rebus præsertim grauib; & arduis, tunc eiudem prudentiæ erit, sapientum ac piorum adhibere consilia: *qui enim sapiens est audit consilia, & ubi multa consilia, salus: Porro quoad hoc, amici tibi sint plurimi, consiliarius autem unus de mille: delectu siquidem opus est, nam amicus fidelis medicamentum vite & immortalitatis; qui autem metuit Dominum, inuenient illum.*

Prou. 12
Ecclos. 6
Ecclos. 6

Demum ubi consultum ac deliberatum diu satisque est, ubi consultatione ac deliberatione, cognita & perspecta est diuina voluntas; ad executionem sine vlla dilatione veniendum est: docet enim S. Thomas solere, interdum accidere, vt quod rectè iudica-

2. 2. qu.
 51. art.
 3. ad 3.

dica-

dicatum est differatur, vel negligenter agatur, vel inordinatè, & ideo post virtutem quæ est bene iudicatiua, necessaria est finalis virtus principalis, quæ est bene præceptiua.

Scientia ergo nostræ (inquit S. Grè. Hom. 19 gorius) crescat ad fortitudinem, ut cum in Ezevidet quid agendum sit, hoc agere per mentis fortitudinem possit; ne timore trepidet, & pauore collapsa non valeat bona peragere, quæ sentit.

CAPVT XIII.

De modestia quæ Christianum Sacerdotem decet.

Modestia quæ dicta est à modo *Ambrosius lib. 1. offic. c. 18.* sciendi quod decet, virtus est, quæ ex optima quadam animi dispositione ortum ducens, exteriorem hominis habitum, gestum, vniuersosque illius actus debitè componit, itaut exinde proximus ædificari possit.

Quantum autem hæc modestiæ virtus Sacerdotem Christianum deceat, vel hinc patet, quod Christus Dominus in primo ad Discipulos suos sermone, hanc præsertim illis commendat: *Vos (inquit) estis lux mundi, non potest civitas abscondi supra montem.* *Matt. 5.*

posita, neque accendunt lucernas, & ponunt eam sub modio, sed super candelabrum ut luceat omnibus, qui in domo sunt: sic luceat lux vestra coram hominibus, &c. Quibus verbis eos oculis omnium expositos, & veluti mundo, Angelis, hominibus spectaculum factos, admonet ita se exterius gerere, & tanta modestia, sermones, actusque suos componere, ut qui eos viderint ad Deum glorificandum excitentur.

Quod autem ipse Dominus eos verbo docuit, hoc etiam exemplo confirmavit; tanta siquidem in eius vultu, habitu, incessu, & quocumque actu effulset modestia, ut simul admirationem, reuerentiam, amoremque in se omnium prouocaret; certè infen-

Luc. 4. sissimi æmulatores, mirabantur in verbis gratia quæ procedebant de ore eius: & maiestas quadam diuinitatis occulta, ut

In cap. 9 obseruat S. Hieronymus, in eius facie
Matth. relucebat, quæ illum videntes, ex primo etiam trahere poterat aspectu.

Ac demum S. Apostolus tanquam fortissimum argumentum ad permouendos Corinthios adhibere volens:
2. Cor.
10. *Obsecro vos* (inquit) *per mansuetudinem & modestiam Christi.* Has scilicet virtutes illis proponens, & in medium adducens, quæ maximè in Christo dum inter mortales ageret, eluxerant; & quibus ipse omnibus hominibus, sed
maxi-

maximè discipulis ac fidelibus suis se-
se & amandum & reuerendum exhi-
buerat.

His Christi Domini verbis, exem-
plisque adiungere possumus Ecclesie
vocem, quæ in Concilijs, Sacerdotes,
Clericosque ad hanc modestiæ virtu-
tem excolendam non modo hortatur,
sed & præ cæteris Christianis pecu-
liari ratione obstrictos esse declarat.

In Concilio Moguntiaco edicitur, ut
Clerici à vulgari vita seclusi, non vagis
oculis, non effreni lingua, aut potulanti
fluidoque gestu, tumidoque gressu inco-
dans, sed pudorem & veracundiam men-
tis, simplici habitu, incessuque ostendant.

Cap. 1.
de vita
Cleric.

In Concilio Tridentino declaratur, *Sess. 22.*
sic decere omnino Clericos vitam moresque
suos omnes componere, ut habitum, gestum, res,
incessum, alijsque omnibus rebus, nihil nisi
grave, moderatum ac Religione plenum
præ se ferant.

Huc facit id quod sanctus Ambro-
sius refert libro primo officiorum, ubi
„Clericos suos alloquens. Meministis
„(inquit) filij, quendam amicum
„cum sedulis se videretur commen-
„dare officijs; hoc solo tamen à me
„non receptum, quod gestus illius
„plurimum dedeceret. Alterum
„quoque cum in Clero reperissem,
„invisisse ne vnquam præiret mihi, quia
„veluti quodam insolentis incessus

„verbere oculos feriret meos : nec
 „fessellit sententia , vterque enim ab
 „Ecclesia recessit , vt qualis incessu
 „prodebatur , talis perfidia animi de-
 „monstraretur : nam alter Arianæ in-
 „festationis tempore fidem dese-
 „ruit ; alter pecuniæ studio , ne iudi-
 „cium subiret , Sacerdotem se no-
 „strum negauit : lucebat in illorum
 „incessu imago leuitatis , & species
 „quædam scurrarum præcursantium .

Cum igitur ex his tum authoritati-
 bus , tum exemplis constet , modestiæ
 virtutem in Sacerdotis , & cuiusvis
 alterius Ecclesiastici viri actibus qui-
 buscumque elucere debere : viden-
 dum est qua ratione id fieri possit ,
 quod vtique melius ac certius non
 perspiciemus , quam si sedulo atten-
 damus ad ea , quæ sancti Patres de
 virtutis huius praxi edixerunt .

In primis circa modestiam in vesti-
 tu à Sacerdote Christiano seruandam ,
 „monet S. Basilii : Quo d sicut pecu-
 „liari quidam in vestitu est ornatus
 „militis , alius Senatoris , itemque
 „alius aliorum , vnde vt plurimum
 „de dignitate eorum capitur conie-
 „ctura ; sic decorum est hominem
 „sacris ministerijs addictum , in ve-
 „stitu etiam præcipuum aliquid à
 „cæteris seruare , per quod ab Apo-
 „stolo traditum modestum illum or-
 natum

In Re-
 gul. fus.
 disp. 94.
 22.

„natum conseruet: *Et alibi distinctius*
 „*id explicans*: Tunica, *inquit*, seu ve- *Epist. 1.*
 „stis talaris cinctu appressa sit corpo- *ad Gre-*
 „ri, & astricta; cinctus neque mulie- *gor.*
 „brem in modum ilia exuperet, ne-
 „que præluxus tunicam fluxam effi-
 „ciat. Vnum hoc sit solummodo ve-
 „stitus propositum, operimentum,
 „vt existat, ab æstus, frigorisue iniu-
 „ria corpus defendens: & *alio in loco,* *qu. sup.*
 „calceamentum nihil præ se ferat cu- *citato.*
 „riositatis, minimoque sumptu para-
 „ri possit, & ad necessarium modo
 „vitæ vsum sit satis.

„Vilis tunica, *inquit S. Hieronymus,* *Epist. 4.*
 „contemptum sæculi probet, ita *ad Ru-*
 „duntaxat, ne animus tumeat, ne *stic.*
 „habitus, sermoque dissentiant: *Es*
 „*alibi monet*, ornatum vt sordes pari
 „modo fugiendas esse, quia alterum
 „delicias, alterum gloriam redolet.

„Circa modestiam in gestu, inces- *Lib. 1. of*
 „su, & alijs exterioribus actibus seruan- *fic. cap.*
 „dam, sic loquitur S. Ambrosius: *18.*
 „Est etiam in ipso motu, gestu, in-
 „cessu tenenda verecundia, habitus
 „enim mentis in corporis statu cerni-
 „tur: hinc homo cordis nostri ab-
 „sconditus aut leuior, aut iactantior,
 „aut turbidior, aut contra grauior,
 „& constantior, & purior, & matu-
 „rior æstimatur.

„Incessus (*inquit S. Basilus*) esse *Epist. 1.*

ad Gre-
gor.

Ibid.

„debet nec segnis, ne animum diffolu-
„lutum declaret, nec rursus insolent-
„ter incitatus, ne concitatos impetus
„animi significet.

„Circarisum & cachinnos idem mo-
„net, illud præsertim cauendum,
„esse ab ijs qui pietati student, ne in
„risum præter modum effusi sint, quia
„risus immoderatus, intemperan-
„tiam quandam mentis significat, &
„in immanes cachinnos prorumpere,
„& corpore subsultare, nequaquam
„est eius qui animo composito sit,
„& compote sui: certè Scriptura monet,
„quod fatuus in risu exaltat vocem
„luam, sapiens autem vix tacitè
„ridebit.

Lib. 1. of
fic. cap.
18.

„Circasermonem: Ne modum lo-
„quendi prætergrediaris (inquit S. Am-
„brosius) ne quid indecorum sermo
„tuus resonet: ipeculum enim men-
„tis plerumque in verbis refulget:
„ipsam itaque vocis sonum libret mo-
„destia, nec cuiusquam offendat au-

Orat. de
mode-
rat. ser-
mand. in
disput.

„rem vox fortior. Et S. Gregorius Na-
„zianzenus monet, parcè ac moderatè
„de rebus diuinis loquendum esse,
„aitque modestiæ contrarium esse in
„diuinis disputationibus principatum
„ac magisterium sibi vendicare, ac
„supra alios supercilium attollere, vbi
„humilitas non solum gloriam habet,
„verum etiam securitatem.

Et

Et S. Prosper varia modestiæ officia simul congerens dicit, illius virtutis esse, quod reverentiam Senioribus exhibemus, æquales germanicus honoramus, inferioribus gratiam paternæ dilectionis impendimus; quod prestamus Seniori silentium; quod non attollimus immoderatum in colloquutionibus sonum; quod risus prurumpere in cachinnum non permittimus.

Lib. 3. de
vit. con-
templat.
cap. 20.

Sanctus Basilii similiter Ascetam, ac potiori adhuc ratione Christianum Sacerdotem de modestia in omnibus servanda instruens: Oportet, inquit, esse corpore quietum, non sordidum, sed honestum, voce moderatum, sermone compositum, in cibo potuque minime turbulentum, sed sedatum potius & gravem, cum maioribus natu silere, non esse ad risum vacillum, oculos habere ad terram deiectos, animum vero ad cælum erectum.

Serm. de
Ascese.

Denique S. Augustinus, In incessu, In Re- inquit, statu, & in omnibus moribus & gestibus nihil fiat quod cuiusquam offendant aspectum, sed quod deceat sanctitatem: oculi etsi incurrant in aliquam faminarum, figantur in nulla: non sit notabilis habitus, nec affectetur vestibus placere, sed moribus.

Cum vero in omnibus & ubique Christianus Sacerdos modestiam servare debeat, tum maximè quando in Ecclesia sacris operatur, aut divinis

interest officijs; aut etiam quando cum personis Laicis versatur, tunc enim
Tit. 2. iuxta monitum Apostoli, seipsum pra-
 bere debet exemplum bonorum operum
 in integritate, in gravitate, verbum sa-
 num, irreprehensibile, ut is qui ex aduer-
 so est vereatur, nihil malum habens dice-
 re de nobis.

CAPVT XIV.

De castitatis Sacerdotalis
custodia.

Lib. de Virgin. cap. 13. **C**astitas (inquit S. Augustinus) est
 in carne corruptibili incorruptio-
 nis perpetua meditatio. Et huius quidem
 virtutis merito & gratia, ut loquitur

Lib. 6. instit. Cassianus, carnales homines spiritu libus
 Angelis imitatione conversationis aquan-
 tur; & per hanc adhuc in terra degentes
 habent (iuxta Apostolum,) municipa-
 tum in caelis; quod deposita corruptela
 carnali habituros sanctos promittitur in su-
 turum, hic iam in carne fragili possidentes.

Differunt quidem inter se homo pudicus
Epist. 42. & Angelus, (ut obieruat S. Bernardus,) sed
 felicitate, non virtute, etsi enim huius
 castitas felicitior, illius tamen fortior esse
 cognoscitur.

Cum

Cum igitur Sacerdos sit Angelus Domini exercituum, & ad Angelica ministeria, erga Deum obeunda destinatus, eius proinde dignitati ac officio maximè conuenit, ut in illa virtute quæ Angelorum propria est, excelsat; utque non modo castitatem, sed quantum poterit castitatis ipsius perfectionem assequi toto voluntatis studio enitatur.

Sanè in varijs Consilijs Ecclesiæ tulit, sæpiusque confirmauit legem de continentia perpetua ab ijs seruanda qui sacro aliquo ordine initiati essent; nec modo legem, sed & solempne illius asseruandæ votum ipsius sacri ordinis susceptioni adnexum esse voluit; idque ratione tum infinitæ Sanctitatis ipsius Christi Domini, cui in Sacrificio propiores assistunt; tum sacrarum ac prope diuinarum functionum quas exercent, tum etiam sollicitudinis ac curæ præcipuæ quam Ecclesiarum incolumitati, fideliumque saluti procurandæ impendere debent: *qui enim sine uxore est* (inquit Apostolus) *sollicitus est quæ Domini sunt, quomodo placeat Deo, qui autem cum uxore est, sollicitus est quæ sunt mundi, quomodo placeat uxori, & diu. sus est.* 1 Cor. 7

Ut ergo virtutem hanc integram, illibatamque inter tot vitæ præsentis illecebras custodire queant Sacerdotes,

tes, alijque sacri Ecclesiæ ministri, hæc, quæ sequuntur monita è Sanctorum Patrum libris selecta plurimum conferre poterunt.

Epist. 22 In primis auscultandus est D. Hieronymus sic loquens, *Ecce magnis in hac vita inimicorum circumdamur agminibus; hostium plena sunt omnia; caro fragilis, & cinis futura post modicum, pugnat sola cum pluribus; non quarit diabolus homines infideles, & eos qui foris sunt; & quorum carnes Rex Assyrius in olla succendit, de Ecclesia Christi rapere festinat, esca eius secundum Abacuc electa sunt; Iob subvertere cupit, & denotato Iuda ad cribrandos Apostolos expetit potestatem.* Quare hoc primum statuendum apud se nullam hic sibi potlicendam esse securitatem, nullam pacem sperandam inter tot & tam acerbos hostes, sibi proinde inuigilandum, & media omnia sedulo adhibenda quibus virtutis illius thesaurum, quem in vasis fictilibus circumferimus saluum & illæsum custodire valeamus.

Sap. 8. Cum vero (ut ait Scriptura) nemo
Lib. 6. possit esse continens nisi cui Deus dederit;
Insistent. ac. (ut monet Cassianus) impossibile sit hominem suis, ut ita dicam, pennis ad præcelsa huius virtutis præmium euolare, nisi eum gratia Domini de terra cæno eue-
Sup. xerit. Idcirco iuxta Sapientis moni-
 tum,

tum, *adeundus est Dominus & ex totis*
præcordijs deprecandus, idque exemplo
 S. Apostoli, qui cum stimulum carnis
 periret, & ab Angelo Sathanæ co-
 laphisaretur, sæpius Dominum roga-
 uit ut discederet ab eo. Ad oratio-
 nem igitur recurrendum est, orationi
 insistendum, siue temptationis tempore,
 ut Deus opem ferat, siue extra tem-
 pus temptationis, ne in temptationem in-
 trare permittat.

Quod si nihilominus urgeat aduer-
 sarius, eiusque infestatio perseveret,
 exequendum erit id quod suadet Apo-
 stolus, *Resistite*, inquit, *Diabolo, &*
fugiet à vobis, ipsi proinde circumeun-
 ti, & quem deuoret quærenti fortiter
 in fide resistendum, ac præsertim,
 ipsius temptationis, v. g. suggestionis
 alicuius immundæ subrepentis initio,
 colligendæ vires, & repellendus ho-
 ris, & (ut loquitur S. Cyprianus) *Sermo de*
primis diaboli titillationibus obuiandum *ieiunio*
est, nec coluber foueri debet, donec in *Orat.*
serpentem formetur. Nolo, inquit San-
 ctus Hieronymus, *sinas cogitationem* *Epist. 22*
crescere, nihil in te Babylonum, nihil con-
fusionis adolescat, dum parvus est hostis
interfice. Et hoc eo fidelius fortiusque
 præstandum est, quo solius cogitatio-
 nis peccata, eaque oeculeissima, non-
 nunquam (ut monet Concilium Tri- *Sess. 14.*
 dentinum) *animum grauius sauciant*, *cap. 3.*

& periculofiora sunt ijs qua in manifesto admittuntur.

Verum optimus in hoc belli genere pugnandi & vincendi modus est fugere; fugere inquam, non modo mulierum colloquia, conuerfationes, afpectus, aliasque illecebras eiusmodi & occasiones, de quibus poſtea in quarta huius operis parte plenius agetur: ſed etiam fugere tentationem, pugnamque ipſam quantum fieri poteſt detrectare, non defectu animi, ſed ſtudio humilitatis: *contra libidinis im-*

Serm. 2. perum; (inquit Sanctus Auguſtinus)
Domini. apprehende fugam, ſi vis obtinere victo-
nic. 25. riam; nec tibi verecundum ſit fugere,
poſt Trinit. ſi caſtitaſis palmam deſideras obtinere.

Si ergo perſpicias v.g. te aliquem librum legendo, aut tabellam vel quid ſimile inſpiciendo, aut aliquid audiendo, vel parua aliqua temporis mora otiaſcendo, vel alia qualibet de cauſa, tentationibus contra caſtitaſtem impeti, citò deſpone librum, auerte oculos, occlude aures, laborem intermiſſum repete, & quamcumque ſimilem occaſionem quantumvis parua ſollicitè deuita. Sic caſtus Joſeph (ut notat S. Ambroſius) *ne ipſa quidem verba diu paſſus eſt; contagium enim indicauit ſi diutius moraretur.*

Lib. de S. Joſeph. Denique ſenſuum, præſertimque oculorum mortificatio, carniſque caſtiga-

stigatio per ieiunia, vigilias, aliasque
similes corporis afflictationes volunta-
rie assumptas (de quibus proxime
sequenti capite aliquid dicetur) op-
timus & saluberrimus erit castitatis
seruandæ modus. Nec omittendum
illud, quod sapiënter obseruat D. Chry-
sostomus, *animum ipsum feriri ac com-
moueri, non impudica tantum, sed etiam
pudica mulieris oculo*. Proindeque au-
scultandum sapientis monitum, *Vir-
ginem ne conspicias ne forte scandaliseris
in decore illius*. Et sancti Hieronymi
consilium nequaquam negligendum,
qui ad Nepotianum suum scribens, in
eiusque persona vnumquemque Ec-
clesiæ ministrum admonens; *Officij
tui est, inquit, non solum oculos castos
custodire, sed & linguam; nunquam
de formis mulierum disputes, &c.*

*Lib. 6. de
Sacerd.
cap. 5.*

Eccl. 9.

*Epist. ad
Nepor.*

*Epist. ad
Anar.
Battor.
Card.*

Optimè S. Carolus Borromæus ad
personam quandam Ecclesiasticam
in eminentissimo gradu constitutam
scribens, cum præter alias virtutes in
hoc sanctissimo statu castimoniam &
quidem singularem omnino exigi dixis-
set: adiunxit. *Hanc vero nunquam
assequeris, nisi te carnis maceratione af-
flaueris, sensus omnes compresseris,
otium ut pestem fugeris; denique nisi in
huius domi pulcherrimæ conseruationem,
quod Deus tibi custodiendum dedit, om-
nem animi ac mentis tua vim intenderis:*

mi-

mirum est enim quam facile ab ijs deper-
datur, qui in eius conservationem non
in vigilanti, nec aliam ob causam S. Pau-
lus Timotheum quem ab infanzia educa-
uerat, sacrasque litteras edocuerat, qui
corpore erat imbecillo & infirmo, qui ieiun-
ijs & aqua potu carnis petulantiam fre-
gerat, tam serio monet ut seipsum castum
custodiat.

CAPVT XV.

De mortificatione Sacerdoti Christiano pernecessaria.

Ser. 52.
in Cāt.

MORTIFICATIONIS nomine intelli-
mus virtutem illam, quæ nos
peccato prauisque eius affectibus ac
dispositionibus quibuscumque facit
emori, ut Deo eiusque voluntati viu-
amus, de qua quidem morte S. Bernar-
dus, *Vtinam*, inquit, *hac morte fre-*
quenter cadam, ut eundem laqueos mor-
tis; ut non sentiam vita luxuriantis mor-
tifera blandimenta; ut non obstupescam
ad sensum libidinis, ad æstum auaritia,
ad iracundia & impatientia stimulos, ad
angores sollicitudinum & molestias cura-
rum. Moriatur anima mea morte iusto-
rum, ut nulla illum illaqueet fraus, nul-
la

la oblectet iniquitas; bona mors, qua vitam non aufert, sed transfert in melius.

Est autem hæc mortificationis virtus duplex; vt docet D. Augustinus, vna quæ corpus, altera quæ animum spectat; & vtrique Christiano Sacerdoti pernecessaria; *omnis enim qui in agone contendit ab omnibus se abstinet, vt monet Apostolus; quis autem ad pugnandum in agone huius vitæ magis expositus & obligatus quam is qui ex officio & munere suo, non tantum pro se, suaque salute, sed & pro alijs, ac etiam pro ipsa Ecclesia colluctari debet, aduersus Principes & potestates, aduersus mundi Rectores tenebrarum harum, contra spiritualia nequicia in cœlestibus. Ideoque idem Apostolus formam illius virtutis in seipso Christi militibus imitandam proponens; Ego igitur, inquit, sic curro non quasi in incertum, sic pugno non quasi aerem verberans, sed castigo corpus meum, & in seruitutem redigo, ne forte cum alijs predicauerim, ipse reprobusefficiar.*

In sermo. de Sanctis ser. 1 de S. Ioan. Bapt. 1. Cor. 9

Sup.

Certe quod de alia persona dixit idem Apostolus, hoc nos longe potiori ratione de quocumque Sacerdote dicere possumus; Sacerdos qui in delicijs est, viuens mortuus est; nomen est illi quod viuat, sed mortuus est.

1. Tim. 5. Apoc. 3.

Necesse est ergo illi si vita Christi viuere velt, vt iuxta monitum eiusdem

dem

dem Apostoli mortificationem Christi Iesu semper in corpore suo circumferat, ut mortificet membra sua super terram, idque non modo ad edomandas quascumque prauas habitudines, seu naturæ corruptæ inclinationes, aut ad propriam voluntatem diuinæ voluntati perfectius subiiciendam; progressumque in virtutibus faciendum: *Coloss. I* sed etiam, ut adimpleat in corpore sua quæ desunt passioni, Christi, idque non modo pro se, suorumque peccatorum satisfactione, sed etiam pro alijs, sicq; ipsi Christo cōformis efficiatur, certissimam inde arham educens quod si compatitur, etiam conglorificabitur.

Porro quæcumque huius virtutis excitatio & praxis potest maioris facilitatis gratia ad hæc duo verba reduci. *abstine, sustine*, quæ olim ab Ethnico Philosopho prolata, istic à nobis in sensu Christiano accipientur, itaut Sacerdos mortificationis studiosus in hisce duobus verbis probè intellectis, & ad praxim fideliter redactis, huius virtutis summam reperire possit.

Primum igitur hoc apud se firmiter statuatur, ut quandocumq; agatur non solum de peccato quocumq; vitando, sed etiam de opere aliquo virtutis exercendo, v.g. de ministerio aliquo Ecclesiastico exequendo, de poenitente iuuando, de paupere instruendo, de Sacramē-

to aliquo ministrando: demum quoties aliquid peragendum occurrit, quod Deo gratum & acceptum esse cognoscitur, & aliqua oblectationis, seu propriæ commoditatis aut vtilitatis illecebra ob stare & auertere perspiciatur, tunc libentissimè ab illa quacumque vtilitate aut commoditate seu oblectatione abstinendum est, vt opus illud bonum sedulò ac fideliter perficiatur, idque amore illius qui vt nostræ salutis opus absolueret, immensis cœli gaudijs & voluptatibus per tot annos quibus inter mortales vixit, seipsum abdicauit.

Et hoc est quod ipsemet Christus Dominus in Euangelio sæpius discipulos suos edocuit, cum ijs qui se subsequi vellent, abrenuntiationem omnium quæ ab ipsis possiderentur, abnegationemque sui ipsius proposuit, quæ abrenuntiatio alias in scripturis ablaetationis nomine, aut etiam expoliationis designatur.

Certe in Concilio Turonensi termin. 811
tio edicitur, *Dei Sacerdotes abstinere can. 7.*
debere ab omnibus quacumque ad aurium & oculorum pertinent illecebras, unde animi vigor emolliiri posse credatur.


Quamuis autem ea quibus interdum abstinendum erit parua videantur, ipsa tamen virtus per quam abstinetur non est exigui apud Deum meriti. Certe
in

in scripturis laudatur David, quod in ardentissima siti, aquam sibi à cisterna Bethlemica allatam bibere noluerit, eamque in terram effuderit, quam idcirco ipse dicitur libasse Domino: ut ostendatur, calicem aquæ frigidæ non modo in eleemosynam porrectum, sed & propter Deum abstinendi gratia effusum, mercede sua coram Deo priuandum non esse.

Secundum, ad quod mortificationis praxim reduci diximus, est ut quodcumque similiter agitur de peccato quocumque vitando, vel virtutis actu exercendo, aut quouis opere perficiendo quod Deo acceptum esse credatur; & idcirco aliquod corporis incommodum, aut animi tedium perpeti necessarium est, v. g. si ut ægroto spirituale aliquod subsidium, aut solatium præstetur, nox aliqua insomnis ducenda sit, aut incommodum aliquod fœtoris vel frigoris subeundum; si ad confessiones in Xenodochijs, aut carceribus excipiendas, aut rudes & ignaros in poenitentiae Sacramento iuuandos, aut dissidentes inter se reconciliandos, discordiasque sopiendas & sedandas iras, alicuius opera desideretur, variaeque occurrant difficultates, animique molestiae in his charitatis operibus tolerandæ, tunc virtutis illius de qua loquimur par-

partes erunt, in his & similibus quibusuis casibus, ad sustinenda eiusmodi & alia quaecumque acerba & molesta, obfirmare animum; & non libenter modo; sed etiam gaudenter aliquid pro illo perpeti, qui tot & tantos dolores nostri causa suscipere & experiri voluit.

Neque solum quando instat peccatum aliquod deuitandum, aut bonum opus exercendum id præstare conuenit, sed etiam huius virtutis exercendæ gratia expedit quandoque plurimorum Sanctorum exemplo, quibusdam corporis afflictionibus sponte susceptis exerceri, tum vt ad vim aliquam nobis ipsis inferendam cum opus fuerit assuescamus, memores illius effati, quoniam *regnum cælorum* *Matth. 11.*
vim patitur & violenti rapiunt illud;
 tum etiam vt eo magis conformes efficiamur Christo Domino qui fuit *vir dolorum, ac sciens infirmitatem;* *Isa. 53.*
 siquidem, quos Deus præsciuit, hos & *Rom. 8.*
prædestinavit conformes fieri imaginis filij sui.



CAPVT XVI.

De patientiæ virtute à Christiano Sacerdote peculiari studio conſeſtanda.

2. Tim.
cap 3.
In Pſal.
55.

Ioan. 15

Sicut mortificatio ſpõte ſuſceptas, ſic patientia ab alijs illatas aut diuinitus immiſſas animi corporiſue moleſtias æquo animo tolerare docet; quæquidem cuilibet Sacerdoti piè ac fideliter cunctas muneris ſibi impoſiti partes implere volenti nuſquam deerunt, *Omnes enim* (vt moner Apoſtolus) *qui volunt piè viuere in Chriſto Ieſu, perſecutionem patientur*, ſuper quæ verba appoſitè S. Auguſtinus; *Si non pateris*, inquit, *pro Chriſto ullam tribulationem, vide ne nouum cœperis in Chriſto piè viuere*. Et ipſemet Chriſtus Dominus; *Non eſt*, inquit, *ſeruus maior domino ſuo, ſi me perſequeuti ſunt, & vos perſequentur*, (&) *Amen dico vobis plorabit & flebitis vos, mundus autem gaudebit, vos verò contriſtabimini, & in mundo preſſuram habebitis*.

En conditio eorum qui ſe veros Chriſti diſcipulos profiteri volunt, qui ſi officio ſuo debite fungantur, ad calum.

lumnias, probra, insectationes, persecutiones, & alia quævis aduersa æquo animo toleranda paratos se exhibere debent: *quare inquit S. Hieronymus, & inuenies singulos sanctos aduersa perpeffos, solus Salomon in delictis fuit, & ideo forsitan corrui.* *Epist. ad Eustoch. de custod. Virg.*

Et quid mirum si mundus illis aduersaturus est, si eos odio prosequitur, qui eius moribus contraire, eius axiomata conuellere, & vel ipso renitente, homines ad eius abijciendas voluptates, diuitias parui faciendas, honores conculcandos continuo excitare & compellere debent? quid mirum si dæmon suscepti aduersus Ecclesiam belli pondus in eos verrat & vrgeat, ipsosque acerbiorē ira impetatur, quos pro ipsius Christi castris stare, & in eius Ecclesia excubias agere, reliquosque fideles ab eius insidijs insultibusque protegere conspicit.

Quare merito sibi dictum illud Apostoli applicare debent, *patientia vobis necessaria est ut voluntatem Dei facientes reportetis reppromissionem; necessaria, inquam, quia illa virtute destituti, velut milites abiecto clypeo, depositisque armis; hostium quorumcumque insultibus patent.* Certe Discipulos suos Christus alloquebatur cum dixit, *in patientia vestra possidebitis animas vestras.* Quæ verba expendens Illustrissimus *Hob. 10. Luc 21.*

simus

Philot. sumus Episcopus Gebennensis, *Ma-*
part. 3. *gnm* (inquit) *bonum hoc est, animam*
cap. 3. *suam possidere, & quo perfectior erit pa-*
tiētia, eo etiam perfectior erit possessio ipsius
anima; quæ viq; est margarita illa pre-
tiosa, cuius custodię præcipua cura inui-
gilandum est, pro qua nullā condignam
commutationem dari posse testatur
Christus Dominus; neq; prodesse, quod
quis vniuersum mundum lucretur, si
animæ suæ detrimentum patiatur.

Heb. 12. Igitur per patientiam curramus ad pro-
 positum nobis certamen, aspicientes in-
 authorem fidei & consummatorem Iesum,
 qui proposito sibi gaudio sustinuit crucem,
 confusione consempta.

Atque in primis iuxta præfati præ-
 fulis monitum, nullæ ipsi patientiæ li-
 mites præfigendi sunt, sed extendere
 se debet ad toleranda omnia, & quæ-
 cumque aduersa, quæ Deus immitte-
 re aut permittere voluerit. In omnibus,
 inquit Apostolus, exhibeamus nosmet-
 ipsos sicut Dei ministros in multa patien-
 tia, in tribulationibus, in necessitatibus,
 in angustiis, in plagis, in carceribus, in
 seditionibus, &c. Siue igitur tribula-
 tio iuncta sit honori vel ignominie;
 siue aliquid tolerandum à pijs vel
 ab impijs, propinquis aut alienis,
 æquè patienter tolerari debet; imò
 quo acerbior est ipsa tribulatio, eo
 patientia nobilior & perfectior.

Præ-

Præterea non solum aduersa quæcumque, sed & illorum accessoria omnia æquo animo ferre conuenit; si v.g. Deus morbum aliquem immittat, non modo ipse morbus, sed & eius incommoda quæcumque patienter sustinenda sunt; vt puta quod in tali loco, vbi omnium penuria sit, quod inter tales personas, quibus oneri esse oporteat: & eodem modo de alijs quibuscumque aduersis sentiendum est; neque enim sine peculiari diuinæ prouidentię nutu ista euenire credenda sunt: *Examinandis siquidem non is, vt loquitur Sanctus Cyprianus, atque explorandis diuersi importantur labores, & multiplex tentationum qualitas irrogatur.*

Addamus & illud, quod qui verè patiens est, nusquam conqueritur, nec, vt ait S. Basilius, *patientia sua retributionem quarit ab homine*; adeoque nec plangi ab alijs appetit; & si causa morbi, vel doloris sit aperienda, id nudè ac simpliciter eatenus facit, quatenus ad inquirendum aut adhibendū remedium requiritur.

Quod si Sacerdos persecutionem aliquam patiatur propter iustitiam, puta quia muneri suo deesse non vult; quia peccatoribus nescit adulari, aut eorum delictis conuiuere; tantum abest vt idcirco à tramite patientiæ, deflectere debeat, quin potius ad eam

N
exer-

*ser. 3. de
bon. pat.*

*in admo-
nit. ad
fil spi-
rit.*

exercendam occasio eiusmodi maxime opportuna sit. *Hac est enim gratia* **1. Petr. 2** (ut edixit Apostolorum Princeps) *si propter Dei conscientiam, sustinet quis tristitias, patiens iniuste: qua enim est gloria, si peccantes & colaphisati sufferatis; sed si bene facientes patienter sustinetis, hac est gratia apud Deum: in hoc enim vocati estis, quia & Christus passus est pro nobis, vobis relinquens exemplum, ut sequamini vestigia eius, qui peccatum non fecit, nec inueniuntur ei dolus in ore eius, qui cum malediceretur non maledicebat, &c.*

sup. Quibus quidem postremis verbis sanctus Apostolus saluberrimum & efficacissimum ad patientiæ virtutem medium suggerit, scilicet sedulam & attentam Passionis Christi Domini considerationem: si enim ut monet præfatus Gebennensis Antistes ipsum diuinum Saluatorem calumnijs impetiturum, vulneribus laceratum, doloribus immersum, tristitia, tædio, angore, ad mortem usque oppressum, oculis fidei conspiciamus, agnoscemus procul dubio mala nostra quæcumque illa sint, neque quantitate, non qualitate eius passionibus villo modo comparari, nedum æquiparari posse; nosque nullatenus vnquam eius amore toleraturos, vel minimam partem eorum, quæ ille amore nostri ferre,

ac perpeti dignatus est.

Pro conclusione demum audiamus, & animis nostris infigamus hoc sanctissimum Apostoli monitum *Recogitare*, inquit, *eum qui talem sustinuit à peccatoribus aduersus semetipsum contradictionem, ut ne fatigemini animis vestris deficientes: nondum enim usque ad sanguinem restitistis, aduersus peccatum repugnantes, & obliuiscitis consolationis, qua vobis tanquam filiis loquitur, dicens, Filii mei, noli negligere disciplinam Domini, neque fatigeris, dum ab eo argueris: quem enim diligit Dominus castigat, flagellat autem omnem filium quem recipit, & omnis disciplina in presenti quidem videtur non esse gaudij, sed mœroris, postea autem fructum pacatissimum exercitatis per eam reddet iustitia.*

CAPVT XVII.

De paupertatis affectu, qui Christiano Sacerdoti maxime competit.

Quam alienus esse debeat Christiani Sacerdos, & quiuis sacris eius ministerijs ascriptus, à cupiditate diuitiarum, & quo studio, & affectu

paupertatem à Christo Domino in
Euangelij laudatam affectari, satis
superque euincunt ea quæ protulit
beatus Apostolus ad charissimum sibi
Timotheum scribens, ac in eius per-
sona quosuis sacerdotes admonens.

1. Tim. Nihil (inquit) intulimus in hunc mun-
6. dum, haud dubium quod nec auferre
quid possumus: Habentes autem alimen-
ta, & quibus regamur, his consenti si-
mus, nam qui volunt diuites fieri, in-
cidunt in tentationem, & in laqueum
diaboli, & in desideria multa nocua,
qua mergunt hominem in interitum, &
perditionem. Radix enim omnium ma-
lorum cupiditas, quam quidam appe-
tentes errauerunt à fide, & inseruerunt
se doloribus multis. Tu autem o homo
Dei hac fuge: sectare vero iustitiam,
pietatem, fidem, charitatem, patientiam,
mansuetudinem.

Quibus quidem verbis multa, &
præclara, tum ad paupertatis illius
studium excitandam, vitijque oppo-
siti radices quasuis exirpandas, argu-
menta; tum ad eiusdem virtutis pra-
xim debite consecrandam documenta
proponit.

- Nihil (inquit) intulimus in hunc mū-
dum, in quo scilicet tanquam aduena
1. Pet. 2. & peregrini versamur, cuius proinde
bonis transeundo uti, non inhærendo
1. Cor. 7 frui oportet; imo qui utuntur tanquam
non

non utantur, praterit enim figura huius mundi.

Nihil etiam hinc auferre possumus. *Psal. 48*
 Homo enim cum interierit non sumet
 omnia, neque descendet cum eo gloria
 eius. Sed relinquet alienis diuitias suas.
 imo saepe, thesaurizat, & ignorat cui con- *Psal. 38*
 gregat.

Quare habentes alimenta & quibus te- *Lus. 12.*
 gamur his contenti simus, paucis fiqui- *Psal. 36*
 dem natura contenta est, pauciori-
 bus adhuc gratia; neque enim in abun-
 dantia hominis vita eius, & melius est
 modicum iusto super diuitias peccatorum
 multas: & quod spectat ad ea quæ vi-
 tæ sustinendæ necessaria sunt, scit pa-
 ter cœlestis, quia his omnibus indigemus,
 & si ex nostra parte modica aliqua
 cura adhibenda est, absit sollicitudo; no-
 lite solliciti esse (inquit Christus Domi- *Matt. 8.*
 nus argumentum si quidem vera in ani-
 mo paupertatis (vt loquitur Alber-
 tus Magnus) est nullam sollicitudinem
 habere de transitorijs, sed simpliciter &
 secure se Deo committere. Nam
 qui volunt diuites fieri incidunt in ten- *in Para-*
 tationem, & in laqueum diaboli, &
 in desideria multa nociva, qua mergunt
 homines in interitum: tremenda pror-
 sus verba, quæ vix credi possent, nisi
 ab ipso veritatis spiritu asserta foret:
 non enim dixit, qui volunt aliena ra-
 pere, aut vijs minus rectis & æquis *dis.*
Anim,
cap. 5

ad opes peruenire: sed qui volunt quibuslibet inodis etiam licitis diuites fieri: v.g. Sacerdotes alijque Cletici, qui beneficia ambiunt, qui bonis Ecclesiasticis ditescere cupiunt, hi maximè sibi cauere debent ne incidant in tentationem & in laqueum diaboli, & in desideria illa nociua quæ mergunt homines in interitum.

Radix enim omnium malorum cupiditas, præsertim in Ecclesia, Radix omnium inordinationum, omnium corruptelarum, omnium scandalorum, omnium abominationum & desolationum: hinc Simoniarum & confidentiarum lues; hinc sacramentorum indigna contrectatio, & indignior dispensatio; hinc vniuersi prope rerum sacrarum abusus. Euellere à Sacerdotibus, & ab vniuerso clero cupiditatem, & omnium illorum malorum & quorumcumque aliorum radicem abstulisti.

Ep. 103. Quare ò homo Dei hac fuge; si sapi
(inquit S. Bernardus) si habes eor, de-
stine ea sequi, qua & assequi miserum
est; beatus utique qui post illa non abiit,
qua possessa onerant, amata inquinant,
amissa cruciant; beatus verè qui post
Eccl, 31 aurum non abiit, nec sperauit in pecu-
nia thesauris; quis est hic & laudabimus
eum?

Vt verò talis euadas ò homo Dei, ò

Sacerdos & minister Christi, vt hanc cupiditatem radicatus ex animo tuo euellas; *sectare iustitiam, pietatem, fidem, charitatem, patientiam, mansuetudinem*: sectare virtutes illas omnes, quæ virum Ecclesiasticum decent: *Ve- Serm. 4. ra siquidem* (vt loquitur S. Bernardus) *in Ad. diuitia sunt, non opes, sed virtutes, quas uenit, secum conscientia portat, vt in aeternum diues fiat. Illa proinde diuitia ambienda sunt, inquit S. Prosper, qua nos ornare pariter possint, & munire; quas nec ac- Li. 2. de quirere possumus inuiti, nec perdere; qua vit, Act. nos contra hostiles impetus armant, à mū. c. 13 do determinant, Deo commendant, distant animas nostras atque nobilitant, nobiscum sunt, intra nos sunt.*

Et hoc quidem virtutum studium si feruens sit, multum confert ad eiusmodi cupiditatem euellendam ex animo, si iam radices aliquas misit; aut ad eundem animum aduersus illam præmuniendum, si nondum sit eius laqueis irretitus: *Auaritia enim* (vt docet sanctus Gregorius) *non solet euenire illis qui viriliter currunt in via Domini, quibus Lib. 20. dicitur, viriliter agite, & confortetur cormor. c. vestrum: sed his maxime qui effœminat. 16. to gressu gradientes, per blandimenta sæculi resoluuntur.*

Neque verò satis est Christiano Sacerdoti non appetere opes, sed & easdem generoso animo contemnere

debet, exemplo primorum illorum Christianorum, qui non ad manus, sed ad pedes Apostolorum pecuniam ex venditis bonis collectam afferebant; *Ut scilicet ostendentes*, inquit S. Hieronymus, *diuitias esse calcandas*. Ideoque longè plurius æstimare debet cum Christo pauperem esse, quam quorumcunque mundi thesaurorum possessorem; cum Christo inquam, qui, ut loquitur Apostolus, *cum esset dives propter nos egenus factus est*; qui de seipso loquens, *uulpes*, inquit, *foucas habens & volucres cali nidos*, *filius autem hominis non habet ubi caput reclinet*.

Urgitur hanc Christi paupertatem toto affectu consecretur, sæpè animo recolat & attentè perpendat verba illa, quæ solemniter protulit cum in clerum admissus est (*Dominus pars hereditatis meæ & calicis mei*) neque eam ioco, aut figurato aliquo loquendi modo, hæc dicenda ipsi Ecclesiæ præscripsit; sed ut talem se ore profiteretur, qualis corde animoque esse deberet. Proindeque cum Dominum in partem & portionem suam elegerit, nullæ aliæ ipsi extra Dominum partes aut portiones iam querendæ sunt, quia ut ait sanctus Hieronymus, *cum istis Dominus pars eius fieri non dignabitur*.

Et certe quid ultra querit, cui cuncta vis ætæ, *non conditor sit* ut recte loquitur S. Pro-

ſper, aut quid ei ſufficit, cui ipſe non ſufficit?

Sic ergo pauper ſpiritu, & ideò, vt Philoſ. monet Gebennenſis Antifteſ, *neque p.3.r.14 diuitias in animo, nec animum in diuitijs habeat*: & ſi quidem illæ affluant, cor non apponat, imò eas ſibi tanquam Chriſti oeconomico diuinæ providentiæ nutu creditas agnoſcat, ſtrictamque de earumdem diſpenſatione rationem, uſque ad vltimum quadrantem coram ſupremo iudice reddendâ eſſe cogitet. Quare illas non tanquam ſuas, ſed tanquam Chriſti opes exiſtimet, & quæ ad proprium uſum neceſſaria ſunt, quaſi quotidianum panem, quotidianamque eleemoſynam ex illius clementiſſimi Domini manu ſingulis diebus accipiat; neceſſaria, inquam, ſiue quoad victum, ſiue quoad veſtitum & ſupelleſtilem domeſticam, quæ quidem omnia in Chriſti Sacerdote & miniſtro ipſi aſſummet Chriſti paupertatem ſpirare, & præ ſe ferre debent: quæ verò ſuperſunt, in opera charitatis, & Religionis fideliter impendat, prout ipſi Domino gratum magis & acceptum eſſe perſpiciet.

Cæterum vt verè pauper ſit ſpiritu, pauperes amet, amor enim amantes aut inuenit pares, aut facit: & ſi affectu ſincero diligit pauperes, ipſorum

confortium conuersionemque non
refugiat, imò potius expetat, eos li-
benter inuisit, aut inuisentes se aman-
ter excipiat, cum ipsis benignè collo-
quatur, eosque siue beneficio, siue con-
silio, siue alia quacumque ratione iu-
uare & solari studeat. Imò si sese
offerat occasio, ipsis pauperibus in-
seruire & ministrare non dedignetur,
Christumque in illis agnoscens, liben-
ter infra illos se demittat.

Quod si aliquando ipse iacturam
aliquam bonorum incurrat, si incen-
dijs, eluisionibus, bellorum iniuria,
aut quacumque alia de causa damnum
incidat; hoc non modo patienter, sed
& gaudenter accipiat, illosque imi-
tetur, qui ut testatur Apostolus, *ra-
pinam bonorum suorum cum gaudio sus-
ceperunt, scientes se habere meliorem
& manentem substantiam.*

Heb. 12.

Porro quæ huc usque dicta sunt,
quamuis eos præsertim Sacerdotes
spectet qui copiosam habent huius
mundi substantiam, non tamen ideo
negligenda sunt illis; quibus res do-
mestica tenuis & exigua est: cauere
enim debent ne alicuius necessitatis
obrentu radicem illam omnium ma-
lorum cupiditatem in animo suo fo-
ueant: Ne (quod pluribus continge-
re testatur Cassianus) *cupiditatis illius
vitiis, quod erga res pretiosas exercere non*

pos-

possunt, circa viles materias retineant.

Ne nimis anxie quærant ea quibus opus habent, ne auidius oblata accipiant, ne diligant munera, aut sequantur retributiones; sed etsi interdum aliquid desit, si minus commodè se habeant, in hoc gaudeant quod Christo Domino similes magis efficiantur, quod eius sanctę familię œconomiã tenuē & pauperem affectari queant, seque beatos æstiment, quod ab innumeris curis & solitudinibus liberi existant, sicque expeditiores ac promptiores ad ministerium suum exequendum esse possint.

C A P V T XVIII.

*De humilitate, quam peculiari cura Christianus
Sacerdos affectari
debet.*

OMnibus quidem Christi fidelibus necessaria est humilitas: cum, *Ep. ad Galat.*
(ut docet S. Hieronymus,) sit prima Christianorum virtus præcipuaque conservatrix, & quasi custos aliarum virtutum. Sed maximè, præ cunctis alijs.

requiritur in Christiano Sacerdote,
tum ob dignitatem status, *quanto enim*

Eccl. 3. *quis maior est; ut monet Sapiens, tanto*
magis humiliare se debet. Tum ob sub-
limitatem virtutum, quæ in eo repe-
riri debent: *nam qui cogitat magnam*
fabricam construere celsitudinis, inquit

Ser. 10. *D. Augustinus, prius de fundamento co-*
de. verb. *gitet humilitatis; & quantum quisque*
Dom. *vult imponere molem ædificij, quanto*
erit maius ædificium, tanto altius fodit

fundamentum. Tum denique, quia hanc
præsertim virtutem discipulis suis, cun-
ctisque proinde Sacerdotibus, Chri-
stus Dominus commendavit, ac in se
præ alijs imitandam proposuit: ete-
nim non alios, quam discipulos suos
alloquebatur, quando proposito ante
oculos eorum parvulo, dixit: *Amen*

Mat. 18 *dico vobis nisi conuersi fueritis, & effici-*
mini sicut parvuli, non intrabitis in regnū
celorum; quicumque ergo humiliauerit
se sicut paruulus iste, hic maior est in
regno celorum: Et rursus alias, Reges

Luc. 22 *gentium dominantur eorum. & qui po-*
testatem habet super eos benefici vocan-
tur: vos autem non sic, sed quicumque
voluerit esse maior inter vos sit vester mi-
nister. & qui præceptor est, velut mini-
strator, & ecce ego in medio vestrum sum
sicut qui ministrat.

Denique seipsum proponens tan-
quam perfectum huius virtutis exem-
plar,

plar, Discite, inquit, à me quia mitis sū, Mat. II.
 & humilis corde. A me, inquit, discite
 vt obseruat S. Bern. non ad doctrinam
 Patriarcharum, non ad Prophetarum li. epist 42.
 bros ego vos mitto: sed me vobis exēplum, ad Hēr.
 me formam humilitatis exhibeo. Senen.

Et hæc Chusti Domini verba per-
 pendens sanctus Augustinus, Hucce
 redacti sunt, inquit, omnes thesauri sa- Li. de
 pientia, & scientia absconditi in te, vt hoc sanct.
 pro magno discamus à te, quoniam mitis virg.
 es & humilis corde? itane magnum est es- c. 35.
 se paruum, vt nisi à te qui tam ma-
 gnis. es fieret, disci omnino non posset.

Iam quod spectat ad huius virtutis
 praxim, obiectanda est sãcti Ambrosii Li. 7. ep,
 doctrina, multi habent humilitatis spe- 42. ad
 ciem, qui, vt ait S. ille Pater, virtutem Cōst. 11.
 non habent: multi eam foris prædicant,
 & intus impugnant; ad fucum præferunt,
 ad veritatem abiurant, ad gratiam ne-
 gant: est enim qui nequiter se humiliat,
 & interiora eius plena sunt dolo: & est
 qui nimium se submittit, ab humilitate
 multa.

Quare sapienter monet sanctus Hie- Ep. ad
 ronymus, Humilitas illa consecranda Colant.
 est non qua ostenditur, atque simulatur
 gestis corporis, aut fracta voce verborum,
 sed qua puro cordis affectu exprimitur:
 aliud est enim virtutem habere, aliud vir-
 tutis similitudinem: aliud rerum vñbrã
 sequi, aliud veritatem, multo deformior
 est

est illa superbia, qua sub quibusdam humilitatis signis latet, nescio enim quomodo turpiora sunt vitia, qua virtutum specie calantur.

Porro ut in huius virtutis praxi aliquis ordo seruetur: Christi Sacerdos in primis summam erga Deum, quoties aliqua religionis officia persolunda ipsi sunt, tenere debet humilitatem: qua & infinitam Dei maiestatem reue-reatur, & seipsum coram eo quam profundissime demittat, dicatque cum

Psal. 38 Propheta, *substantia mea tanquam nihilum ante te, vel cum alio, loquar ad*

Gen. 27. *Dominum meum cum sim pulvis & cinis.*

Præterea ut omnes animæ suæ facultates, præsertimque voluntatem suam diuinę voluntati quam perfectissime submittat: ita ut in omnibus & singulis actibus suis, non nisi cum absolutissima illius supremi dominij dependentia, operetur: Totius enim humilitatis summa (ut loquitur sanctus Bernardus) in eo videtur consistere, si voluntas nostra diuina, ut dignum est, subiecta sit voluntati, sicut ait Propheta, nonne Deo subiecta erit anima mea. Quod tamen obistere non debet quin iuxta monitum Christi Domini, cum fecerit omnia quæ præcepta sunt, humiliter & ex corde dicat, *seruus seru-tilis sum, quod debui facere, hoc feci.*

Luc. 17.

Erga

Erga seipsum eandem humilitatis
 virtutem in praxim rediget, si non
 modo ab omni, & quacunque vani- *Tract de*
 tatis aura diligentissimè sibi caueat, sed *grad. hu*
 etiam *verissima sui agnitione* (vt lo- *mil.*
 quitur Sanctus Bernardus) *sibi ipsi vide-*
scat: si vel minima cuiuscunque mi-
 nisterij Ecclesiastici functione, mi-
 nimo officio & obsequio, nimis ho-
 noratum se arbitretur; tantum abest
 vt eiusmodi ministeria tanquam infra
 se posita despiciat: si non quas per
 diuinam gratiam virtutis actiones exer-
 cuit, sed in quot & quantos defectus
 eandem gratiam in vacuum recipien-
 do incurrit, sibi frequenter ob oculos
 ponat: demùm si ratione præterito-
 rum delictorum, quibus toties & tam
 grauer diuinam læsit maiestatem, se
 omni & quocumque bono indignum,
 omni & quocumque malo dignum,
 & vt loquitur sanctus Bernardus, di-
 gnum se omni dedecore & contemptu, di-
 gnum omni extremitate, & inferioritate, *ser. 42.*
 dignum etiam supplicijs & plagis, ex sin- *in cant.*
 cero cordis affectu, coram Deo agnoscat,
 & fateatur: proindeque siue ex illo,
 siue alio simili motiuo omnes & quas-
 cumque humiliationes, abiectionesq;
 non modo æquanimiter, sed & liben-
 ter, amanterque suscipiat, & ample-
 ctatur; dicatque cum Apostolo, *Placeo I. Cor.*
mibi in infirmitatibus meis, in contumelijs, 12
in

fer. 26
in Cant. in persecutionibus, in angustiis pro Christo; verus siquidem humilis, ut docet S. Bernardus, vilis vult reputari, non humilis predicari, & gaudet de contemptu sui.

Luc. 14. Erga proximum denique exercebit humilitatem, si iuxta placitum Christi Domini, in nouissimo semper loco recumbat, saltem secundum affectum, & præparationem voluntatis. Si iuxta

Philip. 2 S. Apostoli monitum omnes sibi superiores arbitretur: idque summa ratione, cum propria vitia & peccata notissima sibi sint, aliorum non item. Vnde

Homil. 33. in Genes. S. Chrysostomus sapienter & appositè dixit, honorem à nobis exhibendum esse, non eis tantum qui aetate nobis summaiores, vel etiam aequales; non est enim humilitas aliquid officij necessitate præstare: vera autem est, quando concedimus ijs qui nobis videntur esse minores, & eos veneramur qui nobis minus digni videntur. Quod si rectè sapimus, nullos etiam nobis minores esse arbitrabimur, sed nos excelli ab omnibus hominibus aestimabimur: & hoc dico non de nobis, qui innumeris immergi sumus peccatis, sed etiam si quis sibi plurimorum bene gestorum conscius sit, nisi apud se sentiat, quod omnium sit postremus, nulla ei futura est utilitas ex omnibus suis bonis operibus.

Mat. 26 Optimè S. Bernardus, Non est (inquit)
pe-

periculum quantumcumque te humilies,
 quantumcumque rebutes minorem quam
 sis, hoc est quam se veritas habeat; est
 autem grande malum, horrendumque
 periculum, si vel modicè plus vero te
 extollas, si vel uni, videlicet in tua cogi-
 tatione, te praferas, quem forte tibi pa-
 rem veritas iudicat, aut etiam supe-
 riorem: quamobrem noli te homo com-
 parare maioribus, noli minoribus, noli
 aliquibus, noli uni. Quid scis o homo
 si vult ille quam forte omnium vilissimum
 atque miserrimum reputas, melior te in-
 mutatione dextera Excelsi, in se quidem
 futurus sit, in Deo vero iam sit: & pro-
 pterea Dominus non mediocrem, non vel
 penultimum, non ipsum scilicet inter
 nonissimos eligere locum nos voluit, sed
 recumbe (inquit) in nonissimo loco.

CAPVT XIX.

*De Obedientia Superioribus
 Praepositisque Ecclesia-
 sticis à Christiano
 Sacerdote de-
 ferenda.*

Obedientia iuxta D. Thomae do- 2. 2. q. 4.
 (Arinam) est virtus moralis, effi- 104. m.
 ciens 2.

ciens hominem promptum ad exequendam voluntatem vel præceptum superioris : & hæc obedientia duplex est, alia enim est quæ debetur Deo superiorum omnium supremo, eiusq; legibus quæ procul dubio quibusvis alijs legibus ac præceptis hominum absolute præferendæ sunt : alia, quæ hominibus in legitima potestate constitutis, eorumque mandatis & decretis deferenda est.

Et de prima quidem non est opus hic multis agere, cum cuique vel solo naturæ lumine certo certius sit, Deo aliquid præcipienti obtemperandum esse, quod vel ipsi impijssimi confessi sunt, *iustum scilicet esse mortalem ho-*

2. Mat. 9 minem esse subd. tum Deo.

Hoc solummodo de Christiano Sacerdote dicimus, debere illum sicut alijs virtutibus, sic præsertim obedientia quam perfectissima, erga quemcumque diuinæ voluntatis nutum, alijs fidelibus prælucere, ut eius non a verbis modo, sed maxime operibus exemplisque ad virtutem tantopere necessariam efficacius excitentur. *Sacerdotes siquidem, ut loquitur S. Chrysostomus, magis videntur promittere obedientiam Deo, præcipue per hoc ipsum.*

Hom. 40 quod specialiter in Dei ministerio consti-
in Mat. tinentur.

Quod vero ad illam obedientiam
spe-

ſpectat, quam ſuperioribus, & præpoſitis ſuis Eccleſiaſticis Sacerdos exhibere tenetur, quoniam frequentius in illam peccatur; imo quoniam in ea tempora deuenimus, in quibus vix à plerisque Sacerdotibus, & Eccleſiæ miniſtris, ad eiſmodi obedientiam vlla fiat attentio, ideo neceſſarium duximus in expendendis ijs, quæ ad virtutem illam ſpectant, paululum immorari.

Atque in primis dicimus Sacerdotes, & quoscumque alios clero Eccleſiæ aſcriptos, ad obedientiam Superioribus ac Præpoſitis ſuis Eccleſiaſticis exhibendam, non modo ipſius Eccleſiæ ſanctionibus, ſed & ipſa Diuina lege obligari, *Obedite* (inquit Apoſtolus) *præpoſitis veſtris, & ſubiaceo eis, ipſi enim peruiſigant quaſi rationem pro animabus veſtris reddituri, ut cum gaudio hoc faciant, & non gementes; gemitus ſiquidem ille* (inquit S. Chryſoſtomus) *quauiſ ultione durior eſt; quod maximè notandum.* Addit idem Apoſtolus *hoc enim expedit vobis: ſuper quæ verba S. Baſilius, hoc, inquit quod dicitur non expedire, maximi cuiuſdam & valde pœnitendi detrimenti, quod ægre correctionem admittat ſignificantiam habet.*

Quamuis autem hæc Apoſtoli verbat cunctos fideles ſpectent, ad clericos

tamen aliosque viros Ecclesiasticos speciali modo pertinere dignoscuntur, propter maiorem illorum cum praelatis, superioribusque suis in sacra hierarchia connexionem, & ab ipsis in sancto ministerio dependentiam, eosque proinde ad obedientiam præ cæteris laicis longe arctius obstringi.

Sanè S. Clemens Papa, quoscumque sacerdotes, Diaconos, Subdiaconosque, ac reliquos Clericos Episcopis suis inobedientes, *non solum infames, sed & extorres à regno Dei, & consortio fidelium, & à liminibus sancta Dei Ecclesia alienos declarat.*

Ep. 3.
Ep. 2.
Et sanctus Pius item Papa, *si quis Sacerdotum (inquit) vel reliquorum Clericorum suo Episcopo inobediens fuerit, &c. mox curia tradatur.*

His diuinis, Ecclesiasticisque legibus adiungi potest & sollemnis illa obedientiæ ac reuerentiæ promissio, quam Sacerdos statim post ordinationem in manibus Episcopi emittit, ut quasi funiculo triplici nullatenus abrumpendo, ad sacram illam subiectionem & obedientiam se astrictum esse intelligat.

Hinc sequitur, vnumquemque Sacerdotem (quod de reliquis etiam Clero Ecclesiæ ascriptis dici debet) in ijs quæ ad fidei doctrinam, morumque ac ministeriorum sacrorum

di-

disciplinam spectant, primum Pontifici Romano, tanquam Christi Domini vices in terris agenti, supremoque proinde Ecclesiæ Capiti & Pastori, veram perfectamque obedientiam, ac subiectionem debere: exinde proprio Episcopo & Prælato, quem *ut a-*
nima parentem à quolibet Clerico suscipi, obseruari, & amari vult S. Hieronymus: ac demum alijs sibi secundum canonicas sanctiones legitime præpositis; unicuique habita ratione dignitatis ac potestatis quam in Ecclesiastica hierarchia obtinet.

*Epist. ad
Nepo-
tian.*

Cogitet proinde quilibet Sacerdos aut Clericus, diligenterque apud se perpendat, coram supremo Iudice super illa obedientia præpositis suis Ecclesiasticis exhibenda, se prope diem examinandum; sibi que reddendam fore rationem v. g. quam sincera & humili demissione, supremo Pontifici, errores aliquos fidei aduersos proscribenti & damnanti obtemperauerit; intellectumque suum in obsequium Christi, vicarij sui ore loquentis captiuauerit. Item, quam libenti & prompto animo Pontifici suo & Prælato modestiam & honestatem vitæ Clericalis tenendam, habitum Ecclesiasticum, tonsuramque deferendam, residentiam in beneficijs seruandam, aliaque similia iniungenti, obe-

obedientem se ac subditum præbuerit. Demum quam exactè leges sanctionesque canonicas, siue totius Ecclesiæ generales, siue cuiusque prouinciæ aut diocesis particulares seruauerit.

Neque vero, quæ de obedientia Ecclesiæ prælatis, à Sacerdotibus alijsque Clericis exhibenda dicta sunt, ullatenus præiudicant subiectioni, fidelitatisque quæ Regibus, Principibusque debetur, in ijs quæ temporalem regnorum prouinciarumque administrationem spectant; cum Apostolus qui Præpositis Ecclesiasticis obediendum & subiaccendum esse docuit, idem etiam edixerit *omnem animam potestatibus sublimioribus subditam esse oportere; siue regi præcollenti, siue ducibus tanquam ab eo missis.*

Rom 13
Vide Bel
larm. 2. 2
lib. 1. de
Clericis
c. 28.

Tit. 3.

Orat. ad
Cives
Nazian.

Neque tantummodo ipsi Sacerdotes & Clerici, regum, principumque sæcularium legibus obtemperare tenentur, in ijs quæ legi diuinæ sacrisque canonibus minime repugnant, sed etiam ut ipsemet Apostolus præscribit, alios fideles admonere debent, *principibus & potestatibus subditos esse, dicto obedire, ad omne opus bonum paratos esse, neminem blasphemare &c.*

Appositè & optimè S. Gregorius Nazianzenus, *Subijciamur (inquit) tum Deo,*

Deo, tum alij alijs, tum ijs qui imperium
in terra gerunt : Deo quæ æm omnibus
de causis, alij autem alijs propter cha-
ritatis fœdus ; principibus denique, pro-
pter ordinem, publicaque disciplina ra-
tionem, iaque tanto etiam magis, quanto
clementioribus, moderatioribusque illis
utimur.

CAPVT XX

*De imitatione Christi, cui
peculiari studio Sacer-
dos incumbere te-
netur.*

POST enumeratas in præcedentibus
capitulis, & vicumque explicatas
virtutes illas, quæ Christianum (Sa-
cerdotem maxime decent; ut eo-
rum omnium quæ dicta sunt, aut e-
tiam dicenda supersunt, compendium
faciamus, omnesque virtutes Sacer-
dotales sub vnum veluti aspectum
ponamus, & facillimam simulque perfe-
ctissimam eas in praxim reducendi ra-
tionem quasi oculis ipsis subiiciamus :
in hoc ultimo huiusce tertie partis
capitulo virtutum illarum absolutissi-
mum prototypum, Dominum scilicet
Ie-

Iesum cunctis Sacerdotibus imitandum, & in semetipsis exprimendum proponemus: quò scilicet in omnibus operentur iuxta exemplar quod illis in mystico illo monte demonstratur.

op. 3. ad Volubā Quamvis autem ipse Dominus Iesus venerit quibuscumque hominibus magisterium, & adiutorium ad capeffendam eternam salutem, ut loquitur S. Augustinus, Apostolorum tamen, ac discipulorum suorum peculiari quadam ratione se Magistrum esse professus est. Vnde ad eos dixit, *Magister vester unus est Christus*, & alio in loco, *vos vocatis me Magister & Domine, & benedicitis, sum etenim*: quomodo vero magisterium illud erga ipsos exercuerit, ostendens subdit, *exemplum enim dedi vobis, ut quemadmodum ego feci, ita & vos faciatis.*

Ioan. 13

Hæc si quidem diuini illius Magistri ratio, & methodus fuit, ut prius faceret, deinde doceret: prius opere, postea sermone discipulos suos instrueret; imo vtrumque iungeret, simulque & faceret & doceret: ut postea seipsum etiam in hoc discipulis imitandum proponeret, ipsique efficacius dicere posset, *qui fecerit & dixerit, hic magnus vocabitur in regno celorum.*

Matt. 5

Neque solum diuino huic Magistro imitando studere tenentur Sacerdotes, quia ipsius Christi discipulorum success-

cessores sunt, hæredesque virtutum ,
 sed etiam propterea quod ad illius
 imitationem alios inducere debent ,
 eosque veluti *parturire*, donec in ipsis
Christus formetur: ideoque posuit eos
 Domini *pastores & doctores*, ad con-
 summationem sanctorum, in adificationem Galat 4
 corporis Christi, ut occurrant omnes in Eph. 4.
virum perfectum, in mensuram ætatis
plennitudinis Christi: hoc autem præ-
 stare nusquam poterunt, nisi prius in
 seipsis eundem Christum quam perfe-
 ctissimè efformauerint, ut alijs postea
 vnusquisque illorum dicere cum
 Apostolo valeat, *imitatores mei estote*, Phil. 3.
sicut & ego Christi.

Certè hoc cuncti fideles à quolibet
 Sacerdote expetere, & expectare vi-
 dentur, ut scilicet perfectam in ipsis
 nanciscantur imaginem charitatis, mā-
 fuetudinis, aliarumque Christi Do-
 mini virtutum, vnde ipsi ædificentur,
 & ad similitudinem virtutum praxim exci-
 tentur: quod si hoc in sacerdotibus
 minimè reperiant, vitiaque virtutibus
 illis contraria deprehendant, ut plu-
 rimum scandalisantur, virtutem fasti-
 diunt, in vitia similia facillè cor-
 ruunt, putantque sibi licere ea, quæ
 à quouis Sacerdote fieri animaduer-
 tunt.

Addamus & Sacerdotes in plerisque
 ministerij sui functionibus, Christi

O

vices

vices agere, Christi nomine loqui, proindeque conueniens, imo necessarium esse, vt non solum sermone, & lingua, sed & opere, ac exemplo ipsius Christi personam exhibeant, vt verè cum Apostolo dicere queant, *an experimentum quaritis eius, qui in me loquitur, Christus?*

2. Cor.
16

Serm. de
renunt.

¶ Vt igitur Sacerdos hoc præstet, cum, vt ait Sanctus Basilius, *omnis actio Saluatoris, regula sit pietatis excolenda, virtutisque obeunda*, debet ipsius Christi vitam, tanquam vitæ suæ normam, & regulam sibi præstitueret, singulasque eius actiones, tum quæ Dei cultum, tum quæ proximi ædificationem, tum quæ ipsius vitæ necessitatem spectant intellectu & affectu apprehensas proprijs suis actionibus applicare, & quantum licebit commensurare.

Debet præterea ad ipsius Christi charitatem, patientiam, humilitatem, cæterasque virtutes attendere, easque per sedulam imitationem veluti suas facere, *expoliantes scilicet veterem hominem cum actibus suis, & induentes nouum qui secundum Deum creatus est in iustitia & sanctitate veritatis*, qui enim, vt ait S. Hieronymus, *conuersationem Christi imitatur, vniuersasque eius virtutes in se exprimit, vt sit mansuetus, sicut ille fuit mansuetus* &

huc.

humilis corde, & ponat animam suam pro amicis, sicut ille posuit pro ouibus suis: verberatus non respondeat, maledictus non remaledicat, sed vincat in humilitate superbiam: iste indutus est nouum hominem, & dicere cum Apostolo potest, vni ego, iam non ego, vniis vero in me Christus.

Neque solum leuiter, & strictim ipsas Christi actiones virtutesque inspicere, sed sedulo meditari, & vt loquitur Apostolus, *recogitare*; quemadmodum si pictor tabellam aliquam sibi propositam imitari & exprimere vellet, frequenter tum in ipsam tabellam, tum in opus suum oculos inijceret; sic & verus Christi imitator sese gerere debet: Idcirco enim Dei filius, vt ait Sanctus Basilius, *naturam nostram suscepit; vt in se velut in quadam tabula, veram virtutem depingeret, eamque nobis tamquam archetypum, imitandam proponeret: siquidem, vt loquitur S. Gregorius Nyssenus ipse S. Basilij frater, sua quisque vita pictor est, artifex huius operis est voluntas, colores sunt virtutes, exemplar vero Christus esse debet.*

ser de re nunt.
ep. 1. de perf.
Christ.

Porro inter ipsas Christi Domini virtutes, præstat eas in se præfertim delineandas imitandasque deligere, quæ cuiusque muneribus, functionibusque magis accommodatæ, aut cuius-

que dispositioni magis utiles aut necessaria videntur: verbi gratia, is cui animarum cura commissa est, ipsius Christi Domini vigilantiam, mansuetudinem, zelum inter labores molestiasque indefessum, &c. attendat, ut eas imitetur: is qui choro, Ecclesiasticisque officijs, & publicis Religionis obsequijs deputatus, eundem Christum in templo orantem, vel alijs Religionis actibus & muneribus incumbentem sibi ob oculos ponat, & veluti præeuntem subsequatur. Is qui ambitionis aut vanæ gloriæ vento pulsatur, Christum in vita absconditæ mundi oculos refugientem, aut in passione humiliatum, & opprobrijs taturatum aspiciat; qui avaritiæ tentatione, diuitiarumque desiderijs inutilibus & nociuis impetitur, eundem Christum pauperem, & egenum propter nos factum attendat; qui otia & vitæ commoda sectari se deprehendit, ipsummet Christum circumspiciat, nunc propriis manibus laborantem & in sudore vultus sui pane vescentem; nunc villas & pagos, & castella circumeuntem & oves oberrantes quærentem, in ipsa inquisitione & circuituione sæpissime fatigatum; nunc in montibus sub dio pernoctantem & orantem; ac demum in passione sua, spinis, flagellis, clavis, lanceis, perfor-

fossam, lacerum, confixum, cruentatum: & sic de alijs.

Hæc est igitur summa totius perfectionis Sacerdotalis, Christum Dominum affectari, Christi veltigijs inherere, Christum induere, Christum viuentem, loquentem, operantem, patientem in se quantum fas est exprimere, & alijs reuerendum, amandum, imitandumque in se proponere: vix cogitari, nedum dici potest, quanta sit huiusmodi conformitatis cū Christo in ipso Sacerdote efficacia & virtus, quanta ædificatione qui eiusmodi est, cunctas ministerij sui functiones obeat, quanto & quam vberi fructu procurandę animarum saluti incumbat; proximisque suis ad bonum cuiusque spirituale operam impendat: & quanta eius ministerio & labore diuinus honor in dies accipiat incrementa: neque enim vllus maiorem Deo gloriam, aut Ecclesię vtilitatem in hac vita mortali asferre potest, quam qui

Christum Dominum ipsius Paternę glorię splendorem, melius
& perfectius Deo, &
mundo exhibet.



PARS QUARTA.

De tentationibus quibusdam,
& occasionibus periculo-
sis, aduersus quas Sacerdos
Christianus peculiari studio
ac sollicitudine præmunire
se debet.

CAPVT PRIMVM.

*De tentationibus in genere
quibus Sacerdos impetitur,
earumque remedijs.*

*I. I. accedens ad serui-
tutem Dei, sit in ius-
titia & timore, & pra-
para animam tuam ad
tentationem, inquit Sa-
piens, verbis illis ve-
luti classicum canens
omnibus quidem fidelibus, sed maximè
ijs, qui se seruituti & ministerio Dei
so-*

solemni consecratione manciparunt. *Iob. 7.*

Cum enim *militia sit vita hominis super terram, &* ipsa Ecclesia in terris posita sit *quasi castrorum acies ordinata*, in qua sacerdotes alijque Christi ministri velut primipilarij milites in sacri illius exercitus fronte constituuntur; non mirum ipsis videri debet, si primos hostium insultus actioresque impetus sustineant, *quia, ut recte monet sanctus Gregorius, quanto magis eos sibi oppositos diabolus conspicit, tanto amplius expugnare contendit.* *Lib. 24. mor. c. 13*

Præterea cum ipsi Sacerdotes in militia Christi alios instruere, rationemque in pugna illa spirituali tenendam illos edocere debeant; quomodo id præstare possent, nisi propria ipsi experientia erudirentur, variisque tentationibus probarentur: *qui enim (ut loquitur Sapiens) non est tentatus, quid scit?* Unde & ipse Christus dux & Imperator non tentari voluit per omnia pro similitudine absque peccato: in eo enim in quo passus est ipse & tentatus, potens est & eis qui tentantur auxiliari. *Eccl. 34*

Sicut igitur gubernatorem navis tempestas, Athletam stadium, in liem acies, *S. Basil. magnanimum calamitas; sic Christi ministrum tentatio probat, ut cum probatus fuerit accipiat coronam vitæ. Quam quidem coronam, ut ait S. Augustinus,* *ora. de Pat.*

Pf. 60 accipere non potest, nisi uicerit, nec vincere potest, nisi certauerit, nec potest certare, nisi inimicum & tentationes habuerit.

Quamuis autem, ut docet S. Thomas, cuiusque tentationis ordo à Deo sit, id est, quamuis ipse Deus pro infinita sua sapientia & clementia tentationes ipsas ordinet ad maius bonum eorum qui tentantur, dummodo gratiæ suæ non defint: quia tamen anceps & periculosa semper est illa colluctatio, tum ratione propriæ infirmitatis & imbecillitatis, tum etiam propter infensissimos hostes quibuscum nobiscum luctandum est, qui non solum aperto (ut dicitur) Marte, sed sæpissimè, occultis insidijs agunt, & *in Pf. 39 semper magis timendi sunt, inquit D. Augustinus, cum fallunt, quam cum sciunt:* ideo Christi Sacerdos qui ex officio suo pro aliorum salute dimicare tenetur, multo magis propriam ipse salutem tueri debet; & propterea præsidia omnia, & auxilia sedulo conquirere, quibus contra hostium illorum impugnationem tutus & securus esse, occasionesque omnes in tentationem inducentes sollicitè deuitare valeat.

De quibus quidem cum speciatim nobis agendum sit, insequentibus huius quartæ partis capitibus, hic solum quæ-

quædam remedia generalia aduersus
quascumque tentationes vitiorumque
illecebras breuiter proponentur.

Atque in primis Christiano Sa-
cerdoti auscultandum est monitum
Christi Domini, qui discipulos suos
alloquens, & in eorum persona quos-
uis Ecclesiæ suæ ministerio addictos : *Mat. 26*
Vigilate, inquit, & orate, ne intretis
in tentationem : quibus verbis duo pro-
ponit veluti muniminum genera. Pri-
mum est, vigilantia, qua super seipsos,
actusque suos quoscumque exteriores
& interiores inuigilent, ne scilicet in
factis, dictis, aut cogitatis, aliquid
admittant, quod tentationi aditum
præbeat, eosque in discrimen peccan-
di adducat; ideoque debent atten-
dere sibi ipsis, semetipsos inspicere,
diiudicare, quotidianumque examen
conscientiæ instituire, quo vel pro-
prij cordis occultissima sibi cognita
sint & perspecta.

Quoniã vero sine ope cælestis gra-
tiæ quantacumque vigilantia non suf-
ficit, ideo non modo vigilandum,
sed & orandum esse docet Christus, *ut*
etiam vigilantes tentationis procella non *S. Prosp.*
vincat. Per orationem siquidem Deo *l. 2. de*
coniuncti & vniti cum Propheta dice- *vac. gēt.*
re possumus, *Dominus illuminatio mea*
& *salus mea, quem timebo?* & per ean-
dem orationem, auxilium diuinæ gra- *Psal. 26*

tiæ contra insultus hostium postulantes, illud facile impetramus ab eo qui dixit, *petite & accipietis, & si quid petieritis patrem in nomine meo dabit vobis.*

Joan. 16

Porro diuina ope inuocata & exorata, manus etiam operi admouenda est, viriliter contra hostes decertandū, tentationi obfistendum: *Resistite diabolo*, inquit Apostolus, *& fugiet à vobis*, foelix haud dubiè conditio huius bellilicet alioquin periculosi, in quo (vt rectè adnotauit, & ex his verbis collegit Gehennensis Antilles) certi sumus de victoria, dummodo contra hostes pugnare, ipsorumque insultibus resistere volumus.

Jac. 4.

Phil. p. 1

Præterea fugiendas esse tentationis occasiones cuius notum est, qui enim oramus, inquit D. Chrysostomus, ne intremus in tentationem, sane tentationis occasiones querere non debemus: præsertim ipso Spiritu sancto commovente, quod qui amat periculum peribit in illo. Quantum igitur possumus, à lubrico recedamus, vt rectè Philosophus antiquus dixit, qui in sicco quoque, parum firmiter stamus.

Hom. 13 in Matr.

Ecol. 3.

Sen. ep. 117.

Neque solum ab exterioribus tentationis occasionibus, sed & ab interioribus earūdem causis sollicitè sibi ipsi cauendum est: quis est enim qui cum Apostolo non dicat *sensio legem*

in membris meis, repugnantem legimentis mea, & captivantem me in lege peccati, & quod adhuc periculosius est, saepe tunc maxime oppugnaris, ut monet Sanctus Hieronymus, cum te oppugnari non sentis. Quare (ut idem pergit) noli securus esse, noli credere, licet in modum stagni fusum aquor arideat, licet vix summa elementi spiritu terga crispentur; magnos hic campus montes habet, intus inclusum est periculum, intus est hostis.

Rom. 7.

ep. I. ad
Hel.

Denique aduersus quædam temptationum genera, saluberrimum est monitum Apostoli dicentis: omnia probate, quod bonum est tenete, & nolite omni spiritui credere, sed probate spiritus si ex Deo sunt. Ipse etenim Sathanas transfigurat se in Angelum lucis, & quid mirum si ministri eius transfigurentur velut ministri iustitiae.

1. Thess. 5.

1. Ioã 4.

2. Cor. 12



CAPVT II.

De tentatione ambitionis, præsertim in appetitione beneficiorum, munerumque Ecclesiasticorum.

2.2 q.
131.

Ambitio, vt docet S. Thomas, *est inordinatus honorum & dignitatum appetitus*; cum quis scilicet honores & dignitates appetit, verbi gratia, Sacerdos aut quisvis alius clero ascriptus, beneficia vel officia Ecclesiastica, ad quæ tamen idoneum se minimè cognoscit; vel quando eadem appetit, non vt referat ad diuinam gloriam, sed vt propriæ gloriæ cupiditatem expleat.

Quam vero periculosa sit in Sacerdotibus alijsque Ecclesiæ ministris eiusmodi ambitionis tentatio, hinc patet, quod non modo eos impetat, qui se alijs cupiditatibus & vitijs manciparunt, sed illos etiam qui virtutis, ac pietatis sectatores se profitentur. Plurimos siquidem reperire est in Clero, vitæ alioquin, vt videtur, satis probatæ, nec vllis vitijs obnoxia, quos tamen, vbi vel leuissima aliqua ambitionis aura afflauerit, vbi aliqua beneficii cuiusvis captandi, aut dignitatis Ecclesiasticæ obtinendæ spes affulserit, conti-

tinuò videas velut è statu suo dimoueri, & pelt.fero illo flatu, plerumque in abrupta fimoniarum aut confidentiarum propelli, aut certè procelloso mundanæ vanitatis spiritu exagitari, & tandem lethalis alicuius noxæ scopo allisos miserrimo naufragio perire.

Vnde S. Ambrosius: *hoc ipso, inquit, perniciosior est ambitio, quod blanda quadam est conciliatriculæ dignitatum. & sæpe quos vitia nulli delectant, quos nulla potuit mouere luxuria, nulla auaritia subruere, hos facit ambitio criminosos. Etenim, vt monet Sanctus Cyprianus, etiam in sinu Sacerdotum ambitio dormit, ibi sub umbra recub it, in secreto thalami se fraudulenter occultat.*

Lib. 1. in
Luc. c. 4.

ser. de ie.
iunio &
sent.

Idcirco Christus Dominus discipulos suos alloquens, & in illis omnem Ecclesiæ suæ Clerum erudiens: ab hoc ambitionis vitio eos præsertim deteruit: *Scitis, inquit, quia reges gentium dominantur eorum, & qui maiores sunt potestatem exercent in eos; non ita erit inter vos, sed quicumque voluerit inter vos maior fieri, sit vester minister. & qui voluerit inter vos primus esse, erit vester seruus.*

Mat. 20

Et alia occasione coram ipsismet discipulis acriter in Phariseos ambitione tumentes inuectus est.

Dilatant, inquit, phylacteria sua, &

Mat. 23

ma-

magnificant simbrias; amant primos recubitus in coenis, & primas cathedras in Synagogis, & salutationes in foro, & vocari ab hominibus, Rabbi. Et exinde postquam ab eiusmodi fastu discipulos suos dehortatus est; plurima eaque horrenda anathemata in ambitiosos illos Phariseos, veluti caelestia quædam fulmina vibrat: quæ utinam perspiciant, & attentè perpendant ij, qui Phariseorum ambitiosa consilia æmulantur: qui, ut loquitur sanctus Gregorius, intra sanctam Ecclesiam per speciem regiminis, gloriam affectant honoris, videri doctores appetunt, transcendere ceteros concupiscunt; atque attestante veritate, primas salutationes in foro, primos recubitus in coenis, primas in conventionibus quærunthædoras: qui sulceptum curæ Pastoralis officium ministrare dignè tanto magis nequeunt, quanto ad hoc humilitatis magisterium ex sola elatione peruenerunt.

*In past.
p. 1. c. 1.*

Ut igitur contra hanc ambitionis pestem, antidotum aliquod hic proponatur; auscultandum est in primis monitum Sapientis sic loquentis: *Noli Eccl 7. quærere à Domino ducatum, neque à Rege cathedram honoris; durissimum siquidem iudicium his qui præsumt fiet, exiguum facile conceditur misericordia: potentes*

tes autem potenter tormenta patientur. Item Apolloli similiter dicentis: Nolite plures fieri magistri, fratres mei, sciōtes quoniam maius iudicium sumitis. Tanto certē quisque grauius corrui, inquit Sanctus Gregorius, quanto antequam caderet altius ascendit, & ut loquitur Isidorus, quanto quisque in superioris constitutus est loco, tanto in maiori versatur periculo; & quanto splendoris honore excelsior, tanto si delinquat peccator est maior.

Sap. 6

Iacōb. 2.

Expos. in
ps. 60,
Li. 3. de
sum bon.
c. 31.

Age ergo, inquit Sanctus Bernardus, quoniam iudicium graue his qui præsunt fiet, & potentes potenter tormenta patientur; ascendat superbia tua semper, sequere regem tuum, omne sublime videant oculi tui, festina multiplicare prabendas; inde ad Archidiaconatus euola, demum aspira ad Episcopatus, ne ibi quidem requiem habiturus, quoniam sic itur ad astra. Quò progredieris miser? an ut ab altiori gradu, casus sit grauior? neque enim sic paulatim decides, sed tanquam fulgur in impetu vehemēti, quasi alter sathanas subito deiiceris.

in decla.
mat. sup.
Ecce
nos &c.

Quare quisquis honorum, dignitatum, munerumque Ecclesiasticorum appetitione titillatur, perpendat serio formidandam illam diuini iudicij stateram, ab humani iudicij bilance longè diuersam; perhorre-

icat

Dan. 5.

scat illam supremi iudicis vocem. *aperisus es in statera, & inuentus es minus habens; cogitet quid de ipsis muneribus, ac dignitatibus, in ultimo vitæ suæ termino constitutus, sentiet? quem tunc ex illis fructum recepturus est? & si sapit, si propriæ salutis curam agit, magis eligat abiectus esse in domo Domini, quam habitare in tabernaculis peccatorum.*

Psal. 83

Phil. 2.

serm. I.
in Mis.
sus est.

Ac demum ob oculos sibi ponat exemplum illius: qui, ut loquitur Apostolus, cum in forma Dei esset, exinani et semetipsum formam serui accipiens; humiliavit semetipsum usque ad mortem, mortem autem crucis. Quæ quidem verba perpendens, Sanctus Bernardus, Erubescere, ait, superbe cuius: Deus se hominibus subdit, & tu dominari gestiens hominibus, tu te praponis authori? &c. quoties hominibus præesse desideras, toties Deum tuum præire contendis.



CAPVT III.

De luxu in vestibus, supellectili, alijsque rebus à Christiano Sacerdote maximè cauendo.

AD tentationem ambitionis, proximè accedit luxus in vestibus, supellectili, alijsque quotidianæ vitæ expensis: qui quidem luxus eo culpabilior censetur in Sacerdote, & quouis alio Ecclesiæ ministro, quo per illum Christo perfectionis totius exemplari dissimilior efficitur.

Quid enim diuinus ille Saluator, tum per se, tum per Apostolos suos sapius ingessit, quam mundi gloriam spernere, fastum sæculi calcare, vitæ superbiam fugere, superflua abijcere, paupertatem sectari: & vt doctrinam firmaret exemplis, ipse nasci voluit in stabulo, reclinari in præsepio, vilibus pannis inuolui, totaque vita, domo, lectulo, omnique ferè humano solatio destitui: *Mat. 8.* *Vulpes, inquit, foveas habent, & volucres calinidos, filius autem hominis non habet ubi caput reclinet.*

Sa-

Sane Catholica Ecclesia supremi illius Pastoris vestigijs inhaerens ; nihil fere instantius in Concilijs commendat Sacerdotibus & Clericis, quam frugalitatem & parcimoniam in vestitu, supellectili, alijsque vitae necessarijs: nihil acius arguit, quam superfluitatem, excessum, ac luxum in iisdem.

In Concilio Agathensi sancitum
 an. 536. fuit, *ut liceat Clericis uti vestimentis, aut*
 can. 20. *calceamentis, nisi qua religionem deceant;*
& si qui illorum comam nutriant, etiam
inuiti ab Archidizcono tondeantur In Con-
 cilio Marilconensi, *ut nullus Clericus*
 an. 581. *sagum aut vestimenta secularia, nec ni-*
 can. 5 *si qua Religionem deceant induere prae-*
sumat, quod si post hanc definitionem cle-
ricus, aut cum indocenti veste, aut cum
armis inuentus fuerit; à Seniore ita
coerceatur, ut triginta dierum inclusione
detentus, aqua tantum & modico pane
singulis diebus sustentetur.

In Quini sexta Synodo, *ut nullus*
 can. 27. *eorum qui in Clericali logum relati sunt,*
vestem sibi non conuenientem induit, ne-
que in ciuitate degens, neque iter faciens;
sed utatur vestibus, qua Clericis attri-
buta sunt: si quis autem tale quid fecerit,
una septimana segregetur.

In Concilio Niceno secundo edi-
 can. 16. *citur, omnem iactantiam & ornatum*
corporalem esse à Sacerdotali statu, &
 or-

ordine alienum, &c. item omnem virum Sacerdotalem cum moderato, & honesto indumento versari debere; & quicquid non propter usum, sed ostentatorium ornatum assumitur, in nequitia reprehensionem incurrere.

In Concilio Rhemenfi sub Eugenio can. 2
Tertio prohibetur clericis, ne in superfluitate vestium, aspectum offendant intuentium, quorum forma & exemplum esse debent; sed potius ut luxum illum, ita suis actibus condemnent, ut amorem innocentia conversatione demonstrēt.

Demum in Concilio Tridentino, omnibus & quibuscumque Ecclesiasticis etiam Superioribus & sublimioribus, quanto magis inferioribus, praescribitur: sess. 24.
c. 1. de
ref.
ut non solum modesta suppellectili, & mensa, ac frugali victu contenti sint; verum etiam in quocumque vita genere, ac tota domo caueant, ne quid appareat, quod à sancto hoc instituto sit alienum, quodque non simplicitatem, Dei Zelum, & vanitatum contemptum praeseferat.

„ Verum dicunt aliqui, ut obseruat li 3. de
„ & sibi met obijcit sanctus Bernardus, conf. c. 5
„ num de vestibus cura est Deo; &
„ non magis de moribus? at forma
„ hæc vestium deformitatis mentium
„ & morum indicium est: quid enim
„ sibi vult quod Clerici aliud esse,
„ aliud videri volunt? id quidem minus

„nus castum, minusque sincerum, ;
 „nempe, habitu milites, quæstu Cle-
 „ri, actu neutrum exhibent; nam
 „neque pugnant ut milites, neque ut
 „Clerici euangelizant, cuius ordinis
 „sunt? cum vtriusque esse cupiunt, vtrūque
 „deserunt, vtrumque confundunt: Vult-
 „quisque inquit Apostolus, in suo ordi-
 „ne resurget, isti in quo? an qui sine
 „ordine peccauerunt, sine ordine
 „peribunt?

Amo. 6. „Væ qui opulenti estis in Sion (in-
 „quit Propheta) & confiditis in monte
 „Samarie, Optimates, capita popu-
 „lorum, ingredientiæ pompaticè co-
 „mum Israël, qui dormitis in lectis
 „eburneis, & lasciuitis in stratis ve-
 „stris, bibentes vinum in phialis, &
 „optimo vnguento delibuci, & nihil
 „pariebantur super contritione Io-
 „seph.

Heu quam timendum est, ne qui in
 mystica Sion, id est, in Ecclesia
 Christi, adhuc pompas sæculi am-
 biunt, qui mundi cultum, & luxum
 exquirunt, aliquando poenitentiam
 nimis feram agant, & præ angustia
 spiritus ingemiscetes dicant, *quid*
nobis profuit superbia; aut diuitiarum
iactantia quid contulit nobis? transferunt
Sap. 5. *omnia illa tanquam umbra, & tan-*
quam nuntius præcurrens, &c.

Ut igitur hoc inſœlicitatis præcipi-
 tum

ium deuitare queat Christi Sacerdos,
 & quiuis alius clero Ecclesiæ ascri-
 ptus, serio cogitet, & apud se perpen-
 dat, quantum status sui sanctitati re-
 pugnet hæc pomparum sæculi asse-
 ctatio; quam indignum & turpe sit il-
 lum qui gloriari nullatenus debet, ni-
 si in cruce Domini Iesu Christi, mun-
 danæ gloriolæ auram ex vano aliquo
 exteriori apparatu venari? Sed quam
 iniustum & inhumanum, ea quæ pau-
 peribus debentur, quæ eorum victui
 necessaria sunt, in superfluos & vanos
 vsus impendere: *Clamant nudi &*
dicunt, nostrum est quod effunditis, vo-
bis crudeliter subtrahitur, quicquid ina-
niter expenditur: & nos etiam Dei plas-
matio, & nos Christi sanguine redempti
sumus; nostris necessitatibus detrahitur,
quicquid accedit vanitatibus vestris.

Gal. 6.

S. Ber.
ep. ad
Henr.
Seno.

Cogitet, inquam, & perpendat,
 quod sicut de reliquis omnibus, sic e-
 tiam de bonorum temporalium vlu &
 expensa coram supremo Iudice ratio-
 nem redditurus sit; idque vt ipsemet
 edixit *vsque ad nouissimum quadran-*
tem; quem igitur tunc fructum habi-
 turus est, in illis in quibus nunc ipsi
 est erubescendum?

Heu quot opera charitatis exerce-
 re, quot pietatis ac Religionis confi-
 lia promouere, quot animas è diaboli
 faucibus eripere, & Christo lucrari

potuisset, vel mediocri aliqua parte tot inutilibus expensis subtracta? Neque verò luxus in magnis duntaxat expensis caueri debet, sed & in ijs omnibus in quibus aliqua superfluitas mediocritati & parsimoniz Clericali opposita reperiri potest: nec exigui coram Deo meriti est, sibi interdum parua quædam minus necessaria subtrahere, eaque pijs vsibus applicare.

CAPVT IV.

*De vana gloriæ illecebris à
Christiano Sacerdote
fugiendis.*

NON solum in exteriori apparatu, & sæculari pompa, sed in plerisque alijs rebus, & etiam in ipsismet pietatis, ac Religionis exercitijs inanis gloriæ illecebra Christiano Sacerdoti præcauenda est; & quidem eo maiori sollicitudine: quo, vt monet Calsianus, *Cænodoxia seu vana gloria spiritus multiformis, varius, atque ita subtilis est, vt quibuscumque perspicacissimis oculis non dicam caueri, sed pernideri deprehendique vix possit. Et scio, vt po-*

li. I l.
inst. c. 1.
cap. 4.

Ita subdit, cui sub specie nitida vestis,

stis, comendoxiam non potuit diabolus generare, pro squalida & inculta conatur inferere. Quem scientia & elocutionis ornatu nequirit extollere, gravitate taciturnitatis illudit. Si ieiunet palam, gloria vanitatis pulsatur: si illud contemnenda gloria causa contexerit, eodem vitio elationis obtunditur. Quid plura? cap. 6. omnia vitia superata marcescunt (ut idem inferius loquitur) & denicta per singulos dies infirmiora redduntur, hoc vero deiectum acrius conlescit: cetera genera vitiorum eos tantum impugnat solent, quos in certamine superarunt; hoc vero suos victores acrius infectatur, quantoque fuerit valis elisum, tanto vehementius victoria ipsius elatione congreditur.

Sanè Dominum Iesum videmus in Evangelio peculiari cura discipulos suos de vitio hoc præcauendo commonefacere: *Mat. 6.* Attendite, inquit, ne iustitiam vestram faciatis coram hominibus ut videamini ab eis, alioquin mercedem non habebitis apud Patrem: & alibi ieiunia, orationes, elemosynas, aliaque bona opera sollicitè ab huius vitij tentamētis custodienda præcipit: & Phariseos, scribasque inanis gloriæ affectatores acriter reprehendit: ac demum discipulos ab excursione aliqua Apostolica redeuntes, & de potestate sibi in dæmones tradita exultantes, ac dicentes, Domine etiam in *Luc. 10.* nomi-

nomine tuo demonia subijciuntur nobis,
Luc. 20. serijs verbis increpauit, ipsiusque dæ-
 monis inſœlici, ob impiam elatio-
 nem, caſu ob oculos poſito, com-
 peſcuit.

Nec ſolum verbis, ſed & exemplis
 ad peſtem illam vanæ gloriæ præca-
 uendam inſtruxit, vnde & plurima
 facta & miracula ſua ſilentio regi vo-
 luit, & ijs quos à varijs languoribus,
 dæmonumque vexationibus exeme-
 rat, non modo prohibuit, ſed &
Matt. 5. *comminatus eſt*, ne id vllatenus euul-
 garent.

Cum vero Chriſtiani omnes his
 Chriſti Domini documentis & exem-
 plis inſtrui ac profectum facere debe-
 ant, tum maximè Sacerdotes alijque
 Eccleſiæ miniſtri, qui ſicut ex munere
 ſuo maxima quædam & præclara
 opera pro animarum ſubſidio & ſalu-
 te exequi debent, ita crebrioribus
 gloriæ alicuius inde captandæ occa-
 ſionibus, maioribusque proinde pe-
 riculis exponuntur.

erm. 45 *Va autem ijs*, inquit ſanctus Ber-
in cant. nardus, qui bene de Deo & ſentire, &
 eloqui acceperunt, ſi conuertant ad ina-
 nem gloriæ, quod ad lucra Dei accepe-
 runt erogandum: ſed alta ſapientes, humi-

Gai. 5. *libus non conſentiant*; Non efficiamur
in conſt. ergo inanis gloriæ cœcidi, imò vt mo-
6. 11. net ſanctus Baſilius, *fugiamus inanem*
gloriæ,

gloriā, dulcem spiritualiū operū expilatricem, iucundum animarum nostrarum hostem, tineam virtutum, blandissimā bonorum nostrorum depradatricem, candemque mellis illitu, fraudis veneni sui coloratricem, & mortiferi poculi paritricem.

Vt autem pestiferi huius vitij illecebras non modo fagere, sed & effugere queat Christi Sacerdos, hæc quæ sequuntur remedia si libuerit impendat.

In primis Apostoli monitum perpendat, & secum attentè meditetur: Quis te discernit? quid habes quod non accepisti? si autem accepisti, quid gloriaris quasi non acceperis? Et sanè quidem (vt rectè loquitur S. Bernardus) Vnde tibi gloria, o homo? o putide pulvis, vnde tibi de vitæ sanctitate? sed spiritus est, qui sanctificat; spiritus, non dico, tuus, sed Dei: & si prodigiis, aut signis effulgeas? in manu tua sūt, sed virtute Dei. An blanditur popularis fauor, quod verbum bonum, & bene fortè deprompseris? sed Christus donauit os & sapientiam: nam lingua tua, quid nisi calamus scribæ? & hoc ipsū mutuo accepisti, talentum creditum est, repetendum, cum vsura.

Præterea eiusdem S. Bernardi monitū alterū ausculetur: Nihil, inquit,

P

de

I. Cor. 4

serm. 13
in can.in form.
hon. vit.

de te unquam loquaris, quod laudem importet, quantumcunque familiaris sit ille cum quo loqueris: imo potius plus labora celare virtutes, quam vitia.

Familiaire siquidem est huic vitio, lingua propria tanquam aptissimo instrumento uti; nihilque dulcius videtur quam opera egregie facta, labores pro Dei honore susceptos, laborumque ipsorum fructus narrare: sed nihil periculosius; & sæpè nihil perniciosius: quamvis enim illud interdum alijs ad similia opera prouocandis, aut ad Deum glorificandum excitandis conferre possit, tamen nisi præsentissimæ cautelæ adhibeantur, intentioque ad Deum solum erecta sedulo teneatur, periculum vnde quaque imminet; in lubrico gradis, in medio laqueorum pertransis, proindeque sollicitè caue tibi ipsi, quisquis de te ipso loqui cupis; & nisi urgeat, aut superioris id exigentis auctoritas, aut euentissima proximi utilitas seu necessitas, hoc tibi, quod olim sanctissimo viro, cælitus dictum puta, *fuge, quiesce, tace.*

*in vita
S. Arsē.
in vit.
pat.*

Neque solum silentio rectè facta regenda sunt, sed & quantum fieri poterit occultanda, ac semper secretum virtuti quærendum. Et si tale opus sit quod aliorum oculos latere non valeat, quodque ad ædificationem proximi palam fieri expediat; in eo casu,


su, vt monet Sanctus Gregorius, ita
 fiat opus in publico, vt tamen inten-
 tio maneat in occulto: vt & de bo-
 no opere proximis praebeamus exemplum,
 & tamen per intentionem qua soli Deo
 placere quarimus, semper optemus secre-
 tum.

hom. 11
 in Euāg

Denique ad illam vanitatis umbram
 effugandam, optimum remedium
 erit, diuinæ præsentiæ lucem sapius,
 imo semper expetere, & cum Pro-
 pheta continuo apud semetipsum di-
 cere, *Providebam Dominum in conspe-
 ctu meo semper, quoniam à dextris est
 mihi ne commovear.* Vnde Sanctus Ba-
 silius propositæ sibi quaestioni, quo-
 modo quis posset captanda humana lau-
 dis vitium declinare, sapienter & appo-
 sitè respondit, si sibi certo persuaserit
*ubique Deum adesse; siquidem ne-
 mo est qui cum in oculis Domi-
 nis sit, cum illius dedecore,
 conseruo suo malit gra-
 tiosus esse quam
 Domino.*

Psal. 15

in reg.
 breu.
 q. 34.



CAPVT V.

*De respectibus humanis à
Christiano Sacerdote di-
uinae voluntati post-
ponendis.*

HIC lapis est offensionis, hæc pe-
tra scandali, in quam sæpissimè
non solum è populo Christiani, sed e-
tiam è Clero Sacerdotes alijque Eccle-
siæ ministri impingunt. Hæc nimirum
humanorum respectuum tentatio, &
Petrum Apostolici collegij principem
ad negationis trinæ præcipitium ade-
git, & reliquos Apostolos ad fugam
tempore Passionis compulit, & prima-
rios Iudæorum in Christum credentes
ab ipsius Christi confessione deterruit:
Ioan. 12 Propter Phariseos enim non confitebantur,
*ut è Synagoga non eijcerentur, dilexerunt
enim gloriam hominum, magis quam
gloriam Dei.*

Et quot sunt hodie in Ecclesia Sa-
cerdotes, Pastores, Doctores, alijque
qui sine pudore, siue timore, siue fauo-
re, siue quocumque respectu humano,
facillimè se à bono dimoueri, & ple-
rumque ad malum impelli sinunt.

Quot

Quot sunt, qui faciem potentis extimescentes, & ut loquitur Sanctus Basilius, *ad fastum persona sublimis toti pauore contracti*, vel veritatem eloqui, vel iustitiæ patrociniū suscipere non *in ps. 33* audent.

Quot sunt qui beneficia vel officia Ecclesiastica, fauori, commendationi, importunitati potius quam virtuti, aut merito largiuntur; qui ne amici cuiuspiam animum offendant, ab Ecclesiasticæ disciplinæ tramite quauis oblata occasione deflectunt: qui delinquentes corrigere, peccantes admonere, proteruos compescere, nescio quo metu vel pudore humano prohibentur.

Quot sunt sacris ordinibus initiati, vel muneribus Ecclesiasticis ascripti, quos vitiosorum quorundam conuersatio, à tonsura, habita, aliisque vitæ clericalis insignibus deferendis absterret; quos ordinum vel munerum suorum functiones obire, seque Christi seruos profiteri pudet.

Hi omnes, & si qui alij sint illorum similes serio perpendere debent terribile illud Christi Domini effatum:

Qui me confusus fuerit, & verba mea in generatione ista adultera & peccatrice, & filius hominis confundetur eum cum venerit in gloria Patris sui cum Angelis suis: & qui me erubuerit, & meos ser- *Marc. 8.*

in Scor-
piac.

mones, hunc filius hominis erubescet, cum venerit in maiestate sua, & Patris & sanctorum Angelorum. Nempe, ut ait Tertullianus, confusio*n*i confusione*m* comminatur; sciebat enim a confusione vel maxime formari negationem, mentis statum in fronte consistere, prioremque esse pudoris quam corporis plagam. Quomodo vero (inquit Sanctus Cyprianus) potest esse cum Christo, qui ad Christum pertinere, aut erubescit, aut metuit.

Ep. 28.

Neque hic prætermittendi sunt illi, qui erroris alicuius noui contagione infecti, dum erubescunt corrigere errorem, ut loquitur Sanctus Augustinus, non erubescunt permanere in errore: quod utique potius erubescendum fuit: hoc est istud quod scriptura non tacuit, est confusio adducens peccatum, & est confusio adducens gratiam & gloriam: confusio adducit peccatum, cum erubescit quisque prauam mutare sententiam, ne aut inconstans putetur, aut diu errasse seipso iudice teneatur. Confusio autem adducit gratiam & gloriam, cum erubescit quisque de propria iniquitate, & pœnitendo, in melius commutatur.

Ut ergo malus iste pudor, & vanus timor, & quiuis alius respectus humanus ab animo Sacerdotis, & cuiuslibet alterius ministri Ecclesiastici eliminetur; discat in primis mundum, & ea quæ

quæ in muado sunt nihili facere, *Heb. xi.*
 studeatque imitari virtutem illius, qui
 „ (vt loquitur Apostolus) negauit se
 „ esse filium filia Pharaonis, magis
 „ eligens affligi cum populo Dei, quam
 „ temporalis peccati habere iucundi-
 „ tatem: maiores diuitias æstimans
 „ thesauro Aegyptiorum improperiũ
 „ Christi. Super quæ verba Sanctus
 „ Ambrosius: Moyses, inquit, noluit *in ps. iis*
 „ esse rex cum posset, sed opprobriũ
 „ Christi thesauris Aegypti arbitratus
 „ est præferendum: sed fugiendo po-
 „ tentiam, potentior factus est; factus
 „ est enim in Deum Regi Pharaoni,
 „ hoc est Regi ipsi terribilis, quem
 „ Rex timeret, &c. Et tu si vis tan-
 „ quã Deus, peccatoribus esse terrori,
 „ Regibus reuerentia, contemne quæ
 „ sæculi sunt, & Dominicæ Passionis
 „ opprobrium cõtende omnibus præ-
 „ ferre diuitiis.

Præterea iuxta ipsius Apostoli
 monitum, *aspiciat in authorem fidei,*
 & consummatorem Iesum, qui propo- *Heb. xii.*
 sito sibi gaudio sustinuit crucem,
 confusione contempta: illiusque diui-
 ni Saluatoris vestigia consecretans, a-
 nimum erigat, & ipsam confusione[m]
 humanam, ipsummet mundi contem-
 ptum contemnat; nec quid mun-
 dus cogitet, sed quid Deus iudicet;
 apud se perspiciat: & ab illius v.

nus nutu totus pendeat; ac in omnibus quæ facienda, vel omittenda sunt non hominum opinionem, sed Dei solius voluntatem attendat, Deoque soli, non verò hominibus placere appetat, memor illius dicti Apostolici, *si adhuc hominibus placerem*

Gal. I. Christi servus non essem.

Denique ardentem in animo foueat charitatem, & facile humani timoris, aut pudoris sensum effugabit, *perfecta siquidem charitas foras mittit timorem*; studeat perfectè Deum diligere, & pro nihilo ducet mundo displicere, imò gaudebit, & gloriabitur aliquid confusionis pro Deo sustinere, Sanctorum Apostolorum exemplo, de quibus dicitur, *quod ibant gaudentes à conspectu Concilij, quoniam digni habiti sunt pro nomine IESU contumeliam*

Act. 5.

pati.



CAPVT VI.

*De inordinato propinquorum
affectu, quem Christia-
nus Sacerdos com-
pescere debet.*

QUam noxius quibuslibet Ecclesie ministris, ac proinde quā sollicitè cauendus sit immoderatus ille propinquorum affectus, vel ex solempni illo Concilij Tridentini decreto colligere est, in quo Ecclesiasticis quibuscumque *interdicit omnino, ne ex redditibus Ecclesia consanguineos, sess. 24. familiaresque suos augere studeant, cum c. 1. de & Apostolorum canones prohibeant, ne res ref. Ecclesiasticas, qua Dei sunt, consanguineis donent, sed si pauperes sint, ijs ut pauperibus distribuunt: et autem non distrahant, nec dissipent eius causa; imò quam maxime potest eos sancta Synodus monet, ut omnem humanum hunc erga fratres, nepotes, propinquoque carnis affectum, unde multorum malorum in Ecclesia seminarium extat, penitus deporant.*

Certè Christus Dominus discipulatus sui condiciones proponens: si

P 5 quis,

Luc. 14. quis, inquit, venit ad me, & non odit patrem suum, & matrem; &c. non potest meus esse discipulus. Super quæ verba sanctus Gregorius hanc sibi proponit
hom. 37 in Euāg. difficultatem, quomodo, inquit, parentes & propinquos precipimur odisse, qui iubemur, & inimicos amare? cuius solutionem postea propiciens: si vim, inquit, præcepti perpendimus, utrumque agere per discretionem valeamus, ut eos qui nobis carnis cognatione coniuncti sunt, & quos proximos nominamus diligamus, & quos aduersarios in via Dei patimur. odiendo & fugiendo nesciamus.

Ex qua sancti Gregorij doctrina intelligere possumus, quis sit ille inordinatus amor propinquorum qui prohibetur, & qua ratione cuius Christi Domini miniter, iuxta Evangelicam regulam, & propinquos sancto odio prosequi, & eodem sincera & Christiana charitate complecti debeat. Quotiescumque enim parentes, aut propinqui vel à bono retrahere, vel ad malum inducere nituntur, verbi gratia, si impedimento sint ne Sacerdos ministerii sui functiones debite exerceat; ne operibus charitatis libere vacet, ne beneficiorum reditus qui necessarijs vitæ & statûs expensis superfluit, in eleemosynas & alios pios usus erogat.

Si prohibeant ne vitam secundum

Ec.

Ecclesiasticæ disciplinæ normam insti-
tuat, & è contra, si ad conuersatio-
nes periculosas inducant, si curis &
negotiis sæcularibus implicant, si ad
ambitiosa consilia impellant, aut
tentationis alicuius occasionem sub-
ministrant, tunc eos tanquam in-
via Dei aduersarios odisse & fugere
tenetur.

Imò quamuis nihil eiusmodi mo-
liantur, si tamen ipse Sacerdos sen-
sibili quodam affectu erga parentes,
aut propinquos propendere se videat,
diligenter cauere debet, ne affectus il-
le Ecclesiastici spiritus feruorem ex-
tinguat, aut diuinæ gloriæ zelum vl-
latenus imminuat: Ideoque præstat
omnes eiusmodi peccatorum funes ex-
scindere, & quascumque exterior-
es occasiones, quæ minus ordinatum
illum amorem fouere possunt, ampu-
tare: quod tamen non obstat quin
veram erga eosdem charitatem retine-
re, eorumque bonum spirituale pro
viribus promouere studeat: *Aliud ete-*
nim est (vt obseruat idem S. Grego-
rius) *quod sponte impenditur natura,*
aliud quod præceptis dominicis ex charitate
debetur obedientia, & longe diuersus est
amor qui carnaliter, & qui spirituali-
ter impenditur.

Snp.

Proindeque vt perfectè diligantur
propinqui, eorum dilectio Christi er-

ga nos dilectioni conformari debet, ad hoc amandi sunt, ut idem S. Pater loquitur, ad quod Christus nos amavit; nec ullum periculum est, imò eximium charitatis officium si in salutis negotio quoad fieri potest iuventur, si à peccati occasione vel statu eruantur, si ad virtutis iter capeendum excitentur; si denique ea omnia bona illis procurentur, unde illorum æterna foelicitas, & maior Dei gloria obueniat.

CAPVT VII.

De quibusdam periculosis conuersationibus, contubernijsque, à Christiano Sacerdote vitandis.

Homil.
quod

Deus nō
fit au-
thor ma-
lorum.

li. 1. ep. 4

Sicut in pestilentibus locis (inquit sanctus Basilius) sensim attractus aër latentem corporibus morbum inijcit: sic in praua consuetudine, ac conuersatione, maxima mala hauriuntur, etiamsi statim incommodum non sentiatur. Siquidem, ut monet sanctus Ambrosius, noxia sūt conuersationes cum insipientibus. & insiciunt sobriam mentem ac decolorant: quia
sicut

sicut adharens sancto, sanctus eris; ita
cū peruerso peruersus eris. Frequenter enim
accidit, ut quis contra propositum suum,
intemperantem audiens, cum velit ipse
conscientia disciplinam tenere, fūco insi-
pientia decoloretur, meritoque contraria
sibi sunt & repugnantes disciplina, atque
insolentia.

Quare quotiescumque agitur de cō-
uersatione, maxima cautio cuius Sa-
cerdoti & Ecclesiæ ministro adhiben-
da est, ut prauorum & indisciplinato-
rum quorumcumque conloria deu-
tet: vique iuxta monitum Apostoli,
subtrahat se ab omni fratre ambulante 2. *Thess.*
inordinate: Idque non modo propter 3.
peruersionis periculum, qui enim teti-
gerit picem inquinabitur ab ea, & corrup-
punt bonos mores colloquia praua: sed etiā
propter scandalum, quod ex eiusmodi
conuersatione suboriri potest: vnde
„ Sanctus Hieronymus; Fuge, inquit
„ personas in quibus potest malæ con- *Ep. ad*
„ uersationis esse suspicio; nec para- *Nep.*
„ tum illud habeas è trino, sufficit mi-
„ hi conscientia mea, non curo quid
„ de me loquantur homines. Certe
„ Apostolus prouidebat bona non
„ s, tantum coram Deo, sed etiam co-
„ ram hominibus, ne per illum
„ nomen Dei blasphemaretur in gen-
„ tibus.

Ad hoc autem delectus habendus
est

li 1. off. est eorum quibuscum quisque verfe-
c. 43. tur: Etenim (vt monet Sanctus Am-
brosius) necessaria est conuersationis ele-
ctio, vt adiungamur probatissimis qui-
busque, &c. qui enim cum sapiente gra-
Prou. 13 ditur sapiens erit.

Quod si calus occurrat, in quo cum
peccatoribus necessario cōuerſandum
fit, tunc id præcipuo studio curare
Phil. 2. oportet, vt ſimus ſine querela & re-
prehensione (vt loquitur Apoſtolus) in
medio nationis praua & puerſa: inter
quos lucere debemus ſicut luminaria in
mundo, verbum vita continentes: &
iuxta S. Petri monitum, talis, debet ef-
ſe noſtra conuerſatio, vt peccatores
1. Petr. 2. ipſi ex bonis operibus nos conſiderā-
tes, glorificent Deum in die viſitatio-
nis.

Sed præſertim viro ſacris miniſte-
riis addicto, fugiendæ ſunt conuerſa-
tiones, & contubernia ſœminarum;
dici enim vix poteſt, quot & quanta
inde damna & ſcandala proueniant.
Prima tentamenta Clericorum (inquit
Sanctus Hieronymus) ſunt ſœminarum
Ep. ad frequentes acceſſus; iſte ſexuſ reprehensi-
Occan. biles exhibet Clericos: quid tibi reuera
cum ſœminis qui ad altare cum Domino
fabularis? te in publico cuncti, te in a-
gro ruſtici, aratores, ac vinitores quotidie
lacerabunt, ſi contra depositum fidei, cum
ſœminis habitare contendis, &c. Mihi
crede

*crede, non potest toro corde cum Domi-
ne habitare qui foeminarum accessibus co-
puletur.*

Atque in primis commoratio in ea-
dem domo cum quacumque muliere,
(si mater, vel soror, aut amita, seu ma-
tertera excipiantur) interdicta est ijs,
qui sacris ministerijs addicti sunt, idque
toties repetitis Conciliorum decre-
tis, vt nihil magis Ecclesia in votis ha-
buisset videatur, quod videre est in
illis, quæ ad marginem citata. In Cœc.
reperientur. Certe in Concilio Aga- Niceno
thenfi, quo deit ex antiquissimis no- c.3. Car
stræ Gallia, peculiari decreto sancitum thag. 3.
est, *ut ancilla ab eadem mansione, in cap. 17.*
quæ Clericus manet, remoueantur. Et in Car-
Concilio Moguntino (vt habetur capi- thag. 4.
te (inhibendum est) extra de cohabita- cap. 46.
tione Clericorum & mulierum, pro- Aurel. 3
hibetur ne Sacerdos, etiam mulieres il- cap. 4.
las quas canones concedunt, matrem, ami- Tur. 2.
tam, & sororem, secum in eadem domo c. 10.
retineat: quia instigante diabolo, & in Tolet, 4.
illis scelus perpetratum reperitur, aut c. 41.
etiam in pedisequis earum, & Sanctus Nanne-
Gregorius refert quod beatus Augusti- tens. c. 3
nus, nec cum sorore habitare consenserit, di- Metens.
cens, quæ cum sorore mea sunt, sorores mea c. 3.
non sunt.

Agath.

Praestat ergo (vt cum S. Cypriano c. 11.
loquamur) singularitatem laboriosam lib. 7. ep.
pro pudore seruando potius reuer- 39.
quam

Li de quam sine labore ad dedecus perue-
singular. nire.

Clericor. Neque solum commoratio, & con-
 tubernium foeminarum à quouis Christi
 ministro vitari debet, sed & cōuersatio
 & familiaritas nimia cum personis il-
 lius sexus cauenda est, & omnino im-
 probanda illorum viuendi ratio, qui (ut
Lib. 2. de loquitur S. Prosper) *assuunt se virginibus*
vit. aet. *sacris, aut viduis; ipsique tanto ag-*
c. 4. *glutinantur affectu, ut facilius ab Eccle-*
sia (quod dictu quoque nefas est) quam ab
earum communione discedant; qui etsi cū
illis forte non peccant, tamen mala sus-
picio. is de se prabendo materiam, vitam
suam maculis sinistra opinionis infamant.

Epist. ad
Cresi-
phont.

Sane S. Hieronymus obseruauit, ex
 illo Sacerdotum, Clericorumue glutino cum mulieribus, obortas esse in
 Ecclesia perniciosissimas haereses, ipsil-
 que haeresiarchis familiare fuisse cum
 mulieribus habere colloquia, congres-
 sus, & frequentes consiliorum com-
 municationes: Simon (inquit) Magus
 haesim condidit Helena meretricis adiu-
 tus auxilio: Nicolaus Antiochenus om-
 nium immunditiarum repertor choros du-
 xit foemineos: Marcion Romam prami-
 sit mulierem, qua decipiendos sibi animos
 prapararet: Apelles Philumenem suarum
 comitem habuit doctrinarum, Montanus
 immundi spiritus predicator, multas Ec-
 cle-

clesias per Priscam & Maximillam nobiles, & opulentas fœminas, primum auro corrupit, deinde haresi polluit, &c. Arrius ut orbem deciperet, sororem principis ante decepit. Donatus per Africam, ut infœlices quosque fœtensibus pollueret aquis, Lucilia opibus adiutus est.

Quare danda est opera, inquit S. Basiliius, ut quantum fieri poterit mulierum colloquia congressusque fugiamus. *in const. c. 4* sin id non possit, in eo enitendum est certe, ut quam rarissimè illa, & quam brevissimè fiant. Etenim, ut monet Sanctus Cyprianus, sunt aliqua necessitates quæ nos quoque priuatim fœminas videre compellant, ac etiam ipsæ diuini operis, vel præcepti imperant efficaciam; ut visamus, ut solatia præbeamus, ut hortamenta vitæ salubriter intinemus: nec tamen & in his officijs minor cura agenda est pro moribus nostris, ut clarescant in nostra operatione indicia puritatis; seueritas non desit, quæ cum clerico fœminam possit astringere, ut ipsam consolationem nostram suscipiat cum tremore, & ita sentiat visitationis affectum, ut Clericum veneretur.

Et ut capitulum istud iisdem verbis concludamus quibus sanctus ille Pater librum aureum de singularitate Clericorum, & dignissimum qui à quolibet clerico sapius euoluatur: perditionis meditatio est (inquit)

Lib. de
sing.
cler.

„quit) frequentatiuum inter mulieres
 „celebrare proceſſum, de qua re no-
 „bis Salomon moderamen impoſuit,
 „dicens; In medio mulierum noli aſſi-
 „duus eſſe: Sic igitur ambulate, ſic
 „agite, vt ſemper in Clericis Eccleſiæ
 „ſeuatus candidus conſtet. Seueritas
 „in vobis erga foeminas vigeat, au-
 „thoritas polleat, vigor teneatur, gra-
 „uitas veneretur. Et vt ſemel omnia
 „colligamus ad clauſulam, breuiariũ
 „relegimus vobis, quod ad compen-
 „dioſam plenitudinem redigens Pau-
 „lus Apoſtolus inſinuat. De cætero
 „fratres, quæcunque ſunt vera, quæ-
 „cumque pudica, quæcumque iuſta,
 „quæcumque ſancta, quæcumque
 „amabilia, quæcumque bonæ famæ,
 „Si qua virtus, ſi qua laus discipli-
 „næ, hæc cogitate quæ accepiftis,
 „& didiciſtis & audiſtis, & vi-
 „diſtis in me, hæc agite, &
 „Deus pacis & dilectio-
 „nis erit vobiſcum.
 „Amen.



CAPVT. VIII.

*De frenanda potus, cibique
in Christiano Sacerdote
intemperantia.*

Nillus paimam spiritualis certaminis
apprehendit, vt loquitur Sanctus *Lib. 3 1.*
Gregorius, qui non in semetipso prius per *mor.*
afflictam veneris concupiscentiam, carnis *c. 26.*
incentiua deuicerit: neque enim ad con-
flictum spiritualis agonis assurgitur, si na-
prius intra nosmetipsos hostis positus gula
videlicet appetitus edomatur.

Cum ergo Sacerdos in spiritali a-
gone non militis modo, sed & ducis
respectu aliorum Laicorum partes su-
stineat, hinc sequitur illum aduersus
omnia intemperantiæ tentamenta pro-
bè instructum esse oportere: Confusio
certè & ignominia est Iesum Christum
crucifixum, pauperem, & esurientem far- *Cap. Ec-*
tis predicare corporibus; & ieiuniorum *clesia*
doctrinam rubentes buccas, tumentiaque *princi-*
ora proferre. Et quamuis eiusmodi scan- *pes, dist.*
dalum utcumque tegatur in ijs, qui ne- *35*
que Christum, neque ieiunium prædi-
cant, intemperantiæ tamen vitium
adeo

*In de-
clamat.*

adeo ex seipſo, non modo indecorum,
ſed & virtutibus quibuſcumque no-
xium & aduerſum eſt, vt Sacerdoti-
bus & Clericis præcipuo ſtudio cau-
endum eſſe cenſeatur. *Va, va, tibi cleric e*
(exclamat ſanctus Bernardus) *mors in*
olla, mors in delicijs eſt i non modo quia
ſecus introitum delectationis poſita eſt
ſe cognoscitur, ſed ob id maximè quia
populi conſtat eſſe peccata qua comedis.

Porro cum huius vitii tentatio plu-
rimis ſeſe modis ingerat, variique
ſint occuſus, in quibus virtus illi op-
poſita periclitatur; nihil tamen hic
de irritamentis ebrietatis dicere nobis
propoſitum eſt, cum adeo infame &
foedum ſit vitium iſtud in quolibet ho-
mine, vt inſtar monſtri, ac prodigij ha-
beat in Sacerdote: quod ſiquiſpiam
ex illo gradu, in hoc pluſquam beſtia-
le vitium deuolueretur: iam non vt
Sacerdos, imò ne quidem vt homo ra-
tionis particeps, ſed vt viliffimum cra-
pulæ inancipium frænari, & in ordinem
redigi promereretur.

Ib. 6.
inſit.
c. 6.

Cum vero (vt ait Caſſianus) non ſola
vinſi crapula mentem inebriare conſue-
uerit, verum etiam cunctarum eſcarum
nimietas vacillantem eam, ac nutabun-
dam readat, omnique integritatis, ac
puritatis contemplatione deſpoliet: ideo
cuiſbet Eccleſiaſtico miniſtro ſicut
in potu, ſic etiam in cibo intemperan-
tia

tia omnis vitanda est, & frugalitas sedulo confectanda; ac in primis ipsius intemperantiæ occasiones quæcumque fugiendæ, quæ sicut in tabernis, comestationibus, compositationibus, conuiujs, frequentiores sunt, & periculosiores, sic etiam peculiari cura ab istis omnibus, & aliis similibus gulæ illecebris Sacerdoti cauendum est: ac præsertim quoniam interdum ad conuiuia Laicorum specie honestatis ipsi Sacerdotes aduocantur, Ecclesia tamen eiusmodi frequentius adeunda Clericis prohibuit: *Conuiuia*, inquit Concilium Aquileiense, & nimiam laicorum familiaritatem, multarum offensarum & scandalorum originem, Clerici in quocumque gradu constituti, declinare ac fugere debent: & in tertio Concilio Rauennatensi edicitur, ne Clerici Laicorum conuiujs frequentent; quia valde honestatem deiciet clericalem, ipsorumque clericorum vilescere facit auctoritatem. Siquidem, ut ait D. Hieronymus, facile contemnitur Clericus, qui sæpe vocatus ad prandium, ire non recusat. Quare, ut ibidem subdit, consolatores nos potius ipsi laici in mœroribus suis, quam conuiuas in prosperis nouerint.

can. de vit. & hon. cler

ep. ad Nep.

Neque solum in lautioribus conuiujs, sed & priuatis edulijs violatur tem-

Eccl. 37
l. b. 2. in
Iou.

Collat. 2
c. 23.

lib. 10.
mor. c.
27.

In En-
chir.
paruul.
docu. I I

temperantiæ lex, si auidè nimis, aut immoderatè sumantur. Noli auidus esse in omni edulatione, inquit Sapiens, & non te offendas super omnem escam, & D. Hieronymus, ex v. lissimis etiam cibus, inquit, vitanda est satietas; nihil enim ita obruit animum, ut venter plenus & exastuans.

Cassianus autem constituendum esse docet, hunc generalem continentia modum, ut secundum capacitatem virium, vel corporis, vel ætatis, tantum sitimet cibi unusquisque concedat, quantum sustentatio carnis, non quantum desiderium saturitatis exposcit. Et quamuis exquisiti, & lautiores cibi à mensis Sacerdotum, Clericorumque abesse debeant, tamen, ut monet Sanctus Gregorius, non tam cibus, quam appetitus in vitio est, & plerumque culpa committitur, etiam cum abiecta & vilia sumuntur.

Quare ut recte concludit Ludovicus Blosius) cum necesse sit singulis diebus cibo, potuque uti, ingluvieque à plerisque superari difficilius soleat, quam cetera carnis vitia: ideo inuigilet vir spiritualis, qualem decet esse Sacerdotem, & quemvis Ecclesiæ ministeriis ascriptum, in quotidiana aduersus gulam pugna, & Dei auxilium sedulo imploret, ne vincatur: indecentem auiditatem, turbulentamque

cupiditatem inter edendum, etiam in simplicibus escis franet, ipsum cibum modeste sumens, & eum honestè sensimque mandens. Et quamquam delectationem terrenam sentiat (sine qua refectio corporalis ab homine famente vel sitiante nequaquam sumitur) non tamen eidem delectationi inhareat, neque eam ad intima sua admittat, & sanè qui pie secum retrahat atque recogitat, Dominum Iesum fel, & acetum, pro nobis gustasse, facilius gula illecebras spernit; facilius delitiosis escis, ac potibus carere potest; atque ipsamet deliciosa edulia a què temperanter & inculcate sumit sicut minus sapia & vilia.

CAPVT XIV.

*De oris & linguæ custodia
Christiano Sacerdoti maxime necessaria.*

SI quis (inquit Apostolus) putat se Religiosum esse non refranans linguam suam, sed seducens cor suum, huius vana est Religio. Super quæ verba Sanctus Bernardus, postquam dixit: *virtutis Religionis, qua diuini cultus mi-*

Iac.1.

Trac. de

pass.

Dcm.c.

27.

ni-

nistros praesertim spectat, proprium esse
 religare linguam; ac sine ipsius lingua
 religatione vanam Religionem esse, sub-
 iungit; ciunt homines spirituales quantum
 auferat deuotionis; quantum offerat dis-
 solutionis intrinsecus, frequens lingua
 resolutio: periculum etenim est non so-
 lum falsa dicere, vt ait S. Ambrosius, sed
 etiam vera, si quis ex insinuet quibus non
 oportet.

in psalm
 118.

Neque verò hic intendimus dis-
 cere de cohibenda lingua à periurijs,
 blasphemijs, calumnijs, contumelijs,
 alijsque similibus vitijs, quæ inter
 Sacerdotes ne quidem nominari de-
 bent, sicut docet Sanctos: sed quibus-
 dam alijs linguæ deliquijs, quæ licet
 non ita vituperabilia in ore laicorum
 videantur, maximè tamen à quouis
 Sacerdote cauenda sunt: Nuga si-
 quidem, vt ait S. Bernardus, inter sa-
 culares, nuga sunt, in ore autem Sa-
 cerdotis blasphemia.

lib. 2. de
 consid.
 c. 15.

Ac in primis vana & otiosa collo-
 quia esse, satis euincit illud Christi
 Domini effatum: Amen dico vobis
 quoniam omne verbum otiosum quod
 loquuti fuerint homines reddent ratio-
 nem de eo in die iudicii. Otiosum
 autem verbum illud est, vt explicat
 „ sanctus Hieronymus, quod sine
 „ vtilitate & loquentis dicitur &
 au-

Mat. 12.

in illum
 locum.

Hom. 6.

in Enäg

„audientis : vel , vt docet sanctus
 „Gregorius , quod aut vtilitate re- *Hom. 6.*
 „ctitudinis , aut ratione iusta neces- *in Euaḡ*
 „sitaris caret ; vel denique (vt cen-
 „set sanctus Bernardus) otiosum *Serm. de*
 „illud verbum est quod nullam ra- *triplici*
 „tionabilem causam habet : quæ *custod.*
 „igitur ratio , inquit ille S. Pater ,
 „reddi potest de eo quod est præter
 „rationem : nemo itaque parui æ-
 „stimet tempus quod in verbis con-
 „sumitur otiosis , siquidem nunc
 „tempus acceptabile est , & dies sa-
 „lutis , volat verbum irrevocabile ,
 „volat tempus itremeabile , nec ad-
 „uertit insipiens quod amittat .

Quod si verba otiosa & inutilia de-
 uitanda sunt , multo magis verba scur-
 rilia & petulantia , quæ modestiæ ad-
 uersantur , & sæpè charitatem læ-
 dunt . Sanè in Concilio quarto Car-
 „thaginensi decernitur : Clericum *cap. 6.*
 „scurrilem , & verbis turpibus iocula-
 „rem ab officio remouendum esse : *sess. 4.*
 „& in Concilio Tridentino edicitur ,
 „*tanquam* diuini verbi temeratores ,
 „& violatores , acrioribus poenis co-
 „ercendos esse eos , qui sententias &
 „verba sacre Scripturæ ad scurrilia
 „& vana conuerterint .

Præterea sanctus Apostolus dile-
 ctum sibi Timotheum , & in eius per-
 sona quemcumque sacris ministerijs *2. ad*
Tim. 2.

1. Cor. 11. mancipatum admonens: *Noli, inquit, contedere verbis, ad nihil enim utile est, nisi ad subuersionem audientium. Et alio in loco, si quis videtur contentiosus esse, nos talem consuetudinem non habemus, neque Ecclesia Dei.*

2. 2. q. 38. ar. 1. Obseruat autem D. Thomas verborum contentionem vituperabilem esse, proindeque deuitandam, non modo cum quis veritatem pertinaciter impugnat, quod proprium est hæreticorum; verumetiam cum etsi veritatem propugnet, & ad euertendam falsitatem disputer, id tamen facit modo inordinato, verbi gratia, eo gestu, eo vocis sono, ijs verbis, quæ & modestiæ minimè congruant, & audientium ædificationi obsint. Quod simili ratione intelligendum est, quando quis aduersus alterum, de quibuscumque rebus contendit, vel absque sufficienti ratione, vel præter debitum moderamen ipsius rationis.

lib. 1. Sicut contentio, sic etiam diuersa quidem, sed adhuc potiori ratione adulatio omnis, & assentatio ab ore Sacerdotis procul eliminanda est, ut enim docet D. Hieronymus; *Adulatio proprium est hæreticorum, qui per dulces sermones, & benedictiones seducunt ac decipiunt innocentium.* Et D. Chrysostomus asserit, *longè peius esse collaudare delinquentes, quam delinquere: si quidem*

dem is qui dum peccat, condemnat inierius peccatum suum, poterit aliquando ad se redire: at qui laudat malitiam, is se priuauit curatione, quam affert pœnitentia.

Et tamen in ea tempora deuenimus in quibus, quod de suis conquerebatur D. Hieronymus, maximè regnat hoc vitium, vtinam ne in Sacerdotibus & alijs Ecclesiæ ministris, quodque est grauissimum, humilitatis ac beneuolentia loco ducitur, vnde fit, ut qui adulari nescit, aut inuidus, aut superbus putetur.

De vitio detractiōis nihil attinet hic dicere, cum eo manifestius sit & cognitu facilius, quo inter homines hodie frequentius perpetratur. Hoc tantum admonemus ex eodem Sancto Hieronymo, paucos admodum esse qui huic vitiō renuntient; raroq; inueniri, qui ita vitam suam irreprehensibilem exhibere velint, ut non libenter reprehendant a tēnam: tantamq; huius mali libidinē mentes hominum inuasisse, ut etiā qui procul ab alijs vitijs recesserunt, in istud tamen quasi in extremum laqueum incidant. Quare peculiari sollicitudine cuilibet viro Ecclesiastico inuigilandum est, ne vlli vnquam detractiōi os suum aperiat, ne in colloquijs aut conuersationibus, alterius famam vllō modo impetat: & si aliqua iustitiæ, vel charita-

tis ratio ad aperienda alterius delicta compellat, id non nisi cum summa consideratione & cautione præstet, neque ultra præscriptas sibi recta ratione metas vllatenus euagetur.

Sup. De mendacio similiter ac iuramento, illud solummodo cuius Sacerdoti ex eodem Sancto Hieronymo proponimus, *mentiri, & iurare lingua tua prorsus ignoret; tantusque in te sit amor veri, ut quicquid dixeris iuratum pates.*

Sup. Quoniam verò hæc, quæ supra relata sunt linguæ vitia, aliaque similia non sufficit agnoscere ac deprehendere, nisi etiam iisdem curandis sedulo incumbatur: idcirco remedia aliqua hic subiungemus, ex Sanctis Patribus excerpta, quibus uti poterunt, qui se illis indigere conspicient.

Supr. Primo igitur (iuxta præfati Sancti Hieronymi doctrinam) *Sermo in omnibus sit moderatus & parcus; & qui necessitatem magis loquendi indicet, quam voluntatem. Etenim in multiloquio non deerit peccatum, ut monet Sapiens, qui autem moderatur labia sua, prudentissimus est; unde Sanctus Ambrosius, com-
Lib. 1. of* *plures, inquit, vidi loquendo peccatum
fic. c. 2. incidisse, vix quemquam tacendo; ideoque
tacere nosse, quam loqui difficilius est: scio
namque loqui plerisque, cum tacere ne-
sciant;*

sciant: raram est tacere quāquam, cum sibi loqui nihil profit; sapiens est ergo qui nouit tacere: denique sapientia Dei dixit, Dominus dedit mihi linguam eruditionis ut sciam quando oporteat sermonem dicere.

Præterea (ut idem S. Pater alia occasione docet) sapiens ut loquatur, multo prius considerat, quid dicat, & cui dicat, quo in loco, & tempore: & (ut ait Sanctus Gregorius) freno consilij retinet præcipationem verbi; & caute considerat, ne relaxando lingua lasciuiam, auditorum conscientiam incauta locutione transfigat.

Quod si pruritus aliquis linguam ad loquendum efferat; alliga sermonem tuum (inquit sanctus Ambrosius) ne luxuriat, ne lasciuat, & multiloquia peccata sibi colligat; sit restrictior, & ripis suis coerceatur; sit ori tuo ostium, ut claudatur ubi oportet, & obseretur diligentius. Et Sanctus Chrysostomus; Refrena (inquit) linguam, & si non patitur reticere dentium morſu quiescat, & tanquam carnifici dentibus tradatur. O quantum fructum affert, (exclamat S. Gregorius Nazianzenus) pulsato inſus atque incitato pectore, linguam loqui geſtientem interdum cohibere.


Verum iuuat hic cum sapiente conqueri, quis dabit ori meo custodiam, & super labia mea signaculum certum, ut

sup. c. 10

Lib. 5
mor. c.
12.Lib. 1. of
sic, c. 3.Orat. ad
bapti-
sand.

Eccli. 22

- no cadam ab ipsis, & lingua mea perdat me? omnes enim natura bestiarum
Iacob. 3 & volucrum, & serpentium, & caterorum domantur, ut ait Apostolus, & domita sunt à natura humana, linguam autem nullus hominum domare potest.
- Ier. 3. de* Quare, ut monet Sanctus Augustinus,
verb. si linguam nullus hominum domare potest, ad Deum confugiendum est, qui domet linguam nostram: ideoque cum eodem sæpius inclamandum, quotidiana fornax est lingua nostra. imperas nobis & in hoc genere continentiam: da quod iubes, & iube quod vis? tu nosti de hac re ad te gemitum cordis mei, & flumina oculorum meorum. Et cum Prophe-
Psal. 140 ta; Pone Domine custodiam ori meo, & ostium circumstantia labijs meis; & rursus, Domine labia mea aperies & os meum annuntiabit laudem tuam.
- Psal. 90*



CAPVT X.

*De otiositate à Sacerdote
Christiano fugien-
da.*

F*ugienda otiositas, inquit S. Bernar-*
dus, mater nugarum, nouerca vir-
tutum; multam quippe malitiam da-
cuit otiositas. Sicut enim per rimam sen-
tina, vt idem alio in loco dixit, aqua
latenter intrat, & excrefcit, donec na-
uis per nautarum incuriam demergatur;
ita ex otiositate, & ignauia, cogitatio-
nes praua, & concupiscentia multiplican-
tur, donec nauis cordis eis succumbens in
peccato periclitetur.

*Lib. 2. de
co. fid. c.
13
Eccli. 33
Serm. de
S. An-
drea.*

Sed maximè Sacerdotibus hoc vi-
tium fugiendum esse constat, ex eo
quod ipse Christus Dominus edixit, in
persona discipulorum suorum, cunctos
Ecclesiæ suæ ministros alloquens. Ego
(inquit) *posui vos vt eatis, & fructum*
afferatis, & fructus vester maneat: non
vtique vt otio torpeatis, vt inutiliter
tempus teratis, vt inanes & vacuos dies
elabi sinatis; sed vt eatis, & fructum
afferatis.

Tit. de vit. et honest. Cleric. Vnde in Concilio quarto Mediolanenſi dicitur, quod unusquisque Clericus illud apud ſe repetere debet, ſe non ad inertiam & ignauiam, ſed ad ſpiritualis & Eccleſiaſtica militia labores vocatum eſſe.

in cap. 1. Iſa. Sane inter pleraque alia qua Deus ſpeciali odio proſequitur (vt monet ſanctus Baſilius) una hac eſt otioſitas. ſeu ceſſatio ab his, qua nos ex officio attinet facere.

Luc. 13. Otioſus, nempe Sacerdos, vel Clericus, ficulnea eſt illa infructuoſa, plantata in vinea Domini, de qua poſt plurimum annorum patientiam, tandem iudicium illud fertur. *Succide illum*, vt quid etiam terram occupat. Omnis enim *Mat. 20* arbor qua non facit fructum bonum excidetur, & in ignem mittetur.

Porro huius vitæ quam currimus tempus (vt monet Spiritus ſanctus in varijs Scripturæ locis) eſt tempus ſementis: in hac vita licet nobis, quod volumus ſeminare, cum iſta vita tranſierit, operandi tempus auferetur. Vnde & Saluator ait; *Operamini dum dies eſt, veniet nox* quando nemo poteſt operari. Cum igitur tempus illud adeo breue ſit, & prætereat figura huius mundi, *Ca-*
I. Cor. 7 uendum maxime eſt ne inutiliter elaboratur; Nolite errare (inquit Apoſtolus) Deus non irridetur, qui eum ſeminauerit homo, hac & metet, quoniam qui ſeminat in carne, de carne metet corruptio-
Galat. 6 nem.

nem, qui autem seminat in spiritu, de spiritu metet vitam aeternā, & rursus alio in loco. Qui parce seminat, parce & metet, & qui seminat in benedictionibus, de benedictionibus & metet; ac demum unusquisque propriam mercedem recipiet secundum suum laborem.

1. Cor. 3

Vt igitur perniciosum illud otiositatis vitium effugiat quiuis Ecclesiae ministerio ascriptus, aduertat duplex esse otiositatis genus, & vtrumque maxime cauendum.

Primum est, cum quis nihil agit; quod quidem quamuis nemini probeatur, non infrequenter tamen in plerisque Sacerdotibus reperitur, idque cum ingenti totius ordinis Sacerdotalis dedecore: quor enim videre est in pagis, villis, castellis, alijsque locis, qui ubi officium, ac missam qualitercumque absoluerint, maximam diei partem, sedentes, otiantesque, aut deambulantes in propatulo, vanis confabulationibus cum quibuscumque obuijs insunt: interim dum alij saeculares varijs laboribus distenti in sudore vultus sui vescuntur pane suo.

Secundum est, cum quis aliud agit, quam eius debitum exigit, v. g. cum Sacerdos tempus illud omne quod illi ab officio & missa (upere est impendit curis saecularibus, negotiationibus, litigijs, aut etiam ludis, venationibus,

Genes. 3.

in specul.

& alijs similibus otiosis occupationibus (vt loquitur Blossius) & à Clericali munere alienis. Et vtrumque hoc otij genus cuius Ecclesiæ ministro æque fugiendum est, cum in vtroque non modo temporis iactura, sed & populi Christiani scandalum, & Ecclesiæ dedecus, & Diuini Numinis offensio reperiatur.

Ad hos proinde atque ad illos pertinet illa S. Apostoli denuntiatio, *quæ*
2. Thess. 3. niam si quis non vult operari, nec manducet. Et maxime vtrisque timendū est; ne vnūquemq; illorū attingat euangelica hæc condemnatio, *inutilem seruū eijcite in tenebras exteriores.*
Matth. 25.

Quod quidem vt ab ipsis deuitetur, vtque conuenienter ac fructuose impendatur tempus; vtilissimum ac saluberrimum ipsis erit ordinem sibi agendorum proponere, & quid quaque diei parte faciendum sit, sibi præscribere: v. g. qua hora surgendum, quando & qua ratione meditationi vacandum, horæ recitandæ, Missa celebranda & studiis incumbendum, operibus charitatis, aut honestæ & vtili conuersationi vacandum, refectiōni, & recreationi alicui modestæ indulgendum, & alia similia muneri suo conuenientia, aut certe ab ipso minime aliena præstanda; ita ut
Eccl. 14. non defraudetur quis à die bona,
neq;

nec ulla diei bona particula illum praterat.

Proderit etiam salubre illud Petri Blesensis monitum: Redde conscientia tua de quotidianis actibus rationem; vide si diem & noctem sine cuiusque peccati macula transigesti, sin minus legisti, & orasti, & scias non modicam esse temporis iacturam quod in otio aut fabulis impenditur. Tu te omnibus exhibe cogitans te omnium seruum, nec tibi sed cunctis genitum te vivere credas, datum in doctis doctorem, consolatorem solatiumque oppressorum, patrem orphanorum, defensorem viduarum, & omnibus debitorem.

De instit.
Episc.
ca. 4.

CAPVT XI.

De modo cuius Sacerdoti in ludis, & recreationibus tenendo.

A Nimo, corporique relaxationem aliquam quandoque indulgendam esse dicit Gebennensis antistes, in tertia Philothex suæ parte; idque probat Diui Ioannis exemplo & dicto, ex Cassiani libris relato; unde concludit, non modo ab humanitate, sed & à virtute alienum esse.

cap. 31.

adeo rigidum ac ferum se præbere, ut neque sibi, neque alijs ullam relaxationem recreationemque permittere quis velit.

Porro in quibuscumque recreationum generibus, quæ à Sacerdotibus, alijsque personis Deo sacris usurpari possunt, tria maxime obseruari convenit.

Sup. Primum est, ut nihil in illis reperiatur quod Divinis vel Ecclesiasticis legibus sit prohibitum; & de Divinis quidem legibus nulla est difficultas; de Ecclesiasticis autem, certum est quædam esse ludorum, & recreationum genera Clericis interdicta, v. g. alearum, quarum prohibitionem præfatus Antistes etiam ad ipsos Laicos extendit: & varijs rationibus illius prohibitionis æquitatem probat.

can. 42. In Canonibus certe Apostolicis, excommunicationis censura plectendus edicitur Episcopus, aut Presbyter, aut Diaconus aleis ludens; quia poena etiam cuius Clerico aleatori, in sexta Synodo Generali infligenda decernitur.

can. 50. Simili ratione ex varijs Conciliorum decretis constat spectacula histrionum, mimorum, aliorumque eiusmodi, Clericis esse interdicta: Non oportet, inquit Concilium Laodicenum, ministros altaris, vel quoslibet
Cler-

Clericos, spectaculis qua in scenis exhibentur interesse : quod & similiter can. 54.
 prohibitum reperitur in Concilio Lateranensi sub Innocentio tertio ,
 cap. 16. in Concilio Parisiensi sub Ludouico & Lothario l. 1. cap. 38.
 & permultis alijs.

Venatio item, illa præsertim, quæ fit cum strepitu, & clamore, interdicitur Clericis, in Concilio Romano sub Eugenio secundo cap. 12. Agathensi, cap. 55. & alijs. Appositè sanctus Hieronymus; *Esu, inquit, venator erat, quoniam peccator erat, & penitus non inuenimus in scripturis sanctis sanctum aliquem venatorem.* cap. 2.

In Concilio Senonensi prohibetur, *ne Clerici publicè ludant pila, aut alijs ludis, maxime cum Laicis.* Mich.
 Prescribiturque vt à ludo alearum, cæterisque qui à sorte pendent abstineant, neque ludantium fautores, an. 528.
 spectatores, aut testes existant. Quod item rigidiùs adhuc in Concilio Mediolanensi 4. interdicitur. c. 25.

Neque dicat quis in plerisque ex ludis illis aut recreationibus prohibitis, nihil inesse mali: nam præterquam quod in eis multa reperiuntur, quæ status Ecclesiastici sanctitatem parum decent: Sanè (vt sapienter dixit sanctus Ambrosius) *quid interesset inter populum & Sacerdotem, si ijsdem astrin-*
ge-

gerentur legibus: debet utiq. praponderare vita Sacerdotis; sicut praponderat gratia.

Secundum quod Sacerdotes & Clerici in ludis & recreationibus obferuare debent; est, vt nihil in illis fiat aut reperiatur quod scandalum, aut offensionem aliquam proximo afferre possit: *omnia mihi licent*, aiebat Apostolus, *sed non omnia expediunt*: pleraque anitni relaxandi causa inculpabiliter fieri & dici possunt priuatim inter ipsas personas Ecclesiasticas, quæ coram quibusdam Laicis forsan reprehensibili obnoxia viderentur: proindeque ipsis sollicitè cauendum est ne tali vtantur licentia: qua, vt loquitur Apostolus, *offendiculum fit infirmis*; sic enim peccantes in fratres & percutientes eorum conscientiam infirmos in Christum peccant.

Tertium denique est, vt in ipsis recreationibus & ludis, modus debitus obferre ur, vteturque quouis excessus, siue in tempore quod ludo & recreationi conceditur: siue in ipsius ludi expensis, siue in ludendi affectu; quantumuis enim inculcata & honesta sit aliqua recreatio, vt rectè monet Antistes Gebennensis, nimius erga ipsam affectus semper vitiosus est; in ludendo quidem delectationem aliquam percipere licitum est, nusquam

quam tamen cor & affectum ludo
 apponere, ita vt ipse ludus cum
 ardore quodam animi quærat, aut
 exspectetur.

CAPVT XII.

*De procurationibus rerum se-
 cularium, alijsque mundi
 negotiationibus & curis
 à Christiano Sacer-
 dote fugiendis.*

Nemo militans Deo implicat se nego-
 tijs secularibus, inquit Apoſto- 2. Tim.
 lus, vt ei placeat cui se probauit. Ea nam- 2.
 que conditione Sacerdotes & Clerici
 nomen Christi militiæ dederunt, ea
 lege in eius caſtris profitentur, vt expe- Conc. Fo
 diti ab omni ſæculi præſentis impedimen- roiuſ.
 to, intrepidi in prima acie perſiſtentes, poſt can. 5
 palmam victoriæ triumphatricis, glô-
 ria coronam, ab eo Rege qui de anti-
 quo hoſte triumphauit, ſuſcipere me-
 reantur.

Miles ſane, vt ait Sanctus Baſilius,
 non domos adificat, non comparat agros, In Aſce-
 non vacat mercatura; in plateis taberna- tic. ſer. 1.
 culum ſibi ponit, cibum ſola neceſſitate

metitur, somni tantum, quantum natura requirit : itinera frequentia, itemque vigilia, aeris ad frigora, caloresque tolerandos patientia : periculorum cum aduersarijs certaminū crebra susceptio ; & in ijs saepe si ita fors ferat, gloriosa mors, &c.

„Age igitur, ò miles Christi, qui
 „iam tenuia hæc ex rebus humanis
 „exempla inspexeris, subeat animum
 „tuum sempiternorum bonorum
 „cogitatio ; solutus esto, atq; ab
 „omnibus vitæ curis liber, &c. Si
 „quis, inquit Christus, mihi mini-
 „strat me sequatur, & vbi ego sum,
 „illic sit & minister meus ; vbi ergo
 „Christus Rex noster est ? in cælo
 „haud dubiè ; huc proinde tuus tibi,
 „ò miles Christi, dirigendus est cur-
 „sus ; obliuiscere quicquid hic in
 „terris impedimenti haberi potest.
 „Optimè & appositè sanctus Am-
 „brosius : Cui portio Deus est, in-
 „quit, nihil debet curare nisi Deum,
 „nec alterius impeditur necessitatis
 „munere ; quod enim ad alia officia
 „confertur, hoc Religionis cultui, at-
 „que huic nostro officio decerpitur.
 „Hæc enim verà est portio Sacerdotis
 „abdicatio domesticorum, & qua-
 „dam alienatio charissimorū vt suis se
 „abneget, qui seruire Deo elegerit.
 „Et Petrus Blesensis : Vacuum, inquit,
 „à secularibus oportet esse animum di-

uina

id. bid.

Lib. de
fuga sa-
culi & re-
fertur

12. q. 1.

e. cui
portio.

„uinæ seruitutis obsequio consecra-
 „tum: Magnis addictus es, noli mi-
 „nimis occupari: minima, & vilia sunt,
 „quæcumq; ad sæculi quæstus, & non
 „ad lucra pertinent animarum.

Et hæc quidem attendens sancta Ec-
 clesia, sollicitè cauit, ne Sacerdotes
 aliq;ue sacris ministeriis ascripti, rerum
 sæcularium procurationibus, aut muni-
 di curis, negotijsue implicarentur:
 super quare insigne præ cæteris est de-
 cretum Concilii Calcedonenſis quod
 hic exſcripsimus.

„Peruenit ad Sanctam Synodum,
 „quia de ijs qui in Clero cõnumeran-
 „tur, quidam propter turpis lucri gra-
 „tiam alienarum possessionum con-
 „ductiones, & causas sæculares susci-
 „piunt, & à sacris quidem officiis se-
 „per deficiam separant, ad domos au-
 „tem sæcularium concurrunt, & sub-
 „stantiarum eorum gubernationes a-
 „uaritiæ causa suscipiunt. Decreuit er-
 „go sancta Synodus, nullum Cleri-
 „cum deinceps, aut Monachum con-
 „ducere possessiones, aut misceri sæ-
 „cularibus procurationibus, nisi fortè
 „qui legibus ad minorum ætatem tu-
 „telas, siue curationes inexcusabiles
 „attrahitur: aut cui ciuitatis ipsius E-
 „piscopus Ecclesiasticarum rerum cõ-
 „miserit gubernacula, & orphanorum
 „aut viduarum, quæ indefensæ sunt,
 „& ea-

*Cap. 5. et
idem cõ-
stitutum
habatur
in conc.
Later.
sub In. 3
c. 16. &
in conc.
Later.
sub A-
lex. 3. c.
12.*

„ & earum personarum, quæ maximè
 „ Ecclesiastico indigent adminiculo
 „ propter timorem Dei. Si quis vero
 „ transgressus fuerit hæc præcepta,
 „ Ecclesiasticæ correctioni subiaceat.

Sanè indecorum est, & ab Ecclesia-
sub Lud. stica dignitate & sanctitate valdè alie-
& Loth. num, videre Sacerdotes, vt loquitur Cō-
c. 1. c. 29 cilium Parisiense, pro forensibus negotijs
huc illucque currentes & discurrentes, in-
terim dum ex eorum absentia, & loca
Deo dicata debito cultu priuantur, & ho-
mines sine confessione, & infantes sine
baptismi regeneratione plerumque moriū-
tur. Quibus postea illud Prophetæ
Tbren. 4 summa cum ratione applicat, quomodo
obscuratum est aurum, mutatus est color
optimus, dispersi sunt lapides sanctuarij in
capite omnium platearum. Quod bea-
Past. l. 2 tus Gregorius ita exponit: Quid nam-
c. 7. que auro quod metallis ceteris præminet,
 nisi excellentia sanctitatis? quid colore
 optimo, nisi sanctis amabilis reuerentia re-
 ligionis exprimitur? quid sanctuarij la-
 pidibus nisi sacrorum ordinum persona
 designantur, &c. aurum igitur obscura-
 tur, cum terrenis actibus sanctitatis vita
 poluitur, color optimus commutatur, cum
 eorum qui degere religiosè credebantur, æ-
 stimatio antea facta minuitur: nam cum
 quilibet post sanctitatis habitum terrenis
 se actibus inserit, quasi colore permutato,
 ante humanos oculos, eius reuerentia de-
 specta

specta pallescit sanctuarij quoq; lapides in plateis disperguntur, cum causarum secularium lata itinera expetunt hi, qui ad ornamentum Ecclesie internis mysterijs quasi in secretis sanctuarij vacare debuerunt.

Et Concilium Aquisgranense se- Part 3.
c.8.
cumdum statuit, illos Sacerdotes
qui contra statuta canonum villici
sunt, turpia lucra sectantur, &
per diuersos mercatos indiseretè
discurrunt, summa districtione
& seueritate coercendos esse; ne
scilicet per eorum illicitam inde-
centemque actionem, & ministe-
rium Sacerdotale vituperetur, &
quibus debuerant esse in exemplum
in eorum deueniant scandalum.

Ut igitur his Ecclesie monitis &
decretis libentiùs obtemperet, qui Sacerdos aut Clericus, consideret, &
sedulo perpendat, quam vana sint
& flocci facienda omnia hæc transi-
toria, pro quibus inter huius sæculi Ecc. 1.
homines tanto impetu & ardore,
discurritur, disceptatur, litigatur,
belligeratur: *Vanitas vanitatum*, in-
quit Ecclesiastes, *vanitas vanitatum*
& omnia vanitas, quid habet amplius ho-
mo de vniuerso labore suo quo laborat sub
sole? &c. ecce vniuersa vanitas, &
afflictio spiritus & cassa sollicitudo men-
tis.

AN-

*Audiat S. Apostolum monentem ,
 1. Cor. 7 tempus breue est , reliquum est , ut qui
 utuntur hoc mundo tanquam non utan-
 tur : praterit enim figura huius mundi.
 & iuxta eiusdem præscriptum , radi-
 cem sicut omnium malorum , sic e-
 tiam illarum perturbationum & inor-
 dinationum , cupiditatem & auari-
 tiam ex animo penitus euellere con-
 tendat. De qua proinde , in sequen-
 ti capite aliquid dicendum uobis
 est.*

CAPVT XIII.

*De auaritia , & cupiditate ab
 animo Christiani Sacer-
 dotis radicitus ex-
 tirpanda.*

*Sub
 Lud. &
 Ioth. l. 1
 c. 13.*

CAuendum summopere est Sa-
 „ cerdotibus , inquit Conci-
 „ lium Parisiense , ut ab auaritiæ peste ,
 „ quæ est idolorum seruius , & à cupi-
 „ ditate , quæ radix omnium malorum
 „ est , se compescant , &c. grauius
 „ quippe , atrociusque hæ pestiferæ
 „ lues in illis damnantur , quam in ijs
 „ qui eorum dictis , & exemplis
 „ ab his coerceri debuerunt . Solent
 nam-

„namque à nonnullis multifariæ oc-
 „casiones obtendi, quæ necessitatis
 „nomine palliantur: & re vera dum
 „exteriùs necessitas prætenditur, in-
 „teriùs auaritia regitur. Ait itaque
 „Dominus in Euangelio; Nolite the-
 „saurizare vobis thesauros in terra,
 „Scribit etiam Beda quod nonnulli
 „Sacerdotum ac Doctorum loco po-
 „titi (quod dictu quoque graue &
 „lugubre est) dum ignem cupiditatis
 „igni supernæ dilectionis anteponunt
 „igne supernæ vltionis absumuntur:
 „quorum perpetua damnatio, tem-
 „porali filiorû Aarō morte figurata est.

Sanè inter mala plurima eaque gra-
 uissima, quæ vitij huius contagio secum
 inuehit, vnum ex perniciosissimis est,
 quod tenebras effundat, animum que
 veluti quadam cæcitate percutiat:
 Itant, quod in præfato Concilio ob-
 seruatur, Presbyteri quos pestis illa inua-
 sit, suisque retinaculis vinxit, extinguiq;
 effecit, instar cæcorum nesciant quò eant,
 nesciant, quid esse, vel quia agere
 debeant.

Sup. 6.
29.

Ex quo fit vt veluti clausis oculis
 in horrenda quandoque Simoniarum,
 confidentiarumque præcipitia dela-
 bantur; vel in ministeria, & of-
 ficia Ecclesiastica contra ius faque-
 se ingerant, & beneficia beneficiis
 accumulare studentes, sæpè infan-
 dis

Ser. de
ieiunio
& tent.

dis criminibus sacrilegijque Dei sanctuarium polluant. Et quid mirum? Quando) ut S. Cyprianus loquitur) usque ad mortem Domini amor lucri se ingerit, nec vita Saluatoris quæstus desiderium parcat.

Verè igitur & cum summa ratione dixit sanctus Hieronymus. *ignominiam esse Sacerdotum, proprijs studere diuitijs*. Ignominiam, inquam, huic vitio turpiter Mancipatum esse, quod æternam proditori Saluatoris infamiam attulit, quod eum ex Apostolo apostatam, ex Christi amico dæmonis Mancipium, ex salutis æternæ præcone ignis æterni pabulum effecit.

LUC. 2.

Videte itaque & caute ab omni auaritia, inquit Christus Dominus, cunctos fideles, sed maximè discipulos & ministros suos alloquens: *Videte & caute*, oculi aperiendi, fax fidei præferenda, non secundum prauas mundi consuetudines, aut naturalis desiderij passionem, sed secundum Euangelij axiomata, ferendum est de agendis iudicium, gressusque animæ dirigendi: & hoc sit primum aduersus hanc auaritiæ pestem antidotum, quando v. g. occasio alicuius beneficii obtinendi, aut muneris Ecclesiastici capeffendi sese offert, hoc salubre Christi monitum animo re-

repetendum. *Videte & caveate ab omni avaritia*: Videndum, idque sincere & coram Deo, qua intentione, quis feratur, quid animum præsertim alliciat; & sollicitè cauendum *ab omni avaritia*: si quis alicuius impedimenti canonici sibi conscius sit, si se à Deo nullatenus vocatum, si minime idoneum conspiciat, vel si iam beneficium aliquod possideat quod honestæ sufficiat sustentationi, cauendū *ab omni avaritia*, & animus contra quascunque cupiditatis illecebras sedulò præmuniendus.

Cogitet præterea qui huius vitij temptatione infestatur. qui cupiditatis iaculis se impetitum perferit, cogiter, inquam, quia *non in abundantia hominis vita eius*. ut subsequenter verbis idem Christus Dominus admonet; neque enim opus, aut diuitiæ quantumcumque copiosæ vitam vel vnico temporis momento prorogare possunt; sibi proinde dictum putet, quod ibidem subiungitur: *Stulte hac nocte repetent animam tuam à te; & hæc omnia quæ præparasti, cuius erunt? quem fructum tunc habiturus es in iis in quibus tunc erubescis? nam finis illorum mors est: neque enim homo cum interierit sumet omnia, neque descendet cum eo gloria eius. Nihil utique intulimus in hunc mundum;*

„dum; haud dubium quod nec aufer-
 „re quid possumus: habentes igitur
 „alimenta, & quibus tegamur his cō-
 „tenti simus: nam qui volunt diui-
 „tes fieri, incidunt in tentationem,
 „& in laqueum diaboli, & in desi-
 „deria multa, & inutilia, quæ mergūt
 „hominem in interitum, & perditio-
 „nem; Radix enim omnium malo-
 „rum est cupiditas, quam quidam
 „appetentes errauerunt à fide, & in-
 „seruerunt se doloribus multis. Tu
 „autem ò homo Dei hæc fuge.

CAPVT XIV.

*De quouis scandalo solli-
 citè præcauen-
 do.*

2.2.9.
 43. ar. 1.

S Candali nomine Theologi com-
 munitè cum S. Thoma intelligūt
*dictum vel factum minus rectum præ-
 bens occasionem ruinae.*

Dictum, vel factum, quia exterior
 duntaxat actus alteri notus potest ha-
 bere rationem scandali, tanquam
 obex scilicet in virtutis via obiectus.

Minus rectum, neque enim ad ra-
 tionem scandali necesse est dictum
 illud

illud vel factum esse absolute ex se
malum, sed sufficit habere speciem
mali: unde Apostolus non tantum à
quouis malo, sed & *ab omni specie* 1. Thess.
mali abstinendum esse docet. 5.

- *Præbens occasionem ruinæ*, nec enim
requiritur ut causam, sed satis est ut oc-
casionem præbeat; interdum siquidem
contingere potest ut quis alterum scā-
dalizet, actu aliquo suo alioquin bo-
no, quem tamen, ob solam circumstā-
tiam effectus, scilicet ruinæ alterius,
prætermittere debebat: v. g. si quis a-
ctum correctionis fraternæ exercent,
in eum quem praudivit, aut præuide-
re debuit, peiorem ex eius correctione
futurū: tunc enim ipsa correctio frater-
na, quæ ex se bona est, proinde nullius
mali causā directè esse potest, occa-
sionē tamen præberet peccato alterius.

Iam quantopere Sacerdos, & quiuis
Ecclesiæ ministerio ascriptus cauere
debeat, ne ullam vnquam præbeat
scandali occasionem, neue ex eius
dicto aliquo, vel facto minus recto,
quis in peccatum inducatur, hinc pa- in past.
tet, quia, ut ait S. Gregorius, si quid in p. 1. 1. 1.
Sacerdote, vel Clerico iuste reprehendi- ser. 1. de
tar, eius vitio ipsa Religionis nostra asti- conuers.
matio grauat, & ut loquitur san- S. Paul.
ctus Bern. misera Sacerdotū conuersatio Ezech.
fit misera plebis Domini subuersio: laquens 44
siquidem ruina populi Sacerdotes mali.

Dici enim vix potest quantas animarum strages ediderit, & quam deflendam vastitatem Ecclesie intulerit inordinata Sacerdotum & Clericorum vita, quot inde Religionis detrimenta, quot veræ pietatis, ac virtutis damna inter fideles processerint.

„ Nullum certe, inquit Sanctus Gregorius, maius præiudicium tolerat
hom. de „ Deus, quam cum eos, quos ad a-
cur. past. „ liorum correctionem posuit, dare
 „ de se exempla prauitatis cernit: quã-
 „ do ipsi peccamus, qui aliorum com-
 „ pescere peccata debuimus, quando
 „ pereunti populo mortis authores su-
 „ mus cui ad vitam duces esse debui-
 „ mus. Quod si (vt notat sanctus Chry-
hom. in „ sostomus) ei qui vnã scandalizat a-
ep. ad „ nimam, expedit vt mola asinaria
Tit. „ suspendatur circa collum, & demer-
 „ gatur in profundum maris; qui in-
 „ numeras animas scandalizat, & vr-
 „ bes integras, & plebes, viros, mu-
 „ lieres, pueros, quid pati merebi-
 „ tur?

Mac. 18 Va mundo à scandalis inquit Christus,
 Va homini illi per quem scandalum ve-
 nit. Sicut enim quanto si cumque aliquis
ser. 163 exemplo sancta vita adificauerit, verba
de temp. sunt sancti Augustini, cum sanctis mer-
 cedem retributionis beata vita accipiet; ita
 quantiscumque exemplum mala conuersa-
 tionis, etiamsi cum illi non sequantur
 pra-

præmerit, protantis se malis rationem
nocturæ redditurum.

Et nunc ad vos mandatum hoc, ô Sa-
cerdotes, edicit Dominus per Prophe-
tam, quia recessistis de via, & scandali-
fistis plurimos in lege, & irritum fecistis
factum Levi: propter hoc, ego dedi vos
contemptibiles, & humiles in omnibus
populis. Neque enim alia ratio qua-
renda est, quare nunc Sacerdotalis or-
dinis maiestas in tantum viluit, cur cle-
ricalis status splendor adeo infuscatus
est; iusto Dei iudicio contemptibiles
& humiles facti sumus ijs, quibus ob
vitiosos & inordinatos mores, & actus
scandali ac ruinæ occasionem dedi-
mus; hinc Prælatorum authoritas im-
minuta, ut non dicam plerumque
conculcata, hinc Ecclesiæ potestas à
Laicis usurpata: hinc Sacrorum ca-
nonum neglectus, & saepissimè aduer-
sus eosdem peruicacia.

Ut igitur tot tantisque malis reme-
dium aliquod inueniamus, præciden-
da est, aut potius euellenda, & penitus
extirpanda est illorum radix, & cuius-
que Sacerdotis, ac viri Ecclesiastici stu-
dium, & opera in eo præsertim collo-
candanda est, ut sedulo quicumque
etiam minimas scandali aliis dandi
occasiones deuitet. Ideoque hoc a-
pud se in primis firmiter statuatur, ut nul-
lum quantumuis leue videatur pecca-

tum, coram aliis, imò coram Deo deliberatè committat; nullū in quibuslibet actionibus suis defectum admittat, nihil denique vnquam sibi in dictis, aut factis minus rectum permittat.

Et de peccato quidem mortali; nihil hic dicere attinet, monstri siquidem ac portenti instar est coram oculis Dei & Angelorum, Sacerdos peccato aliquo mortali inquinatus; *vnus ex vobis diabolus est*, ait Christus de *Ioan. 6.* vno discipulorum suorum qui sola voluntate peccatum mortale conceperat. De peccato veniali hoc solū monemus, longè diuersa esse iudicia Deī iudiciis hominum; multa plerumq; ex se leuia, & venialia peccata, quæ in Sacerdotibus, propter sanctitatem status, coram Deo lethalia censentur: multa item, in quibus ratione scandali infirmorum, grauior quam credatur inest prauitas: quid quod plurima etiam opera virtutis, defectu prudentiæ, ac discretionis, aut alicuius circumstantiæ ad integritatem bonitatis moralis necessariæ, offendant potius, quam edificent.

Quare vigilantia opus est, vt tot laquei sibi, alijsque sollicitè deuinentur, sæpiusque iterandæ cuiusuis peccati sedulo cauendi resolutiones, ac cælestis gratia, qua in bono proposito firmi

firmi consistamus, iugiter imploranda. Præterea Christianus Sacerdos ad hoc diligenter attendere debet, ut omnes & quascumque mali cuiuslibet suspiciones à se amoveat, quod ex ipsius Apostoli exemplo discere potest, cū. n. elemosynæ quædam ad fideles Hierosolymam transmittendæ, in eius manibus à Corinthis fuissent depositæ: veritus ille ne minus rectæ, aut sinceræ gestionis apud aliquos suspectus esset, alios secum ad pecuniarum illarum dispensationem veluti testes assumere voluit: *nequis, inquit, nos vituperet in hac plenitudine, qua ministratur à nobis: prouidemus enim bona non solū corā Deo, sed etiam corā hominibus.*

2. Cor. 8

Quod quidem sancti illius Apostoli factum perpendens D. Chrysost. à nullo sine peccato, inquit, tantum absumus, quantum à furto aberat Paulus; insania enim mera quid suspicari de beato viro, atque admirabili animo Pauli; nihilominus hanc suspensionem sic iniquam & absurdam procul repellere studuit. Vnde concludit longè potiori ratione quæuis Sacerdotem teneri ad studium adhuc maius adhibendum, quo malas de se suspiciones & opiniones non solum quando erumpunt diuellat: sed procul unde erumpere possent prospiciat, & causas ipsas, è quibus oriri possent longo ante tempore interimat.

lib. 6. de
sac.

Denique sollicitè caueat, non solum
 ne pluribus, sed ne vel vni, ne vel mi-
 nimo cuique, vllam quantulamcumq;
 præbeat offendiculi, vel scandali oc-
 casionem: prohibet siquidem Christus
scandalizari vel unum de pusillis qui in-
eum credunt. Et Apostolus protestatur,
Mat. 18 *si esca scandalizat fratrem meum, non*
1, Cor. 8 *manducabo carnem in aeternum* Hoc igitur
 in quibuslibet factis, aut dictis suis
 sedulo perspiciat, quis ad sit, quis videat
 vel audiat? vt diiudicare possit, num
 talia dicere, vel facere conveniat? num
 inde pusilli alicuius animus occasione
 ruinæ sumpturus sit? & è contra eo
 modo se gerat in omnibus; quæ actu-
 rus, aut locuturus est, vt pro-
Rom. 15 *ximo suo placeat in bonum ad*
1. Cor. *edificationem, & omnia*
14. *sua ad edificatio-*
nem fiant.





PARS QVINTA.

De medijs quibusdam, & adiu-
mentis, quæ Christiano Sa-
cerdoti, tum ad profectum,
tum ad perseverantiam in
virtute, maximè conducere
possunt.

CAPVT I.

*Quantum inter sit Sacerdotem
Christianum in vera vir-
tute progredi, &
perseuerare.*

Discipulus proficiens gloria est magi-
stri, inquit sanctus Bernardus, Ep. 141
& quisquis in schola Christi non proficit;
eius magisterio indignus est, nunquam
R 4 etc.

Epist.
242.

etenim, ut idem alio in loco dicit, iustus arbitratur se comprehendisse, nunquam dicit satis est, sed semper esurit, sititque iustitiā; ita ut si se per viveret, se per quantum in se est iustior esse cōtenderet, semper de bono in melius proficere totis viribus conaretur: non enim ad annum, vel ad tempus, instar mercenarij, sed in aeternum, diuino se mancipat famulatu.

Quare, ut cum sancto Augustino in ps. 69 loquamur, quantumcumque hic vixerimus, quantumcumque hic profecerimus, nemo dicat, sufficit mihi, iustus sum: qui enim dixerit, remansit in via, non no-uit peruenire; ubi dixerit sufficit, ibi ha-sit.

ep. 341. „ Moueat certè nos ipsum quoque „ secularis cupiditatis exemplum (ut „ rectè monet sanctus Bernardus) què „ enim ambiciosum vidimus aliquan- „ do contentum adeptis dignitatibus, „ ad alias non anhelare? sic & curiosi „ cuiusquam non satiatur oculus visu, „ nec auris impletur auditu: quid eo- „ rum qui auaritiæ seruiunt; aut ama- „ tores sunt voluptatum, seu vanas „ consecretantur laudes, nonne & ipso- „ rum insatiabilia desideria arguunt „ nos negligentia; & tepiditatis? pu- „ deat certe spiritualium nos bonorū „ minus cupidos inueniri.

Apoc. I. Denique urget nos ipsa diuinæ ve-
ritatis vox: esto fidelis usque ad mortem,
et dabo

*Et dabo tibi coronam vitæ, & qui perseue-
rauerit usque in finem hic saluus erit: Su-
per quibus verbis obseruat sanctus Au-
gustinus Dominum non dixisse, qui
bene inchoauerit, sed qui perseuerauerit
usque in finem; non enim coepisse, sed
permanisse virtutis est, inquit S. Hiero-
nymus.*

Mat. 24

li. de con-
sin. c. vl.
ep. ad Vi-
talem.

Quisquis igitur sacris ministerijs ad-
dictus est, hoc apud se firmiter statuatur, in
Christi famulatu non sufficere quod
ad Ecclesiasticos Ordines quis dignè
promotus fuerit, quod suæ promo-
tionis initio functiones ordinum illo-
rum proprias debite exercere studue-
rit, quod virtutes muneri suo con-
gruentes aliquanto tempore affecta-
tus fuerit, tentationesque tunc irruen-
tes fortiter repulerit: vltius eundem
est, *grandis adhuc restat via, ambulan-
dum est, usque ad montem Dei, & ut ait
Sanctus Aug. ustinus, tota vita pergendum
est, usque dum ad vitam incommutabilem
perueniatur.* Proindeque progressus in
vita virtutis iugiter faciendus, & in illo
progressu fideliter vsque ad exitum
vitæ perseuerandum est.

Sup.

Quod ut faciliùs firmiusque exequi
possit, aliquot media aptissima, & salu-
berrima in hac quinta huius operis
parte suggerentur, si priùs duo vel tria
monita vtilissima: & obseruatu di-
gnissima, illic fuerint apposita.

Primum est ut Christianus Sacerdos aut quivis alius Ecclesiasticis ministeriis mancipatus obliuiscatur eorum, quæ rectè utcumque gessisse sibi videtur, & iacturam mentis solummodo ferat in ea quæ agenda supersunt. Hoc monitum nobis suppeditat beatus Paulus non verbo solum, sed & exemplo suo in Epistola ad Philippenses, *Frateres*, inquit, *ego me non arbitror comprehendisse, unum autem, quæ quidem retro sunt obliuiscens, ad ea vero quæ sunt priora extendens meipsum, ad destinatum persequor, ad brachium supernæ vocacionis Dei in Christo Iesu; quicumque ergo perfecti sumus, hoc sentiamus.*

Quibus quidem verbis indicat, si proficere quis velit, non debere meminisse bonorum quæ perfecit, sed cogitare solummodo ea quæ ipsi perficienda restant: Nam, ut in illum locum rectè scripsit sanctus Chrysostomus, nihil adeo rectè facta euacuat, & inventum abigit, atque memoria bonorum, quæ nos operati sumus: duo si quidem mala parit, segiores enim facit, & in arrogantiam extollit; Si igitur, ut postea subdit, Paulus post mille mortes, post tanta pericula, istud arbitratus est de se, multo magis nobis obliuiscenda rectè facta. & à tergo relinquenda sunt: etenim & qui currit, non reputat quantum spatium

confecerit, sed quantum adhuc desit: & nos non quantum virtutis impleuerimus reputemus, sed quantum adhuc supersit. *in ps. 83*
 Fœlix igitur ille est, inquit sanctus Hieronymus, qui quotidie proficit, qui non cōsiderat, quid heri fecerit, sed quid hodie faciat, ut proficiat.

Secundum est ut quotidie viam virtutis ingredi se arbitretur, proficiendique ac perseuerandi propositum, singulis diebus innouet: idque iuxta magni Antonij monitum, qui, ut refert sanctus Athanasius sæpè suis inculcabat: Hoc sit primum cunctis in communem mandatum, nullum arrepti propositi vigore laceffere, sed quasi incipientem augere semper debere quod cœperit, praesertim cum & humana vita spatia aternitati comparata breuissima sint & parua. Ut enim rectè dixit Sanctus Gregorius, *lib. 22. mor. 6. 20*
 nescit mens per torporem veterascere, qua studet per desiderium semper inchoare: hinc Psalmista qui ad perfectionis culmen iam peruenerat, quasi inchoans dicebat; Ego dixi nunc cœpi; quia videlicet si laceffere ab inchoatis bonis nolumus, valdè necesse est, ut inchoare nos quotidie credamus.

Tertium denique est, ut Dei auxilium gratiamque sine qua nihil se posse cognoscit iugiter inuocare illudeat: Beatus, siquidem, vir cuius est auxilium abs te, ascensio. *ps. 83.*

nes in corde suo disposuit in valle lachrymarum in loco quem posuit: etenim benedictionem dabit Legislator.

Et huius quidem benedictionis obtinendæ modum præscribens ipse Legislator Christus Dominus: *Petite, Luc. I. 1.* inquit, & accipietis, quærite & inuenietis, pulsate & aperietur vobis: omnis enim qui petit, accipit, & qui quærit, inuenit, & pulsanti aperitur. Et Pater vester celestis dabit spiritum bonum petentibus se.

CAPVT II.

Suggeruntur varia media quibus Christianus Sacerdos in progressu, & perseuerantia iuuari poterit. quorum primum est, ordo vitæ quem sibi ipse præscribere debet.

sess. 6. c. 13. **Q**uamuis certissimum sit ex sacro „ Tridentino Concilio, perseuerantiæ donum aliunde haberi „ non posse, nisi ab eo qui potens „ est, eum qui stat statuere, vt perseueranter iter, & eum qui cadit, restituere: nihilominus eadem „ Synodus monet, vt vnusquisque „ in Dei auxilio firmissimam spem col-

„ collocans , salutem suam opere-
 „ tur in laboribus , in vigilijs , in eleec-
 „ tionibus , in orationibus , & obla-
 „ tionibus , alijsque similibus piete-
 „ tis operibus : quia nimirum , ut postea
 „ subdit , benè operantibus usque in
 „ finem , vita æterna proponitur , &
 „ tanquam gratia , filius Dei per Je-
 „ sum Christum misericorditer promif-
 „ sa , & tanquam merces , ipsius Dei
 „ promissione bonis ipsorum operi-
 „ bus fideliter reddenda .

Ex quo sequitur optimum & salu-
 berrimum medium ad ipsius perseue-
 rantia munus obtinendum à Deo , ef-
 se si vitæ præsentis tempus in quoti-
 dianis virtutum exercitijs fideliter im-
 pendatur ; ad quod quidem pluri-
 mum conferre poterit ; si quotidiana
 illa pietatis exercitia rectè & aptè in-
 ter se disponantur : Ordo siquidem
 ut ait S. Aug. *dux est ad Deum , & quæ*
à Deo sunt ordinata sunt.

*lib. de
 ord. c. I.*

Præterea experientia ipsa constat
 ordinem in quotidiana virtutum pra-
 xi servatum maiorem ipsis virtuosis
 actibus non modo decorem & perfe-
 ctionem , sed etiam facilitatem ac
 suavitatem conciliare ; diemque , ver-
 bi gratia , à Christiano Sacerdote in
 orationibus , studijs , charitatis ope-
 ribus , alijsque functionibus Ecclesia-
 sticis ordinatè transactum longè me-
 lius

lib. de
ord., c. 1. *lius ac lenius effluere, quam si nullo
suarum occupationum habito dele-
ctu, nunc hoc, vel illud ageret, &
ubi esset impetus spiritus, illuc graderetur.*

Sep. 8. *Ut igitur cœlesti aspirante gratia,
diuinæque ipsius sapientiæ vestigia cō-
sectando, attingat à fine ad finem forti-
ter, suauiterque disponat omnia, consul-
tissimum ipsi erit, vitæ suæ, actuum-
que suorum ordinem aliquem sibi præ-
stituire, idque quantum fieri poterit
de viri alicuius pij ac prudentis consi-
lio.*

Ac in primis generatim occupatio-
nes illas præ alijs deligere, quæ sibi
magis congruæ sint & viles: verbi
gratia, quæ studiorum genera, quæ
Religionis opera, quæ virtutum exer-
citia præsertim amplecti debeat? qui-
bus hebdomadæ diebus carceres,
xenodochia, aut alia pia loca visita-
re? quæ charitatis seu misericordiæ,
tum spiritualis, tum corporalis opera
exercere? Item, quarum personarum
conuersationem expetere? & de qui-
bus rebus cum illis potissimum con-
ferre? quas etiam expensas domesti-
cas pro ratione status sui facere? &
quam feruorum ac familiæ curam &
solicitudinem gerere ipsi magis expe-
diat?

Cuiusvis etiam diei ordinem, tan-
quam

quam vitæ quotidianæ regulam, sibi ex eodem consilio præstituat: verbi gratia, vt tali hora è somno surgat; euigilans cor & mentem in Deum erigat; & statim è strato desiliens ipsum adoret, actus omnes, & seipsum eius honori & obsequio dediceret, gratiamque illius suppliciter exposcat; tum meditationi, seu orationi mentali per aliquod tempus vacet, (quod quidem meditationis quotidianæ exercitium nulquam satis commendari potest, cum experientia ipsa constet, inter alia quæcumque veræ pietatis ac virtutis in animo fouendæ mediū istud præ cæteris apertissimum & saluberrimum esse) exinde si matutinum nocte præcedenti absoluit, partem aliquam diurni officij recitet; postea Missæ sacrificium quanta poterit animi puritate ac deuotione celebret; gratijsque Deo actis, capitulum aliquod ex sacro Euangelio, alijsque noui testamenti libris, si libeat, idque (vt sanctus Carolus Borromæus fecisse memoratur genibus flexis, & capite aperto, legat: reliquumque temporis ante prandium, studio alicui necessario vel vtili, aut cuipiam simili pietatis seu Religionis exercitio impendat.

Post prandium animo, recreatione aliqua honesta & moderata, paululum

lulum relaxaro, vespertinas horas recitet, exinde vilibus & pijs conuersationibus, vel charitatis exercitijs, aut pietatis negotijs det locum: tum pia aliqua lectione animum reficiat; & ante vel post coenam, si ita magis expedit, matutinum officium cum laudibus persoluat; ac denique ante somnum examen conscientiae cum aliis solitis exercitijs non omittat.

En rudi penicillo expressa leuis aliqua delineatio illius ordinis quem quisque Sacerdos, & Clericus, longè melius ac perfectiùs sibi praestituere poterit, cuius beneficio, vitae suae tempora conuenienter ac fructuosè impendere, diesque suos plenos in horam mortis tandem inuenire, & sic ad beatum diem æternitatis tandem merebitur peruenire.



CAPVT III.

*Secundum medium ad perse-
uerandum, constans ha-
bitus tonsuraeque
Ecclesiasticae
gestatio.*

Non est hic nobis propositum,
longiorē instituere disputationē,
de obligationē ad habitum, tonsuram-
que clericalem iugiter deferendam,
quæ cuius sacris ordinibus initiato,
aut ministeriis Ecclesiasticis per ali-
cuius beneficii titulum ascripto in-
cumbit: vel attexere canones penē
innumeros, quibus id strictissimē præ-
scribitur: præcipuorum & maximē
insignium seriem, ad marginem ad-
notatam lector, si libuerit, peruide-
re poterit.

Illud solum hic obiter adnotare
sufficiat, Ecclesiasticā hanc legem,
circa tōsuram & habitum clericalem,
tot in Concilijs Synodisque siue anti-
quioribus, siue recentioribus latam,
tōnesque renouatam & confirmatam
fuisse, vt manifestum sit vniuersam

Conc.

Nic. 2.

can. 6.

Barc.

subVigi.

lio. Pap.

can. 3.

Ec-

Rem. sub Ecclesiam tam primis, quam hisce,
Greg. 2. nouissimis temporibus, ad religiosā
ult. Rom. illam tonsuræ habitusque clericalis
sub. Zach. deferendi consuetudinem & praxim
can. 31. continuo magis ac magis stabilien-
Tribur sub dam, velut conspirare voluisse; pro-
Formoso c. indeque non sine graui peccato, à
27. Clericis, ijs præsertim qui ad sacrum
Mog. 1. sub aliquem ordinem promoti sunt, vel
Leone 4. beneficium, aliquod Ecclesiasticum
ca. 15. A- obinent, hanc vel contemni, vel ne-
quisgr. 1. gligi posse.
sub Steph. Hic igitur solummodo intendi-
s c. 1. La- mus persuadere Christiano Sacerdoti,
ter. sub 12. quod quamuis tot legibus & canoni-
noc. 3. ca. bus communita non esset hæc tonfu-
16. Lat. ræ clericalis habitusque deferendi
sub. Leone praxis, vel eo solo nomine fideliter
10. in Bull. exacteque seruanda foret, quod sit
refor. Oxõ. optimum saluberrimumque medium,
sub. Hono- rum ad disciplinæ Ecclesiasticæ teno-
rio 3. S. de rem iugiter conseruandum, tum ad
hab. cler. tentationes plerasque sollicitationesq;
Rauen. sub ipsi s mundi repellendas, ut etiam
Hov. 4. rubr præueniendas, variasque peccati oc-
3. Palent. casiones. deuitandas. Experientia
sub Vrb. 6- siquidem quotidiana compertum est,
rubr. de Sacerdotem, vesté talari indutum,
cler. Seno. tonsura Ecclesiastica conspicuum,
c. 24. Trid. aliaque ministerij sui insignia circum-
sess. 14. c. 6 ferentem, aduersus plerasquæ sæculi
no ref. illecebras, habitu illo & tonsura tan-
 quam lorica iustitiæ, & salutis galea,

tu-

tutum esse ac securum ; ne quidem
 audeat mundus ad vanitates , aut insa- *Rhem.*
 nias suas prouocare , aut aliquid vir- *an. 1583.*
 tuti aduersum ab eo expetere : & *Turon. an.*
 quamuis auderet , puderet sanè ipsum *1583. Bi.*
 in eiusmodi habitu aliquid illicitum , *tur an.*
 aut indecorum perpetrare . *1583.*

Præterea ipse habitus Ecclesiasti- *Aquens.*
 cus est veluti commonitor assiduus , *an. 1585.*
 qui quibuslibet in locis , & inter qual- *Tholo. an.*
 cunque personas , præsertim Laicas , *1585.*
 Sacerdoti ipsi dignitatem ac sanctita- *Burdig. an.*
 tem ministerij sui ob oculos ponit , *1624.*
 prohibetque ne vel in scurrilitates nu-
 galique verborum inaniter effunda-
 tur , vel modestiæ terminos exce-
 dat .

Neque solum ipsi deferenti , sed &
 alijs proficiuus est clericalis ille habi-
 tus ; siquidem Ecclesiæ habitum illū
 imponentis benedictione , & com-
 precatione , quasi caelesti quodam ro-
 re perfusus , fragrantiam veluti san-
 ctitatis ac gratiæ vbique spirat : ita ut
 de Sacerdote illum fideliter deferen-
 te , ipsa Ecclesia dicere possit *Esce o-*
dor filij mei , sicut odor agri plenicus be- *Gen. 27.2.*
nedixit Dominus : eique aptari queat il- *Cor. 2.*
lud Apostoli , Christi bonus odor sumus
in omni loco : Vnde fit ut non modo ip-
sius Sacerdotis sermones quide-
pietate , etiam in familiari conuersa-
tionē instituuntur , ex habitu illo Ec-
cle-

lib. de
pallio.
6. ult.

clesiastico virtutem quandam & efficaciam hauriant: *sed eius eloquium quiescat*, ut ait Tertullianus, *ipse habitus sonat, occursumque suo vitia suffundit*. Quare merito cum eodem concludere possumus, grande esse habitus illius Ecclesiastici beneficium, *sub cuius recognitione reprobi mores erubescunt*.

Quod igitur de prisco Atheniensium duce refertur, illum scilicet quoties vestem ducalem indueret, sibi ipsi dicere solitum: *vide, ne quid indumento isto indignum feceris*: hoc longè potior ratione cuius Christi ministro apparari potest, ut scilicet sacri illius ministerij habitum insigniaque reliqua tanti faciat, seque adeo illius gestatione honoratum reputet, ut nihil unquam admittat, quod eius dignitati quovis modo aduerteretur, nihil quod illius sanctitatem minus deceat, aut Religionis pietatisque odorem ex eo diffundendum usquam impediat, proindeque habitum illum consuramque exactè constanterque deferendo, sibi aduersus quæcunque salutis pericula tutelam, alijs verò ædificationem, & utrisque ad virtutes incitamentum indefinenter procuret.

Porro qualis debeat esse habitus & tonsura clericalis, quæ illius ratio & forma, iuxta sacrorum canonum sanctiones non hic differimus, cum

id

id in plerisque alijs libris, ac præsertim in appendice medullæ nostræ Theologicæ explicatum reperiri possit.

CAPVT IV.

Tertium medium, conuersatio & contubernium cum ijs, qui vitæ Ecclesiasticæ sanctionia commendabiles se exhibent.

Melius est esse duos simul quam unum (inquit Sapiens) habere enim emolumentum societatis suæ: ut solus, quia cum ceciderit non habebit subleuantem se. Et rursus alio in loco, cum sapientibus & prudentibus tracta, & viri iusti sint tibi conuiuiæ; & qui cum sapiente graditur, sapiens erit. Eccl. 4.
Eccl. 9.
Prc 13

Quibus quidem verbis ostendit, appetendam esse bonorum ac iustorum societatem tanquam valdè proficuum, & salutarem: quod cum cuique consultissimum sit, tum maximè Christiano Sacerdoti, & cuius Ecclesiastico viro non modo vtile, sed & aliquo pacto necessarium esse videtur: cum enim ratione ministerij sui frequenter in mundo, tanquam in medio nationis, Phil. 2.
pra-

prava ac peruersa ut loquitur Apostolus, versari debent, ac tanquam luminare quoddam, virtutum exemplo præfulgere; necesse habet aliquod sibi constituere perfugium, ubi in laboribus solatium quærere, ac in tentationibus auxilium nouasque vires resumere queat: hoc autem nullibi melius aut commodius quam in piorum Sacerdotum, aliorumque probatorum Ecclesiasticorum conuersatione reperire potest, cum in ea, & ex ea, plurima & varia emolumenta spiritualia colligantur.

Ac in primis exemplum illorū, tū ad vitiorum, si quæ supersint, emendationē tum ad tepiditatis, & pusillanimitatis correctionem, feruorisque innouationem efficacissimum est: Malum enim quod nemo videt nemo arguit, ut sapienter obleruat D. Bernardus, & ubi non timetur reprehensor, securius accedit tentator, & liberius perpetratur iniquitas. Vnde, ut idem alio in loco rectè docet,

epist. 15. ter. 3. de circ. nihil periculosius est quam solum luctari velle, nihil tutius quam multorum una pugnansium manibus ad uari.

Præterea in illa bonorum locietate, si quæ occurrat in ministerijs Ecclesiasticis difficultas, auxilium facile reperitur; si quæ dubitatio, præsto est consilium: si quæ molestia, aut angustia premit, non longè est solatium; ac de-

demum in quibuscumq; vitæ casibus, & etiã in ipsa mortē, subsidia & adiuuēta quæcumque spiritualia, imò etiam corporalia suppetunt.

Ex quibus patet quantum conferre possit ad profectum & perseverantiam in virtute, piorum ac probatorum Ecclesiasticorum conuersatio, & etiam potiori adhuc ratione contubernium, id est, si non modo quis cum iis crebro versetur, quod quidē semper utile est, sed & si fieri possit cum iisdem commoretur, illisque tum habitatione tum vitæ Ecclesiasticæ exercitiis iunctus sit.

Suadet autem sanctus Ambrosius, *L. 1. off. c. 43.* præsertim iunioribus clericis, ut adiungantur probatissimis quibusque senioribus nam ut equalium usus dulcior, ita senum tutior est, qui in gisterio quodam & ductu vita colat mores adolescentium, & velut murice pietatis inficit; nã si hi qui sũt ignari locorum, cum solerti viarum ter adori-ri gestiunt; quanto magis adolescentes cum senibus debent nouum sibi iter vita ingredi, quominus errare possint, & à vero virtutis tramite defloctere.

Ex quibus quidem huius S. Patris verbis obiter colligere possumus, quã salubre sit ipsis, præsertim iunioribus Clericis, aliquanto tempore in seminario aliquo Ecclesiastico commorari, ut ibi tum probatissimorum sacerdotum exem-

exemplo, & conuersatione proficiant
tum vt in solidæ pietatis praxi insti-
tuantur, tum etiam, vt in muneribus
functionibusque Ecclesiasticis exer-
ceantur.

Ex hac insuper sancti Ambrosii do-
ctrina, aliud pietatis axioma, idque
maximi momenti elicitur; quod etiam
illustrissimus Antistes Gebenensis in
p. I. c. 4. sua Philothea præcipuè commédât, ni-
mirum non modo piorum exemplis &
conuersatione, sed etiam peculiari
duce ac magistro in virtutis semita o-
pus esse; nusquam enim inter varias
periculosissimasque vitæ huius tenta-
tiones tutius ambulari potest, nusquã
certius voluntas diuina dignosci, quam
eiusmodi spiritualis magistri consilio,
ac monitis. Vnde etiam illustrissimus
alter Antistes sapientissimè edixit, hoc
Arch. remedium datum esse à Deo, vt qui suu-
Brac. lib se prudentia curare non potest, aliena iuue-
de mor. tur: & quamuis contingat eum falli, &
præf. p. I errare quòd consilium dat, non fallitur ta-
men qui accipit, quando ex mandato
Domini sequitur consilium eius.

Quare vt cum Sapiente hoc capitu-
Eccl. 27 lum concludamus, cum viro sancto
assiduus esto, quemcumque cognoueris obser-
uantem timorem Dei, cuius anima est se-
cundum animam tuam, & qui cum tui-
bueris in tenebris condolebit tibi: cor boni
consilij statue tecum, nō est enim tibi aliud
pluris illo,

C A.

CAPVT V.

*Quantum medium ad perse-
uerandum, crebra de
rebus Ecclesiasti-
cis collatio-
nes.*

QUantum ad solidæ virtutis incre-
mentum, & in incremento illo
perleuerantiam conducere
possint collationes illæ, quæ de rebus
ad pietatem religionemque spectan-
tibus instituuntur, & quam vberes
fructus afferre soleant, præter exem-
pla propè innumera sanctissimorum
virorum, qui, vt ex SS. Basilio, Hiero-
nymo, Cassiano, & alijs discimus, hac
præsertim ratione ad perfectionem
consecrandam vsi sunt vel ex ipsa
quotidiana experiëntia constat: si enim
inquiratur quid ad Cleri reformatio-
nem promotionemque in bonum, his
vltimis tēporibus potissimū contule-
rit, inuenietur inter alia media, quæ
illustrissimorum Præsulū vigilantia,
& zelo ad hunc finem adhibita sunt,

*Basil. in
reg. fus.
c. 34.
Hier. ep.
22. ad
Eustoc:
Cass. in
præ. ad
collat.*

S vnum

vnum ex præcipuis & saluberrimis
fuisse indiçtionem congregationum ,
quarundam inter Pastores, Sacerdo-
tes, aliosque viros Ecclesiasticos, ita-
ris temporibus in sua cuiusque Dioe-
cesi habendarum, in quibus de rebus
ad mores, aut Ecclesiasticam disci-
plinam pertinentibus colloqui inter
se & conferre deberent.

Sanè ipse Sanctus Carolus Borro-
mæus, cuius indefessum zelum in in-
stauranda disciplina Ecclesiastica ne-
mo nescit, adeo vriles, & proficuas
eiusmodi collationes existimauit, vt
In inst. (quod ex Mediolanensis Ecclesiæ actis
sem. e. 5. discimus) tria congregationû genera,
in quibus eiusmodi collationes fierent
haberi voluerit. Vnam per singulas
hebdomadas in ipsis sedibus Archiepi-
scopalibus, ad quam qui in Seminario
instituebantur conuenire deberent, vt
de ijs, quæ ad studia, mores, disci-
plinamque Ecclesiasticam pertinebant,
Conc. 2. colloquerentur. Alteram in vnaqua-
Med. 111. que Parochia, cui adscripti forent ad-
2. minus quinque Sacerdotes, quos bis
per hebdomadam quamque à Paro-
cho conuocari oporteret, vt inter se
de aliqua vel Catechismi Romani le-
ctione, vel Theologiæ moralis qua-
stione, aut Synodi Prouincialis, seu
Dioecesanæ constitutione conferrêt,
ad quam congregationem etiam Cle-
rici

rici qui inter illius Parochiæ fines habitabant, admittebantur. Tertiam denique inter ipsos Parochos. Qua de causa Mediolanensis Diocesis in quasdā regiones partita fuerat, quarum unicuique Vicarius foraneus præfectus erat, qui congregationi Parochorum cuiusque regionis præesse debebat: & in hac congregatione ipsi Parochi de ijs præsertim rebus, quæ ad boni Pastoris officium, & ad curā animarum rectè gerendam spectabant, colloquebantur.

Conc. 4.
Medio-
lan. tit.
de par.

Neque hæc congregationum & collationum institutio sine maxima ratione ab illo sancto, alijsque Episcopis eius virtutis æmulatoribus facta est: Cum enim (ut loquitur Isidorus) sit utilis ad instruendum lectio, adhibita tamen collatione maiore præbet intelligentiam: melius est enim conferre quam legere; collatio siquidem docibilitatem facit, &c. quid enim obscurum, aut dubium est, conferendo cito perspicitur. Et quod præcipuum est, in illis collationibus experitur quisque: quàm verum sit id quod Christus Dominus in Evangelio edixit: Vbi duo, vel tres congregati fuerint in nomine meo, ibi sum in medio eorum.

Mat. 13

Si igitur ad commune ipsius Ecclesiæ bonum collationes illæ adeo sa-

lubres sunt & proficua: certè ad particularem cuiusq; Sacerdotis profectum non nisi aptissimæ & vtilissimæ esse possunt: ac proinde quando in eo loco versatur in quo institutæ sunt, ad illas quantum in ipso est aditum sibi procurare, & si pateat, in iisdem assiduum se præbere, studiumque & operam ad fructum inde colligendum ponere debet.

Imo si illic ubi commoratur nullæ eiusmodi habeantur collationes, ad zelum illius spectabit, omnibus quibus poterit modis eniti, vt Superiorum auctoritate instituantur, sacerdotesque & alii Ecclesiæ ministerio mancipati ad collationes illas frequentandas convenientibus modis excitentur.

Porro plurima sunt eaque diuersa, quæ in eiusmodi collationibus vtilissimè pertractantur; quidam enim de casibus (vævocant) conscientia in illis colloquuntur, proponuntque, v.g. quæstionem aliquam moralis Theologiæ discutiendam, super qua refertur, quod quisque ex priuata lectione in probatis authoribus dedicerit. Alii de scripturis disserunt, & excerpto themate aliquo, verbi gratia, ex Euangeliorum libris, aut psalterio, super illius explicatione cō-

su-

sunt vnusquisque sanctum aliquem Patrem, aut alium probatum interpretem, & quod apud illum legerint. hoc ad communem vtilitatem & instructionem conferunt.

Alij rituale Romanum, aut suæ Diœcesis proprium, præ manibus assumunt, & de optima praxi eorum, quæ inibi continentur, inter se differunt. Alij præcipuas muneris Sacerdotalis functiones, verbi gratia, Catechisticam instructionem, & alias similes deligunt, & quis sit optimus eas exequendi modus inquirunt. Alij denique de virtutibus Sacerdotum, Clericorumque inter se colloquuntur, quaruntque qua ratione illis acquirêdis & exercêdis, vitijq; oppositis radicitus euellendis incubere possint.

Optimum videtur ista intermiscere, & ad animum magis excitandum, vitandumque fastidium, nunc de illo subiecto conferre, nunc de alio: ita nihilominus vt præcipuus locus detur studio earum virtutum quæ ad perfectionem Sacerdotalem assequendam magis æstimantur necessariæ, aut vtilis. Et de quocumque subiecto ipsa collatio instituat, illud præsertim obseruandum erit, vt ea quæ dicuntur, non ad pompam, aut ingenij, seu doctrinæ, vel elocutionis ostentationem, sed eo simplici, & vni-

co intuitu in medium proponantur, ut vntusquisque (sicut ait Apostolus) in ea vocatione qua vocatus est dignè ambulet; ac in veræ pietatis virtutisque studio proficiat, & perseueret; seque ad maiorem Dei gloriam & Ecclesiæ ædificationem procurandam magis, ac magis aptum & idoneum reddat.

CAPVT VI.

Quintum medium ad perseuerandum, frequens, ac deuota sanctissimi Missæ sacrificij celebrationio.

QUot & quanta gratiæ, ac benedictiones per sanctissimi huius sacrificij celebrationem, in ipsius Sacerdotis celebrantis animâ deriuentur; quam salutaria & efficacia auxilia, tum ad superandas tentationes, tum ad virtutes consecretandas ex eodem hauriantur, nullus pro dignitate explicare, imò nec intelligere sufficit; siue enim mysterium hoc confide-

sideretur sub ratione sacrificii, quod à Sacerdote offertur, siue sub ratione Sacramenti, in cuius communionem admittitur: unde quaque amplissima dona, vberissimi fructus, saluberrimi effectus ex illo disfluunt.

Panis iste supersubstantialis, calixque benedictione solemni sacratus (vt loquitur sanctus Cyprianus) ad totius hominis vitam salutemque proficit, simul & medicamentum & holocaustum, ad sanandas infirmitates & purgandas iniquitates exsters, & sanctus Ambrosius: omnia, inquit, habemus in Christo, & Christus omnia nobis est. Si vulverum curationem desideras, medicus est; si febris astuas, fons est; si iniquitate grauaris, iustus est; si auxilio indiges, virtus est; si mortem times, vita est; si tenebras refugis, lux est; si cibum quæris, alimentum est; si calum desideras, via est.

*ser. de
cœn. Dō*

*lib. de
Virg.*

Cum igitur Sacerdos vt homo infirmitate circumdatus in huius vitæ peregrinatione variis conflictetur miseriis, ac sæpissimè auxilio, luce, refrigerio, refocillatione, aliisque spiritualibus subsidiis indigeat: opus illi est quam frequenter adire ipsam gratiæ, ac misericordiæ fontem: vt in ipso, & ex ipso aquam illam hauriat, quæ fiat in eo fons aquæ salientis in vitam æternam.

2 m. 13
n Cant.

Vtenim optimè dixit sanctus Bernardus : *Or go fontium & fluminum mare, virtutum & scientiarum Coniunctus Iesus Christus ; proindeque si quid sapientia, si quid virtutis habere te putas, uni Dei virtuti, vni sapientia deputa Christo.*

Pf. 22.

Et sanè experientia satis constat, & testis sibimet ipsa est Sacerdotis conscientia, quantum gratiarum ex digna & frequenti diuini huius sacrificii celebratione percipiat, quantum inde virtutis, ac roboris aduersus impugnationes demonum, quantum lucis ad directionem animarum, quantum subsidii, & solatii in quacumque necessitate, & aduersitate accipiat, ut verè dicere possit, & debeat, *parasti in conspectu meo mensam aduersus omnes qui tribulant me ; impinguasti in oleo caput meum, & calix meus inebrians quam praeclarus est, & misericordia tua subsequetur me omnibus diebus vitae meae.*

Sap. 7

Verè, inquam, de salutari illa hostia, quam offert & accipit, profiteri debet : *omnia bona venerunt mihi pariter cum illa, & innumerabilis honestas per manus illius : idque eo plenius, & affluenlius, quo gratia hæc celestis, veluti per geminū canalem in eius animam irrumpit, sacrificii scilicet, & Sacramenti ; cuius vtriusque virtutē*
per

per huius myſterii celebrationem, in ſe percipit, cum enim Sacerdos Miſſam celebrans, & ſacrificium offerat, & Sacramentum ſumat; nemini dubium eſt, quin ex utroque, quoties rem diuinam facit, non modo amplifſimum iuſtitiz, ac ſanctitatis incrementum, ſed & maximam diuinorum auxiliorum copiam accipiat: ſi tamen nullum ipſi gratiz obicem ponat, diſpoſitioneſque requiſitas afferat: & proinde quo dignius & frequentius diuino altari ſacrificaturus aſſiſtit, eo plenius ac vberius aquas illas ſalutis e fontibus Saluatoris haurit.

Quare Chriſtiano Sacerdoti in virtutis ſemita proficere, ac perſeuerare cupienti conſuliffimum eſt, quotidie ad ſanctiſſimum hoc Miſſę ſacrificium celebrandum, quam maxima poterit religione, ac deuotione ſeſe diſponere, idque exemplo ſanctiſſimorum quorumcumque Sacerdotum de quibus cum plura, & varia referantur virtutum exercitamenta, illud ferme commune omnibus legitur, eos quotidie diuinę huius hoſtię immolationem peregiſſe, eidęque participafſe; quod & hoc tempore à piis quibuſlibet Sacerdotibus, vbique cum ſumma totius Eccleſię ædificatione, & ipſorummet celebrantium proſpectu fieri perſpicimus.

Ad hanc autem quotidianam Missæ celebrationem dignè exequendâ, tum iis quæ parte secunda huius libri capite septimo dicta sunt, iuari poterit, tum maximè vitæ, ac morum sanctitate, ac iugi observatione eorum, quæ toto eiusdem libri decursu proposita sunt: *sic enim*) ut cum Sancto Bernardo concludamus) nobis viuendum est, ut panem illum supersubstantialem semper accipere mereamur, quia va ei qui se aliorum fecerit ab eo; & multum va illi, qui spurcus & immundus accesserit, utrobique grande periculum, ideo magna necessitas instat, ne indigni inueniamur.



CAPVT VII.

*Sextum medium ad perse-
uerandum, Specialis or-
ga sanctissimam Vir-
ginem Deiparæ
deuotio.*

PLurimæ quidem suppetunt ratio-
nes, ob quas Christianus Sacer-
dos specialem Deiparæ Virgini ob-
seruantiam, ac deuotionem deferre,
tenetur; varij eximijque tituli, qui-
bus veluti totidem sacris vinculis, pe-
culiari erga eam venerationi & cultui
astringitur: si enim illa æquè in Ec-
clesia militante in terris, ac triumphā-
te in coelis, Domina & Regina a-
gnoskitur, & colitur, sanè ab eo præ-
fertim, cultus & honor illi deferen-
dus est, qui tâquam Ecclesiæ minister,
in officiis Religionis, ac pietatis alio-
rum Christianorum vices supplere,
debet: Si Christi Dei, & Domini no-
stri mater est, hæc haud dubiè pe-
culiari affectu, amore, ad deuotione
prosequi debet is, qui cum Diuino eius
Filio, quadam Religionis veluti affi-
nitate speciatim coniunctus, cum eo

sanctissimis mysteriis perficiendis iugiter cooperatur; illumque ipsum in manibus quotidie deferit, quem hæc purissima virgo & mater toties inter vlnas & in sinu gessit.

Sed præ cæteris titulis, rationibusque, hoc præsertim nomine deuotus illi esse debet, quod ad diuinum ministerium delectus, plurimis eximiisque gratiæ donis indiget ad illud fideliter perfectæque implendum, plurimis maximisque subsidiis ad superandas difficultates occurrentes, tentationesque vincendas: ad illa autem auxilia & subsidia efficaciter impetranda, quantum sanctissimæ illius Virginis valeat intercessio; & patrocinium nullus fidelium ignorat.

ser. 2. in
Missus
est

Ipsa namque, ut eloquitur Sanctus Bernardus, est nobilis illa stella ex Iacob orta, cuius radius vniuersum orbem illuminat, cuius splendor & præfulget in supernis, & inferos penetrat, terras etiam perlustrans, & calefaciens magis mentes, quam corpora, fouet virtutes, excoquit vitia. Ipsa namque est præclara & eximia stella super hoc mare magnum & spatiosum subleuata, micans meritis, illustrans exemplis.

Pergit deinde: O quisquis igitur te intelligis, in huius sæculi profluvio, magis inter procellas & tempestates fluctuas quam per terram ambulare; ne auer-

tas oculos à fulgore huius syderis, si non vis obrui procellis. Si insurgant ventis tentationum, si incurras scopulos tribulationum, respice stellam, voca Mariam. Si iactaris superbia v. dis, si ambitionis, si detract. onis, si amulationis, respice stellam, voca Mariam. Si iracundia aut auaritia, aut carnis illecebra nauiculā concusserit mentis, respice ad Mariam, &c. in periculis, in angustijs, in rebus dubijs, Mariam cogita, Mariam inuoca; non recedat ab ore, non recedat à corde.

In quibuscumque periculis, inquit *Opusc. 8*
Doctor Angelicus, à quouis malo liberari, salutemque obtinere gloriosa huius Virginis intercessione potes; hac est enim mystica turris David, ex qua mille elypei pendent, id est quacunque remedia, aduersus omnia & quauis pericula; potes etiam in omnibus occasionibus exercenda virtutis subsidium auxiliumque ab eadem Virgine accipere, ideo enim dicit, in me omnis spes vita, & virtutis.

Et quoniam ad promerendam huius sanctissimæ Virginis beneuolentiam, non sufficit eam vel honore, prosequi, vel precibus inuocare, nisi etiam eius veluti colores gerat, id est; nisi virtutes eius imitetur, is præsertim qui Christi filii eius ministerio deuinctus est, ac veluti domesticus effectus: Idcirco sanctus Bernardus verbis.

bis supra relatis addit, & ut impetres
 eius orationis suffragium, non deseras
 conversationis exemplum; ipsam namq;
 sequens, non deuias; ipsam cogitans, non
 erras, &c.

Hæc autem omnia, siue ad cultum
 & honorem, siue ad inuocationem,
 siue ad imitationem huius sanctissimæ
 Deiparæ Virginis spectantia, fusius ex-
 posita reperientur in libro ante ali-
 quot annos Gallico idiomate à nobis
 edito, cui titulus est, *Traditio Ecclesiæ,
 circa specialem deuotionem Christiano-
 rum erga sanctissimam Virginem Mariam
 Deiparam, ex sacris Scripturis, actis Cõ-
 ciliorum, sanctorumque Patrum, ac ce-
 leberrimorum historia Ecclesiastica
 scriptorum libris collecta; cum eiusdem
 deuotionis praxi, secundum documenta,
 ac exempla Sanctorum, usumque & au-
 thoritatem Ecclesiæ.*

In quo quidem libro Christianus
 Sacerdos si libeat, multa & præclara
 Religionis Christianæ monumenta
 per cuiusque sæculi seriem dispo-
 sita, plurima etiam ad praxim illius
 erga sanctissimam hanc Virginem de-
 uotionis, ex ijsdem fontibus hausta
 reperiet: vnde non sibi modo, sed &
 aliis prodesse, ipsiusque Deiparæ cul-
 tum, in suo aliorumque animo ac cor-
 de fouere, ac promouere poterit.

CAPVT VIII.

*Septimum medium ad per-
seuerandum, secessus
annuus.*

SI omnibus veræ ac solide pietatis
seftatoribus vtiliffimum est, vt
non dicam aliquo pacto necessarium,
interdum ab alijs negotijs & occu-
pationibus se se subducere, & soli
Deo, sibi que ipsi in secessu aliquo
spirituali vacare, quod vel ipsa expe-
rientia satis constat: multo magis hoc
de Sacerdotibus, alijsque Ecclesiæ
ministris censendum est, vt pore qui
ad altiorem sanctitatis gradum euecti,
& nihilominus varijs curis sollicitudi-
nibusque pro cultu Religionis, ani-
marumque subsidio distenti, maiori-
bus & efficacioribus adiumentis, ad
pietatis vigorem charitatisque feruo-
rem fouendum, ac conseruandum
indigent.

Dum enim per varias actiones, inquit
Sanctus Leo, vita huius sollicitudo di-
stenditur, necesse est de mundano puluere,
etiam religiosa corda sordescere: vnde
magna diuina pietatis dignatione prou-
sum

Serm. 4.
de quad.

sum est, ut ad reparandam mentium puritatem aliquot dierum nobis exercitatio meleretur.

Phil p.5
c.1
Præterea (ut rectè adnotauit illustrissimus Episcopus Gebennensis) naturæ fragilitas, & carnis concupiscentia, quæ omnibus filiis Adam communis est, animum continuò deprimat, & ad infima detrahit; nisi ipse diuina subnixus gratia, per affectiones & resolutiones pias crebrò iteratas, veluti quasdam spirituales penas, seipsum ab inferioribus abstrahere, & versus Deum eleuare contendat; quod quidem ut melius & efficacius præstet, opus est interdum, à tumultu rerum temporalium, ut loquitur sanctus Gregorius, secessum petere, in quo Deus tantò purius cernitur, quantò cum se solo, solus inuenitur.

hb. 4.
mor. c.
28.
Dicat igitur, si libet, quiuis Christi ministerio addictus, prouectionis suæ & perseuerantiæ in virtute cupidus: Dicat, inquam, interdum cum Propheta, contristatus sum in exercitatione mea, & conturbatus sum à voce inimici, & à tribulatione peccator. & cor meum conturbatum est in me, & formido mortis cecidit super me: & dixi, quis dabit mihi pennas sicut columba, & volabo & requiescam, ut sic fugiens, & conturbationibus mundi elongatus, maneam

Pf. 54.
in

in solitudine, & ibi expectem eum, qui saluum me faciat à pusillanimitate spiritus, & tempestate.

Porro, vt rectè ac fructuosè instituat^r hic spiritualis secessus (quem quorannis per octo aut decem dies, si commodè possit, fieri expedit) quædam hic breuiter adnotabimus, quæ vtilia sunt obseruatu minimè inutilia.

Primum est, vt qui secessum illum meditatur, priùs apud se perspiciat, quo fine illum appetat, quidve in eo potissimum efficere intendat: neque enim solummodo quietis & tranquillitatis alicuius in eo degustandæ gratia, aut spiritualis cuiuspiam operis, quod arridet, exercendi, aliaue simili de causa secedendum ipsi est; sed vt iudicalem veluti quendam processum in semetipsum instituat, cunctasque animi sui dispositiones perspiciat, ac diiudicet; & si quas in se vitiosas habitudines, aliosque morales defectus deprehendat, ra'icitùs euellere nitatur, ad idque gratiæ diuinæ auxiliū suppliciter expetat, eiusq; robore subnixus ad acquirendas virtutes sibi maximè necessarias, vocationisque suæ perfectionem adipiscendam, sese disponat, & ad id præsertim meditationes, lectiones, aliaque spiritualia exer-

exercitia, in secessu fieri solita ordinet, & impendat.

Secundum est, vt illud secessus animi exercitium libenti animo aggrediatur, *non ex tristitia, aut ex necessitate, hilarem enim datorem diligit Deus*: 2. Cor. 9 & si quod tædium, aut fastidium natura persentiat, meminerit quoniã (vt monet Apostolus) *omnis disciplina quidem in presenti nõ est gaudij, sed mœroris; postea autem fructum pacatissimũ* 2. Cor. 6 *exercitatis per eam reddet iustitia.* Dicat igitur in secessum ingrediens, *ecce nunc tempus acceptabile, ecce nunc dies salutis, in his ergo diebus exhibeamus nosmetipsos sicut Dei ministros, &c.*

Tertium est, vt omnes & quascunque sæculi cogitationes & curas ab animo excludat, cogitetque *unum esse necessarium*, vniue proinde illi vacandum, *quid enim prodest solitudo corporis (vt ait sanctus Gregorius) si solitudo defuerit mentis?* 1b. 7. mor. 6. 12.

Certè cum trecentis & sexaginta quinque diebus constet annus, nonne rationi consentaneum est, vt cum reliquos omnes in conuersatione hominum impendat, saltem aliquot ex illis feligat quibus vni Deo vacet, sefeque ad ea disponat, quæ illi accepta & placita esse nouerit.

Quartum est, vt si in illo secessu confessionem peccatorum, velit institue-

tue-

tuere, vel generalem totius vitæ, vel ab vltima dumtaxat generali, prout magis expedire videbitur: ad hanc sese ea diligentia præparet, tanquam postrema hæc ipsi confessio facienda foret, vt revera aliqua tandem postrema futura est, & ista æquè, ac alia talis proculdubio esse potest; præsertimque conuenienti peccatorum facta discussione, veros perfectæ contritionis actus elicere tudeat, eosdèque sæpius iteratos tanquam saluberrimas ad pœnitentiæ Sacramentum dispositiones præmittat; exinde cum summa sinceritate animi sui occultissima quæque confessario, seu patri spirituali aperiat, humiliterque eius monita, & consilia auscultet; ac postea fideliter exequatur.

Quintum denique est, vt ordinem sibi agendorum in illo successu præscribat, quo & tedium omne tollatur, & acceptabile illud tempus piè ac fructuosè impendatur. Sûnt autem varia pietatis opera, quibus vnamquamque secessus illius diem, vtilissimè impendere poterit, quorum præcipua sunt: Meditatio seu oratio mentalis, quæ ter, aut quater, singulis diebus institueretur, pro cuiusque facultate & dispositione. Officij diuini attentata, & deuota recitatio, sanctissimi Missæ sacrificij celebratio, lectio spiritualis.

ritualis, &c. quæ quidem & alia similia exercitia eo ordine si ita videbitur disponet, vt scilicet hora certa præstituta, qua è somno surgere debeat, post exercitium matutinū, primam inchoet meditationem : qua finita, præcipuas (si expedit) resolutiones in ea assūptas scripto breuiter adnotet, postea horas canonicas primam & tertiam recitet, tum ad Missæ sacrificiū celebrandum se disponat : Missa peracta tempus aliquod lectioni spirituali impendat; exinde hora conuenienti secundam instituat meditationem, & immediatè ante prandium sextam recitet, ac recollectionem aliquam faciat super exercitiis toto tempore matutino peractis.

Ipsum verò prandium moderata aliqua subsequatur animi relaxatio, quæ nihilominus talis sit, vt nullum mundi cogitationibus, aut curis adiutum præbeat : postea nonam recitet, tum spirituali lectioni vacet : deinde tertiam peragat meditationem, vel si hora minùs commoda videatur, loco meditationis, considerationem aliquā priam & vtilem instituat præsertim de optima ratione agendorum, & delictu mediocrium aptissimorum ad virtutes confectandas, vitiaque ex animo eliminauda; & adnotatis ijs, quæ vide-

debuntur, recitet vesp̄as cum completorio, tum lectioni spiritali aliquantulum vacet, exinde vltimam perficiat meditationem: ac demum hora competenti maturinum officium sequentis diei cum laudibus exoluat; & post cœnam, modicamque aliquā animi remissionem. examen conscientie instituat, solnisque precibus completis, hora destinata se ad quietem necessariam captandam in lectulo modestè componat.

En quibus exercitiis possit vnaquæque dies in illo secessu fructuosissimè impendi, quæ hic rudi penicillo utcūque adumbrauimus, quod minimè ob stare debet, quin vnusquisque d. consilio præsertim alicuius pij, ac prudentis viri, ordinem illum supra descriptum, vt sibi commodius videbitur immutare, & alia insuper virtutis exercitia præcedentibus adiungere queat: hoc solum hic admonere sufficiat, plurimum referre, vt omnia hæc singula pietatis, ac religionis opera, quam fidelissimè & exactissimè paragatur, idque eo magis, quo is qui in secessu est, actuum tuorum tunc solum Deum testem habet, illiusque solius oculis placere contendit: & præsertim in meditationibus, eo quo poterit meliori modo instituendis operam collocet, cum præcipuus ex ijs fructus

ex.

expectetur, & talis ferè quisque sit in aliis exercitiis, qualem se in oratione, & meditatione exhibuit.

Quamuis autè plurimi reperiantur ijque optimi libri, ex quibus meditationum illarum, quæ in secessu fiunt, varia materia, eaque ordine pulcherri-
mo digesta peti possit: attamè ut nihil hic desideretur eorum, quæ ad Christiani Sacerdotis subsidium conferre queunt; certa quædam capita eius obligationibus officijsque maximè apta & conuenientia selegimus, atque in triginta meditationes distributa, ad huius operis calcem subiecimus; quibus si addantur decem aliæ in prima eiusdem operis parte exscriptæ, ex illis omnibus quivis haurire poterit ea, quæ deuotioni eius & dispositioni magis congruere videbuntur.

Atque ut maiori cum luce & fructu in illis meditationibus procedatur; omnia & singula ad perfectionem Sacerdotalem spectantia eo disponuntur ordine; ut primum in Christo Domino considerentur, tanquam in primo & summo Sacerdote, virtutumque omnium Sacerdotalium absolutissimo exemplari: Deinde perspiciatur qua ratione quivis Sacerdos ipsum Christum affectari, seque illi conformare in quacunque actione & virtute quam perfectissimè possit.

MEDITATIO I.

Christus Dominus, perfectissimum Sacerdotum exemplar.

I. **C**ONSIDERA filium Dei, è cælis in terras à Deo Patre idcirco fuisse missum, ut diuinam imaginem, in homine per peccatum oblitteratam, & fermè deletam quam perfectissimè instauraret: & ea ratione, ipsum filium Dei incarnatum, seipsum tanquam absolutissimum virtutum exemplar cuilibet homini proposuisse, ut se illi conformando, Diuinæ similitudinis splendorem recuperaret.

Obstupesce super calamitoso illo humanæ naturæ statu: Verè, homo cum in honore esset non intellexit, comparatus est iumentis insipientibus, & similibus factus est illis. Pl. 48. Mirare Dei bonitatem: Domine quid est homo, quod memor es eius? Gratias age pro diuino illo exemplari, æquè tibi atque alteri cuilibet homini ad imitandum proposito.

2. Con-

2. Considera Christum Dominum præsertim discipulis suis, & proinde Sacerdotibus suis se in exemplar & formam virtutis, ac perfectionis dedisse, ideoque se illorum Magistrum peculiari ratione professum esse: *Magister vester*, inquit, *unus est, Christus*, qui scilicet virtutis affectandæ, perfectionisque assequendæ rationem, & modum ostenderet; idque tum saluberrimis documentis, tum etiam maximè præclarissimis exemplis. *Exemplum enim*, inquit, *dedi vobis, ut sicut ego feci, ita & vos faciatis.*

Mat. 23
Ioan. 15
11. 2. de
virg.

Primus discendi ardor, inquit S. Ambrosius, *nobilitas est magistri* Quid nobilius ipso Dei filio & tamè quis pudor, sub diuino illo Magistro, tã infeliciter proficere, tã lèrè progredi? imò deficere potius quam proficere, regredi potius quam progredi; Sed quam stupenda & damnabilis insensibilitas, ipsius Dei propter nos hominis facti exemplis, vix, aut nullatenus promoueri? excutiamus igitur torporem illum, *exuamus nos veterem hominem cum actibus suis, & sicut portauimus imaginem terreni, portemus & imaginem celestis.*

Coloss. 3

3. Considera Christianum Sacerdotem alio adhuc titulo teneri ad imitationem ipsius Christi: quia
sci-

scilicet alios Christianos non verbo solum, sed præsertim exemplo suo ad diuinum illum Saluatorem imitandum debet inducere : ita ut cuique dicere possit cum sancto Apostolo, *imitatores mei estote, sicut & ego Christi.*

Phil. 3.

Vide igitur, an hoc verè dicere queas aut saltem an talis esse velis, qui hoc verè aliis dicas? & ad hunc finè, ipsius Christi imitandi nouū firmumq; propositum concipe : perspice in quibus præsertim imitatio illa tibi sit necessaria : requirere in Euangelis quomodo diuinus ille Magister se in omnibus gessit : *Inspice & fac secundum exemplar, quod tibi propositum est: & ad hoc gratiam illius adiutricem suppliciter exposce.*

Exod. 25.

MEDITATIO. II.

*Christi Domini vita, regula
vitæ Sacerdotalis.*

1. **C**ONSIDERA Sacerdotis Christiani vitam adeò sanctam & perfectam esse debere, ut, iuxta effatum Apostolicum, *in eius carne mortali vita Christi manifestetur;* ita ut cum eodem verè dicat, *vinò ego, iam non ego,*

2. Cor. 4

T vi-

Gal. 2.

vinis vero in me Christus. Hoc autem præstare nullatenus potest, nisi ipsius Christi vitam tanquam vitæ suæ normam & regulam sibi proponat, à qua, ne minimum quidem sibi deflectendum esse arbitretur.

2. Cor.

10.

Vide igitur an talem te exhibueris? an vita Christi vitæ tuæ norma fuerit? & etiamnum sit? heu, si hoc coram Deo attentè perspexeris, quanta vitæ tuæ ab illius diuinæ vitæ norma & regula diuersitas? & si dicere liceat, quanta & quam infelix vitæ tuæ enormitas, & irregularitas à te deprehenditur: si igitur huc usque *alienam regulam* sequutus es, à modo propone vitam tuam, sensus, sermones, & actus tuos dirigere, *secundum mensuram illius regula, qua mensus est tibi Deus.*

Ibid.

2. Considera normam illam, & regulam vitæ Christi Domini præsertim reperiri in sacris Euangelis, ideoque à te in illis sedulo requirendam esse; & Euangelia ipsa deuote humiliterque tibi esse legenda & meditanda, consecretandumque illius sanctæ Virginis pium & religiosum studiū, de qua dicitur, quod *Euangelium Christi portabat in pectore suo, & neq; diebus, neq; noctibus ab illius meditatione vacabat.* Itaut illa eternæ vitæ verba geras transfixa visceribus tuis.

Ad

Ad hoc autem plurimum conferre poterit, si quotidie capitulum aliquod ex sacris euangelijs, aut alijs noui testamenti libris attente, ac deuotè perlegas; idque exemplo sancti Caroli Borromæi, nudo capite, flexisque genibus.

3. Considera Diuinam hanc regulam, humano sensui, & gustui paulo durior, & asperior initio videri, sed crede potius ipsimet veritati asserenti *iugum eius suauē esse, & onus eius leue*; hacq; solummodo ratione veram solidamque animæ tuæ requiem posse inueniri: crede Apostolo edicenti *quicumque hanc regulam sequuti fuerint, pax super illos & misericordia*: proindeque licet reclamante natura, mundo aduersante, fremente diabolo, hanc regulam salutis toto corde amplectere; hanc vt verus & fidelis Christi discipulus, constanter profirere; in hac perseveranter vsq; ad vltimum vitæ tuæ spiritum remanere propone propositumque illud offer, Deo, & eius gratiam ad illud implendum suppliciter exposce.

Mat. 11

Galat 6

MEDITATIO III.

*Christi Domini virtutes ab
eius Sacerdotibus præser-
tim confectanda.*

I. **C**onsidera, quod quamvis Christus Dominus virtutes omnes in gradu superexcellētissimo habuerit, non tamen omnium æqualiter exercere voluit; sed eas sibi peculiari studio affectandas delegit, quas muneri sibi à Deo Patre imposito magis congruere arbitratus est: eas scilicet, quæ ad salutem hominum procurandam vtiliores, aut aptiores erant; cum ad hoc in hunc mundum venērīt, ut peccatores saluos faceret. Ideoque Sacerdos, qui in partem illius Diuini ministerii vocatus est, quique se totum pro saluandis animabus impendere, & superimpendi debet, hac peculiari ratione tenetur virtutes easdem sibi deligere, & Domini sui vestigiis inhaerere.

Heu quantos profectus in Ecclesia faceret is qui se talem exhibere niteretur & quid mirum si vsque mo-
do

do in Christi Domini Ecclesia seruus inutilis extitisti, cum in affectandis illius virtutibus adeo negligentem, te præbueris.

3. Considera Christum Dominum eas sibi virtutes exercendas delegisse, non quæ maiorem in oculis hominum fulgorem emitterent. sed quæ ex se solidiores, & excellentiores essent, ac Deo Patri suo acceptiores: proindeque eas virtutum occasiones libenter amplexatum fuisse, in quibus perfectior Dei dilectio & glorificatio, fructuosior animarum ædificatio, & suiipsius maior humiliatio, abnegatio, & mortificatio reperiretur: hoc in natiuitate, hoc in toto vitæ decursu, hoc denique in passione, & morte constanter perfecit.

En qua ratione optimè te geras in delectu virtutum, vt scilicet eas præsertim consectoris, non quarum praxis tibi magis arridet, aut quibus famam tibi, & estimationem apud alios conciliare possis; sed quæ te Christo Domino magis conformem, & ministerio tuo exequendo aptiora efficere queant.

3. Considera Christum Dominum non modò delegisse virtutes illas quas muneri suo aptissimas, & Deo Patri suo acceptissimas esse nouerat,

sed & eas excellentissimo modo exercuisse, proindeque ipsas virtutes in eo fuisse perfectissimas, & omnibus numeris suis absolutissimas: ex quo discere debes qua ratione te geras in virtutum illarum delectarum praxi, non perfunctoriè, non oscitanter, non remissè, aut repidè, sed cum diligentia & sedulitate, cum feruore, & affectu, tanquam Deo per omnia placere exoptans; ideoque præstat non plurium virtutum simul, sed vnius duntaxat exercitium (aliis tamen minime neglectis) peculiari studio per aliquod tempus amplecti, illius nimirum, quam tibi maxime necessariam, aut muneri tuo magis congruam, vel utilem esse deprehendes, idque si opus sit, de pij alicuius, ac prudentis viri consilio.

MEDITATIO IV.

Christi Domini humilitas.

- I. **C**onsidera Christum Dominum iugiter *semper* ipsum humiliasse, idque à primo conceptionis instanti, usque ad mortem, mortem autem crucis; (ut loquitur Aposto-

stolus) hancque præsertim humilitatis virtutem ex se discendam proposuisse discipulis suis, cum dixit, *discite à me quia mitis sum & humilis corde;* Mat. 11. nec solum ad eius praxim eos inuitasse exemplis, sed & verbis comminatoriis compulisse; cum proposito coram illis paruulo edixit; *Amen dico vobis, nisi conuersi fueritis, & efficiamini sicut paruuli, noni trahitis in regnum cælorum.* Mat. 18.

Vide igitur quo animo hæc Christi Domini exempla, documenta, præcepta de humilitatis virtute aurea exceperis, aut saltem nunc excipere velis? an ipso Dei filio humilitatem prædicante; superbiam, relationem, vanitatem adhuc ambire audeas? imo perspice quousq; te ipsum demittere debeas, ut Dei ipsius humilitatem imitari utcumque possis.

2. Considera Christum Dominum triplici præsertim modo humilitatis virtutem exercuisse, primò erga Deum Patrem, quem tanta tamque perfecta sui ipsius demissione alloquutus, deprecatusque est, ut vel pro ipsa sua reuerentia exaudiri mererit.

Secundo, erga seipsum, cum tot annis in abiecta fabri conditione contemptus & despectus latere voluit, & deinceps quando ipsum oportu t ma-

niteſtari mundo , quoſuis tamen honores, licet ſibi meritiffimè debitos, tantoperè auerſatus eſt, ac tandem in paſſione & morte faciem ſuam confuſione cooperiri, ſequè ipſum opprobrijs ſaturari ſuſtinuit.

Tertio, erga alios quofcumque, cum nullum nequidem ſcleratiſſimum peccatorem dedignatus eſt; imo cum ipſis peccatoribus & publicanis familiariter conuerſatus eſt; ſequè diſcipulis ſuis, tum in coena lauando pedes eorum, tum in alijs occaſionibus veluti miniſtrum exhibuit; *Luc. 22.* ecce inquit *ego in medio veſtrum ſum ſicut qui miniſtrat.*

Perpende ſedulo hanc omnimodam ipſius filii Dei humilitatem, teque ipſum ab illius tam perfectæ praxi adedò diſſitum conſpiciens confundere, ingemiſce, propone, diuinæque gratiæ auxilium inſtanter deprecare.

3. Conſidera modum ſaluberriſſimum & efficaciffimum ad virtutem humilitatis obtinendam & conſeruandam, eſſe peccatorum commiſſorum recordationem tibi frequenter ob oculos ponere.

Cogita igitur vel minimum ex omnibus peccatis mortalibus à te perpetratis (quod tamen coram Deo

Deo grauissimum est) te reddidisse indignum quocumque bono, quocumque honore, quacumque fama, aut existimatione, quacumque amicitia, quocumque solatio ; & (quod grauius est) quacumque gratia, & misericordia Diuina : & è contra, dignum quocumque malo temporali, quacumque igaominia, confusione, angustia, calamitate, derelictione, & quod magis horrendum est, dignum æterna priuatione Dei, dignum æternis gehennæ flammis & supplicijs .

Qui ergo te his omnibus dignum fuisse certissimè agnoscis, qui nescis vtrum nunc amore, vel odio dignus sis, vllamne reperire poteris gloriandi occasionem : sed nonne maximam in temetipso agnoscere debes, cuiuscumque etiam abiectissimæ demissionis con-

• / sectandæ rationem.



MEDITATIO V.

Christi Domini patientia.

1. **C**ONsidera Christum Dominum, per hanc præsertim, patientiæ virtutem mundum redemisse, hominumque salutem fuisse operatum: neque enim usquam à lethali peccatorum ægitudine sanari potuissemus, nisi *Isa. 53.* *linguores nostros ipse tulisset, & dolores nostros ipse portasset; neque Diuinæ vnquam iustitiæ satisfactum fuisset, nisi ipse vulneratus fuisset propter iniquitates nostras, & attritus propter scelera nostra.*

Quod si intelligere velis, quæ fuerit illius in tot acerbitatibus patientia, audi quæ sequuntur: *tanquam ovis ad occisionem ductus est, & sicut agnus coram tondente se obmutuit.* En igitur perfectissimum huius virtutis exemplar nobis in Christo expressum, ut scilicet illud imitando, *curramus per patientiam ad* *Heb. 12.* *propositum nobis certamen.*

Sed heu quam pauci sunt qui se
illi

illi verè conformare studeant! quam rari qui Christum patientem sequi, ne dum assequi velint: aliquos fortasse inueniet Diuinus ille Saluator qui montem Thabor secum cōscendat, sed in horro oliuarum, in monte Caluariæ; omnes relicto illo dis-
fugiunt: Vide an & tu sis ex illis? & vsque quo Saluatorem tuum subse-
qui & comitari velis?

2. Considera hanc patientiæ; vir-
tutem Christiano Sacerdoti, ea quæ
ministerii tui sunt fideliter adimplere
volenti, esse maximè necessariam. *Ioan. 3.*
neque enim est seruus maior Domino 2. Tim.
suo: & omnes qui volunt piè vivere 3.
in Christo Iesu persecutionem patien-
tur; Proindeque seipsum exhibere
debet, tanquam Dei ministrum in *2. Cor. 6*
multa patientiæ, in tribulationibus, in *1. Pet. 2.*
angustiis, in plagis, &c. Hac est enim
gratia si propter Dei conscientiam susti-
net tristitias patiens iniuste, &c. si bene-
faciendo patienter sustineat.

En igitur conditio sub qua Christi
militiæ ascriptus es, vt scilicet para-
tum te temper exhibeas, ad quæcum-
que aduersa pro eius honore & amo-
re non libenter modo, sed & gauden-
ter perferenda; idque exemplo San-
ctorum Apostolorum, qui ibant gau-
dentes à conspectu Concilij, quoniam
digni habiti erant pro nomine Iesu contu-

meliam pari. Cauene ob mollitiem tuam indignus habearis, qui pro Christi gloria, & obsequio aliquid perferas.

3. Considera, si Christum patientem perfectè affectari velis, nullos patientiæ tuæ limites esse præfigēdos, proindeque patientiam tuam extendendam esse ad ea omnia perferenda, quæ Deus immittere, aut permittere voluerit; siue aliquid tolerandum sit per infamiam, aut bonam famam: à piis, vel ab impiis: propinquis, aut alienis: quocumque in loco, vel tempore: idque cum omnimoda voluntatis submissione erga diuinum beneplacitum, hanc præclaram Christi patientis orationem sæpius iterando: *Pater si possibile*

Mat. 26 est transeat à me calix iste, verumtamen non mea, sed tua voluntas fiat; non sicut ego volo, sed sicut tu vis.

MEDITATIO VI.

Christi Domini obedientia.

1. **C**onsidera Christum Dominum non modo semetipsum

ipsum humiliasse, sed & *factum esse* *Phil. 2.*
obedientem usque ad mortem; & si ultra
 mortem aliquis adhuc obedientiæ su-
 perest locus, etiam nunc in statu su-
 pereminentiſſimæ illius gloriæ, in
 qua *sedet ad dexteram maiestatis in*
excelsis; hanc virtutem exercere, & *Heb. II.*
 quod omnem admirationem superat,
 ipsum Dei filium quotidie obedi-
 tem se præbere voci hominis, & ple-
 rumque voci peccatoris, Sacerdotis
 scilicet Missæ sacrificium celebran-
 tis: seque eodem momento, quo
 verba consecrationis prolata sūt præ-
 sentem Sacramento exhibere, & ita
 præsentem, vt in illo Sacramentali
 statu totum se ipsius Sacerdotis ar-
 bitrio permittat.

Obstupeſce, ò Sacerdos, hanc
 quotidianam Domini Deique tui etiã
 erga te obedientiam ob oculos ha-
 bens, tuamque recogitans erga
 illum inobedientiam, & peruica-
 ciam,

2. Considera obedientiam Chri-
 sti Domini adhuc inter mortales a-
 gentis, præsertim in eius Passione &
 Morte enituisse: dum non modo
 Deo Patri mortem imperanti, sed
 & impiis Pontificibus, sceleratis iu-
 dicibus, & ipsis etiam carnificibus
 sese in omnibus, & quibuscumque
 etiam durissimis, & acerbissimis sup-
 pli-

plius obtemperantem præbuit: *Ego*, inquit ipse per Prophetam, *non*.
Isa. 50. contradico, retrorsum non abij, corpus meum dedi percutientibus, & genas meas vellentibus; faciem meam non auerti ab increpantibus, & conspuentibus in me.

Heu cum ipse Dominus in tremendo iudicio suo, hanc obedientiam ob oculos ponet, quid illi respondere, quam excusationem asferre poterit Sacerdos, qui legitimis suis Superioribus, iusta, & rationabilia præcipientibus, obedire noluit, aut si aliqua interdum obedientia ab eo exhibita est; adeo manca fuit, & imperfecta, ut vix obedientiæ nomen mereretur.

3. Considera Christum Dominum non modo sese obedientem præbuisse, sed & obedientiam eius fuisse omnibus numeris absolutissimam; obediuit siquidem simpliciter, sine contradictione; promptè, sine dilatione; alacriter, sine querela, aut murmuratione; perseveranter, sine tædio, aut instabilitate.

Vide igitur an ita obedientem te exhibueris? aut saltem an ita deinceps obedire paratus sis? teq; Domino tuo obedienti conformare, ac pro eius honore & amore quascunque dispositiones huic perfectæ obedientiæ

tiz contrarias, si quas in te deprehenderis, confectum ex animo tuo abdicere? præsertim quous agetur de obedientia exhibenda Romano Pontifici, in ijs quæ ad fidem, aut mores spectant: nec non Prælato tuo, & alijs tibi legitime præpositis.

Cogita igitur, te super hac obedientiz virtute propediem coram Iudice Diuino examinandum: vide quid tunc egisse voles, & illud sedulo persequere nunc stude.

MEDITATIO VII.

Christi Domini paupertas.

I. **C**onsidera & perpende hæc Christi Domini verba de seipso loquentis: *Vulpes, inquit, foveas habent, & volucres cæli nidus; filius autem hominis non habet, ubi caput reclinet.* En quo se redigere voluit cæli, ac terræ Dominus, idque nostri causa: cum enim, ut inquit Apostolus, *esset dives, propter nos egenus factus est, & adeo egenus, ut ne quidem haberet ubi caput reclinaret.*

Ve-

Vestiga, & perspice Bethleemicum antrum in quo natus est, Aegyptiacū perfugium in quo Herodianam persecutionem fugiens latuit, omnia paupertatem spirant; perlustra deinde alia loca in quibus humanae redemptionis operi vacans hospitium aliquod quaesivit, videbis illum nunc pernoctare in montibus, nunc in desertis loca secedere, nunc fatigatum ex itinere sedere sic supra fontem: & vique tanquam pauperem, & mendicum, vel omni hospitio excludi, vel aliena domo excipi, ac oblati elemosynis, suam, suorumque discipulorum vitam sustentare.

Hoc igitur paupertatis studium in Domino tuo considerans, vide an eius vestigiis inhaereas ab eo praesertim tempore quo eius ministerio addictus es? teque maxime ab eo distitum, & terrenarum rerum affectibus adhuc implicatum conspiciens, erubescere, ingemisce, & hanc quorumcumque malorum radicem cupiditatem ex animo tuo penitus euellere contende.

2. Considera qua ratione Christi Domini tui paupertatis studium utcumque imiteris: nimirum si ut ipse docuit in Evangelio, *pauper spiritu* existas, id est, si neque diuitias in animo, neque animum in diuitiis habeas,

ca.

casque neque exoptes, ac ne quidem de illis cogites.

Et siquidem diuitiæ illæ tibi aliquantisper affluant, cor non apponas: imò eas non tanquam tuas reputes, sed tanquam Christi Domini tui proprias, ab eo tibi tanquam œconomo conceditas, & iuxta eius voluntatem solummodo dispensandas: proindeq; cum vteris aliqua parte illarum, arbitreris te quotidianum panem, quotidianamque eleemosynam, ex illius clementissimi Domini manu singulis diebus accipere.

Præterea vt sis verè pauper spiritu, pauperes ipsos ama, eorum conuersationem ne despice: imò potius expe-te, illos libenter inuise, & te conuenientes amanter excipe, cum ipsis benignè colloquere, & si occasio sese offerat, illis etiam inferuire & ministrare idque tuis expensis ne recuses.

Quod si res domestica tibi tenuis & exigua est, in hoc te magis Christo assimilari gaude; sanctæque eius familiæ modicam, & pauperem œconomiam libenter affectare, & sedulo caue ne alicuius necessitatis obtentu, cupiditatem vllam in animo tuo foueas, ne anxie nimis quæras ea, quibus indiges, ne auidius oblata accipias, *ne diligas munera, sequaris retributiones.*

Con-

3. Confidera, & animo tuo hæc Apolloli discipulum suum admonentis præclara verba inscribe, quibus in teipso terrenarum rerum contemptum, & paupertatis Christi affectum excitare, & fovere studeas. Nihil intulimus, inquit, in hunc mundum, haud dubium quin nec auferre quid possumus: habentes igitur alimenta, & quibus tegimur, his contenti simus, nam qui volunt diuites fieri, incidunt in tentationem, & in laqueum diaboli, & in desideria multa inutilia & nocua, quæ mergunt hominem in interitum & perditionem; Radix enim omnium malorum est cupiditas, quam quidam appetentes errauerunt à fide, & inseruerunt se doloribus multis. Tu autem o homo Dei hæc fuge, sectare vero iustitiam, pietatem, fidem, charitatem mansuetudinem, hæc inquam verba serio perpende, actum fidei super illis sapius elicere stude, in illis veritatem ipsam te alloquentem & admonentem aures tua, & iuxta illorum tenorem desideria tua, consilia tua, vitam tuam componere deinceps apud te metipsum firmiter statue.

MEDITATIO VIII.

*Christi Domini casti-
tas.*

1. **C**onsidera Christum Domini præ cæteris virtutibus castitatem dilexisse, & erga illam peculiari ratione affectum fuisse: ita ut non modo eam perfectissimam & super-excellentissimam in se habuerit, sed & exterius adeò castè se gesserit, ut vel infensissimi hostes nullam unquã vel minimam de contrario vitio illum calumniandi occasionem non solum reperire, sed nequidem apud se excogitare potuerint: & refertur in Evangelio, quod cum Apostoli ipsum semel alloquentem Samaritanam quandam mulierem, prope fontem inuenissent, *mirabantur quod cum muliere loqueretur*, tanquam Ioan. 14 in eo tunc viderent quid insolitum, & ab eius vitæ usu & consuetudine abhorrens.

O quam pulchra est, sed quam rara his temporibus, cæsa generatio Sap. 4. cum claritate procedens! quam pau-

ci, qui corpore & spiritu casti, & sancti, dignum Christo Virginum regi & sponso ministerium exhibeant!

Vide quænam sint animi, corporis-
quetui super hac virtute dispositio-
nes? an aliquid intra te, vel extra
te sit, quod huic virtuti, vel mini-
mum aduersetur? an sint tibi aliqua
conuersationes, aliqua colloquia,
etiam sub prætextu pietatis, ac Re-
ligionis, quæ illius nitorem quomo-
documque infuscare possint? & si sa-
pis, si Domino tuo placere cupis,
sollicitè vel minima vitii contrarii
blandimenta caue, perhorresce, fu-
ge.

2. Considera Christum Domi-
num non modo in se, & in aliis si-
bi propinquioribus hanc virtutem
præsertim dilexisse; ideoque castis-
simam, & sanctissimam omnium
Virginum, sibi in matrem delegis-
se; & ipsi matri sponsum castitate
perfectissima præditum cooptasse,
& inter Apostolos beatum Ioanmem
eiusdem virtutis prærogatiua infi-
gnem, peculiari dilectione prose-
quutum fuisse: ac denique Eccle-
siae suæ voce, huius virtutis obliga-
tionem, omnibus & quibuscumque
sacro altaris sui ministerio addictis
impoluisse, nec nisi sanctos, & ca-
stos

stos sibi in Diuinis mysteriis assistere voluisse: & si qui immundi, & contrario vitio infecti ad sacra perficienda accedere ausi sunt, illorum, quandoque sacrilegam impietatem, poenis horrendis ultum fuisse, vt ipsorum exemplo reliquis omnibus restatum foret, quanto horrore & odio immunditiam quamcumque prosequeretur.


Cū igitur diuino nutu delectus fueris, qui quotidie Domino tuo propior assistas, & cum ipso Diuina mysteria opereris: vide quanta, & quam perfecta corporis, animique puritate, & castitate id perficias? & quanta cura & sollicitudine non modo peccata, sed & defectus quoscūque virtuti illi oppositos deuitare tenearis?

3. Considera quibus modis virtutem hanc in te perfectam habere, & illibatam seruare valeas: nimirum si à Deo singulis diebus illam suppliciter exposcas, *nemo quippe potest esse continens nisi cui Deus dederit*: & præterea si Diuinæ gratiæ cooperando, viriliter resistas tentationibus, ac præsertim illarum initiis, & primis spiritus immundi suggestionibus: si sollicitè fugias quascumque vitij contrarij occasiones; si corporis tui sensus,

ac

ac præsertim oculos tuos mortifices, & à quibuslibet illicientibus obiectis auertas: si carnem rebel-
lantem, ieiuniis, vigiliis, aliisque
voluntariis afflictionibus, & poënis
edomare, ac spiritui subiicere stu-
deas: si post quantascumque victo-
rias aduersus tentamenta; & vitia
castitati contraria reportatas, sem-
per nihilominus tibi ipsi diffidere, &
omni custodia cor tuum seruare no-
ueris.

En quibus armis thesaurum illum
quem in vase fictili circumgestas, cu-
stodire possis? vide quo affectu,
qua fortitudine, qua fidelitate ijs uti
cupias? & coram Deo firmum super
ea re propositum concipe: ac si ti-
bi ipsi non credis, conceptum illud
propositum in manibus sanctissimæ
Deiparæ Virginis Mariæ depone, ut
ipsa te tuasque resolutiones in specia-
lem suam tutelam recipiat, & à cun-
ctis quibuscumque aduer-
santibus prote-
gat.



MEDITATIO IX.

Christi Domini mortificatio.

I. **C**onsidera, quod quamuis Christus Dominus nunquam huius virtutis subsidio indiguerit, utpotè qui omnes animæ facultates, omnes corporis sensus, & motus haberet semper optimè compositos, & diuinæ rationi, ac voluntati perfectissimè subditos: nihilominus hanc nostri causa sedulo affectari voluit, vitamque ab ipsa infantia duris, & asperis rebus exercitiam ducere; tum ut merita sua satisfactionesque copiosius nobis applicaret: tum etiam ut exemplo suo ad illius virtutis praxim, nobis adeo necessariam efficacius prouocaret.

Quis vero in huius virtutis exercitio Christum magis imitari tenetur, quam is, qui ratione muneris sibi impositi modo quodam peculiari debet exhibere corpus suum hostiam viuentem, sanctam, Deo placentem & ad Rom. 12 implere in carne sua ea; qua desunt passioni Christi.

Coloss. 1.

Vide igitur an talem te exhibueris, aut saltem exhibere velis? an ex sacro illo calice quem Christus in passione sua hausit, tibiq; propinauit, exiguam aliquam guttulam libenter degustes? heu quamcumque assumpseris mortificationis praxim, nusquam vel minimam partem senties aculeorum, & dolorum illorum, quos tuæ salutis causa Christus in vita & morte sua pertulit.

2. Considera omnes & quoscunque sanctos, hac præsertim virtute subnixos, ad fastigium perfectionis, & inde ad culmen gloriæ conscendisse: neque solum viros fortes, sed & mulieres infirmas, tenerasque virgines mortificationem Christi Iesu in corpore suo circumtulisse, magisque elegisse cum Divino illo Salvatore affligi & asperrimam plerumque vitam ducere, quam mortiferam sæculi degustare iucunditatem.

Quid igitur, non poteris quod illi, & istæ potuerunt? erubescere saltem, & confundere præ pusillanimitate, & contende utcumque sequi si assequi non vales; pete ut Deus animum virtutemque tibi adaugeat.

2. Considera huius virtutis præxim ad duo præsertim capita posse reuocari.

Primum est, ut quandocumque
age-

ageretur non solum de vitando aliquo peccato etiam leuissimo, sed etiam de quocumque virtutis opere exercendo, puta de ministerio aliquo Ecclesiastico debite obeundo, & aliqua comoditatis, seu oblectationis, vel etiam vtilitatis aut cuiuscumque alterius propriæ satisfactionis illecebra obstat; tunc huius qualiscunque temporalis boni seu commodi, aut oblectamenti iacturâ aut priuatione libentissime feras, idq; amore illius qui per tot annos quibus inter mortales vixit, seipsû tui causa immanis cœli gaudijs abdicauit.

Secundum est, vt quodcumque similiter ageretur non solum de vitando peccato, sed etiam de quouis bono opere exequendo, quod Deo acceptum esse credatur, & idcirco incommodum aliquod vel tædium, aut aliquid nature molestum & acerbum perferendum est; illud non libenter modo, sed & gaudenter perpetiaris, imo & vltro amplectaris, ob amorem diuini illius Saluatoris, qui tot & tam immanes dolores, & cruciatus in se tuæ salutis causa perferre voluit.

Neq; solum cum instat aliquod peccatum deuitandû, aut bonum exequendum; sed etiam plerumq; expedit vt vim tibi aliquam inferas, & voluntarias aliquas corporis afflictiones assumes, tû vt mortificationis praxi assuescas, sic

V .. que

que ad eam cum opus erit facilius & perfectius exercendam paratus sis; tum etiam ut pro peccatis tuis, aliorumque, Diuinæ iustitiæ, saltem ex aliqua parte, satisfacias: tum denique ut Christo Domino tuo magis conformis efficiaris, & vere inter discipulos eius recenseri dignus sis, *qui enim Christi sunt, carnem suam crucifixerunt.*

Galat. 5

MEDITATIO X.

Christi Domini modestia.

I. **C**ONsidera tantam tamque perfectam in Christo Domino modestiam eluxisse, ut simul & reuerentiam, & amorem omnium in ipsum excitaret; peccatoresque, & publicani vel ex solo eius aspectu cōuerterentur; & illius etiam æmuli, & aduersarij mirarentur in verbis gratiæ quæ procedebant de ore eius: & ipse demum Apostolus ad obtestandos fideles, Christi Domini modestiam, tanquam fortissimum argumentum interponeret.

Quod & qui hanc diuini illius Saluatoris virtutem peculiari studio in se exprimere debent, maximè illi quæ eius

eius altaribus propiores assistunt, quique ipsum cæteris fidelibus in se quodammodo exhibere tenentur.

Cum igitur in eorum numerum adlectus fueris, vide qua ratione te geras, itaut modestia tua nota sit omnibus quibuscum versaris: & si ad hanc virtutem consecrandam minus quam par esset, hucusq; attentum te præbueris; de illo defectu in futurum emendando cogita, & coram Deo, inuocata eius gratia, propone.

2. Considera Christum Dominum perfectissimam, & omnibus numeris sui absolutissimam modestiam, semper & ubique seruasse, in vultu, aspectu, gestu, incessu, habitu, sermone, & aliis omnibus, quæ oculis aliorum paterent: nihilque ynquam illum fecisse, aut dixisse, quod non esset huius virtutis decore optimè temperatum.

En modestiæ perfectissimum exemplar, quod præ oculis tuis habeas, in illudque iugiter inspicias, ac iuxta illius formam te ipsum & omnes actus, sermonesque tuos debitè componas.

Et quamuis semper & ubique virtutem illam debeas consecrari, etiam cum solus es, propter Diuinæ præsentiae reuerentiam, & Angeli tui custodis assistentiam: nihilominus pecu-

liari cura inuigilandum est tibi, tuisque actibus, gestibus, sermonibus, &c. quando cum aliis versaris, & præsertim quando publica Religionis officia peragis, sacrisque muneribus in templo defungeris, ita ut tunc maxime *luceat lux tua coram hominibus, ut glorificent patrem tuum qui in cælis est.*

Matt. 5.

3. Considera hanc modestiæ virtutem in quolibet Sacerdote tanti esse momenti, ut nullam ministerii sui partem debere exequi possit, nisi omnes illius actus, gestus, sermones, &c. hac virtute regantur, ac veluti condantur; ideoque præcipuam curam sollicitudinemque impendere debet, ut illam sibi propriam faciat; utque non solum peccata & vitia, sed & defectus quoscunque huic virtuti aduersos, si quos in se deprehendat, serio emendare curet; & ad hoc, si opus sit, aliorum admonitionem, & correctionem exposcat, & præsertim gratiæ cælestis opem suppliciter inuocet.

Vide igitur, ut hoc consilium tibi ipsi applies, & siue fidi cui uspiam amici auxilio, siue examine aliquo particulari super hac re per aliquod tempus instituendo, siue alia quauis ratione, hanc virtutem gratia Diuina opitulante, quam perfectissime obtinere contendas.

MEDITATIO XI.

Christi Domini prudentia.

1. **C**onsidera quam sublimis & perfecta fuerit Christi Domini prudentia, & quantum præcelluerit vniuersæ mundanæ prudentiæ, & sapientiæ, quæ in comparatione illius mera insania & dementia est: in Diuino illo Salvatore *siquidem*, *reconditi fuerunt omnes thesauri sapientiæ, & scientia Dei; & ipsemet fons sapientiæ verbum Domini in excelsis*; hinc peculiariter quodâ ratione in scripturis vocatur *consiliarius*, quia scilicet ipse solus est, à quo vitæ æternæ consilia petenda sint.

Col. 2.
Eccl. 1.
Is. 9

Vide igitur quantum facere debeas Diuini huius consiliarii monita & efata in Euangeliiis expressa; & quo studio æmulati & consecretari supereminentem illam Christi Domini sapientiam & prudentiam, ac secundum illius regulas, & te ipsum & alios dirigere? hocne vique modo fecisti? sed nunquid aliquando *animalis*, & *terrena*, vt non dicam *etiam diabolica sapientia axiomata sectatus es?*

Iac. 3.

Hanc igitur & quamcumque aliam adulterinam & falsam prudentiam coram Deo nunc eiura, teque totum Christo *Dei virtuti, & Dei sapientia,* ducendum, & dirigendum trade.

2. Considera quantum Christi Domini prudentia opposita sit mundanæ prudentiæ: *hec siquidem* (vt ait Sanctus Gregorius) *sibi obsequentibus* *lib. 10. præcipit honorum culmina quarere, ade-*
mor. c. 16 *pta gloria temporalis vanitate gaudere, irrogata ab aliis mala multiplicius reddere; lucra & emolumenta tempora-*
lia sollicitè appetere, corporis cō-
moda, carnisque blanditias & volu-
pates consecrari, verum finis horum
omnium mors est.

At verò Christi sapientia, & prudentia docet honores mundi fugiendos esse, calcandam huius sæculi vanitatem, & superbiam, voluptates abigendas, sectandam humilitatem, paupertatem diligendam, crucem amplectendam, ferendamque, &c.
Rom. 6. verum fructus horum dignorum consi-
librum est sanctificatio anima, finis verò
vita æterna.

Vide igitur cui credere debeas? cuiusnam, mundi, an Christi sectatorem te profiteri velis? si sapias nullus hic erit deliberandi locus, sed tanquam verus Christi discipulus, fidelque minister, tota mente, toto corde,

vni diuinæ sapientiæ adhærebis: perspice ergo, quæ illius axiomata tibi sint nunc præ aliis maximè necessaria, & ea sedulò confectari stude.

2. Considera quibus mediis prudentiam illam Christi obtinere, & in ea proficere possis? *Optavi* (inquit Sapiens) *& datus est mihi sensus: inuocavi, et venit in me spiritus sapientia, & præposui illam regnis et sedibus, et proposui pro luce habere illam.* Sap. 7.

En quatuor media ad cælestem illam prudentiam & sapientiam obtinendam & conseruandam saluberrima.

Primum, agnosce, quantum prudentia illa necessaria sit tibi in Ecclesiæ specula constituto, ad tuam, & plurimorum aliorum salutem, proindeque ex toto animi tui affectu exopta illam.

Deinde, suppliciter à Diuina misericordia huius veræ prudentiæ spiritum exposce, ora Patrem tuum cælestem, & ipse spiritum bonum tibi petenti haud dubiè dabit.

Præterea, præfer illam prudentiam illiusque consilia, & monita, omnibus & quibuscumque humanæ, terrenæ, mundanæ, diabolicæ sapientiæ axiomatibus, quocumque in casu; & omnes sæculi honores, diuitias,

tias, voluptates præ illius bonis nihili æstima.

Denique, propone tibi pro luce habere illam, & in cunctis actibus, negotiis, consiliis tuis illius ductum sequi, eiusque effatis & decretis semper & constanter ubique adherere.

MEDITATIO XII.

Christi Domini charitas erga homines.

1. **C**onsidera, nulla unquam cogitatione dignè concipi posse, ne dum sermonè explicari, qualis fuerit eximia illa, & (ut Apostoli verbis utamur) *nimia charitas* qua Dei filius dilexit nos, & cuius impulsu *semetipsum dedit redemptionem pro omnibus, venitque in hunc mundum peccatores saluos facere ac ipsis vitam tribuere, & abundantius tribuere*: idque plurimos, eoque molestissimos labores pro ipsis subeundo, gravissimosque dolores perferendo, ac denique mortem oppetendo acerbissimā, quæ perfectæ illius charitatis veluti sigillum extitit: *maiorē siquidem charitatem nemo habet quam ut animā suam ponat quis pro amicis suis.*

Vide

Vide quam gratiarum actionem Diuino illi Saluatori offeras? quam ipsi dilectionem pro tanta charitate rependas, & qua ratione hanc eius virtutem erga proximos tuos imiteris.

2. Considera hanc charitatis virtutem ab ipso Domino iam Passioni, & Morti proximo, discipulis suis, adeoque cunctis Sacerdotibus peculiari affectu fuisse commendatam: *Ioan. 15*
Hoc est praeceptum meum, inquit, ut diligatis inuicem sicut dilexi vos, & in hoc cognoscent omnes, quia discipuli mei estis, si dilectionem habueritis ad inuicem.

En certa & legitima discipulorum Christi tessera, & nota; en ratio qua fidelis Christi Minister & Sacerdos dignosci possit: vera scilicet in alios charitas, sine qua non iam dici meretur Sacerdos, imò sine charitate Sacerdos dici potest, perfectè esse non potest.

Attende igitur tibi ipsi, & vide, an solus tibi sit Sacerdotis titulus, & (ut dicitur) magni nominis umbra? an etiam Sacerdotii spiritum, & virtutem habeas? inspicere quale sit cor tuum erga proximos tuos? an diligas eos propter Deum? an sicut teipsum? an sicut Christus te & vnumquemque hominum dilexit? an vera charitate?

complectaris illos etiam, à quibus minus diligeres? an paratus sis charitatis obsequia, & subsidia quaecumque impendere iis, à quibus nullum grati animi testimonium sperare potes, imò à quibus plurimum oneris & incommodi expectandum tibi est, à quibus multas contradictiones & fortasse persecutiones sustinere te oportebit.

3. Considera conditiones charitatis illius qua Christus dilexit homines, ut eas imitari studeas.

Act. 10. In primis dilexit efficaciter, id est, nō solo affectu, sed etiam effectu, *pertrā-
sit benefaciendo, & sanando omnes op-
pressos à diabolo: laborantes quoscum-
que, & peccatorum sarcina oneratos
misericorditer vocavit, & ad se ve-
nientes iuuit, solatus est, refecit.*

1. Ioan. 3. Noli igitur tantum *diligere verbo
aut lingua, aut simplici aliquo affectu,
sed opere & veritate.*

Præterea dilexit suauiter; & quamvis esset omnium Dominus, omnibus tamen omnia factus est: fleuit cum flentibus, & publicanis, & peccatoribus manducauit, & cum turbis, & populis tanquam cum filioliis mutauit vocem suam, ad eorum captum sedemisit, loquebatur illis in parabolis; & similitudinibus, sermone vulgari
& tri-

& trito, vt vel minimus de turba facillime intelligeret.

Hæc serio recogitans, obstupeſce Verbum Diuinum, æternam Dei Sapientiam ad hæc humillima charitatis officia, ſeſe tanta ſuauiſſime demittere; & pro pudor! te leuiuſculæ fortaiſſis alicuius ſcientiæ vento dillectum, in ſimilibus charitatis officiis, Chriſti Domini tui imitationem faſtidire.

Denique dilexit fortiter, & conſtanter, aquæ multæ non potuerunt eius charitatem extinguere, nec flumina illam obruere; & quamuis præſciret plurimos eius meritis & gratiis abuſuros, eius ſanguinem conculcaturus, ideoque in æternum perituros; nihilominus vincente præſcientiam bonitate, eos perfectè dilexit, pro ijs redimendis & ſaluandis quantum ex ipſo erat, ſanguinem ſudit, mortem pertulit, ſequæ ipſum hoſtiam propitiationis obtulit.

Diſce illius Diuini Saluatoris exemplo, quoscumque homines ſalutis æternæ capaces quamuis peruiſaces, & obſtinatos conſtanti charitate diligere, eoſque quantum poteris iuuare, & ſi nihil aliud vales, ſaltem pro ipſis orare: & potiori adhuc ratione eos diligere, quibus ſpeciali charitatis vinculo nexus es, vt conſacere

doces tuos, domesticos, &c. vel quorum necessitas peculiare à te charitatis subsidium exigit, ut rusticos, pauperes, & alios eiusmodi qui spiritualibus auxiliis magis destituti videntur.

MEDITATIO XIII.

*Christi Domini mansuetudo
& benignitas in toleran-
dis aliorum defecti-
bus & pecca-
tis.*

I. **C**onsidera ineffabilem Christi Domini mansuetudinem, non modo in tolerandis imperfecti-
nibus, verbi gratia, tarditate, rusticita-
te, ignorantia, stupiditate eorum qui-
buscum agebat, sed præsertim in per-
ferendis peccatis infensissimorum ini-
micorum, à quibus atrocissimas acci-
piebat iniurias. Poterat, & quidem
iustissimè illos acriter increpare, illis
comminari, pœnasque acerbissimas
illis infligere; poterat, vel solo nunc
eos ad nihilum redigere, aut certe
ad inferni barathrum deturbare.

Et tamen nihil horum fecit: *eum*
ma.

malediceretur, inquit Apostolus, non maledicebat, cum pateretur, non comminabatur; imo (vt sanctus Bernardus loquitur) flagellis casus, spinis coronatus, clavis confossus, affixus patibulo, opprobrijs saturatus, omnium tamen dolorum immemor, hoc tantum dixit, Pater ignosce illis, quia nesciunt quid faciunt. 1. Petr. 2.

Quis hæc attentè perpendens non miretur tantam, tamque perfectam mansuetudinem? quis non omni honore, & amore prosequatur adeo benignum, & mansuetum Domini? Sed quis apud se non proponat hic & nunc omnem iram, indignationem & amaritudinem animi penitus exuere, & induere viscera misericordiae, benignitatem, mansuetudinem, &c.

2. Considera hanc mansuetudinis virtutem cuius Sacerdoti pernecessariam esse, idque eo magis quo frequentiores in ministeriis Ecclesiasticis occurrunt illius exercendae occasiones: degendum siquidem illi est vt plurimum in medio nationis pravae & peruersae, agendum cum peccatoribus, sepe peruicacibus, & obstinatis, conciliandi, & conuertendi hominum animi, per varia peccata, tum à Deo, tum à proximo maxime aucti, & alieni, eorumque
pas-

passiones plerumque acres demulcendæ.

Hæc autem nusquam præstare poterit, nisi peculiari, eaque eximia mansuetudine præditus sit; hanc igitur sollicitè, ac sedulò acquirere, & perfectè obtinere stude.

3. Considera varia esse media, quibus hanc virtutem acquirere, in eaque proficere valeas.

Primum est, ut quotiescumque aliqua ex parte proximi prævidebis tibi fore toleranda; cogites contumelias, probra, insectationes, & alia eiusmodiquæ Christus Dominus & in Passione sua tanta mansuetudine pertulit; pudebit sanè ob verbulum aliquod durius prolatum, ob alicuius animum erga te paulo iniquiorem, statim excandescere, & in iras abripi.

Sècundum est; ut leuioribus, si quæ occurrant, contradictionibus, cum lenitate animi perferendis, assuescas, quo magis paratus sis ad grauiora, & acerbiora quæq; quando opus erit, placidè toleranda.

Tertium denique ut reipsum defectusque tuos attendas, & (ut loquitur sanctus Gregorius) *cum excessus alienos aspicias, tua quibus in aliis excessisti delicta cogites*; proindeque (ut monet Apostolus) *et si præoccupatus fueris homo*

bb 5.
mor.
c. 34.

CHRISTIANVS. 471
*homo in aliquo delicto huiusmodi instructus
in spiritu lenitatis, considerans teipsum.*

MEDITATIO XIV.

*Opera misericordiae quae corpus
spectant à Christo
Domino exercita,*

I. **C**onsidera, quod quamuis
Christus Dominus dum
in terris ageret, egenus & opis alienae indigus esse voluerit, nusquam tamen ideo ab operibus misericordiae, etiam illis, quae proximi corpus spectant, secum dispensauit; sed ex penuria, & tenuitate victus sui saepe sibi subtraxit, ut egenis aliquid daret; saepe etiam infirmos visitauit, & solatus est, populumque esurientem ieiunus ipse refecit; idque haud dubie ut ostenderet, quam placita, & accepta sibi esset haec misericordiae virtus, & quam necessaria illis, qui ministerio suo mancipati eum in omnibus affectari debent.

Vide igitur quali affectu haec misericordiae opera exercueris, qualem te erga pauperes exhibueris: & animo

mo tuo hæc Prophetę verba inscri-
be, *beatus qui intelligit super egenum,*
& pauperem, in die mala liberabit eum
Dominus.

Psal. 110

2. Considera, quod si omnes ad
eleemosynam ex superfluo erogandā
diuinis præceptis obligantur, potiori
adhuc ratione Sacerdotes aliosque
Christi ministros ad id obstringi, eos-
que maximè qui beneficia Ecclesia-
stica obtinent, quando ipsis, post suf-
ficientem, & moderatam sustenta-
tionem, aliqua supersunt; quę quidē
absque grauissimo peccato non pos-
sunt aut in superfluos vsus impen-
dere, aut propinquis minime indi-
gentibus donare, aut sibi inutiliter
reseruare.

Neque solum ex beneficiis Eccle-
siasticis, sed & ex quibuscumque bo-
nis temporalibus superflua pauperi-
bus erogare tenentur: imò quamuis
non nisi modicos, & necessarios pro-
uentus habeant, non tamen ideò ab
hac virtute exercenda penitus se
liberos arbitrentur: sed quacumque
ratione poterunt, pauperibus, &
egenis debent præsto esse, eosque
prout occasio sese offeret solari, &
iuuare,

Perspice igitur, qualem te hac in
parte exhibueris, & scito te prope-
diem

diem super hac misericordię virtute
in supremo iudicio examinandum ;
vide ne in illorū numero recensaris
quibus à diuino iudice dicitur, *discedite
à me maledicti, &c. esuriui enim, & non
dedistis mihi manducare, &c.*

Mat. 25

3. Considera huius virtutis opera
non qualitercumque à Christiano Sa-
cerdote, sed quam perfectissimè ex-
ercenda esse: ideoque non ad iactan-
tiam, aut largitatis decorem dan-
dam esse eleemosynam, quod procul
à quouis Christi ministro abesse de-
bet, sed eleemosynam erogandam,

1. Cum humilitate, itaut tuis apud
Deum patronis potius munera offer-
re, quam egenis dona largiri videaris.

2. Cum spiritu misericordię, com-
patiēdo super proximi angustis, &
afflictionibus.

3. Cum prompto & libenti animo,
*non ex tristitia, aut ex necessitate, hylarem
enim datorem diligit Deus.*

2. Cor. 9

4. Denique cum discretione, vt bo-
na dispensentur non effundantur, ac
præsertim vt ceteris paribus elee-
mosynę illę quibus animę salutis si-
mul & corporis incolumitati pro-
uidetur, aliis eleemosynis, quę so-
lum ipsius corporis solatium spectant
anteponantur.

MEDITATIO XV.

*Opera misericordie spiritua-
lia à Christo Domino
in praxim reda-
cta.*

1. **C**ONSIDERA Christum Domi-
num ex perfecto charita-
tis affectu, gravissimis, & pernicio-
sissimis hominum miseriis, iis scilicet
quæ animæ salutis efficiunt, & no-
cent condoluisse, illisque insuper re-
media saluberrima suppeditasse.

1. Tim. 1

Et hoc quidem præcipuum fuit il-
lius diuini Saluatoris opus, *peccatores
nimirum saluos facere*; hac de causa
è cælis in terras venit, & inter morta-
les agens, tot labores suscepit, tot iti-
nera confecit, tot miracula patrauit,
tot conciones in templi porticibus, in
Synagogis, in montibus, in littori-
bus, in locis campestribus habuit,
seque ipsum exhibuit sub specie
boni Pastoris, vel vnicam ouem
errantem tanta sollicitudine requi-
rentis.

En typus cui assimilari debet verus
Christi

Christi Sacerdos; in expressissima Divini illius Saluatoris velligia, eius, *Ioan. 12*
 ministro ad consecrandum proposita: *Qui enim mihi ministrat, inquit, me sequatur.*

Vide quo animo hæc & alia eiusmodi misericordiae spiritualis opera, Domini tui exemplo, exequi velis?

2. Considera inter alia huius virtutis opera, duo præcipua esse, quibus peculiari studio incumbere debet Christi Domini Sacerdos: nimirum, ut eos instruat qui laborant inscitia rerum ad salutem necessariarum, & eos corripiat qui in peccatum prolapsi ab eo emendari minimè curant. Vtrumque hoc præstantissimum est misericordiae exercitium, cui ipse Christus Dominus, eiusque Apostoli, & alij quicumque Apostolici viri summo studio seipsum impenderunt.

Vide igitur quomodo vtrumque illud convenienter peragas, qua methodo & ratione, siue publice, siue priuatim ignaros in fidei mysteriis erudias? quo charitatis affectu peccatores salubri correptione ab bonâ mentem reducas?

Et foelicem, ac beatum illum diè reputa, in quo tibi animam aliquam Christo Domino lucrari contigerit: vide ne tua segnitie ab eiusmodi diè bona unquam defrauderis, nec ullam

occasionem aliquod tale opus exercendi vnquam elabi finas.

3. Considera qua ratione fraternam illam correctionem, in qua interdum maior reperitur difficultas conuenienter & salubriter exequaris.

Nimirum vt non ex ira, seu indignatione, aut aliqua alia animi commotione, sed ex sincera proximi tui dilectione, ad illud charitatis officium mouearis: *ut eum corripas in misericordia, et in spiritu lenitatis instruas*, vt non temere, ac precipitanter, sed cū discretionē, ac deliberatione opus hoc aggrediaris, & ad id tempus opportunum assumas, modumque correctionis talem adhibeas, quo peccator efficaciter permoueatur, & ad meliorem frugem reducatur.

Sicut autem prudenter, ac suauiter, sic etiam fortiter & constanter, huic charitatis officio insistendum tibi est; cauendumque maximè ne vllus spudor, aut timor, aut respectus humanus, te ab illa muneris tui parte conuenienter exequenda vnquam retrahat, aut tardiozem, vel segniozem efficiat.

MEDITATIO XVI.

Christi Domini zelus ad procurandam, & promouendam animarum salutem.

I. **C**ONsidera quantus, & quā feruidus fuit ille zelus, quo diuinum Christi pectus exarsit; ex quo subinde varix scintillæ; & plerumque faces, & flammæ prorumpabant; puta cum diceret, *ignem veni mittere in terras, & quid volo nisi ut accendantur*; & de passione ac morte sua discipulis suis proloquens: *Baptismo*, inquit, *habeo baptisari, & quomodo coarctor usque dum perficiatur*; sed quis ardet? quantum amoris incendium in eius Passione, cum cruci affixus, in ipsa extrema acerbissima mortis agonia positus, immemor dolorum suorum, sed memor salutis animarum, etiam pro ipsis crucifixoribus, & paritidis orauit?

Luc. 12.

ib. d.

Mira res, inquit sanctus Bernardus, *Indei clamabant crucifige & Iesus clamabat, ignosce. Heu quis illa recognoscat,*

tans, non exardescat in amorem diuini illius Saluatoris? simulque non concipiat perfectum zeli illius imitandi desiderium?

2. Considera hunc zelum Christiano Sacerdoti maximè necessarium esse, ut Domini sui vestigiis inherendo, ea fortiter perficiat, quæ ministerii sui propria sunt,

Putas, ut toto voluntatis affectu studeat semper, & ubique Diuinæ gloriæ incrementum quærere; & eo fine peccatorum conuersionem bonorumque in virtute profectum, quantum in ipso est; procurare; peruersis impiorum conatibus constanter obistere, errores & abusus irrepen-tes funditus tollere: Religionem, ac pietatem fouere, pia & sancta consilia promouere, & ad id præstandum, nullos labores recusare, imo paratū se semper exhibere ad incommoda, quælibet subeunda; ad tolerandas quascumque animi corporisque molestias, denique ad vitam ipsam, si opus sit cum sanguine profunden-
dam.

Hæc autem nusquam præstare poterit, nisi Diuino illo zelo totus fuerit incensus. Postusa igitur ut pectoris tui glaciem ignis ille cœlestis absumat, animumque tuum diuinis ardoribus impleat, quo totus sacro illo
Christi

Christi Domini zelo ignescas.

3. Considera quænam esse debeant zeli conditiones, ut verus, ac perfectus sit.

1. Ut discretionem regatur, nec nisi cum prudentiæ moderamine vlla pietatis opera peragenda suscipiantur, aut urgeantur: idque prius semper consulto per orationem Diuinæ voluntatis oraculo.

2. Ut cum singulari animi fortitudine, ac firmitate iunctus sit, animis siquidem opus est & pectore firmo, ad ea quæ supra enumerata sunt exequenda; hæc autem fortitudo & firmitas ab eo expectanda est, qui quandocumque ipsi placitum est, *infirma mundi eligit, ut fortia quaque* 1. Cor. I confundat.

3. Ut quotiescumque de gloriæ Diuinæ prorogatione animarumque salute agetur, solus Deus respiciatur, nec vlllo modo acquiescatur carni, aut sanguini.

Quarta denique zeli conditio est, ut malis quibus mederi non potest ingemiscat, & si nihil aliud valet, saltem dolorem & lachrymas sinceræ charitatis testes Deo offerat.

Vide igitur, an eiusmodi dispositiones in teipsoprehendas: ut, si minus, eas obtinere studeas, tum piis precibus diuinam opem exposcendo,

do, tum etiam Sanctorum acta & historias perlegendo, in quibus illius zeli præclara quædam exempla reperias, quæ postea occasione quacunque oblata imiteris.

MEDITATIO XVII.

Christi Domini zelus ad propugnandam diuinam veritatem.

1. **C**onsidera Christi Domini zelum maximè effulsisse in diuinaveritate propugnanda, idque præsertim tempore passionis suæ, in qua licet coram impiis satellitibus, & iniquissimo Iudice, constanter tamen professus est, *se in hoc natum esse, & ad hoc venisse in mundum, ut testimonium perhiberet veritati*. Vnde & ipsi infensissimi hostes confessi sunt, *quod verax esset, viamque Dei in veritate doceret, & quod ipsi cura non esset de aliquo, nec respiceret personam hominum*.

Et quamuis diuinus ille Saluator, ideò præsertim se à Iudæis crudelissima morte præsciret occidendum, quod veritatem quam auersabantur

pa-

palam ediceret; non tamen propterea ab ipsa veritate profitenda, & propugnanda vnquam destitit.

En typus zeli quo animari debet fidelis Christi minister ad propugnandam semper & vbique ipsius veritatem: ipsius, inquam, non verò alicuius particularis Magistri doctrinam, non proprii ingenii præsumptionem, sed veritatem Christi ab Ecclesia in Conciliis generalibus, vel ab Ecclesiæ Capite in fidei decretis propalam.

Perspice igitur qualiter super hac diuinæ veritatis propugnatione affectus sis; & si quid tibi ad perfectionem zeli deest, expete à Deo.

2. Considera, vt Sacerdos Diuinam veritatem fortiter propugnet, prius requiri, vt illam fideliter profiteatur, eique humiliter in animo suo acquiescat; adeoque vt fidem illam quam tum in baptismo, tum in ordinatione professus est, sinceram & illibatam tenere, eamque ab omni periculo erroris, ab omni nota & colore non suo, sartam rectam custodire sollicitè curet; paratumque se semper & vbique exhibeat, ad quæcumque aduersa si opus sit, pro eius propugnatione subeunda.

Proba igitur temeripsum, ipse reipsum tenta, si es in fide; inspicere qua-

lis sit illa fides tua, quam sincera, & illibata, quo fundamento innixa; pete cum Apostolis à Domino vt adaugeat tibi fidem: vel si te quomodo-cunque in ea vacillantem deprehendas, inclama cum illo altero, vt adiuuet incredulitatem tuam.

3. Considera medium optimum ad tenendam veram Christi fidem, illiusque proinde veritatem propugnandam, esse ipsius Ecclesie iudicio, summiq; Pontificis decretis in materia fidei humiliter & inconculsè stare, abnegato proprio, aut quorumcumque aliorum iudicio.

Discat proinde Christianus Sacerdos, suoque exemplo reliquos edoceat, capriuare intellectum in obsequium fidei, omnemque proinde in rebus fidei abigere curiositatem.

Sicut autem à vera fide aberrantes, ad ipsius veritatis tramitem reuocare, illisque manum adiutricem porrigere præcipuo charitatis affectu debet; sic etiam in erroribus damnatis obstinatos & contumaces auersari, eorum amicitiam repudiare, consortiumque & alloquium quantum fieri poterit deuitare; Sanctorum ipsorum exemplo tenetur, tum ad propriam cautelam, tum ad aliorum exemplum, vt scilicet hinc reliqui fideles discant quo studio, qua cura

ab eiusmodi hominibus cauere debeant.

Vide igitur & coram Deo attentè perspice qualiter te habeas in hoc fidei negotio ; an aliquis respectus humanus , aliqua prudentia sæculari & politica obitet , quominus ea , qua decet constantia , pro vera Christi fide milites , teque illius propugnatorem asseras : pete ab ipso Christo , fidei robur , animique fortitudinem tibi necessariam .

MEDITATIO XVIII.

Christi Domini amor erga Deum Patrem.

Considera nullum intellectum humanum, vel Angelicum, cogitatione assequi posse, quam nobilis, quam præcellus, & quam omnimodè perfectus fuerit ille amor quo Dei filius, homo factus, Deum Patrem dilexit : & quæ fuerit illius dilectionis longitudo, latitudo, sublimitas, & profundum.

Nemo quippe ad supereminentè illam scientiam charitatis Christi pertingere potest ; suffigiat hic agnosce-

re omnem Patriarcharum , Apostolorum , Martyrum , & Sanctissimorum quorumcumque erga Deum amorem licet flagrantissimum , omnes Seraphinorum quantumvis ignitos & flammeos charitatis affectus , meram glaciem videri , imò glacie ipsa frigidiores reputari , si cum sacris diuini illius pectoris ardoribus comparentur : solus ille diuinus Saluator amoris diuini præceptum quod ipse promulgauerat , perfectissimo modo in terris adimpleuit.

Pete igitur ab eo vt vel scintillam illius ardentissimi amoris in cor tuum immittat , quæ illud purificet , excitet , accendat , incendatque , ac tandem feliciter in Diuinis illis ardoribus consumat.

2. Considera Sacerdotem Christianum ad perfectiorem Dei dilectionem peculiari ratione præ aliis obstringi ; tum quia maiorem præ illis perfectionem conlectari tenetur ; quæ vtique in maiori charitate consistit : tum quia maioribus diuinæ gratiæ beneficijs præuentus , ad maiorem quoque illorum authori dilectionem rependendam obligatur ; tum denique quia ratione sacrorum ministeriorum Deo propior factus , arctiori etiam charitatis vinculo ipsi vniri debet.

Vide

Vide igitur an specialibus illis amandi Dei obligationibus pro muneris tui debito respondeas? an te à Christo Domino tot vinculis charitatis trahi sinas? ora, vt fortiùs & efficacius adhuc trahat: dic illi, *traheme post te, curremus in odorem unguentorum tuorum.*

Offer illi cor tuum, voluntatem tuam, teipsum & omnia tua; vt totus illius sis, totus illi viuas, totum te pro eius amore superimpendas.

3. Considera varios modos quibus in Deum per veram charitatem tendere vales.

In primis affectu quemcumque cordis tui à creatis rebus abstrahendo; & in Deum solum transferendo, ita vt nihil ames nisi Deum, aut in Deo, aut propter Deum: nullam mensuram, nullum modum in charitate ponendo, Deumque summe diligendo, & ea quæ illi placita sunt, omnibus & quibuscumque aliis rebus præponendo: creberrimos etiam & intensissimos amoris in Deum actus eliciendo.

Præterea non modo affectibus, sed & effectibus, tuæ in Deum dilectionis probationem exhibendo, & ea exequendo quæ Deo grata & accepta esse perspicias: imò libenter diuini amoris causa perferendo.

quæcumque molesta & aduersa .

V de igitur vt virtutem illam diuinam in te otiosam esse non finas , sed eius actus siue elicitos , siue imperatos , quam perfectissimè , & quam creberrimè exerceas , imò omnes actus , sermones , sensusque tuos , iugiter diuino amorì dedices .

MEDITATIO XIX.

Christus Dominus ad gloriam Dei Patris sui sese omniaque sua referens .

I. **C**onsidera Christum Dominum hunc sibi præcipuum , imò vnicum actionum & passionum suarum scopum proposuisse , scilicet vt Deum Patrem suum glorificaret , vt eius honorem in mundo collapsum instauraret .

Hanc nimirum Diuinam gloriam in exequendo Incarnationis suæ mysterio spectauit ; ad hanc cogitationes suas , sermones suos , opera sua , vitam suam , mortem suam , omnia denique sua & seipsum , semper & ubi-

vbique retulit; & intentionem illam
 diuinæ gloriæ ita sibi in animo præ-
 sentem; cordique suo infixam ha-
 buit, vt nullo vel tempore, vel loco,
 quauis de causa; neque diu; neque
 noctu, vel vnico momento eam
 interruperit; vnde in Scripturis per
 quandam eminentiam vocatur *gloria*
Dei, eo quod perfectissimè, & con-
 stantissimè in omnibus Deum Pa-
 trem suum honorificauerit, eiusq; glo-
 riæ instaurandæ; & propagandæ se-
 ipsum totum, semper & vbique
 impenderit.

Isa 60.

En exemplar cui te conformare
 quodque in te exprimere debeas:
 ideò nempe corpus, & animam; &
 vitam, omniaque reliqua dona, cum
 naturæ, tum gratiæ à Deo accepisti,
 vt omnia illa, & te ipsum totum ad
 eius gloriam referas; & non tibi; ne-
 que mundo, sed Deo soli viuas: ac
 præsertim ad hunc finem Sacerdota-
 lis ministerij gratia collata tibi est,
 ideoque ab Apostolo vocaris *homo*
Dei, id est homo qui tuus esse desi-
 sti, totusque Dei esse debes.

1.Tim.6

1. Considera quantum aberra-
 ueris ab illo Diuinæ gloriæ scopo,
 quem tamen solum & vnicum specta-
 re debuisti: quot actiones à te elici-
 tæ fuerunt; quibus Deum, quem
 glorificare debebas, inhonorasti?

X 4

quot

quot negotia suscepta, in quibus quæ fuisti quæ tuæ sunt, non quæ Iesu Christi? quot opera præcipitanter, & solius naturæ impulsu à te exercitata? quot vitæ tuæ tempora, quot dies, quot horæ, quot momenta inutiliter elapsa, in quibus nullam Deo gloriam dedisti? & quando aliquid pro eius honore utcumque operatus es, quam tepidè, quam imperfectè id à te præstitum.

Hæc sedulo recogitans, ingemisce, confundere, veniam pete, & in posterum aliquid melius propone.

3. Considera ut honorem illum, quem Deus à te iustissimè expetit, ipsi exhibeas, intentionemque tuam ad eum glorificandum perfectè dirigas, hoc præsertim tibi cauendum esse, ne vnquam vlli obliquæ, aut minus rectæ intentioni, in quocunque opere tuo, aditum præbeas; nullam vanæ gloriæ auram vllatenus admittas, in iis præsertim ministerii tui functionibus quæ palam, & in aliorum oculis fiunt: in quibus proinde tibi ipsi sollicitè inuigilare debes, ut semper, & vbiq; vnicam Dei gloriam intendas, & ad hanc intentionem eo modo concipiendam, & dirigendam te assuescias.

Neque solum in præcipuis Religionis & pietatis operibus, sed & in

in quibuslibet aliis actionibus etiam indifferentibus, hunc vnicum finem spectes, & iuxta monitum Apostoli, siue manduces, siue bibas, siue quid aliud facias, omnia facias in gloriam Dei.

MEDITATIO XX.

*Christus Dominus actiones
Religionis exer-
gens.*

I. **C**onsidera quam perfectæ fuerint animi, corporisq; dispositiones, quibus Christus Dominus actus quoscumque Religionis exercuit, siue in teneriori ætate, quando sanctissimâ Virginem matrem vna cum S. Ioseph, templum Hierosolymitanum adeuntem affectabatur; siue in prouectiori, cum tanquam Mediator & summus Sacerdos in eodem templo Patrem orauit, eique seipsum Religioso cultu obtulit, & ad omnia quæcumque gloriam illius, hominumque salutem spectaret, paratum sese exhibuit? quanta pu-

tas humilitate & reuerentia, quanta deuotione & dilectione, hæc & alia eiusmodi Religionis officia peregit? qualis tunc in eius vultu, ac totius corporis habitu, gestu, & compositione, modestia effulserit.

Vide igitur vt facias iuxta diuinum illud exemplar, quod tibi propositum est.

2. Cōsidera quæ sit Sacerdotum aliorumque Ecclesiæ ministrorum obligatio ad ritè peragenda quæcumque religionis officia, sacraque functiones debitè obeundas. Idèd siquidem in ordinatione gratia illis collata est, quæ vtique ab illis negligenda non est.

Neque enim Christiano Sacerdoti satis est, quod à peccatis grauioribus absteineat, nisi etiam ea Religionis & pietatis opera, quæ ministerij sui propria sunt, conuenienter exequatur: puta vt Diuinis officijs intersit, sacro altari famuletur, chorum subsequatur, Sacramenta ministret, doctrinam Christianam prædicet, & alias eiusmodi Ecclesiasticas functiones exerceat, quæ sunt veluti sacri quidam fructus quos ab eo Deus exposcit.

Caue tibi ipsi, ne ista negligendo, aut segniter, vel perfunctoriè exequendo, sis in Ecclesia Christi veluti

ar-

arbor infructuosa, quæ ad nihil aliud apta sit, nisi vt excidatur & in ignem mittatur.

3. Considera, qua ratione te ipsum excitare debeas ad hæc Religionis officia eo quo decet modo peragenda; si nimirum cogites quantus tibi sit honor, quanta gloria, eundem Deo famulatum impendere in terris, qui a beatis Angelis in cælo ipsi exhibetur: sanè si iustus rerum esse velis æstimator, pluris facies, vel minimum in Ecclesiasticis ministeriis obsequium Deo exolvere, vel abiectissimum cuiuslibet ordinis inferioris officium exercere, quam sublimioribus ipsius mundi potiri dignitatibus, & qualiscumque authoritatis, aut potestatis sæcularis munera obire: imò quam regna & imperia terrena obtinere; sublimior siquidem & gloriosior longè est Christi seruitus regum opibus & potentia.

Vide igitur vt ministerium tuum honorifices, illudque, vt pat est, impleas, & ad hoc cælestis gratiæ opem suppliciter exposce.

MEDITATIO XXI.

Christus discipulos suos modum orandi edocens.

I. **C**onsidera discipulorum Christi pium orandi studium, cum à Domino expetierunt ut doceret eos orare, & vicissim admirabilem plane *clementiam*, & benignitatem ipsius Domini eos modum debite orandi edocentis, seseque eorum, & nostræ imbecillitati tam suauiter accommodantis.

Quis enim Rex vnquam subditos suos edocuit qua ratione aliquid ab eo exorandū esset? eosque ut quodcumque ipsis libuisset, ab eo postulerent, inuitauit? hoc nempe illius solius proprium est, cuius natura bonitas, cuius opus misericordia.

Vide igitur qualiter te erga Dominum adeo clementem & benignum gerere debeas? qua attentione, quo affectu eum orare, te docentem, auscultare, quæ ab eo didiceris fideliter exequi?

Con-

2. Considera excellentiam illius orationis, quam Christus discipulos suos edocuit, & quam ipsa Ecclesia, in sacris officiis ministeriisque sæpius à quolibet Sacerdote quotidie repeti voluit; perpende singula eius verba, ut eam deinceps eo quo convenit devotionis sensu proferas.

Pater, vide ne forte dignus non sis, qui ab eo voceris filius?

Noster, ergo & alii fratres tui sunt?

Qui es in cælis, ergo quæ sursum sunt querere debes, quæ sursum sunt sapere.

Sanctificetur nomen tuum, hocne primum & præcipuum est tuæ voluntatis desiderium, ad quod omnia alia desideria, & consilia, & opera tua referas?

Adueniat regnum tuum. Sentisne poenam exilii tui? & cum cælestis patriæ tuæ recordaris; ad illamne toto affectu anhelas: potesne dicere cum Propheta, *sicut desiderat cervus ad fontes aquarum, ita desiderat anima mea ad te Deus*.

Fiat voluntas tua sicut in cælo & in terra. Vide an Dei voluntatem, in omnibus & quibuscumque, tuæ voluntati præferas? an ex animo dicas: *Pater, non mea, sed tua voluntas fiat; non sicut ego volo, sed sicut tu vis*.

Con-

3. Confidra quatuor reliquas petitiones, quarum corporis, tum animæ necessitates spectant.

Panem nostrum quotidianum da nobis hodie, vide an aliquid amplius appetas? an habens alimenta, & quibus regatis his contentus sis.

Et dimitte nobis debita nostra, sicut & nos dimittimus debitoribus nostris. Vide an post decem millia talentorum tibi condonata, centum denarios à conseruo tuo, cum rigore, imò plerumque cum dispendio iustitiæ, vel charitatis, velis exigere?

Et ne nos inducas in tentationem, vide ne temetipsum vitro temptationis laqueis implices? ne des locum diabolo.

Sed libera nos à malo; caue ne liberatus, iterum relaberis; ne spiritus nequam rediens, septem alios spiritus nequiores se inducat, fiantque nouissima tua peiora prioribus? pete, vt Diuinus ille Saluator non modo te liberet ab omni malo, sed & ostendat tibi omne bonum.

MEDITATIO XXII.

*Christus Dominus perfecta
orationis conditiones
proponens.*

1. **C**ONsidera sex orationis conditiones, quas Christus Dominus in Euangelio proposuit, easque discipulis suis suggessit, velut sex alas mysticas, quibus infiat Seraphinorum, usque ad Deum cogitatione & affectu euolarent.

Harum duæ priores sunt, ut oratio fiat cum attentione & reuerentia; Mat. 26
Videte, vigilate, & orate, inquit Christus, mentis oculi aperiendi, vigiliq; & intento in Deum animo exhibenda est oratio.

Rursus idem Dominus, non verbis solum, sed maxime suo demonstravit exemplo, qua reuerentia: tum interiori, tum exteriori, orandus esset Deus; legimus siquidem in Euangeliiis ipsum, licet Deo Patri equalem, ferè semper flexis genibus, & sæpe in faciem prostratum orationem fudisse: & in quocumque situ oraret, vultu, oculis & toto corporis habitu,

tu, summam in Deum reuerentiam testatum fuisse, propter quam etiam illum speciatim exauditum fuisse dicit Apostolus.

2. Considera duas alias orationis condiciones: scilicet vt fiat in spiritu humilitatis, & in animo contrito. Vtramque expressit Dominus in Publicano, qui cum in templum ascendisset oraturus, à longè stans, ne quidem pro summa sui demissione audebat oculos leuare in cælum, ac in signum contriti cordis percutiebat pectus suum dicens, *Deus propitius esto mihi peccatori: vnde & prae Phariseo quantumuis ieiunante, & decimas exolvente, non modo exauditur, sed iustificatus descendit in domum suam.*

Et prodigus dissipata licet substantia, quia tamen cum humilitate & contritione ad Patrem reuerius dixit: *Pater peccaui in cælum & coram te, iam non sum dignus vocari filius tuus: ideo non modo veniam delictorum, sed & paternos amplexus, & in pristinum gradum restitutionem promeritus est: cor siquidem contritum, & humiliatum nunquam despiciet Deus.*

3. Considera, duas vltimas orationis condiciones, nimirum vt fide-ter & perseveranter fiat: & confiden-

dentiam quidem ac spem excitauit
 Christus Dominus, cum asseuerauit
 illud omne à Patre suo impetrandum
 fore, quod in eius nomine postularetur;
 perseverantiam verò exegit, cum
 semper orandum & nusquam ab ora-
 tione deficiendum esse dixit; illudque
 exemplo pauperis viduæ ab iniquo
 iudice vindictam de aduersario per-
 seueranter postulantis, & ab eo vel in-
 uito perseverantia sua extorquentis,
 declarauit.

Disce igitur ab illo diuino Magistro
 quales esse debeant orationis tuæ cō-
 ditiones, & eas quotiescumque ora-
 tioni vacabis, ac præsertim quādo di-
 uinis officiis exoluendis incumbes,
 quam perfectissimè obseruare stude.

MEDITATIO XXIII.

*Christus Dominus Sacramen-
 torum conficiendorum, &
 administrandorum potesta-
 tē discipulis suis conferens.*

Considera, præcellentiam
 illius sacrae potestatis, quā
 Christus Dominus discipulis & Sa-
 cerdotibus suis ad maius Ecclesiæ suæ
 bonum contulit: quam tamen nulli
 beatorum Angelorum concessam es-
 se

se voluit: Suspice, & mirare effusâ in te, licet, immeritisimum, Divinæ munificentiae largitatem: agnosce quantum honor, & quanta dignitas, ex cōcessa potestate dona illa coelestia dispensandi, tibi obveniat? caue ne ministerium adeo excellum & divinum in te vilescat? *ne in te reperiatur potestas summa, & visa infima.*

2. Considera, quantâ sollicitudinem adhibere debeas in Divinis illis Sacramentis ritè, ac debitè dispensandis, quanta curâ cauere ne margaritas illas cœlestes mittas ante porcos, neve Sanctum dare canibus velis.

Perpende seriò, non leuiorem quàm impietatis, aut sacrilegii reatum, in indebita illorum administratione incurri, & de hac administratione strictissimam tibi coram supremo Iudice reddendam esse rationem. Pèrspice igitur ne dum aliorum salutem promovere studes, tibi ipsi damnationem acquiras; & indignis Sacramenta illa divina dispensando, indignationem ac iram Dei super te, & super illos inducas.

3. Considera quod si in iis, qui Sacramenta suscipiunt condignæ requiruntur dispositiones, multo magis adhuc in Sacerdote dispensante, cui non sufficit ad sacrum illud ministerium debitè obeundum, quod nullius lethalis

thalis culpæ sibi conscius fit, quodque ea quæ ex Christi Domini institutione, aut Ecclesiæ constitutione necessaria sunt rite obseruet: nisi præterea fidem, ac deuotionem, quam ab aliis exigit, in seipso habeat. Quoties igitur Sacramentum aliquod administraturus es, perpende coram Deo quid acturus sis: quam præcellens, quam diuinum sit illud munus ad quod peragendum accigeris? ut & intentionem conuenienter dirigas, & fidem, reuerentiam, deuotionem, aliasque similes dispositiones afferas, & ad id gratiæ celsæ opem implores.

MEDITATIO XXIV.

Christus Dominus corporis sui Sacramentum Discipulis suis sumendum, & alijs dispensandum tradens.

1. **C**onsidera Diuini huius Sacramenti excellentiam, inexplicabilem; in eo siquidem Christus Dominus diuitis sui erga homines amoris velut effudit: *memoriam faciens suorum mirabilium*. Suspice *ps. 110.* ineffabilem Saluatoris tui in hoc mysterio charitatem: non satis illi erat homines immensis donis & gratis.

celestibus cumulasse, infinitaque merita sua illis applicasse, nisi etiam seipsum sub speciebus huius Sacramenti totum illis donaret.

Sed præ reliquis fidelibus Sacerdotes peculiarem illius Divini Salvatoris benevolentiam agnoscere debet in hoc Sacramento, quod ipsis, tum quotidie in sacro altari offerendum, & sumendum, tum aliis dispensandū tradidit. Perpende quanti, & quam inestimabilis valoris sit thesaurus ille celestis, cuius quotidiana participatio & communicatio tibi concessa est, & dispensatio credita? nonne vere dicere potes: *ecce Dominus meus omnia sua mihi tradidit, nec quicquam eius est quod non sit in mea potestate.*

Gen. 29

2. Considera quod quanto excellentius & sanctius est hoc Sacramentum præ reliquis Sacramentis, ex quibus nimirum rivi duntaxat gratiarum effluunt, in isto autem scaturit ipse fons gratiarum, & benedictionum celestium; tanto etiam maiori religione ab ipso Sacerdote non modo sumi, sed & dispensari fidelibus debet.

Et quavis de aliorum Sacramentorum administratione coram supremo Iudice sit illi respondendum, de istius tamen non modo sumptione, & dispensatione, sed & contestatione,

al.

asseruatione, aliisque eius cultum spectantibus, longè strictior ratio ab eo exigetur: neque verò leues cēsendi sunt illi defectus, quibus ex culpabili aliqua negligentia, aut præcipitatione, seu inaduertentia peccatur in reuerentiam, aut obseruantiam illi debitam; *honor quippe Regis iudicium diligit*

Perspice igitur serio qualiter te geras non modo in sumptione & communicatione huius diuini Sacramenti, quæ quo frequentior est, eo perfectiorem haud dubiè requirit dispositionem, sed etiam in eius dispensatione & reliquo cultu? Vide qua cura, & religione illud administres, illud contrectes, aut eiusdem custodiæ inuigiles, & reliqua officia, & obsequia sacris canonibus præscripta illi exhibeas.

3. Considera vnā ex præcipuis partibus sacerdotalis ministerii esse, vt quantum fieri potest non modo impediatur indigna diuini huius Sacramenti sumptio, & à sacra mensa publici peccatores publicè arceantur occulti occultè: idq; nullo habito respectu dignitatis, cōditionis, aut cuiuscumque alterius rei: sed etiam, vt prohibeatur quæuis irreuerentia, & irreligiositas, in Templis in quibus asseruatur; & è contra inducantur fide-

de.

deles, tum ad frequentē & dignā illius communicationem: tum etiā ad honorem & cultum condignum ipsi deferendum, religiosamque modestiam coram eo retinendam.

Vide igitur ne aliquis respectus humanus, aut noxius pudor obftet, quominus hanc ministerii tui partem fideliter exequaris? & quibus poteris modis procura, ut eliminentur ab Ecclesiis prophana, & vana colloquia, gestus indecentes, obambulationes, strepitus, & quæcumque alia, sanctitati loci, in quo Dominus tuus adest, minus conuenientia.

MEDITATIO XXV.

Christus Dominus in cruentum corporis sui sacrificium à Sacerdotibus offerendum instituens.

I. **C**onsidera Maiestatem, & sanctitatem illius Divini sacrificii, quod Christus Dominus in ultima cœna instituit, & à discipulis Sacerdotibusque suis, ubiuis terrarum, omnibus diebus, usque ad
con-

consummationem sæculi offerri præcepit. Sanè cum Diuinus ille Saluator in omni vita sua tenuitatem, & paupertatem affectatus fuerit, in hac duntaxat actione ornatum quendam, & splendidum apparatus adhiberi voluit: coenaculum siquidem delegit grande stratum in quo sanctissimū hoc sacrificium institueret, vasa etiā gemmea & exquisita (quæ huc vsque in quibusdam Ecclesiis asseruata sunt) in quibus pretiosam illam hostiā deponeret, & offerret: vt nimirum significaret qualis deberet esse, non modo exterior, sed præsertim interior cuiuslibet Sacerdotis, ad diuinam illam actionem apparatus & ornatus; & qua fide, qua religione, qua reuerentia, & deuotione viuifica illa hostia per ipsius Sacerdotis manus quotidie offerenda esset. Vide qualiter in tremendo illo sacrificio teipsum geras: quales tum corporis tum animi dispositiones ad illum celebrandum afferas.

2. Considera dispositiones illas triplicis esse generis, aliæ siquidē antecedere debent diuinum hoc sacrificium, aliæ comitari, aliæ subsequi: ac in primis eximia quædam animi puritas requiritur, ideoque sacramentalis peccatorum confessio, corde contrito & humili expressa, frequenter

ter peragenda est ; actusque fidei ,
spei , charitatis , religionis sæpius
eliciendi ac præmittendi , & dirigen-
da ipsa intentio , aliæque omnia
requisita ad sacram hanc actionem
sollicitè prævidenda & præparanda .

Tum in ipsa actione , oportet in
Sacerdote celebrante singularem
quandam elucere modestiam , &
deuotionem , & ea quæ dicuntur
distinctè & attentè ab eo proferri ,
piisque in Deum affectibus (velut
animari ; vt scilicet religiosa illa
& solemnis oratio , sicut incensum
in conspectu Dei dirigatur : & hoc
quidem in toto actionis decursu , sed
præsertim in consecratione attentio
innouanda est , ac interim dum

Diuinus ille Agnus super altari , instar
cælestis cuiusdam victimæ situs est ,
ibique seipsum inter flammæ suæ
charitatis , in Dei Patris honorem
mysticè immolat ; tunc maximè ac-
cendi & effervesce debet deuotio
Sacerdotis .

Ac demum peracto & consumma-
to sacrificio , aliquanto tempore
animus recolligendus & orationi
vacandum , in qua gratiæ Deo pro
immensis eius beneficijs per hoc sa-
crificium collatis agantur , & ipse
Sacerdos semetipsum illi , suæque
omnia offerat *tanquam hostiam vi-*
uentem.

uentem, sanctam, Deo placentem, & omnimodum illi obsequium spondeat.

Perspice an eiusmodi dispositiones afferas, & si quæ desit, sedulo supplere cura.

3. Considera quantum Christiani Sacerdotis intersit Diuinum sacrificium, debitè perficere, proindeque supradictas dispositiones afferre: *maledictus* siquidem dicitur, *qui facit opus Dei negligenter*: at qui sauis constat nullum aliud opus adeo Sanctum & Diuinum à Christi ministris tractari posse, quam hoc ipsum tremendum mysterium; & ex consequenti, vt in sacro Concilio Tridentino edicitur, omnem operam & diligentiam in eo à quouis Sacerdote, ponendâ esse, vt quanta maxima fieri potest interiori cordis munditia, & puritate, atque exteriori deuotionis, & pietatis specie peragatur.

Sanè si eximius huius sæculi vir, sanctitate, & religionis zelo conspicuus, audito Sacerdotis cuiuspiam, post primam duntaxat Missam celebratam, decessu, verè dicere potuit, summâ illi coram Diuino Iudice, de vnico illo sacrificio reddendam esse rationem: quid de teipso cogitare debes, post tot Missas, tam exili ac prope nullâ dispositione, imo fortassis cum magna indispositione celebratas.

MEDITATIO XXVI.

*Christus Dominus gratia sua
mysteria discipulis suis
aperiens.*

1. **C**ONsidera sex præcipuas circa
Diuinam gratiam veritates,
Christiano Sacerdoti scitu maxime ne-
cessarias, & ex iis conuenientes affe-
ctus elicere stude.

*Prima est omnem gratiam à Christo
Domino tanquam à radice procede-
re, nosque omnes de eius plenitudine
accipere; vnde ipse in Euangelio di-*
Ioan. 15 *scipulos suos alloquens, ego sum vitis,*
inquit, vos palmites; qui manet in me, &
ego in eo, hic fert fructum multum, ad-
ditque, quia sine me nihil potestis facere,
quibus verbis declarat, non modo ab
ipso esse omne bonum quod in nobis
est, sed sine ipso, nihil boni prorsus in-
1. Cor. 3 *nobis inesse posse, nosque proinde suffi-*
cientes non esse cogitare aliquid ex nobis,
quasi ex nobis, sed sufficientiam nostram
ex Deo esse. Vide igitur quantum diuino
illi Saluatori obstrictus sis, & quam
humiliter de reipso sentire debeas.

*Secunda est gratiam illam esse nobis
indebitam, & ex mera ipsius Christi
Domini beneuolentia ortum ducere:*
 ipsum

ipsum singulis diuidere prout vult, his quidem copiosius, aliis parcius: neque tamen inde vllum conqueri posse, alias audire mereretur: *tolle quod tuum est, & vade; an non licet mihi quod volo facere?* Mat. 20
 Humiliare igitur sub potenti manu Dei, & gratias quas accipis, tibi maxime indebitas agnosce.

Tertia est. Christum, veram lucem, illuminare omnem hominem venientem in hunc mundum, nullique gratiæ suæ opẽ denegare, quoniam locumque necessaria est ad aliquod peccatum deuitandum, aut præceptum observandum: nemini- que proinde mandata Dei esse obseruari impossibilia, alioquin frustra ipse Christus Dominus dixisset: *Venite ad me omnes*: si aliqui essent quibus vires ad veniendum necessarias subtraheret, *nec iugum eius suauis, aut onus leue foret*; si sub interminatione mortis æternæ præciperet impossibilia. Agnosce igitur ineffabilem erga te Dei bonitatem, quæ licet immeritissimum, nusquam tamen gratiæ suæ donis & auxiliis priuauit, sed ea in te non modo sufficienter, sed & largiter effudit. Ioan. 1.

Quarta est gratiam ita iuuare, vt tamen nullam inferat agendi necessitatẽ: proindeque illum interdum, & nimis læpẽ, praua hominum voluntate repelli & abiici; vnde conqueritur Christus in Euangelio, *quoties volui con-* Mat. 23

LUC. 10. *gregare filios tuos quemadmodum gallina*
IO. 17. 12. *congregat pullos sub alas, & alio in loco;*
Va tibi Bethsaida, va tibi Corozaim, quia
si in Tyro, & Sidone facta fuissent virtutes
qua in te facta sunt, olim in cinere, & cilicio
pœnitentiâ egissent. Caue ne aliquâdo fi-
milis aduersus te fiat exprobratio, am-
bula dum lucem habes, ne nox illa te
comprehêdat in qua nemo potest am-
plius operari.

Quinta est eos, qui gratiæ cooperan-
tur, nullatenus inde gloriari in seipsis
posse, & quamuis omnia fecerint, quæ
ipsis præcepta sunt, sese tamen semper
LUC. 17 *(vt monet Christus Dominus) seruos*
inutiles agnoscere, & profiteri debere; si
quid enim boni in ipsis est, non est ex
ipsis, sed ex Deo, omne quippe bonum
defursum est, descendens à Patre lu-
minum. Si quando igitur aliqua tibi co-
gitatio gloriandi obrepât: Audi Apo-
1. COR. 4 *stolum commonentem, quis te discer-*
nit? quid habes quod non accepisti? si autem
accepisti, quid gloriaris quasi nō acceperis?

Sexta denique ab iis qui copiosas
magis, ac speciales gratias accipiunt,
maiores etiam & vberiores bonorum
operum fructus præ aliis exigunt: cui enim
multum datum est, inquit Christus, mul-
LUC. 12. *tum quæretur ab eo, & is qui quinque*
talenta acceperat, alia quinque lucratus est,
nullam recepturus laudem, imò fortas-
se repullam passurus, si duo tantum
ex lucro retulisset. Per-

Perpende igitur quantas & quam
 speciales gratias præ innumeris aliis
 accepisti, quot sanctis cogitationibus
 illustratus, piis moribus excitatus, &
 aliis specialibus auxiliis præuentus: vi-
 de vt teneas quod accepisti; vt nemo
 coronam tuam accipiat; cum timore
 itaque ac tremore operare salutem
 tuam, fideliter gratiis tibi collatis coo-
 perando: & caue ne propter segnitiam
 tuam in diuino iudicio audias, *seruum*
inutilem & pigrum eijcite in tenebras ex- Mat. 25
teriores.

MEDITATIO XXVII.

*Christus Dominus discipulos
 suos ad commanendum
 sibi inuitans.*

1. **C**ONsidera singularem prorsus,
 ac ineffabilem Christi Domi-
 ni erga discipulos suos dilectionem,
 cui nimirum non erat satis illos gratiis
 specialibus, & copiosissimis cumulaf-
 se, ipsarumque gratiarum veluti fontē
 in eos refudisse, nisi arctiori adhuc a-
 moris vinculo eosdem sibi vniret: *Ma-*
nete, inquit, in me, & ego in vobis, quasi
 intimum cordis sui sinum illis aperiēs,
 & vnum quid cum illis esse exoptans?
 Perpende sedulo vim & significatio-

nem verborum illorum: vide post tam singulare charitatis testimonium, quē sensum, quem affectum erga amantissimum illum Dominum tuum concipere velis, quid ex tua parte præstare debeas, ut tu in illo maneat, & ille vicissim in te.

sup. 2. Considera fructus qui ex illa desiderabili mansione reciproca consequuntur. *Qui manet in me*, inquit, *& ego in eo, hic fert fructum multū: item, si manseritis in me, & verba mea in vobis manserint, quodcūq; volueritis petetis, & fiet vobis.* Si igitur manes in Christo, & Christus in te, labora, operare, fiducialiter age, etenim ipse Dominus dabit benignitatem & terra tua dabit fructum suum. Orationes tuas & preces cum fiducia funde; spiritus quippe Christi in te manens adiuuabit infirmitatem tuam, orabitque tecum, & pro te, gemitibus inenarrabilibus. Sed nunquid parum tibi videtur in ipso Christo cōmanere? nōne hoc vauum satis superque tibi esse deberet, etsi nullus alius inde sequeretur fructus? Dic igitur, *mibi adharere Deo bonū est, quid enim mihi est in caelo, & à te quid volui super terram: Deus cordis mei, & pars mea Deus in aeternum.*

Pf. 72.

3. Considera varios modos quibus tu in Christo maneat & Christus in te:
1. Per visionem potentiarū animæ tuæ cum illo: nimirum iugiter de illo cogi-

gitando, eius actiones, passiones, & reliqua diuinæ illius vitæ mysteria meditando, cum eo per orationem colloquendo, eius charitati & misericordiæ infinitæ innotendo, ipsum toto voluntatis affectu & conatu diligendo, crebrosque erga eundem amoris actus eliciendo, omnia tua & teipsum ad eius gloriam referendo, voluntatem tuam eius voluntati, quam perfectissimè submittendo. 2. Per ipsius Christi Domini imitationem, teipsum in omnibus illi conformando, virtutes illius, & vitā in te exprimendo; & veluti ipsammet Christum in te, aliis exhibendo; *Qui enim dicit se in illo manere, debet sicut ille ambulauit & ipse ambulare.*

4. Per frequentem, imò quotidianam & condignam sanctissimi Sacramenti Eucharistiæ participationem, & in illo Sacramento intimā animæ tuæ cū ipso Christo vnionem, idque non solo affectu, sed & effectu; verè siquidem, ac realiter in te manet Christus, & tu in illo: vide igitur quomodo tam eximiis charitatis vinculis Domino Deo tuo ita vniaris, vt neque tribulatio, neque angustia, neque mors ipsa te vnquam ab illo diuellere aut separare possit.

MEDITATIO XXVIII.

*Christus Dominus discipulos
suos aduersus tentationes
præmunens.*

1. **C**onfidera eximiam Christi Domini erga discipulos suos charitatem: siquidem cū iam iam passioni proximus esset, mortisque illius atrocissimæ quam subire debebat, imago ipsi ob oculos obuersaretur, immemor tamen sui, & de suorum tantummodo salute sollicitus, eos alloquens: *Ecce,*
Luc. 22. inquit, Sathanas expetuit vos, ut cribra-
ret sicut triticum.

En monitio Christi Sacerdotibus maxime perpendēda, ut scilicet probè intelligant, si fidehiter in ministerio suo gerere se velint, varias & interdum infestissimas tentationes illis esse subeundas. Certum est quippe illos in prima Ecclesiæ militantis acie constitutos, & non pro sua tantum, sed & pro aliorum salute dimicatuuros, acriores hostium impetus experturos esse.

Quare illud sapientis tanquam tibi dictum ausculta: *fili accedens ad seruitutem Dei, stā in iustitia & timore, & prapara animam tuam ad tentationem, & caue ne, ut ait sanctus Hieronymus, tunc maxime oppugneris, cum te oppugnari minime sentis.* Con-

2. Considera Christum Dominum.

non solum suos admonuisse de tentationibus obuenturis, sed & illos edocuisse rationem, qua possent non modo ipsarum tentationum periculum euadere, sed & de hostibus impugnantibus victoriam reportare: *Vigilate*, inquit, & *orate*: en duo media optima, & saluberrima, quibus quisque valeat, tum aduersus tentationes futuras animum suum præmunire, tum etiam ipsas tentationes irruentes propulsare. Mat. 26

Primum est, vigilantia, quæ super seipsum actusque suos exteriores & interiores continuò inuigilet: dicatque cum Propheta, *anima mea in manibus meis semper, & legem tuam non sum oblitus*. Ps. 113.

Secundum est, oratio, qua humiliter inuocet Dei auxilium, sine quo, ipsa vigilantia, quantacumque sit, minime sufficit.

Quisquis es igitur sacre Christi militie ascriptus, vide, vt Imperatoris tui monita exequaris: *Vigila, & ora*; vigila tibi ipsi maximè diffidens: ora, in diuinæ misericordie subsidium omnino confidens, & singulis diebus hæc duo tibi in mentem reuoca.

3. Considera aliud mediū aduersus quascumque tentationes præstantissimum, nimirum vt non modo cum tentatio ipsa vrget & infestat, sed etiam antequam insurgat, vnusquisq; ad pugnam

Luc. 8.

gaam se præparat, itavt non solum periculosas quasque deuter peccandi occasiones, non modo aditus omnes per quos hostis irrumperere posset occludat; sensusque suos exteriores sollicitè custodiat; sed & in iis virtutibus sedulo seipsum exerceat, quæ temptationis tempore sibi auxilio & præsidio esse valeant; ne videlicet sit ex illorum numero qui (vt Christus Dominus, dixit) *radices non habent*, id est, ipso Christo per continuū virtutum exercitium radicati & fundati non sunt, ideoque *in tempore temptationis recedunt.*

Coloss. 3.
1. Tim. 6.

Igitur dum in huius vitæ militia tempus requiescat, & datur tibi aliqua cessatio ab hostium insulibus: vide vt te denuo ad pugnam præpares, *mortifica membra tua quæ sunt super terram; scilicet iniquitatem, pietatem, fidem, charitatem, patientiam, mansuetudinem, aliarum quæ eiusmodi virtutum, quas tibi maxime necessarias esse noueris, actus sedulo exerce,* vt postea his celestibus armis instructus, *certare possis bonum certamen, fidem seruare, cursum consummare, vt tandem repositam tibi coronam iustitiæ valeas obtinere.*

2. Tim.
4.

MEDITATIO XXIX.

*Christus Dominus discipulos
suos ad perseverandum
adhortans.*

I. **C**onsidera hoc monitum Christi Domini discipulos suos alloquentis (*qui autem perseveraverit usque in finem hic salvus erit*) quod quidem Mat. 10 semel atque iterum illis suggessit, idque postquam prædixisset impiorum adversus ipsos calumnias & odia, tyrannorum persecutiones, populorum seditiones, itragelque regnorum, & in hac rerum confusione hæreses vndequaque emergentes & multos in errorem mittentes; subiecit nihilominus, inter has quantalcumque procellas, mundi que corruentis clades, nusquam à recto tramite virtutis ipsis deflectendum esse, fortiterque usque in finem perseverandum: illumque solummodo saluum fore, qui finalem illam perseverantiam tenuerit.

Vide igitur & sedulo apud te ipsum perpende quam necessaria tibi sit illa perseverantiæ virtus: proindeque non satis tibi esse, quod ad Ordines digne promotus fueris, quod tuæ promotionis initio functiones sacras debite exerce

re

re studueris, quod virtutes mueri tuo congruentes aliquanto tempore affectatus fueris tentationesque aliquas fortiter repuleris: vltcrius adhuc eundem tibi est, grandis tibi etiamnum restat via, pergendum tibi, laborandum, militandum, ac denique vsque in finem perseverandum. Quare animum erige, gratis acceptis fideliter vtcre, & nouas amplioresque, ac præsertim ipsius perseverantiæ gratiam singulis virtutis diebus instanter exposce.

2. Considera vnum ex præcipuis medijs quibus hanc perseverantiam tandè obtineas, esse eorum omnium, quæ te vtrumque bene gessisse opinaris, obliuisci, & S. Apostoli exemplo, ad ea quæ perficienda supersunt, extendere te ipsum: quotidieque nouo affectu ad destinatum supernæ vocationis brauiû contendere, imo si sapiis quotidie te quasi incipientem, & virtutis stadium ingredientem arbitrari.

Si enim sanctissimus Prophetæ, qui (vt ait S. Gregorius) *ad culmen perfectionis iam peruenerat, quotidie tamen quasi inchoans sic loquebatur, Ego dixi nunc exepi*; Quanto magis te id præstare decet, qui vix vno passu in veræ virtutis semita perrexeris, imò qui fortasse iter illud nondum ingressus fueris.

3. Considera alia media quæ te ad eandem perseverantiam obtinendam iuuare poterunt. Pri-

Primum est, vt vitæ tuæ tempus in quotidianis virtutum exercitiis fideliter impendas, ideoque quotidiana illa virtutum exercitia, rectè & aptè inter se disponas, ordinemque tibi aliquem vitæ tuæ præscribas.

Secundum, vt exactè ac constanter ministerii tui insignia circumferas, ac semper & vbique habitum, tonsurâq; clericalem velut *loricam iustitiæ*, salutisq; *galeam* aduersus plerasq; mundi illecebras, iuxta sacrorum canonum normam gestès.

Tertium, vt piorum probatorumque Sacerdotum conuersationem, imò & contubernium exquisitis, ac etiam inter eos fidelem quempiam amicum seligas, *cuius anima sit secundum animam tuam*, & à quo consilium, auxiliumque ac directionem expetas.

Quartum, vt collationibus, quæ de Ecclesiastica disciplina, & pietate habentur, frequens intersis: vnde nouum animum, nouasque vires resumere valeas.

Quintum, vt ad sanctissimum Domini corporis sacrificium dignè celebrandum, quotidie, quantum licuerit, te ipsum, vt par est, dispositum exhibeas: ex quo nimirum, tanquam ex Saluatoris & salutis fonte, vberrimas gratias, ipsarumque gratiarum præcipuam, perseverantiam scilicet, haurias,

Se-

Sextum, ut quotannis, quantum interit, secessum aliquem spirituales instituas, in quo ea quæ benefacta forent denuo instaurare, nouumque perseuerandi propositum firmiter concipere, & conceptum fouere, & perficere possis.

MEDITATIO XXX

*Christi Domini obseruantia
& pietas erga sanctissimam
Virginem matrem, cuius Sa
cerdoti sedulo imitanda.*

1. **C**onsidera qualis & quam eximia fuerit Christi Domini pietas & obseruantia erga sanctissimam Virginem matrem suam, quam etiam in sacro Euangelio maximè testatam esse voluit; ex quo nimirum discimus illum totos triginta annos, quibus cum ea commoratus est, his præsertim pietatis, obseruantiaque obsequiis impedisse: cumque haud dubiè per illud tempus varia eaque perfectissima Religionis, charitatis, aliarumque virtutum opera exercuerit, nihil tamen ex illis in Euangelio adnotatum esse voluit, nisi quod sanctissimæ Matri subditus esset, cuius etiam gratia castissimo eius spòso
fimi-

similem submissionem detulit.


Vide quo honore & cultu eam prosequi debeas, cuius etiam ipse Dei filius subditum se esse professus est.

2. Considera aliis etiam nominibus & titulis Christianum Sacerdotem ad specialem cultum huic sanctissimæ Virgini exhibendum obstringi, ac præsertim eo quod Dei mater sit: vnde sequitur quod cum Sacerdos pro aliis hominibus constituatur in iis quæ sunt ad Deum, similiter etiam (seruato tamen ordine debito) muneris illius sit, aliorum, erga sanctissimam hanc Deiparam, cultum & obseruantiam supplere; proindeque non suo tantum, sed & totius Ecclesiæ nomine, huic cæli, terrarumque Reginae honorem condignum deferre. Quid quod cum ipse Sacerdos Christo Domino ejus filio quadam Religionis veluti affinitate speciatim coniunctus sit, eundemque quotidie in manibus deferat, & in sacrificium offerat, quem hæc purissima Virgo & Mater toties inter vlnas & in sinu gessit: nonne hinc sequitur illum peculiari quadam pietatis & obseruantia lege erga sanctissimam hanc Deiparam teneri, eique proinde se præ aliis devotum profiteri debere. Vide igitur qua ratione huic religioso debito erga hanc sanctissimam Virginem satisfacias, quem cultum illi quotidie exhibeas, quid in eius honorem præstare velis. Con-

3. Confidera aliam adhuc rationem quæ te ad specialem huius sanctissimæ Virginis cultum, & deuotionem inuitet, nimirum quod ad Christi Domini eius filii ministerium delectus, plurimis & specialissimis diuinæ gratiæ auxiliis, ad illud fideliter implendū, indigeas; plurimis item maximisque subsidiis, ad superandas difficultates occurrentes, tentationesque vincēdas, ad quæ auxilia & subsidia impetrāda, quantum ipsius sanctissimæ Virginis valeat patrocinium & intercessio, testari potest quisquis illam ex animo coluit, & in necessitatibus inuocauit.

Quare si in virtutum sacerdotium studio firmus & perseverans esse cupis, nullam vitæ tuæ diem finas elabi, quin ad huius clementissimæ Deiparæ præsidium confugas; & ex toto cordis affectu te ipsum tuæq; omnia illi cōmendes, ipsiusque apud Deum intercessionem & patrocinium inuoces; & quo efficacius illius misericordiam permoveas, eius erga Diuinum Filium reuerentiæ ac Religionis obsequia imitari, teq; illi quantum poteris conformare con-
tende.

*Omnia ad maiorem Dei optimi
maximi gloriam.*







8-1 d

